





ՄԱՏԵՆԱՀԱՐ
Հ. Յ. Դ. ԶԱԽԱՐԵԱՆ
ՈՒՍԱՆՈՂԱԿԱՆ ՄԻՈՒԹԵԱՆ

ԹԻԻ 2

ԳԱՐԵԳԻՆ ԽԱԺԱԿ

ԻՆՉԷ

ԱԶԳՈՒԹԻՒՆԸ

ԳԻՏԱԿԱՆ ՇԵՏԱԶՕՏՈՒԹԻՒՆ



ՀԱՄԱԶԳԱՅԻՆ ԿԱԷ ՍԷԹԵԱՆ ՏՊԱՐԱՆ



ԳԱՐԵԳԻՆ ԽԱԺԱԿ

ՅԱՌԱՋԱԲԱՆ Բ. ՇՐԱՏԱՐԱԿՈՒԹԵԱՆ

Երբ երկու տարի առաջ «Մատենաշար Հ. Յ. Գ. Զաւարեան Ուսանողական Միութեան» անունով կը վերահրատարակէինք Քրիստափոր Միքայէլեանի «Յեղափոխականի Մտքեր»ը, կը շեշտէինք, որ հրատարակչական մասնագիտական աշխատանք չէր մեր ըրածը, այլ մեր երիտասարդութեան քաղաքական թերաճութիւնը դարմանելու կոչուած պարբերական երեւում մը: Մեր մատենաշարի այս երկրորդ թիւը, Գ. Խաժակի «Ի՞նչ է Ազգութիւնը» խորագրուած ուսումնասիրութիւնը, կը պատասխանէ նոյն մտահոգութեան: Հրատարակուած 1912ին՝ Պոլիս, այսօր ամբողջովին անգտանելի դարձած այս գործը մեր ուշադրութիւնը իր վրայ կը կեդրոնացնէ մէկէ աւելի պատճառներով: Նախ եւ առաջ, ան փաստաթուղթն է 1910ական թուականներու դաշնակցական տեսաբանի մը մտածումին, «գիտական հետազոտութիւն»ը (ինչպէս Վայն կ'անուանէ նոյնինքն հեղինակը) այն ներհուն մտքին, որ Գ. Խաժակ եղաւ մեր հանրային կեանքին մէջ այս դարու սկիզբին: Ապա, այս գործը է՛ նաեւ այժմէական գործ մը իր շատ մը կողմերով, եւ կը պատասխանէ մեր Ներկայի մեզի դրած հարցերէն ոմանց: Ի վերջոյ պէտք չէ մոռնալ, որ ազգային հարցը սուր կերպով վերագնահատման դրուող հարց է այսօր, ինչպէս էր

ասկէ վաթսուն տարի առաջ, ամբողջ աշխարհի տարածքին, ու նաեւ մեր հայ կեանքէն ներս:

Բնագրին կը կցենք ներկայ «Յառաջաբան Բ. հրատարակութեան»ը, որ կ'ամփոփէ գործին զըլխաւոր զիծերը, եւ կենսագրական հակիրճ նոթ մը Գ. Խաժակի մասին (*): Կցուած կը պահենք նաեւ Ա. հրատարակութեան «Յառաջաբան»ը, զրուած նոյնինքն Խաժակի կողմէ, ինչպէս նաեւ ձօնագրութիւնը՝ ուղղուած «հայ երիտասարդներին»:

*

**

Ազգը եւ ազգութիւնը մարդկային պատմութեան որոշ մէկ վայրկեանէն սկսեալ եղած են բընական երեւոյթներ, եւ ճիշդ ատոր համար՝ երկար ատեն մնացած են աննկատ: Եւ որովհետեւ անոնք չեն ունեցած զիտակցութիւնը իրենց իբր ազգ գոյութեան եւ ազգային միութեան, գոյութիւն չեն ունեցած նաեւ տեսարանական մշակում եւ զիտական պրպտումներ, ազգի հասկացողութեան սահմանումին համար:

(*) Գ. Խաժակի կեանքին ու գործին մասին յաւելեալ տեղեկութիւններ փնտռողները, ուրիշ աղբիւրներու կարգին, կրնան օգտագործել «Հայրենիք» ամսագրի մէջ լոյս տեսած Արտ. Արեղեանի գոյգ յօդուածները՝ «Գ. Խաժակ» եւ «Գ. Խաժակի երկերը» (Տես Նոյ. — Գեկտ. 1923 եւ Մարտ — Ապրիլ 1925):

Հին պատմութեան մէջ, ազգի հասկացողութիւնը ենթակայ է նաեւ ուրիշ սահմանափակումներու: Եւ առաջին հերթին, ազգը եւ ազգութիւնը կը մնան տիրապետող խաւերու սեփականութիւն: Ստրուկները, նաեւ ապատներու խոնարհ դասակարգը, դուրս կը մնան ազգի ընդգրկումէն (օրինակներ՝ Յունաստան, Հռոմ): Ազգը՝ աւելի, այս պարագային, կը պայմանաւորուի պետական կառոյցներով, եւ յաճախ կը կորսուի անոնց մէջ:

Երոպական Միջնադարը ժամանակաւորապէս կը մթազնէ, նոյնիսկ կը ջնջէ ազգային կառոյցները: Բարբարոս ժողովուրդներու խուժումը Երուպա, ցեղային եւ ցեղախմբային հասարակարգի վերահաստատումը՝ կը ստեղծեն աւատականութիւնը: Միակ կազմակերպուած հիմնարկութիւնը՝ կը մնայ եկեղեցին:

Նոր ժամանակները կը սկսին կեդրոնացեալ պետականութիւններու վերստեղծումով (ԺԴ -- ԺԵ դարերէն սկսեալ) եւ նոր դասակարգի մը՝ քաղքենիութեան աստիճանական բարձրացումով (ԺԶ -- ԺԷ դարեր): Այս հոլովոյթը երոպական քաղաքակրթութեան մէկ շատ բարդ երեւոյթն է, կապուած՝ տնտեսական, ռազմա-քաղաքական, աշխարհագրական եւ այլ տուեալներու:

ԺԸ դարու սկիզբէն, ու մանաւա՛նդ ԺԹ դարէն սկսեալ, ազգ-պետութիւնը կը հասնի վարզացման բարձրագոյն կէտին: Այս յանգումը կը յատկանշուի նոյն ատեն քաղքենի՝ դասակարգի

աւելի կամ նուազ իշխանութեան գլուխ գալովը, ազնուականութեան տեղ կամ կողքին: Այս դասակարգի իշխանութիւնը երբեմն կ'արտայայտուի աշխարհաքաղաքացիական գաղափարաբանութեամբ մը (ինչպէս ֆրանսական քաղքենիութեան պարագային), անհատներու ազատութեան եւ հաւասարութեան գաղափարներով լրացուող: Ուրիշ պարագաներու, այդ իշխանութիւնը կ'արտայայտուի ազգայնամոլ գաղափարաբանութեամբ, որու համաձայն տուեալ ազգ մը գերիվեր է միւսներէն (գերմանական քաղքենիութիւն): Երկու պարագաներուն հաւասարապէս, ազատական ըլլայ տուեալ քաղքենիութիւնը թէ պահպանողական, -- ան չի դադրիր ըլլալէ ծաւալապաշտ, կայսերապաշտ:

ԺՌ դարու երկրորդ կէսին սկսած ընկերային-դասակարգային շարժումները, գիտենք, մեկնակէտ ունեցած են ժողովրդական զանգուածները, եւ մանաւանդ բանուորութիւնը: Ասիկա՝ պահու մը, ուր քաղքենիութիւնը ազգային գաղափարներու դրօշակիրն էր դարձած, եւ զանոնք կը շահագործէր իր դասակարգային շահերուն համար: Հասկնալի է, որ, այս պայմաններուն մէջ, դասակարգային պայքարի որոշ հոսանքներու համար, ազգային սկզբունքը դառնար հոմանիշ՝ քաղքենի դասի տիրապետութեան:

*

**

Իբր փաստացի իրողութիւն, ազգը դժուար

սահմանելի է: Տեսնելէ ետք անոր պատմական հողովոյթը, այս անգամ փորձենք վերլուծել Ազգը իբր հասկացողութիւն կամ յղացք, եւ գտնել համապատասխան սահմանում:

Նախ ազգը պէտք է պանապանել ժողովուրդէն, նաեւ պետութենէն: Այս վերջինը կառավարչական իմաստով ուրոյն միատր է եւ չ'ենթադրեր անպայման ազգի գաղափար: Իսկ ժողովուրդը՝ պետութեամբ միացած բնակչութեան մը ամբողջութիւնն է, նոյնպէս անկախ՝ ազգի հասկացողութենէն: Ազգ մը, թէեւ կը ձգտի պետականութեան, թէեւ կը ձգտի պետական ժողովուրդ դառնալու, բայց կրնայ ժամանակաւորապէս զուրկ ըլլալ այդ յատկութիւններէն: Փոխադարձաբար, պետութիւն մը կամ ժողովուրդ մը կրնան բովանդակել մէկէ աւելի ազգեր: Ազգ մը, միւս կողմէ, թերեւս կրնայ մէկէ աւելի պետութիւններու վրայ բաժնուիլ: Կը մնայ տակաւին սահմանել Հայրենիքը՝ յարաբերաբար վերի հասկացողութիւններուն:

Գալով ազգութեան, ան տարբեր է շօշափելի, իրական ազգէն: Ան ազգի մը գաղափարն է, ազգի մը յատկանիշներուն վերացարկուած ամբողջութիւնը:

Եզրերու (terme) այս սահմանումէն ետք, հարկ է տեսնել, թէ Ազգը ինչպէ՞ս ըմբռնուած ու սահմանուած է պատմութեան մէջ. թէ Ազգի ըմբռնումին, հասկացողութեան համար ի՞նչ գլխա-

ւոր մտածումի հոսանքներ, ուղղութիւններ գոյութիւն ունեցած են:

Առաջին եւ ամէնէն տարրական մէկ ըմբռնումը ազգի՝ վայն կապելն է տոհմական--ցեղային սկզբունքին, տալ անոր միակ ծագում, վայն նկատել ուրեմն կենսաբանական--բնական սկզբունք: Այս նախնական մտածումը յատուկ է յաճախ ասանդական պատմութեան եւ զուրկ է գիտական հիմերէ: Ամէն փորձ՝ վայն գիտական ձեռով ներկայացնելու՝ կը տանի ազգայնամոլ--ցեղապատական զաղափարաբանութիւններու: Պահպանողական, ռազմապաշտ եւ աշխարհակալ տիրող դասակարգերն են որ կը դիմեն այս զաղափարաբանական դիմակին՝ զօրաւոր ազգերու մէջ: Կորուստի վտանգին տակ գտնուող փոքր ազգերը՝ նոյնպէս, ինքնապաշտպանութեան մտահոգութեամբ: Այս վերջին բացատրութիւնը կրնայ կիրարկուիլ որոշ չափով հայկական ազգայնամոլութեան նաեւ:

Անշուշտ սկզբնական արեւակցային--կենսաբանական կապ մը կրնա՛յ գոյութիւն ունեցած ըլլալ ազգը բաղկացնող որոշ տարրերուն միջեւ: Բայց արեւակցութիւնը տոհմային հասարակութեան շրջանը միայն կը յատկանշէ. շրջան՝ որ նախորդած է ազգերու պատմութեան: Անշուշտ կենսաբանական պատճառ մը նաեւ կա՛յ այն իրողութեան որ, օրինակ, իտալական թերակղզիի բնակիչները կազմեցին իտալական ազգը, մինչ երկար դարեր նոյն պետութեան մաս կազմող ուրիշ

տարրեր չձուլուեցան իտալական ազգին մէջ: Ուրոշ տոհմեր, տոհմախումբեր աւելի հակում ունին ձուլուելու իրար մէջ, եւ ատիկա կը բացատրուի կենսաբանականով: Նոյն ձեւով կը բացատրուին ազգէ ազգ եղած տարբերութիւնները: Բայց բոլորովին այլատարր խումբեր ալ, յաճախ, կը մտնեն ազգի մը կազմութեան մէջ, բոլորովին հալելով, կորսնցնելով ոչ միայն գիտակցութիւնը առանձին խումբի պատկանելու, այլ նաեւ ֆիզիքական՝ յատկանիշները այդ խումբին: Միւս կողմէ, այս խումբերը ձուլուելով իր մէջ՝ ազգը չի մնար նոյնը: Կը կրէ հիմնական փոփոխութիւններ նաեւ ինքը: Կը դառնայ նոր միաւոր, նոր յատկանիշներով: Իսկ բանի մը հարիւր տարուան կեանք ունեցող ազգերու մէջ, եթէ արտաքին տարբերութիւններ կան ազգի մը զանազան տիպարներուն միջեւ՝ բոլորովին անհետացած են տարբերութեան գիտակցութիւնը, նաեւ մշակութային յատկանիշները: Պարզ է, ազգը բնական-կենսաբանական երեւոյթ չէ. չի կրնար այդպիսին նկատուիլ: Նոյնիսկ եթէ կենսաբանական նոյնութեան սկզբնատարր մը կը բովանդակէ: Եւ նոյն պատճառով չի կրնար առարկայ դառնալ բացարձակ գնահատումի, ֆեթիշական պաշտամունքի:

Եթէ բնական երեւոյթ չէ, կը մնայ որ ազգը նկատենք պատմական երեւոյթ: Բայց հոս ալ մէկէ աւելի տեսակէտներ կան: Վերի ազգայնամոլ-ցեղապաշտ հասկացողութեան հակադրուող տեսակէ-

տը կայ նախ, որ պատմական մատերիալիզմի տեսակետն է. ըստ այս վերջինին, ազգային երեւոյթը երկրորդական երեւոյթ է, տնտեսական ենթակառոյցի մէկ ժամանակաւոր արտայայտութիւնը, եւ պարտի տնտեսական կառոյցներու եւ արտադրամիջոցներու հոլովոյթի մէկ որոշ հանգրուանին՝ անհետանալ՝ իր տեղը տալով դասակարգային կառոյցներու, ապա ապազգայնական եւ անհայրենիք մարդկութեան մը: Այս տեսակետները, թերեւս ոչ այսքան յստակ ձեւով, պաշտպանուած են սկըզբնական մարքսիզմի կողմէ: Այս մասին կ'անդրադառնանք քիչ ետք:

Ազգը ոչ-կենսաբանական, այլ պատմական երեւոյթ նկատող ուրիշ տեսակետ մը՝ պատմական ռէալիզմի տեսակետն է: Այս մտածումին համար ազգը պատմութեան ընթացքին կամաց-կամաց յառաջացած միութիւն է, որուն ստեղծումին մէջ դեր են ունեցած տնտեսական, պատմա-քաղաքական ու մշակութային ազդակները հաւասարապէս: Ասոնցմէ վերջինին մէջ՝ նաեւ ազգային գիտակցութիւնը, որ իր ամրապնդիչ դերը ունի ազգի վանապան տարրերուն միջեւ: Այս տեսակետին ամենամօտն է Գ. Խաժակի սահմանումը. «Մարդկանց այն խումբը, որ դարեր շարունակ ապրելով միեւնոյն բնական ու պատմական միջավայրում, իր կուլտուրայի բոլոր հարցերը լուծել է իր համար, ինքնուրոյնաբար. դրանով ստեղծուել է (.....) ազգային ընդհանուր ոգի կամ ներքին սուբեկտիւ

աշխարհ, ազգային ստեղծագործության յատուկ ձևեր եւ նոյնիսկ ազգային մի յատուկ ֆիզիքական եւ հոգեբանական տիպ»: Զանազան այս ազդակներէն մէկուն կամ միւսին տալ գերակշռութիւն՝ մեզ կը տանի միակողմանի բացատրութիւններու: Պատմական իրապաշտութեան այս տեսակէտը, հակադրուելով բնական ծագումի ցեղապաշտ ազգայնամոլ հասկացողութեան, միւս կողմէ կը հակադրուի նաեւ տնտեսական ծագումի նիւթապաշտ ապազգային հասկացողութեանը: Ան կը մերժէ նաեւ սա տեսակի սահմանում մը. «Ազգը ոչ այլ ինչ է, եթէ ոչ ռեւէ պետութեան հողի վրայ ապրող բնակիչների ընդհանրութիւնը, որոնք մըշտապէս կենում են այնտեղ» (գերմանացի գրող մը, ԺԹ դարու Բ. կէսի): Կամ՝ «Ազգը հոգեկան սկզբունք է (.....), բարոյական խիղճ (.....), ընդհանուր կամք» (Ռընան): Ասոնցմէ առաջինը ծաւալապաշտ պետութեան մը ախորժակները կը ծածկէ, երկրորդը՝ պահպանողական եւ այլամերժ իտէալիզմ մը: Ազգը բացարձակ, իտէալ արժէք չէ, այլ պատմութեան ստեղծած մէկ արժէքը, որ սակայն ստացած է բնական երեւոյթի մը կայունութիւնը, ամրութիւնը, եւ ո՛չ մէկ հակում ցոյց կու տայ անհետանալու տնտեսական կառոյցներու կեդրոնացումին եւ միատեսակացումին առջեւ:

Պատմութեան երկայնքին ստեղծուած, «բնապատմական» քատրի վերածուած այս ազգային երեւոյթին բաղկացուցիչ տարրերէն՝ աւելի կամ նը-

ապ ուշադրութեան առարկայ դարձած են լեզուն (աւելի՛ լեզուի ընդհանուր ոճը, ոգին), սովորոյթները, ասանդութիւնները, կրօնը, հայրենիքը: Երոպացի բազմաթիւ տեսաբաններ, եւ Գ. Խաժակ՝ իր կարգին, կը շեշտեն, տնտեսական-քաղաքական ապդակներու կողքին, լեզուի եւ հայրենիքի նոյնութեան դերը՝ ազգի միութեան իրողութեան մէջ:

**

Մարքսիզմը, մանաւանդ իր սկզբնական շրջանին եւ Մարքսի իսկ ձեռքով բանաձեւուած, ունի շարք մը ապապգային դրոյթներ (թեզեր), որոնք կարելի է խտացնել «Մանիֆեստ»ի սա՛ տողերով.

«Կոմունիստներին մեղադրում են, որ նրանք ուզում են ոչնչացնել հայրենիքը, ազգութիւնը: Բայց բանուորները հայրենիք չունեն: Նրանցից չէ կարելի խլել այն ինչ որ չունեն: Պրոլետարիատը, որ նախ եւ առաջ պիտի տիրանայ քաղաքական իշխանութեան, բարձրանայ ազգային դասակարգի բարձրութեան, ինքն իրեն կազմակերպէ իբր ազգ, նա դեռ եւս ազգային է, թէեւ ամենեւին ոչ բուրժուական մտքով...»:

Այս մէջբերումէն կը բխին հետեւեալ հարցերը.

ա) Մարքս կը շփոթէ իրարու, գիտակցաբար կամ անգիտակցաբար, «ազգ»ի եւ «հայրենիք»ի հասկացողութիւնները:

բ) Հայրենիք ունենալը կարելի չէ նոյնացնել սեփականութեան գաղափարին: Բանտորութիւնը սեփականութիւն չունի, ճիշդ է, բայց ուրիշ դասակարգերէ աւելի պատճառ ունի սիրելու, ու կը սիրէ՛, իր հայրենիքը, իր աշխատանքին եւ թափած քրտինքին հողը:

գ) Եթէ պրոլետարիատը պիտի տիրանայ իշխանութեան եւ պիտի բարձրանայ ազգային դասակարգի բարձրութեան (ինչ որ բացարձակապէս ճիշդ է), եւ եթէ «նա դեռ եւս ազգային է», անշուշտ ոչ «բուրժուական մտքով», իշխանութեան տիրանալէն ետք ե՛րբ եւ ինչո՞ւ պիտի ջնջէ ազգային յատկանիշը մարդկութեան մէջ:

դ) «Մանիֆեստ»ի մէջ ուրիշ տեղեր, Մարքս կ'աւետէ որ «աւելի եւ աւելի կորչում են ազգային առանձնացած վիճակը եւ ժողովուրդների միջեւ եղած անտագոնիզմը», շնորհիւ տնտեսական կառոյցներու, արտադրութեան ձեւերու եւ շուկայի կեդրոնացումին: «Առանձնացած վիճակը» եւ «անտագոնիզմը» պիտի անհետանան, պէ՛տք է անհետանան. ճի՛շդ է: Բայց ի՞նչն է որ Մարքսը կը մղէ պանոնք փոխարինելու ապազգային, միօրինակ մարդկութեամբ մը, և ո՛չ, օրինակ, այլապան բայց ներդաշնակ միջազգային ընկերութեամբ մը:

ե) Մարքս անսպասելի, նոյնիսկ ընդվզեցուցիչ կեցուածք ունի ուրի՛շ հարցի մը կապակցութեամբ: Զանապան յօդուածներով անդրադառնա-

լով «փոքր ազգերու» (չեխ, տանիմարքացի, իրլանտացի) վանոնք կը դատապարտէ իբր «ապագայէ գուրկ» ազգեր, կ'արհամարհէ անոնց ազգային-ազատագրական շարժումները, եւ Գերմանիոյ պէս կայսերապաշտ երկրի մը նուաճումները կը նկատէ «քաղաքակրթութեան գործ»:

զ) Մարքս կը հասնի այս անհեթեթ ու սխալ դիրքերուն, որովհետեւ մէկ մտասեւեռում ունի. աշխարհի տնտեսական կառոյցները կ'երթան ղէպի կեդրոնացում. քաղքենիութիւնը կը կեդրոնացընէ դրամագլուխն ու ճնշումը, պրոլետարիատը՝ յեղափոխական ուժը: Ազգային սահմանները եւ մանաւանդ փոքր ազգերը արգելք են Մարքսի «տեսութեան» իրականացումին: Իսկ Մարքս չ'ուզեր ընդունիլ որ, տնտեսական կեդրոնացումին պուզահեռ, կրնայ գոյութիւն ունենալ ազգային-քաղաքական-վարչական ապակեդրոնացում մը, ցրուում մը: Իրեն համար ամէն բան տնտեսականին կը հետեւի:

է) Հիմնական սխալը, ուրեմն, կը կայանայ պատմական մատերիալիզմի ա՛յն դրոյթին մէջ, ըստ որուն պատմութեան բոլոր իրողութիւնները պարզ երեւոյթներ են, վանապան դրսեւորումները տնտեսական ազդակին: Ճիշդ է, տնտեսականը ենթակառոյց է, կը պայմանաւորէ յաճախ պատմութեան միւս ազդակները, բայց ազգային ազդակը նոյնքան հիմնական է, ըլլալով իրական, կենդանի այն հողը, մարդկային (կենսաբանական--աշ-

խարհագրական--մշակութային) այն նախապայմանը, որուն մէջ միայն իրականութիւն կը դառնայ տնտեսական դասակարգային ազդակը:

Նոյնիսկ կարելի է ըսել որ պրոլետարիատ ընդհանրապէս՝ գոյութիւն չունի: Կան միայն ազգային--դասակարգային շարժումներ, որոնք հետագային, ճիշդ է, կը ներդաշնակուին, կը կապուին իրարու, առանց կորսնցնելու իրենց ուրոյն նկարագիրը:

ը) Պրոլետարիատի բարձրացումով եւ իշխանութեան տիրանալով՝ ազգը եւ ազգութիւնը չեն անհետանար: Ընդհակառակը. փոխանակ պատկանելու դասակարգի մը, փոքրամասնութեան մը՝ կը պատկանին զիրենք կազմող բոլոր անհատներուն: Ազգային մշակոյթը, ազգային գիտակցութիւնը կը հասնին բոլորին, ազգը կը ժողովրդականանայ, կը հարստանայ: Կը ծնի նոր ազգ մը, Խաժակի բառով «աշխատաւորական ազգ» եւ յառաջ կու գայ «աշխատաւորական ազգայնութիւն»:

Ազգերու հոլովոյթը, ուրեմն, անհրաժեշտօրէն չի հետեւիր տնտեսական հոլովոյթին, որ դէպի կեդրոնացում եւ սահմաններու ջնջում կը տանի: Առանց «յաւերժական» սկզբունք ըլլալու, ան մարդկութեան գոյութեան, բնականոն ու ներդաշնակ վարձագման, նաեւ ընկերվարութեան ստեղծման նախապայմանն է այսօր:

Յ. Ք.



«ԳԻՐՇԱԿ»Ի ՇՈՒՐՁ ՀԱԻԱՔՈՒԱԾ
ԳԱՇՆԱԿՑԱԿԱՆ ԸՆԿԵՐՆԵՐ ԵՒ ՀԱՄԱԿԻՐՆԵՐ
(ԺՆՆԻ, 1893)

1.- Գ. Բահարբեան, 2.- Բժշկուհի օր. Լ. Մատինեան,
3.- Ա. Հանջեցեան, 4.- Ռոստոմ, 5.- Ս. Շիբանց, 6.-
օր. Մաչուկ Աբրուսեան (ապա Փաստրմանեան՝ Ա.
Գարոյի կինը), 7.- Օր. Լիզա Շահնազարեան (Ռոս-
տոմի կինը), 8.- Օր. Մարիամ Խանդամիրեան (ապա՝
տիկին Վարանդեան), 9.- Օր. Ա. Արաբէկեան, 10.-
Ա. Մելիքեան, 11.- Բժշկուհի օր. Միրզոյեան, 12,
13, 14.- Հնչակեան ուսանողներ, 15.- Տոտմեանց,
16.- Ա. Արաբէկեան, 17.- Գ. Խաժակ, 18.- Մ. Վա-
րանդեան:

Գ. ԽԱԺԱԿԻ ՄԱՍԻՆ

Հմուտ ընկերարան, անուանի հոետոր եւ մանկավարժ՝ Գարեգին Խաժակ ծնած է Ալեքսանդրապոլ 1868ին: Կանուխէն կը կորսնցնէ իր հայրը, իսկ մայրը չարքաշ աշխատանքով, իբրեւ լուսարարուհի, կը հոգայ ընտանիքի ծախքերը, ապահովելով պաակին կրթութիւնը:

Խաժակ նախնական ուսումը ծննդավայրին մէջ ստանալէ ետք, կը յաճախէ Էջմիածնի Գէորգեան ճեմարանը՝ մինչեւ ճրդ դասարանը: Նիւթական կարելիութիւն չ'ունենար աւարտելու ճեմարանական բաժինը. ան մտահոգուած էր օգնելու իր մօրը եւ ջերմ ցանկութիւն ունէր նետուելու հանրային ասպարէս:

Ուսուցչական պաշտօն կը ստանձնէ նախ Ագուլիս, ուր կը պաշտօնավարէին Քրիստափոր Միքայէեան եւ է. Ակնունի: Այս շրջանակին մէջ է, որ Խաժակ կը ստանայ իր յեղափոխական մկրտութիւնը: Կովկասի պանապան քաղաքներ եօթը տարի ուսուցչութիւն ընելէ ետք, կը պգայ բարձրագոյն ուսում ստանալու անհրաժեշտութիւնը եւ 1893ին կը մեկնի Փընսել, ուր կ'աւարտէ տեղոյն համալսարանին հասարակագիտական բաժինը:

Ուսանողական շրջանին կ'աշխատակցի «Դրօշակ»ին եւ «Մուրճ»ին, տնտեսագիտական ուսումնասիրութիւններով: Իբրեւ գործիչ, Դաշնակցու-

թեան կողմէ առաջին անգամ կը դրկուի Պալքանները: Կ'այցելէ Պրայլա, Կալաց, կը կատարէ յեղափոխական քարուղծութիւն: Նոյն նպատակով կ'անցնի Պուլկարիա 1895ին: Նոր տեղի ունեցած է Սասնոյ կոտորածը. Եամպոլի եւ Սլիվէնի հայերուն կը նկարագրէ երկրի մէջ մեր ժողովուրդին բաժին ինկած անտանելի վիճակը: Կը կազմուի կոմիտէ մը, որ պաշտօն կ'ունենայ հանգանակութիւն կատարելու ի նպաստ աղէտեալներուն եւ պատրաստելու անձնազոհ երիտասարդներու խումբ մը: Խաժակ նոյն աշխատանքը կը կատարէ Վառնա, ուր Հնչակեան գործիչ Միհրան Տամատեան եւս կազմած էր իրենց մասնաճիւղը:

Խաժակ կը մնայ նաեւ Եգիպտոսի, Իզմիրի շրջանները ու յետոյ կը մեկնի Պոլիս: Հոն ոստիկանութեան կողմէ կը ձերբակալուի: Իբրեւ ռուսահպատակ, արգելափակուած կը մնայ ռուսական հիւպատոսարանը եւ ութ ամիս ետք, 1901ին կը դրկուի Կովկաս:

Հոն դարձեալ կը նուիրուի ուսուցչական ասպարէզին եւ 1902ին կ'ամուսնանայ գանձակեցի Հուշանիկ Մարգարեանի հետ (քոյրը ընկեր Սաշա Մարգարեանի): Հուշի երկու տարի պաշտօնավարելէ ետք, 1903ին կը փոխադրուի Թիֆլիս, իբրեւ «Մշակ»ի խմբագիր, իսկ յաջորդ տարի ուսուցիչ՝ Ներսիսեան վարժարանին մէջ դասաւանդելով պատմութիւն, ֆրանսերէն եւ քաղաքական տնտեսութիւն: 1905ի վերջերը, երբ Դաշնակցութիւնը

հնարաւորութիւն կ'ունենայ «Յառաջ» օրաթերթը հիմնելու, խաժակ անոր խմբագիրներէն մէկն է, Ա. Ահարոնեանի, Մ. Վարանդեանի, Ե. Թօփճեանի եւ Լ. Նապարեանցի հետ:

1905ին, Սահմանադրութեան կարգերու յայտարարութեամբ, Կովկասը եռուպեոյ մէջ է: Ամէն կողմ միթիւնկներ, հաւաքոյթներ, դասախօսութիւններ եւ խաժակ իր հռետորական ձիրքով ու գիտական պատրաստութեամբ տիրական ղէմք մըն է: Ան կը պայքարի սոց. ղեմոկրատներուն ղէմ, ձաղկելով անոնց պատմական մաթերիալիզմի տեսութիւնը, կը պաշտպանէ ազգի ու հայրենիքի գաղափարը, կը քարոզէ ֆետերացիայի սկզբունքը: Խաժակ Թիֆլիսի, Պաթումի, Գանձակի, Երեւանի, Ալեքսանդրապոլի ժողովրդական միթիւնկներուն մէջ մեծ խանդավառութիւն կը ստեղծէ Դաշնակցութեան շուրջ:

Այս աշխատանքներու ընթացքին, ան միշտ ուսուցիչ է Ներսիսեան վարժարանը. իբրեւ մանկավարժ սիրուած է աշակերտութենէն: Գիտէ հանրայի՛ն գործերով պաղիլ, առանց իր կրթական պաշտօնին վնաս պատճառելու:

1908ի վերջերը Կովկասի և Ռուսաստանի մէջ կը վերսկսին հալածանքները Դաշնակցութեան ղէմ, բանտ կը նետուին հարիւրաւոր ընկերներ, որոնց մէջ նաեւ խաժակը: Վեց ամիս ետք թէեւ կ'արձակուի երաշխաւորութեամբ, բայց կը շարունակէ պարապիլ կուսակցական գործերով և կրկին ձերբա-

կալուելով կը դրկուի Նովոչերկասկի բանտը: Հարցաքննութիւններու աւարտումէն ետք, Խաժակ հիւանդութեան հետեանքով եւ կրկին երաշխաւորութեամբ բանտէն կ'ելլէ եւ 1912ի ամառը իր բախտակիցներէն Ա. Ահարոնեանի եւ Ա. Իսահակեանի հետ զաղտնօրէն կ'անցնին Կարինի եւ Տրապիզոնի վրայով Պոլիս:

Փեթերսպուրկի մէջ, 1912ին, Խաժակի բացակայութեան տեղի կ'ունենայ Դաշնակցութեան դատավարութիւնը եւ ցարի ընդհ. դատախապը հետեւեալ խօսքերով կ'աւարտէ իր ամբաստանութիւնը.

«Եթէ ես լինէի արձանագործ, Դաշնակցութիւնը կը պատկերացնէի մի արձանով, որի պատուանդանի վրայ կը փորագրէի այդ արեան բաղնիքի մէջ գալարուող բոլոր գոհերին, աջ կողմը կը կանգնեցնէի Համապասպ Օհանջանեանին, ձախ կողմը՝ Խաժակնեանին, իսկ վերելը, զագաթին՝ Ահարոնեանին արծուի ձեւով, որ ծծում է անվերջ հոսող արիւնը»:

Օհանջանեան կը դատապարտուի Սիպերիա, տաժանակիր աշխատանքի: Խաժակ, Պոլսոյ նոր միջավայրին մէջ կարելիութիւն կ'ունենայ շարունակելու իր հանրային գործունէութիւնը: Այցելու ուսուցիչ է, իսկ 1913ին կը ստանձնէ Սամաթիոյ ազգային վարժարանի տնօրէնութիւնը: Աշխատակից է «Ազատամարտ»ին եւ սիրուած դասախօսը ուսանողական շրջանակներուն մէջ:

*

**

Խաժակ առաջին անգամ երեւցած է 1887ին «Մշակ»ի մէջ, «Գաւառացի երիտասարդութիւնը» յօդուածով. 1896ին հրատարակած է «Մի բարոյական այլանդակութիւն յեղափոխական մարտը գործում» եւ «Ժողովրդի բանաստեղծը Գամառ-Քաթիպա», 1904ին՝ «Հարկերը Տաճկաստանում», «Հայրենիք եւ ազգ. շարժումներ», «Հայկական շարժման պատճառները», 1905ին՝ «Ռուսական Ջեմստվոն եւ Կովկասի պահանջները», 1907ին՝ «Դէպի ֆետերացիա», 1912ին՝ «Ի՞նչ է ազգութիւնը», «Տառապանքի գիշերը», 1913ին՝ «Ի՞նչ է դասակարգը», «Հին Արեւելք», «Հայոց Պատմութիւն»: Թարգմանած է Վինոկրատովի 3 հատոր «Ընդհ. Ազգաց Պատմութիւն»ը եւ այլ գրքոյկներ:

Խաժակի ընկերաբանական ուսումնասիրութիւնները գիտական արժէք կը ներկայացնեն ու այսօր ալ հետաքրքրութեամբ կը կարդացուին: Դաշնակցական մամուլին մէջ գրած է նաեւ Բաբա Գասպար եւ Արծիւեան կեղծանուններով:

Երբ կը ծագի երոպական պատերազմը, Խաժակ օղափոխութեան գացած էր Ջուիցերիա: Հակառակ ընկերներու խորհուրդին, ան կը փութայ Պոլիս, իր պաշտօնին: Ռուսերուրք պինաբախումը չսկսած, դեռ ժամանակ ունէր, իբրեւ օտարահպատակ, հեռանալու ոճրագործներու բոյնէն: Խաժակի կինը թախանձագին իրմէ կը խնդրէ գոնէ Պու-

կարիա անցնիլ. ան կը պատասխանէ, թէ Դաշ-
նակցութիւնը որոշած է, որ ընկերները մնան ի-
րենց պարտականութեան գլուխը եւ բաժնէն ժողո-
վուրդին ճակատագիրը:

Ապրիլեան Եղեռնի գոհերէն եղաւ Խաժակը:
Անոր գրած վերջին նամակը տարագրութեան ճամ-
բէն իր կնոջ ուղղուած, նաեւ կտակ մըն է նոր սե-
րունդին համար: Ահա մասունք մը այդ յուպիչ
գրութենէն.

«Մնաս բարով, անուշիկ ընկերս, մնա՛ս բա-
րով, Նունուշ, Ալօ հրեշտակներս, մնաս բարով եւ
դու, Երրորդ եւ անձանօթ վաւակս, որի լոյս աշ-
խարհ գալուն չպիտի արժանանամ: Երանի՛ թէ
մենք լինենք հայ ժողովրդի սեղանին նուիրուած
վերջին գոհերը. երանի՛ թէ մեր արիւնով, վերջա-
պէս հանգիստ առնէր այդ թշուառ ազգը: Մնա՛ք
բարով, ամբողջ հոգիս թափում եմ համբոյրիս մէջ,
որ դրոշմում եմ այս թղթի կտորին: ... Թո՛ղ վա-
ւակներս Երթան իմ ճամբայով, դառն, բայց ապնիւ
ճամբայ:

1915 Յուլիս 4»:

Տաղանդաւոր ընկերաբան, սիրուած հռետոր,
գիտակից մանկավարժ, անձնուէր յեղափոխական՝
Խաժակ դիմագրաւեց մահը Եղիշէի բացատրու-
թեամբ. «Մահ իմացեալ անմահութիւն է»:

ՅԱՌԱՋԱԲԱՆ

Ռուսաստանի եւ Թիւրքիայի վերջին շարժումները եկան մի անգամ էլ հաստատելու, քէ ո՛րքան մեծ նշանակութիւն ունի մարդկային պատմութեան մէջ ազգային տարրը :

Այդ երկու երկրներում էլ գրեթէ բոլոր յեղափոխական եւ դասակարգային շարժումներն ընդունեցին *ազգային* կերպարանք :

Ռուսաստանի բազմաթիւ ազգութիւնների գրկում կազմուած բնկերական կուսակցութիւնների մեծագոյն մասը կամ ուղղակի ազգային գոյնով ծնուեցին, կամ իրենց ծրագիրներում եղած ապագային կամ կռամպոլիտական հին մընացորդներն աստիճանաբար դուրս նետեցին եւ սկսեցին աւելի եւ աւելի անկեղծօրէն ազգային-բնկերվարական գոյն ստանալ :

Այդ բանում, պէտք է խոստովանիլ, բոլորի համար ուսուցիչ եւ ռահացոյց հանդիսացաւ Աւրստրիական Սոցիալ-Դեմոկրատիական կուսակցութիւնն իր համբերատար եւ անկաշկանդ ուղեղի տէր ղեկավարներով :

Այսօր ազգային հարցը դառել է լուրջ *վերահաստան* խնդիր բոլոր բնկերվարական գրողների եւ կուսակցութիւնների համար :

Տապալուում է նախկին տեսակէտը, որը

մարմնանում էր մի նախադասութեան մէջ .
«Քանուորը հայրենիք չունի» եւ կամ «Սոցիալիզ-
մը եւ ազգութիւնն իրար ջնջող են» :

Այդ ապագային տեսակէտի տեղն այսօր
բռնել է ընկերվարական առողջ *ազգային-միջազ-
գային* գոյգ տեսակէտը :

Հայ ընկերվարականներին հնագլուխ ազանե-
րը, շահամոլ կղերք եւ իրենց դիրքից ու եկամու-
տից գրկուելու սարսափով բռնուած գրագէտնե-
րը միշտ մեղադրում են ապագայնութեան մէջ :

Հի՛ն պատմութիւն :

Մեր ժողովուրդը տգէտ է, բռնութեան տակ
բքացած, այդ պատճառով նոր ուղղութեան հա-
կառակորդները յաջողութիւն են մեռք բերում,
հաւատացնում են միամիտներին, որ ընկերվա-
րականները դէմ են ազգութեան, դէմ են կրօնի :

Այո՛, մենք դէմ ենք կրօնի անունով շահա-
գործութիւններ անողներին, բայց յարգանքով
ենք վերաբերում դէպի ամէն տեսակի ներքին,
անկեղծ հաւատք . մենք քողում ենք, որ գիտու-
թիւն սովորին անհատները եւ դրա համեմատ էլ
վերագնահատեն իրենց հաւատն ու համոզումնե-
րը :

Իսկ ազգութեան գաղափարին մենք ոչ միայն
դէմ չենք, այլ ջերմ պաշտպան, նրա համար գոհ-
ուելու պատրաստ :

Միայն մեր հասկացած ազգն ու ազգութիւնը

տարբեր է կղերի, ազնուականի եւ բուրժուայի ըմբռնած ազգութիւնից :

Ներկայ աշխատութիւնով գալիս եմք ցոյց տալու, թէ ի՞նչպէս եմք հասկանում մեմք ազգային հարցը, ազգութեան ծագումը, նրա զարգացումը եւ նրա լուծման ուղին :

Մեր «Դէպի Փեդերացիա» գրքի 264-278 էրեսները նուիրուած են այդ նոյն հարցի գործնական լուծմանը : Իսկ ներկայ հետազոտութեան նպատակն է տալ ազգային հարցի տեսական հիմքերն այնպէս, ինչպէս այդ ըմբռնում է նորագոյն գիտութիւնը :

Մեմք մեր նպատակին հասած կը լինեմք, եթէ հայ երիտասարդութիւնը կարգայ այս գործը, հետաքրքրուի ազգային մեծ խնդրով եւ դիմէ նրա աւելի մանրամասն ուսումնասիրութեան, օգտուելով թէ մեր մատնանիշ եղած եւ թէ այլ աղբիւրներից :

Գ. ԽԱԺԱԿ

1911 թ. Հոկտեմբեր

20 Ն

ԼԱԻՆ ԱՐՁԱԳԱՆԳՈՂ, ՎԱՏԻՆ ՀԱՐՈՒԱԾՈՂ

ԵՒ ԱՆՁՆԱԶՈՂՈՒԹԵԱՆ ՄԻՇՏ ՊԱՏՐԱՍՏ

ՀԱՅ ԵՐԻՏԱՍԱՐԴՆԵՐԻՆ

ՆՈՒԲՐՈՒՄ Է ՀԵՂԻՆԱԿՆ ԻՐ ԱՇԽԱՏՈՒԹԻՒՆԸ:

Գ Լ ՈՒ Խ Ա.

Ներածութիւն: Ազգն ու Պետութիւնը հին Արեւելքում: Ազգութեան ծագումը Յունաստանում եւ Հռոմում, Միջին դարերում եւ նոր ժամանակներում: ԺԹ. դարը:

Կան Հասարակական այնպիսի երեւոյթներ, որոնք երկա՛ր տարիներ ու դարեր գոյութիւն են ունեցել, բայց որոնց կողքով մտածող մարդկութիւնն անց է կացել տարիներ ու դարեր շարունակ, առանց կանդ առնելու նրանց վրայ, առանց ստորագծելու նրանց, որովհետեւ այդ երեւոյթները միշտ համարուել են պարզ, ակնեքել, ինքնաբերական հասկանալի: Նրանց էութեան, նրանց որակի, ծագման ու գոյութեան մասին կասկածներ երբեք չեն եղել, այդ պատճառով ալ գիտութիւնը կանդ չէ առել նրանց վրայ:

Այդպիսի համամարդկային երեւոյթներէց են ազգ եւ ազգութիւն հասկացողութիւնները:

Յունական ծաղկած գրականութիւնն իր Պըլատոններով ու Արիստոտէլներով՝ անց է կացել եւ այդ հարցի վրայ ուշք չէ դարձրել: Նոյն ձևով վարուել էին արդէն եզրիպտական եւ ասորես-

տանեան նշանածեւ գրականութիւնները : Նոյնն
արեց եւ հռոմէական խոշոր գրականութիւնն իր
փառապանծ իրաւագիտական բաժնով :

Ազգն ու ազգութիւնը, սակայն, կային, դո-
յութիւն ունէին հին շրջանում : Արեւմտեան
Պարսկաստանը, Դարեհ Վշտասպեանի պարսիկ
ազգը կար : Կային ե՛ւ Ասորեստանցիները, ե՛ւ
Բարելացիները, ե՛ւ Ասորիները, ե՛ւ Հայերը, ե՛ւ
Վիրք եւ Աղուանք... Իսկ Յունաց ա՞զգը : Նա
կար, նա իր ազգային դոյութիւնն զգում էր, թէ-
եւ ներքնապէս բաժանուած էր «Պոլիս»ներէ կամ
մանրիկ «քաղաք-պետութիւններէ» :

Նա կար եւ խիստ շեշտուածօրէն, երբ՝ իբր
«Հելլէն» դուրս էր գալիս Դարեհներէ ու Քսեր-
քսէսներէ դէմ :

Հռոմէական, Իտալական կամ Լատինական
ազգութեան մասին խօսին անգամ աւելորդ է :
Հռոմը մի քաղաք-պետութիւն, մի Polis էր, որ
տիրեց իր շրջապատ երեք ցեղերին — Էտրուրա-
ցիներին, Սարինացիներին եւ Լատիններին : Այս
վերջինների լեզուն յարատեւեց, դարձաւ Հռոմի
պետութեան լեզուն, իսկ յետոյ ամբողջ Իտալիան
ձուլուեց, դարձաւ մի ազգ :

Ազգերի ու ազգութիւնների ծագումն Արեւել-
քում թաղուած է դարերի մթութեան մէջ, ինչ-
պէս եւ պետութեան ծագումը : Մարդկային խու-
զարկու միտքը դեռ եւս չէ կարողացել այնքան
նիւթեր հաւաքել Արեւելքի վերաբերմամբ, որ

կարողանայ թափանցել այդ հին մթութեան գիր-
կը, մտնել նախա-պետական շրջանները, տոհմա-
կան կազմի մէջը եւ ապա հետեւիլ տոհմերի դար-
դացմանը, ցեղերին ու նրանցից կազմուող ազ-
գութիւններին :

Տարբեր է պատկերը Յունաստանում եւ Հը-
ռոմում : Այդտեղ մենք կարող ենք որոշ պարզու-
թեամբ հետեւիլ պատմութեան ընթացքին : Գրո-
տի, Մօմզէնի, Նիբուրի, Ֆիւստէլ դը Կուլանժի,
Բախօվէնի եւ շատ ուրիշների անգնահատելի հե-
տադասութիւնները, յոյն ու լատին պատմիչների
ու փիլիսոփաների թողած ահագին զրական դան-
ձերը մեր աչքի առաջ պարզում են յոյն ու լատին
ազգերի նախա-ազգային կեանքը, նրանց գէնսը
կամ տոհմը, նրանց ֆրատրիան կամ գէնսերի
խումբը, նրանց տրիբին կամ ցեղը, նրանց ցե-
ղերի դաշնակցութիւնը : Մենք տեսնում ենք քայլ
առ քայլ, թէ ինչպէս միեւնոյն րասայի (ցեղի)
մարդկային խմբերը, երկա՛ր դարեր ապրելով
տոհմական բարբարոս կազմով, աստիճանաբար
մօտենում են իրար, խառնում, կազմում են յու-
նական ու լատինական «Polis»ը կամ քաղաք-պե-
տութիւնը, որի անունը Փրանսիացի գիտնական
Ֆիւստէլ-դը-Կուլանժը կնքել է «La cité antique»
(Հնադարեան քաղաք) (*): Այնուհետեւ, մեր աչ-

(*) Տե՛ս — Fustel-de-Coulange — «La cité
antique»:

քի առջեւ, գրաւոր պատմութեան ընթացքում, մենք տեսնում ենք, թէ ինչպէս յունական մանրիկ պետութիւնների ժողովրդները — Կորնթացիք, Թերաքացիք, Սպարտացիք, Աթենացիք եւ այլն, նախ մնալով իբր առանձին-առանձին քաղաք-պետութիւններ, կազմում են կամաց-կամաց պետութիւնների ու կրօնական համայնքների գաղնակցութիւններ, Ոլիմպեան խաղեր եւ այլն, որոնց միջով ատրիճանաբար դարբնւում է «Հելլէն» ազգը:

Նոյն զարգացման գործողութիւնը մեր աչքի առջեւ կատարւում է նաեւ Իտալիայում: Հռոմը, որ հիմնւում է Տիրեր գետի ափին, եօթը բլուրներից մէկի վրայ, նախ ծառայում է իբր հանդիպման ու փոխանակութեան վայր բոլորովին բարբարոս Լատինացիների, Սարինացիների եւ Էտրուսկների միջեւ: Այդ երեք ժողովրդների խառնուրդից կազմակերպւում է հռոմէական հասարակութիւնն իր գէնսերով (տոհմ), կուրիաներով (ծուխ), ցէնտուրիաներով (հարկերեակ) ու տրիբներով (ցեղ): Այդ սկզբնական տոհմական կազմից դարերի համայնակցութեան ընթացքում դարբնւում է հռոմէական ազգը կամ «ազգն լատինացւոց»: Հռոմը նախ գրաւում, ձուլում է իր մէջ (ինքն էլ ձուլւում է նրանց մէջ) Լացիումը, յետոյ Էտրուրիումը, յետոյ էլ Սարիումը: Երբ նա այդ միջին-իտալական երեք նահանգներն իրար է խառնում, միաձուլում եւ կազմում է մի

Հոռոմէական ազգ, այնուհետեւ դուրս է գալիս
դէպի հարաւ. գրաւում է ամբողջ հարաւային Ի-
տալիան, անցնում է Սարդինիա, Կորսիկա, Սի-
կիլիա: Իսկ յետոյ Հաննիբալից ազատուելով, նա
դիմում է դէպի հիւսիս: Շուտով ամբողջ Իտալի-
ան կազմում է մի ազգութիւն: Եւ այնուհետեւ
Հոռոմը տարածւում է ամբողջ Միջերկրականի ա-
ւազանում, ամէն տեղներս սանելով իր կրծող,
կլանող ու միաձուլող ազգութիւնը, իր յզկող
կուլտուրան: Նրա ազգութիւնն ագրիւսիվ կամ
յարձակողական է: Նրան դիմադրում են յոյներն
ու արեւելքի ազգութիւնները, որ արդէն ազգա-
յին ինքնազիտակցութեան եկել էին, իսկ Իրեր
եւ Կելտ ժողովրդները ձուլում են ամբողջովին
կամ մասամբ:

Երբ գերմանական ցեղերը ներս խուժեցին եւ
կործանեցին հոռոմէական կայսրութիւնը, երբ նրա
հսկայական դիակն իրենց մէջ պատառ-պատառ
արին, — ազգութեան գաղափարը մի քանի դար
չարունակ կորաւ, անյայտացաւ Եւրոպայի երե-
սից, պահուելով լոկ Բիւզանդիոնի կայսրութեան
մէջ: Դրա պատճառն այն էր, որ գերման ցեղերը
դեռեւս ապրում էին տոհմական կազմով. նրան-
ցում գոյութիւն ունէին դեռեւս տոհմը կամ գէն-
սը, ցեղը (աշիրէթը) կամ տրիբիւն: Նրանցում
վարչական ամենաբարձ ձեւը դեռ եւս ցեղերի
դաշնակցութիւնն էր, որ ստեղծուած էր մարտա-
կան նպատակներով, Հոռոմի դէմ կռուելու հա-

մար. պետութիւնը դեռ եւս ծնուած չէր նրանց մէջ իր դասակարգերով, իր ներքին զինուած ուժով՝ ներքին թշնամիների դէմ: Յեզը, րասան կար. բայց այդ րասայի ներսում դեռեւս չէր առաջ եկել որ եւ է շերտաւորում, որ եւ է ազդութիւն:

Ահա այդ բարբարոսական շրջանում ապրող ցեղերը խուժեցին Հռոմի կայսրութեան տերրիտորիայի կամ երկրի մէջ, պատառ-պատառ արին նրան եւ հպատակեցրին իրենց: Օստ-Գոթեր, Վէստ-Գոթեր, Վանդալներ, Լոնգոբարդներ, Փըրանկներ եւ այլ բազմաթիւ ցեղեր (եւ ոչ ազգեր) տիրեցին Հռոմէական այս ու այն ծաղկած պրովինցը (դաւառը). հաստատուեցին նրանցում՝ մի քանի չուումներից ու դեգերումներից յետոյ: Բարբարոս ցեղերը, ենթարկուելով հռոմէական բարձր կուլտուրային, նրա մշակուած Լատինական լեզուին, հաղորդեցին տիրուած երկրի կիրթ ազգաբնակչութեանն իրենց բարբարոսութեան մի խոշոր մասը եւ ստեղծեցին միջնադարեան կուլտուրան, որ բաւական ստոր էր յունական եւ հրոմէական դասական կուլտուրայից, բայց բաւական էլ բարձր էր գերման բարբարոսութիւնից: Հռոմէական լեզուն յաղթեց բոլոր այն ցեղերին, որոնք բնակութիւն հաստատեցին Միջերկրականի ափերից սկսած մինչեւ Հռենոս գետը եւ Տիրոլեան լեռները, իսկ յունական լեզուն ու ազդութիւնը յարատեւեց Բալկանեան թերակղզում: Հը-

ռենտից հիւսիս կրկին մնացին գերմանական ու սլաւոնական բարբարոս ցեղերն իրենց նախկին վիճակում, ենթակայ կալտուրական դանդաղ զարգացման:

Արեւմտեան Եւրոպայում թագաւորում էր լիակատար պարտիկալարիզմը կամ բաժան-բաժան, աւատական կենցաղը: Չկար դեռ եւս ոչ մի ժողովուրդ, որ գիտակցէր ինքն իրեն իբր մի ազգ, մի ազգութիւն: Հռոմէական ազգութեան գաղափարը, որ յարձակողական, կլանող էր, եւ իբր այդպիսին, նուաճող ու տիրապետող, մարսող ու ձուլող էր բոլոր տիրուած ազգութիւններէ, այդ ազգութիւնը չքացաւ, խառնուելով գերմանական բարբարոսական կաղմի հետ:

Կարլոս Մեծի հիմնած խոչոր, կենտրոնացած պետութիւնը չունէր ոչ մի ցեղական, ազգային կամ րասային հիմք. նա մի ժամանակաւոր տիրապետութիւն էր, որը եւ նրա ժառանգների օրով բաժան-բաժան եղաւ, չկարողանալով ծընունդ տալ ազգային ամբողջութեան գաղափարին:

Սակայն հռոմէական կալտուրան իր ազգացութիւնն արեւ էր. արդէն առաջացել էին ռոմանական ցեղեր, որոնք խառնուրդ էին գերմանների եւ լատինացած տեղական ցեղերի: Ստեղծուել էին խառնուրդ ռոմանական լեզուներ, որոնք կամայ-կամաց բաժանուում, դուրս էին գալիս ազաւազուած միջնադարեան լատիներէնից: Հռենոսից

հիւսիս անխախտ էին մնում զերմանական և սլա-
ւոնական բարբառները, դեռ եւս չվերածուելով
մի ազգային լեզուի :

Քաղաքական ասպարէզում տիրապետողն էր
աւատականութիւնը, ծայրայեղ ապակենտրոնա-
ցումը կամ, աւելի ճիշդը, պարտիկուլյարիզմը
(բաժան-բաժան վիճակ) : Ամէն մի փոքրիկ նա-
հանգ, ամէն մի դաւառ, նոյն լուկ ամէն մի զըղ-
եակ՝ իր շրջապատ մի քանի գիւղերով — ներկա-
յացնում էր մի ուրոյն քաղաքական միութիւն,
ունէր իր սեփական պատմութիւնը, իր յատուկ
զարգացումը, իր ցաւերն ու դարդերը, իր ուրա-
խութիւնն ու վիշտը : Տիրող բնատնտեսութիւնը
չէր ստիպում ամենեւին այդ առանձնացած մարդ-
կային խմբակներին շփուելու, իրար խառնուե-
լու, քիչ ու շատ խոշոր միութիւններ կազմելու :

Այդ ինքնուրոյն մանր հասարակութիւնների
մէջ կար մի ընդհանուր կապող տարր՝ կաթոլիկ
եկեղեցին : Բայց նա էլ ամբողջապէս դէմ էր ազ-
գութեան դադափարին, որովհետեւ տարածուած
էր բոլոր ցեղերի ու ժողովրդների մէջ. բոլորը
նրա հօտն էին, ամէն ցեղից նա իր գիրկն էր ըն-
դունում թէ՛ ոչխարներ թէ՛ տաղանդաւոր հովիւ-
ներ. բոլորն նա ստիպում էր աղօթել մի լեզուով
— լատիներէնով, որը կազմում էր եկեղեցու մի-
ջազգային ղէնքը : Եկեղեցու քոզման (հաւատա-
լիքը) ասում էր, որ ազգերը եւ լեզուները չարի
ծնունդ են. նրանք առաջ են եկել Բարեւոնի աշ-

տարակաշինութեան ժամանակ, երբ Եհովան իբր պատիժ ըմբոստացած մարդկութեան, խառնակեց նրանց լեզուները մինչ այն աստիճան, որ իրար հասկանալ անկարող եղան եւ իրենց յանդուզն ու մեղսալից շէնքն այլեւս չկարողացան կառուցանել: Պարզ է, որ այդ հաւատալիքի տակ թաքնուած էր կաթողիկէ եկեղեցու շահը, ընդհանուր տիրապետութեան ձգտումը:

Ուշադրութեան արժանի է այն, որ արեւելեան կամ հայ եկեղեցին բաժանուեց արեւմտեանից շատ վաղ: Նա նրանց հետ էր միայն 3 տիեզերական ժողովներում, իսկ Քաղքեղոնի ժողովով (451 թուին) նա առանձնացաւ, դարձաւ զուտ ազգային եկեղեցի, որովհետեւ արեւելքում ազգութիւն արգէն կար, գոյութիւն ունէր: Արեւմուտքի եկեղեցիները միացած մնացին մինչեւ 10-րդ դարը: Նրանք վերջնականապէս բաժանուեցին Փօտիոս պատրիարքի օրով (812 թուին), երբ Արեւելեան կամ Բիւզանդիոնի կայսրութիւնն արգէն հելլէնացել, յունացել էր, երբ նրա լեզուն վերջնականապէս յունարէնն էր դառել, — մի խօսքով՝ երբ յոյն ազգութիւնը վերականգնել էր Բաղիանեան թերակղզում: Իսկ Հռոմի եկեղեցին մինչեւ վերջն էլ մնաց կաւմուպուլիտ եւ երբեք չըվերածուեց ազգայինի:

Կը նշանակէ, Եւրոպայում ամբողջ միջին դարերում տիրում էր ծայրայեղ բաժանականութիւնը. ազգութեան դադափարը չկար: Միակ ըն-

դարձակ ու հեռեւորականօրէն կենտրոնացած հիմնարկութիւնը կաթոլիկ եկեղեցին էր, այն էլ կոսմոպոլիտ կամ ապաղղային էր բառիս ամենալայն եւ ամենատարածուած մտքով: Նրա համար բոլոր ժողովրդները մի հօտ էին, որի գլխին եկեղեցականները հովիւ էին, որ խուզում էին ամէն կողմից: Թէ հօտի եւ թէ հովիւների մէջ ազդութիւն, լեզու, սովորութիւններ չէին հարցընում, այլ լոկ մի բան — հաւատ, կաթոլիկական դաւանանք: Իր դործածած միակ լեզուի, իր ունեցած միօրինակ ու զօրեղ դիսցիպլինայի կամ կարգապահութեան շնորհով՝ նա հանդիսանում էր մի ուժեղ հիմնարկութիւն, որ կրժում, յըղկում, հարթում էր իր անդամների ազգային ու ցեղային առանձնատկութիւնները. իր տարածերթ հաւատալիքի (դոգմ) շնորհով նա ստեղծում էր հոգեւոր անհատների մի ահագին խումբ, որի բոլոր անդամների մտածելակերպն ու նոյն իսկ զգալակերպը դերազանցօրէն միանման էին:

Կաթոլիկ եկեղեցին, մի կողմից հանդիսանալով իբր կրօնական հիմնարկութիւն, միւս կողմից դոգմի (հաւատալիքի) անբաժան մաս դարձրեց աշխարհային տիրապետութիւնը, որով դարձաւ նաեւ քաղաքական մի շատ հզօր ազգակ միջին դարերում: Նրա աշխարհական իշխանութեան ճգտումն աւելի եւս հակադիր էր ազգային զգացմունքի եւ առհասարակ, ազդութեան դարգացմանը, որովհետեւ նա իր տիրապետութիւնը ձրգ-

տում էր տարածել իր բազմալեզու եւ բազմացեղ
հօտի ամբողջութեան վրայ :

Մարդկանց թուի աճեցողութեան բնական
փաստը, դրա հետ միասին դարերի համայնակե-
ցութեան շնորհով առաջացած կուտակուած
մարդկային փորձառութիւնը, որ աղբիւրն է դի-
տութեան եւ զաղափարի, վերջապէս՝ այդ աճած
եւ աճող մարդկութեան բազմացած կարիքներին
բաւարարութեան տալու զարգացող միջոցները,
տնտեսական-արտադրական նորանոր ձեւերը ծը-
նունդ տուին մի կողմից միջնադարեան քաղաք-
ներին, իսկ միւս կողմից կենտրոնացող պետու-
թիւններին :

Հռոմի կալտուրական ժողովրդները եւ գեր-
ման բարբարոս ցեղերը, երկար դարերի միաս-
նակեցութեան շնորհով, աստիճանաբար սկսեցին
որոշ խոշոր վայրերում միանման դառնալ :

Խաչակրաց արշաւանքների տուած փորձերն
ու գիտութիւնը, տաճիկների գրաւումներն ու
յոյների արտագաղթը, նրանց իտալիա լցուելը,
իտալական մանր հանրապետութիւնների ընդար-
ձակ առեւտուրը եւ զարգացումը տեղի տուին վե-
րածնութեան դարին, որի ազդեցութեան տակ
զանազան գիւտեր իրար յաջորդեցին : Բարտոլո-
Շփարց գերման արեղան գտաւ վառօդը, Գու-
տէներերը՝ սպաղրութիւնը, Վասիօ-դէ-Գաման
չըջեց Բարեյուսոյ Հրուանդանը եւ ծովով զնայ
Հնդկաստան, Կոլումբոսը գտաւ Ամերիկան եւ
այլն, եւ այլն :

Այդ գիւտերի — մանաւանդ վառօդի եւ ար-
քրբուզի (սկզբնական թնդանօթ-հրացանի) շը-
նորհով՝ սոված մանր ազնուականութիւնն ըն-
կաւ, զսպուեց եւ հպատակուեց թագաւորին կամ
կենտրոնական իշխանութեանը: Այդ ամէնի վրայ
աւելացաւ տնտեսական ֆակտորը (ազդակը):
Մարդկանց թուի բնական աճեցողութիւնը պա-
հանջում էր նոր ձեւի տնտեսութիւն, — մի այն-
պիսի տնտեսական ձեւ, որն աւելի արդիւնատու
լինէր, քան բուն միջնադարեան արհեստաւորա-
կան մանր տնտեսութիւնը: Միւս կողմից՝ մարդ-
կանց աճող կարիքներին բաւարարութիւն տալու
չափ միջոցներ էին սովորել եւրոպացիներն արե-
ւելքում, խաչակրաց արշաւանքների ժամանակ:
Օտար վայրերից փոխ առած այդ նորութիւնների
վրայ աւելացել էին վերածնունդ գիտութիւննե-
րի ու զաղափարների ազդեցութիւնները, կա-
տարուած նորանոր գիւտերը: Այդ բոլորը համա-
գրուելով, ԺԴ.-ԺԵ. դարերում մի կողմից հը-
զօրացրել ու զարգացրել էին համաքարական կազ-
մերը, իսկ միւս կողմից աստիճանաբար ծնունդ
էին տուել նոր տնտեսակարգին — մանուֆակ-
տուրական (ձեռագործական) արտադրութեանը:
Արտադրութեան մէջ ներմուծուած կենդանու-
թիւնն ու կատարելութիւններն իրենց կարգին,
նոր կեանք էին ներշնչել շրջանառութեանը կամ
առեւտրին: Ապրանքների փոխանակութիւնը բա-
ւական արդէն զօրացել էր, թէեւ դեռ ճանա-

պարհների անապահովութիւնն ու ներքին շուկայում ախրող խոչընդոտները բաղձաթիւ էին :

Օր ըստ օրէ զարգացող փոխանակութիւնն ստիպում էր մարդկանց աւելի եւ աւելի յաճախակի շփումներ ունենալ : Միեւնոյն լեզուով, կամ համարեա միատեսակ բարբառներով խօսող միջնադարեան բաժան-բաժան համայնքներն ըսկսում էին իրար մօտենալ, իրար հասկնալ : Որքան աւելի զարգանում էր փոխանակութիւնը եւ, զրա հետ միասին, որքան աւելի կենտրոնական իշխանութիւնը զսպում էր մանր-մունր Փէոդալներին եւ իր իշխանութեանն էր ենթարկում նըրանց իրաւասութեան տակ առանձնացած կեանքով ապրող համայնքներն, այնքան աւելի մի ժողովուրդ, մի ազգ լինելու դադարը զարգանում էր այդ նման բարբառներով խօսող ժողովրդների մէջ :

Արդէն ժ.Գ. դարի վերջերում եւ ժ.Ե.ի ըսկզբներում մենք տեսնում ենք, թէ ինչպէս ազգային պետութիւնները կամաց-կամաց ծնունդ են առնում ու զարգանում Ֆրանսիայում, Իսպանեայում, Անգլիայում, մասամբ Աւստրիայում : ժ.Գ. դարն ազգային պետութիւնների լիակատար ուժի զարգացման շրջանն է : Այդ պետութիւններն արդէն ոչ միայն կազմակերպուել են. ոչ միայն արդէն կան Ֆրանսիական ազգ, Իսպանական, Անգլիական, Նեդերլանդական ազգ, — այլ եւ այդ ազգային պետութիւնները, որոնց բը-

Նակիչները, դարերու համայնակեցութեան շնորհով յղկուել, մի ազգ են դառել, այլ եւս չեն բաւականանում իրենց սահմաններով: Նրանք դառնում են ազգամուկամ շովինիստ, տարամերժ, դառնում են դրաւող, յափշտակող, կլանող, մի խօսքով՝ իմպերիալիստ: Գրամսան միջոցը միայն պատերազմը չէ, այլ եւ խնամիրութիւնը, օժիտը, դրամով գնելը, ժառանգութիւնը, երկրները իրար հետ փոխանակելը, կրօնը եւ այլն, եւ այլն:

Այնուհետեւ ազգ եւ պետութիւն հասկացողութիւնները խառնուում են իրար: Այդ գաղափարների խառնաշփոթութիւնը դեռ մինչեւ օրս էլ տեսում է Եւրոպական դրականութեան ու դիտութեան մէջ:

Պետութեան ծագման ու զարգացման հարցը թէ միջնադարեան, թէ՛ նոր դարերի դրականութեան մէջ մեծ տեղ է բռնում, իսկ մինչեւ ժ.ժ. դարի սկիզբները դուք համարեա՛ ոչինչ չէք կարող դանել ազգային խնդրի վերաբերմամբ: Նրանով չգրադուեցին ոչ Իւմբ, ոչ Լոկկը, ոչ Հորսը. նրա վրայ ուշք չդարձրին ժ.ժ. դարի Ֆրանսիական լուսաւորիչները — Մոնտեսքիէօ, Վոլտէր, Բուսսօ, Դիդըրօ, Հելվէցիուս, Հոլբախ, Կոնդորսէ եւ այլն: Ազգութիւնը կար, գոյութիւն ունէր եւ շատ սուր կերպով երբեմն-երբեմն ըզըզալ էր տալիս իր գոյութիւնն, ինչպէս օրինակ ժ.Չ. դարի երկրորդ կիսում Նեդէրլանդում, Գէօգերի սպոտամբութեան ժամանակ. հոլանտական

ազգը ոտի էր ելել իսպանական Փիլիպպոս Բ. թագաւորի բռնութիւններէ դէմ. կամ ՓՂ. զարի վերջում, երբ Աւստրիական լուսաւորուած միահեծան Յովսէփ Բ. արհամարհելով պատմական-ազգային բոլոր սահմաններն, ուզեց նոր տեսակի վարչական բաժանումներ ներմուծել իր խոշոր կայսրութեան մէջ եւ ընդհանուր պաշտօնական մի լեզու — գերմաներէն ներմուծել ամէն տեղ, իր պաշտօնեաների միջոցով: Չգիմացաւ Հոլլանտիան այդ ազգային բռնաբարձանը եւ ապստամբուեց բաց աշկարայ: Ապստամբուում էր եւ Մալթական ազգը, բայց աւստրիական բանակները թոյլ չտուին:

Ազգերի ցնցման, նրանց լմբոստացման փաստեր բաւական շատ էին պատահում, բայց ոչ ոք ուշք չէր դարձնում այդ հարցի վրայ, ոչ ոք նրանով չէր զբաղւում, որովհետեւ ամէնքի համար նա խիտտ պարզ, ինքն ըստինքեան հասկանալի էր թւում:

Պայթեց Փրանսիական Մեծ Յեղափոխութիւնը: Փրանսիական ազգի ներսում իրար զարնուեցին դասակարգերը: Չարդացած ու հարստացած երրորդ դասակարգն, իր հետ ունենալով ազքատացած զիւղացիութիւնն ու բաւական ստուար բանուորութիւնը, դուրս եկաւ հարուստ, բայց փոքրաթիւ հոգեւորականութեան, կալուածատէրերի եւ սնանկացած ազնուականութեան դէմ: Փրանսիական ազգը կար, նրա դոյուրութիւնը ոչ ոք

չէր մերժում: Այդ դեռ բաւական չէ. Լիւզովի-
կոս Ժ.Դ.ի օրով նոյն իսկ պետութեան «բնական
սահմանները» համարուած էին Փրանսիական լեզ-
ուի տարածման վայրերը: Բոսսիւէի, Մալբերան-
շի եւ այլ հոգեւորականները օրով նոյն իսկ եկե-
ղեցին ջոկեցին կաթոլիկական ազգազային եկե-
ղեցուց եւ կոչեցին դադղիական ազգային եկեղե-
ցի:

Յաղթական երրորդ դասակարգը, իր հեռ-
ունենալով ազբատացած զիւղացիութիւնն ու
բանուորութիւնն՝ իրաւունքով համարուած էր ի-
րեն «la nation française» — Փրանսիական ազգ,
որի դէմ դուրս էին եկել Երկրից փախած ազնւ-
ականները — Էմիգրանտները (les émigrés):
Ազգութեան մասին ոչ ոք չէր խօսում. բոլորը
ճանում էին «մարդու եւ քաղաքացու իրաւունք-
ներից»: Թէեւ «Ազգային պահակը» (Garde natio-
nale) եւ այլ «ազգային» մակդիրը կրող հաստա-
տութիւնները կային, բայց ազգային հարցի փո-
խարէն ամէնքի լեզուի վրայ խաղում էին համա-
մարդկային իրաւունքներն ու սկզբունքները: Եւ
ինչո՞ւ պէտք էր այլ կերպ լինէր, երբ Փրանսիա-
կան մշակուած, քաղցր լեզուն եւ ծաղկած գրա-
կանութիւնը տարածուած էին ամէն տեղ. նրանց
մրցակից չկար դեռ ոչ մի երկրում: Արքունիքնե-
րը բոլոր երկրներում դործ էին անում Փրանսիա-
կան լեզուն, իբր նշան քաղաքակրթութեան: Ֆը-
րանսիան վաղո՞ւց դառել էր գրաւող, յղկող,

կլանող, կարճ՝ Խմպերիալիստ: Այդ Խմպերիալիզմն աւելի եւս սաստկացաւ՝ շնորհիւ յաղթական բուրժուազիայի եւ յեղափոխութեան ու Նապոլէոնեան ժեներալներէ ու մարէշալներէ (մեծ դորափարներ): Ուր որ մտնում էին Փրանսիական յաղթական բանակները, հետները տանում էին Ֆրանսացիութիւն, եթէ կարելի է այդպէս ասել: Իրենց երկրին մօտիկ վայրերը — Զուիցերիան, Հոնոսեան բոլոր երկրները, Սափոյեան եւ Իտալիան, նոյն իսկ Իսպանիան եւ Պորտուգալիան վերածուեցին առանձին պետութիւնների, որոնց պետերը եւ վարիչ խուերը Փրանսիացիներ էին: Սրանք բնականօրէն, ամէն կերպ աշխատում էին Ֆրանսիացիները այդ երկրները, ոտի տակ տալ հրպատակ ազգերի ազգային առանձնաշատկութիւնները, յղկել ամէն ինչ, վերածել Փրանսիական «ազգային կոսմոպոլիտիզմին», եթէ կարելի է այդպէս ասել: Այո՛, դա իսկապէս ամենակոպիտ, ամենագոհեհիկ ձեւերով Փրանսիացում էր, բայց քողարկուած «մարդու եւ քաղաքացու», բացարձակ, ապազգային կամ կոսմոպոլիտական դիմակով: Ֆրանսիացիք, մանաւանդ Նապոլէոնի օրով, համոզուած էին, որ Փրանսիացին բարձր է բոլորից եւ բոլոր ազգերը պարտաւոր են քաղաքակրթութիւլ, այսինքն Փրանսիանալ:

Նապոլէոնեան ճնշումն ամենից աւելի զգալի էր Պրուսիայի, այդ միաձոյլ ազգային պետութեան վրայ: Եւ ահա այդտեղ մենք ամենից առաջ

նկատում ենք մի նոր ներքին ազգային քաղաքա-
կանութիւն, որի միակ ձգտումն էր մրցել Փրան-
սիական ազդեցութեան դէմ, զորձի հրաւիրե-
լով ազգի բոլոր խաւերը: Շտայն եւ Հայդէնբէրգ
ներքին գործերի նախարարները լայնացնում են
Պրուսիայում տեղական ինքնապարութիւնը եւ
գրգում «ազգին» ինքնագործունէութեան, այն-
ինչ գրա զիմաց Նապոլէոնեան մեքենական ցեմ-
տրալիզմը (կեզրոնացումը) կամազուրկ էր ա-
նում Փրանսիական ազգին: Զինուորական մի-
նիստը Շարնհորստը վերակազմեց Պրուսիական
բանակը, երբ Տիլզիտի դաշնագրութեամբ Նա-
պոլէոնն ստիպեց Պրուսիային 42000ից աւելի
զօրք չպահել իբր մշտական բանակ: Տաղանդաւոր
նախարարն անմիջապէս ներմուծեց ընդհանուր
զինուորագրութիւն, տալով բանակին Պրուսա-
կան դոյն, եւ կրճատեց իսկական ծառայութեան
ժամանակը, հաստատելով պահեստի գնդեր: Բո-
լոր երիտասարդները զալիս էին իսկական բանա-
կը, երկու տարի վարժուում՝ ինչպէս զպրոցում,
եւ ցրում իրենց տեղերը: Իսկական բանակը
կրկին 42000 էր, բայց կարճ ժամանակում բոլոր
Պրուսական երիտասարգութիւնը լանդվէիր կամ
պահեստի զինուոր էր:

Հետաքրքիր է թէ ինչ էր գրում Բոնապարտի
եղբայրը — Վէստֆալիայի թագաւոր Ժերօնիմն
իր եղբօրը — Նապոլէոն կայսրին. «Եթէ պատե-
րազմ սկսուի, Հոննոսից մինչեւ Օդեր եղած բո-

լոր նահանգները կ'ապստամբուեն: Այս սպառնա-
կան շարժման պատճառը միայն ատելութիւնը
չէ, որ տաժում են այդտեղի ժողովրդները դէպի
Ֆրանսիան եւ ֆրանսիական լուծը. աւելի խո-
շոր նշանակութիւն ունեն ժամանակակից քըշ-
ուառութիւնները»... *Եւ այնուհետեւ ճարպիօրէն*
նկարագրում է նա իր եղբօրը Հոնոսեան երկըր-
ներում տիրող նիւթական թշուառութիւնները եւ
վերջում աւերացնում է. «Պէտք է վախենալ ազ-
գերի յուսահատութիւնից, որոնք կորցնելու ո-
չինչ չունեն, որովհետեւ ամէն ինչ արդէն խլել
են նրանցից»:

Խոնարարուած ազգային դիտակցութիւնը
դլուխ բարձրացրեց ամենից աւելի չսպասուած
վայրում — Պիրինեան թերակղզում: Համաշ-
խարհային տիրապետութեան փառաւոր շրջանից
յետոյ, Իսպանիան ընկել, քայքայուել էր: Արեւ-
մտեան Եւրոպայի ոչ մի երկիր այնքան յետ չէր
մնացել արտագրութեան ու առեւտրի տեսակէ-
տից, որքան Իսպանիան, գոռոզ գրանտները (ազ-
նուական) եւ ինկվիզիցեայի (հաւատաքննու-
թեան) հայրենիքը, ոչ մի երկիր նրա չափ խա-
ւար ու անդրազէտ, կրօնական լծի տակ խեղդը-
ւած չէր: Չկար նոյն խի քիչ ու շատ բուրժուա-
զի, որի շարժումներով, որի շուկայ գրաւելու
ձգտումով սիրում են ասուակեր մարքսիստները
բացատրել ամէն մի քաղաքական երեւոյթ:

Նապոլէոնեան լուծը չափազանց անտանելի

էր ոչ միայն իսպանական չնչին բուրժուազիայի կամ բաւական զօրեղ ազնուականութեան համար, այլ եւ իսպանական ամբողջ ազգի, նրա գիւղացիութեան ու սակաւաթիւ բանուորութեան համար:

Ապստամբութեան առաջին ազգային դրօշը պարզօրէն Նապոլէոնի դէմ եղաւ իսպանիան, որի ժողովուրդն իր գէրիլայով՝ իր մանր, պարտիզանական (հայրուկային) կռուով ուժասպառ արեց Մատէնայի նման մի մարեշալի: Իսպանացիներին օգնեցին եւ անդլիացիները Ուէլլինդտոնի, Նապոլէոնի այդ արժանաւոր հակառակորդի ղեկավարութիւնով: Եւ Ֆրանսիան երբեք չկարողացաւ տիրել Իսպանիային:

Իսկապէս Նապոլէոնի անկման թուականը ոչ թէ 1812 թիւն էր, ռուսական պատերազմը, որի ժամանակ ռուս էլէլ ամբողջ ռուս ազգը, այլ 1809–1810 թուերը, երբ իսպանացիները դուրս մղեցին Ֆրանսիական զօրքերը: Նապոլէոնի աստղը թեքուեց այն ժամանակ, երբ ազգերը եկան գիտակցութեան եւ շարժուեցին օտարի լծի դէմ:

Բուրբոնների վերադարձը կամ բեստորասիոնը, Վիեննայի վեհաժողովը եւ Սրբազան Դաշնակցութիւնը հանդիսացան դահիճներ վերածընուել սկսող ազգութիւնների համար: Վիեննայի կոնգրէն եւ Սրբազան Դաշնակցութիւնը նորից հաստատեցին պետութեան սկզբունքը եւ ոտնահարեցին ազգութեան եւ մանաւանդ ազգային

պետութեան զազափարը :

Սրբազան Դաշնակցութեան հիմնադիրն Ալեքսանդր Ա. կայսրն էր, բայց նրա ողին կազմեց Աւետրիան՝ իր կանցլէրով — գլխաւոր նախարար տիրահոջակ Մետտերնիխով : Եւ Աւետրիան ամենից աւելի օգտուեց այդ Դաշնակցութիւնից, որովհետեւ ամենից նուազ էր նրանում ազգային պետութեան սկզբունքը : Այն ժամանակ, երբ Ռուսաստանը յենում էր իր մեծագոյն մասի միապաղաղ ուստ ազգաբնակչութեան վրայ, երբ Պրուսիան իբր հիմք ունէր իր Պրուսացի ժողովուրդը, — Աւետրիան, ամփոփելով իր մէջ 39 տեսակ ազգութիւն, չէր կարողանում գտնել իր պետութեան համար ոչ մի ազգային յենակէտ, որովհետեւ գերմանները շատ քիչ էին համեմատելով սլաւոնների ու մաջարների հետ : Նրա միակ հիմքը պատմական իրաւունքն էր, մի խախտտ իբաւունք, որ կախուած էր լոկ ուժից :

Եւ ահա Մետտերնիխը, չար ողու նման, խեղդում է ազգային ամէն տեսակ զիտակցական շարժում ամբողջ Եւրոպայում, փչրում, ոչնչացնում է ամէն տեսակ ժողովրդական ըմբոստացում — լինի նա Գերմանիայում, Բելժիկայում, թէ Բալկաններում... Խաւարն ու րէակսիոնի չար գեւն են թաղաւորում 1815 թուից մինչեւ 1830ական թուերը Եւրոպայում :

Բայց արթնանում, զիտակցութեան են գալիս մասն ազգութիւնները : Նախ պայթում է յու-

նական ապստամբութիւնը, որ 1820ից մինչեւ 1830 թիւը տեւելով, վերջացաւ յոյների անկախութիւնով: Ռուսաց Նիկոլա Ա. կայսրը պաշտպան կանդնեց յոյներին, որով եւ բաց արեց առաջին խոչոր պատուումքը Սրբազան Դաշնակցութեան մէջ:

1830 թուին Բելժիքան բարձրացրեց ապստամբութեան դրօշակը Հոլլանտական լծի դէմ: Վիեննայի կոնգրէն ճնշել էր Բելժ ազգութիւնը, ենթարկելով նրան Հոլլանտիայի լծին: Յուլիսեան յեղափոխութիւնը 1830ին Ֆրանսիայում ելեկտրական հոսանքի նման անցաւ ամբողջ Եւրոպայով, ցնցելով ու ըմբոստացնելով մի տեղ մանր ազգերին ընդդէմ տիրապետողների լծի, մի այլ տեղ՝ — ժողովրդական դէմոկրատիական (ոսամկափար) խաւերն ընդդէմ տիրող դասակարգերի:

1830ի Օգոստոսի 25ին ոտքի կանդնեց Բելժիքան, եւ հոկտեմբեր 3ին արդէն կազմուել էր ժամանակաւոր կառավարութիւն: Մի շարք մանրիկ ընդհարումներից յետոյ, նոյն թուի Նոյեմբերին Լոնդոնի կոնֆերանսը ձանաչեց Բելժիքայի անկախութիւնը:

Յուլիսեան յեղափոխութեան երկրորդ ու զօրեղ արձագանգն եղաւ Լեհական ապստամբութիւնը: Լեհ ազգը դուրս եկաւ Նիկոլա Ա. կայսրի րէժիմի դէմ 1830 թուին, բայց ջարդ ու փրշուր եղաւ Փելլեմարշալ (ընդհանուր զօրադուխ) Պասկեվիչի անազին բանակից, եւ Լեհական ինք-

նախար նահանգն ու լեհական կառավարութիւնը
չքաղան աշնուհետեւ :

Նոյն թուին եւ հետեւեալ տարին ժողովրդա-
կան ապստամբութիւններն սկսուեցին Գերման-
իայում եւ Չուիցերիայում : Ըմբոստացած ժո-
ղովուրդը Գերմանիայում ոտի ելաւ բացարձակ
միահեծանութեան դէմ, իսկ Չուիցերիայում
մանր հանրապետութիւններն ազնուականութիւն-
ների դէմ : Բայց այդ տեղերում ազգային անկա-
խութիւնը կար, դասակարգերն էին մրցում ի-
րար դէմ :

Ազգային զիտակցութեան, վերածնութեան
ու անկախութեան երրորդ փորձը մենք տեսնում
ենք Իտալիայում 1831-32-33 թուերին Մօզենա-
յում եւ այլ քաղաքներում Մէնտտերի եւ Ջիու-
զեպպօ Մաձձինիի առաջնորդութեամբ :

Իտալական մանրիկ պետութիւններում եւ
Աւստրիային ենթակայ նահանգներում սկսում
է ազգային շարժում . Իտալիան ձգտում է ազգա-
յին ամբողջութեան եւ անկախութեան : Բայց
Սրբազան Դաշնակցութեան չար ոգին՝ Մետտեր-
նիխը վրայ է հասնում . Աւստրիական զօրքերը
ճնշում են ապստամբութիւնը . Իտալիայի մի մա-
սը (հիւսիսը) մնում է օտար լծի տակ, իսկ միւս
մասերը Պապի եւ մանր մունր իշխանների բըռ-
նապետութեան տակ հիւժում են : Չէ ընկճում
միայն Ջիուզեպպօ Մաձձինին, այդ անխոնջ
հանրապետականը, որը 1833 թուին Մարսէլյում

հիմնում է «Երիտասարդ Իտալիա» ընկերությունը
և քարոզում Իտալիայի միութեան գաղափարը :

Վրայ է հասնում կենսարար և երկունքով լի
1848 թուականը : Յրանսխայում տապալում է
բուրժուական միապետությունը և հաստատում
երկրորդ հանրապետությունը, որը ծնունդ տը-
ւեց Նապոլէոն Գ.ին : Փետրուարեան յեղափո-
խութեան լուրը Վիեննա հասնելուն պէս, պայ-
թեց յեղափոխությունն այնտեղ էլ : Ճնշուած,
հալածուած հոգիները միահամուռ նշանաբանն
էր — «Կորչի Մետտերնիսը» : Եւ նա կորաւ, թէ-
և Աւստրիան կրկին դուրս եկաւ այդ թուականի
փրկարար շարժումներից ոչ բոլորովին վերանո-
րողուած, կրկին հիւանդ ու անկանոն, աննոր-
մալ կազմով կրկին ինքնակալ :

Մարտի 13ին պայթեց յեղափոխությունը Վի-
եննայում : Մետտերնիսը փախաւ քաղաքից,
խակ կայսրը տուեց սահմանադրություն, թէեւ
սկզբում կիսատ-սրտատ, բայց յետոյ, ամառը —
աւելի ընդարձակ իրաւունքներով :

Վիեննայի յեղափոխութեան լուրը հասաւ Ի-
տալիա : Այնտեղ արդէն բոլոր մանրիկ բռնակալ-
ները, նոյնիսկ Պիոս Թ. պապը, տուել էին սահ-
մանադրություն իրենց լմբոստացած հպատակնե-
րին : Ինքնակալական լծի տակ հեծում էին միայն
Աւստրիական նահանգները՝ Լոմբարդո-Վենեցի-
ական : Սակայն այդտեղ էլ, Վիեննայի բարրիկադ-
ների լուրն առնելուն պէս, իսկոյն ապստամբու-

Թիւններ ծագեցին Միլանում եւ Վենեցիայում : Իտալական բոլոր մանր պետութիւնների ազգաբնակչութիւնները ճնշում էին իրենց պետերին , պահանջելով զօրք հաւաքել ու շարժուել «բարբարոս օտարականների» վրայ , ազատել Իտալիան օտարի լծից , ձեռք բերել «ազգային ամբողջութիւն եւ անկախութիւն» : Սարդինիայի թագաւոր Կարլ Ալբէրտը խրախուսուած այդ բոլորից , Տեչինօ դեան անցաւ եւ մտաւ Լոմբարդիա , Աւստրիական հողերը : Իտալիայի մի ծայրից մինչեւ միւսը բոլոր զօրքերն ու կամաւորները շարժուեցին դէպի հիւսիս , Աւստրիացիները դէմ :

Զարթնեց եւ վազո՛ւց թմրած Բօհեմիան : 1848ի յունիսի 2ին Չեխերն ազգային կոնգրէս հրաւիրեցին եւ որոշեցին փչրել Հարսբուրգների լուծը : Նոյն ամսի 12ին Պրագայում պարզուեց ապստամբութեան դրօշը յանուն չեխ ազգի անկախութեան : Շինուեցին բարրիկադներ , կաղմբեց քաղաքացիներից գւարդիա կամ ազգային պահակ , սակայն Աւստրիական զօրքը , որի պետն էր իշխան Վինդիշգրեցը , շատ զօրեղ էր այդ վայրում : Զօրքը ոմբակոծութեան ենթարկեց Պրագան , յաղթեց ապստամբներին եւ կոնգրէն ցրեց :

Նոյն թուի սեպտեմբերին պայթեց Մաջարների կամ Վենգրիացիների ազգային ապստամբութիւնը Կոշուտ Լայոսի առաջնորդութեամբ : Ապստամբները փոփոխակի յաջողութիւնով 7-8 ամիս պատերազմեցին Աւստրիական բանակների

դէմ եւ 1849ի ամառն արդէն վերջնականապէս
յազթեւ եւ դուրս էին քշել նրանց մաջարական
սահմաններէց, պատրաստուում էին մտնել հրա-
ժարուած Ֆէրդինանդ Բ.ի ժառանգ Ֆրանց-Յով-
սէփ կայսրի երկիրը, երբ վերջինս օգնութիւն
ինդրեց Ռուսիայից: Նիկոլայ Պաւլովիչն ուղար-
կեց 200000 զօրք Պասկևիչի եւ Լիզերսի ղեկա-
վարութեամբ: Աւստրիական եւ Ռուսական հսկա-
յական բանակներէց ջարդուած, ապստամբու-
թիւնն ընկաւ, եւ Աւստրիան հրէջաւոր դաժանու-
թիւնով վարուեց յաղթուածների հետ:

Պարտուեց եւ Իտալիան: Միլանն ու Վենե-
տիկը կրկին մնացին Աւստրիական լծի տակ:

Գերմանիայում, բացի բուրժուական երրորդ
դասակարգի դատակարգային շարժումները, տե-
ղի էր ունենում, սկսած Նապոլէոն Ա.ի օրերից,
նաեւ ազգային վերածնութեան ու միացման շար-
ժում, որը կիսով չափ կատարուեց 1848ին, իսկ
լիապէս իրականացաւ 1871ին:

1860ական թուականներին մենք տեսնում ենք
վերջապէս Իտալական ազգն ազատուած, մի կող-
մից շնորհիւ Գարիբալդիի յեղափոխական գոր-
ծունէութեան, միւս կողմից՝ շնորհիւ կոմս Կա-
ւուրի, Կարլ Ալբրեքտ եւ Վիկտոր Էմմանուէլ Թա-
ղաւորների (Սարդինական) բանակների ու զիպ-
լոմատիայի: 1866ին Իտալացիներին յաջողուում է
միացնել եւ Վենեցիան, որ դեռ մնացել էր Աւրա-
տրիայի ձեռքերում:

Յոյները ազգային անկախութիւն ձեռք բերելու մասին մենք արդէն խօսել ենք. մնում է մի քանի խօսք էլ ասել հին ընթացիկ Թուրքիայի լծի տակ հեծող միւս ազգերի մասին :

Դեռ Յունաստանից էլ առաջ, 1815 թուին Ղարա-Գէորդին, յետոյ էլ Օրբէնովիչը բարձրացրին ազատամբռութեան ազգային զրօշը Թուրքիայի դէմ : Մուղապիւսի եւ Վալախիւսի էլ նախ դատ-դատ, ապա միացած ուժերով, ձեռք բերին ազգային ինքնավարութիւն 40ական թուերին, մինչեւ որ թէ՛ Սերբիան, թէ՛ Ռումանիան 1877ի պատերազմի ժամանակ դարձան միանգամայն անկախ պետութիւններ :

Բուլղարիան, սկսած 1850ական թուերից, ձգտում էր ազգային անկախութեան, որին եւ հասաւ արիւնալի ազատամբռութեան շնորհով, 1877ին, Ռուսաստանի օղնութեամբ : 1897ին ինքնավարութիւն ձեռք բերեց Կրեաէն : Մակեդոնիայի, Դիւրդիների, Արարների, Հայերի եւ այլ ազգութիւնների ձգտումներն ամենքին յայտնի են : Դրանք ձգտում էին ազատուել բռնապետական լծից, ստեղծելով սահմանադրական Թուրքիա, որի ներսում վարչական բարդ մեկնան այնպէս լինի կազմուած, որ մանրիկ ազգութիւնները վայելեն ազգա-կուլտուրական լիակատար ինքնավարութիւն : 1839 թուին Եգիպտոսը եւ Ֆէլլահ ազգութիւնը ազատուեց :

Եթէ յիշենք նաեւ Լեհաստանի ազգային ա-

պատմութեան փորձը 1860ական թուերին,
զբանով համարեա՛ վերջացրած կը լինենք մինչեւ
մեր՝ օրերը տեղի ունեցած ազգային վերածնու-
թեան շարժումների պատմութիւնը:

*
**

Մենք խոշոր դժերով առաջ բերինք ազգու-
թեան գաղափարի ծնունդն ու զարգացումը մարդ-
կային պատմութեան ընթացքում: Մենք ներկայ
եղանք նրա ծնելուն Յունաստանում եւ Հռոմում,
մենք տեսանք թէ ինչպէս, բարբարոսների արշա-
ւանքներով ու Հռոմի անկումով, ազգութեան գա-
ղափարը մի առ ժամանակ տեղի տուեց, մօտ
7-8 դար թաղուեց Հռոմի փրտակների տակ,
զերման պարտիկուլարիզմի (բաժանականու-
թեան) գրկում, եւ թէ ինչպէս, սկսած ժԲ. դա-
րից, աստիճանաբար նա վերածնուեց ու արտա-
զրեց ազգային պետութիւններ: Վերջապէս, հե-
տեւելով ազգութեան գաղափարի բնաշրջմանը,
մենք տեսանք, թէ ինչպէս իրար ետեւից ծնուե-
ցին ու զարգացան մանրիկ ազգութիւնները, ինչ-
պէս նրանք վերակենդանացան ժԷ., ժԸ. եւ մա-
նաւանդ ժԹ. դարերի ընթացքում, երբ, մարդ-
կային գիտութեան շնորհով, ստեղծուեցին հա-
զորակացութեան ու արտազրութեան յարմարա-
դոյն միջոցներ, երբ կուլտուրան ու քաղաքակրթ-
ութիւնը դարձան ժողովրդների լայն խաւերի

սեփականութիւն, երբ ժողովրդական զանգուածները, մարդկային այդ անդիտակից հօտերը՝ եկան գիտակցութեան:

Մարդկային պատմութեան ընթացքում ազգութիւնները ընդհարումները չափազանց շատ են եւ աչք ծակող: Անկարելի է նրանց չափանելու տալ: Այդ ընդհարումներից շատերն անպայման ունեն այս կամ այն դասակարգային աստառը, սակայն նրանց մէջ բազմաթիւ են եւ այնպիսիները, որոնց արմատը թաղուած է ոչ թէ այս կամ այն դասակարգի շահերի գրկում, այլ արքունած ազգի բոլոր դասակարգերի հողինքում՝ — առանց որ եւ է խտրութեան կամ բացառութեան: Վերջրէջ բոլոր ճնշուած ազգութիւնների դիմադրական կամ ազատագրական կռիւները. նրանց բոլորի մղիչ ոյժը բղխում է ազգի բոլոր դասակարգերի սրտից:

Ազգային այդ գզացումը զօրեղ է, յաճախ հզօր եւ ամենակուլ: Այդ Մոլոխը շա՛տ գոհեր է կլանել եւ դեռ կլանում է այսօր, մեր աչքի առջեւ:

Մարդկային տաք արիւնը հոսել է գետերով ու՝ դեռ հոսում է: Անհատներ ու խմբեր, նոյն իսկ զղալով առջեւներում եղած անզունը, անխուսափելի բանտը, աքսորը, կախաղանն ու գերեզմանը, գիտակցաբար առաջ են սլանում՝ — աներկիրը եւ անձնուրաց, մղուած մի ներքին անդիմադրելի ուժից, մի աստուածային կրակից:

Ի՞նչ է այդ ներքին մղիչ ոյժը: Ո՞րն է այդ անդիմադրելի ու անպարտելի խթանը, այդ աստուածային կայծը, որ մղում է մարդկանց դէպի մահ, դէպի անձնուրացութիւն:

Իրա անունն ազգային զգացմունք է: Ազգն ու ազգութիւնն են այդ մղիչ զօրութիւնները, մարդկային պատմութիւնը շարժող լծակներից մէկը, թերեւս ոչ շատ էլ փոքրը:

Քննենք թէ ի՞նչ է ազգը:

Գ Լ ՈՒ Խ Բ.

Ջանապան գիտնականների կարծիքները: Քննադատութիւն: Մեր բանաձեւը: Ազգերի ծագումը: Հորդայից մինչեւ ազգ. որսատեղից մինչեւ Հայրենիք: Ուժերի խնայողութեան օրէնքը: Ազգութեան յատկանիշները: Նմանութեան եւ տարբերութեան յատկանիշներ: Ամփոփում:

Կան բնական եւ հասարակական բազմաթիւ երեւոյթներ, որոնց մասին մի կարճ, ամփոփ ու յստակ որոշում տալ չէ կարողանում ներկայ գիտութիւնը, մարդկային ներկայ վերլուծական ունակութիւնը: Այդպէս է բանականութիւնը, այդպէս է գոյութեան դադարը, այդպէս են բազմաթիւ փիլիսոփայական ու կենսաբանական երեւոյթներ:

Այդ կարգի գաղափարներին է պատկանում ազգ կամ ազգութիւն հասկացողութիւնները: Ազգը կայ, նա մի թէպէտական (իրական) մեծութիւն է, յաճախ չափազանց աչք ծակող, իր գոյութիւնն զգալ տուող. այն ինչ կարճ ու յստակօրէն բանաձեւել, թէ ինչ է ազգ, — բանաձեւել

այնպէս, որ միանգամայն չընդունէ այլեւս երկ-
դիմութիւն, մթութիւն, եւ տեղիք չտրուի որեւէ
թիւրիմացութեան, առ այժմ հնարաւոր չէ:

ԺԹ. դարից առաջ դուք ի վուր կ'որոնէք որ-
եւէ որոշում այդ մասին փրկիտօփայական, պատ-
մական ու հասարակագիտական բաւական հա-
րուստ գրականութեան մէջ արեւմտեան Եւրոպա-
յում: Բուլրըրը խօսում են պետութեան, նրա սահ-
մանները, նրա վրայ ապրող ժողովրդի մասին,
բայց ոչ ոք չէ շօշափում ազգութեան հարցը:
Այդ մասին առաջին որոշումները մեզ հանդիպում
են ԺԹ. դարի ընթացքում, ոչ շուտ:

Այսպէս առաջին գերմանական գրող Չաքա-
րիէն է, որ 1839 թուին ձգտում է բանաձեւել ազգ
հասկացողութիւնը: «Ազգը, ասում է Չաքարիէն,
— մարդկանց այն ամբողջութիւնն է, որ ունի մի
ընդհանուր ծագում, — մարդկանց, որոնց յա-
տուկ է զգալու եւ մտածելու միեւնոյն եղանա-
կը»: Այս որոշումը, ինչպէս յետոյ կը տեսնենք,
բաւական մօտենում է ներկայումս ընդհանրա-
պէս ընդունուած բանաձեւերին:

Գերմանական մի այլ գրող, — Escher(*),
իրար խառնելով ազգ եւ ժողովուրդ հասկացո-
ղութիւնները, տալիս է հետեւեալ բանաձեւը.

(*) «Handbuch der praktischen Politik», 1863
բուրն: Թէ այս, քէ նախընթաց որոշումը մենք վերցրել
ենք Ի. Անիմից:

«Ազգը ոչ այլ ինչ է, եթէ ոչ որեւէ պետութեան հողի կամ տերրիտորիայի վրայ ապրող բնակիչների բնդհանրութիւնը, որոնք մշտապէս կենում են այնտեղ»:

Escherի այդ որոշումը միանգամայն մթնեցնում է ազգութեան գաղափարը, որի ժամանակակից որոշմանն այնքան մօտեցել էր Չաքարիէն: Ներկայումս դոյութիւն ունեցող բոլոր քիչ ու շատ աչքի ընկնող պետութիւնների երկրներում ապրում են անպայման մէկից աւելի ազգեր: Սակայն առ այժմ մի կողմ թողնենք այդ խնդիրը, որով պիտի զբաղուենք մի քիչ յետոյ, եւ առաջ անցնենք:

Հռչակաւոր իրաւագէտ Բլունչլին արդէն պարզօրէն տարբերում է իրարից ժողովուրդն ու ազգը: Ժողովուրդը «քաղաքական միութեան արտայայտութիւնն է», իսկ ազգը «պատմա-կուլտուրական մի հասկացողութիւն է», — «Ազգը կարող է ժողովուրդ դառնալ միայն պետութեան մէջ եւ պետութեան միջոցով»:

Գիտութիւնն, այնուհետեւ, քանի զնում՝ աւելի եւ աւելի սահմանաւորում, իրարից տարբերում է ազգ եւ ժողովուրդ, ազգ եւ պետութիւն հասկացողութիւնները: Այսպէս Աւստրիական յայտնի ընկերաբան Լ. Գումպլովիչը զեռ 1879 թուին գրում է. «Ազգութիւններ պէտք է համարել ժողովրդական մեծ խմբերը, որոնք գիտակցում են իրենց կուլտուրայի բնդհանրութիւնը»:

նը եւ որոնք ոգեւորուած կամ ներշնչուած են ազգային ընդհանուր զգացմունքով»^(*), մի զգացմունքով, որը կապուած է անհատին ազգի հետ, մասին՝ ամբողջութեան հետ :

Տարիներ յետոյ, նոյն դիտեմանն աւելի եւս որոշ դիժ է անցկացնում պետութեան եւ ազգութեան միջեւ եւ, կարծես իբր բողոք այդ երկու հասկացողութիւններն իրար շփոթողների դէմ, հետեւեալ միտքն է յայտնում. «Նքէ ժԶ. դարում քաղաքում էր մարդկային արժանապատուութիւնը ծաղրող բռնապետական սկզբունքը — *cujus regio, illius religio* (ինչպիսի կառավարիչ, այնպիսի էլ կրօն), — եքէ որ այդ սկզբունքի գորութեան հիման վրայ ազգաբնակչութիւնը, կախաղանի, գլխատման ու խարոյկի ըսպտոնալիքներէից մզուած, ստիպուած էր մերքփշրել սրբերի պատկերները, մերք նրանց երկըրպագել, — նայելով քէ ինչ դաւանութեան էր պատկանում երկրի ամենոգորմած տէրը, — այժմ էլ սկսուել է մարդկանց նոյնքան անարժան մի այլ սկզբունք, — այն՝ որ ազգութիւնը որոշում է պետութեան պատկանելով: Եւ այդ սկզբունքը քաղաքում է մինչեւ օրս»^(**) :

(*) «Recht der Nationalitäten und Sprachen in Oesterreich»:

(**) Լ. Գումպլովիչ «Նացիոնալիզմը եւ ինդերնացիոնալիզմը ժԹ. դարում» (ռուսերէն) Երես 6:

Ֆրանսիացի հռչակաւոր գրող Էրնէստ Ռենանը, 1882 թուին լոյս տեսած իր յայտնի գրութեան մէջ — «Ի՞նչ է ազգութիւն» — , այսպէս է բնութագրում ազգութեան զազաւարը. «Ազգը մի հոգի, մի հոգեկան սկզբումն է» (Երես 26)։ Մի քանի երես յետոյ, նա աւելի եւս պարզաբանում է իր միտքը եւ ասում. «Մարդն ստրուկ չէ ոչ իր բասայի կամ ցեղի, ոչ իր լեզուի, ոչ իր կրօնի, ոչ իր երկրի գետերի հոսանքի, ոչ էլ իր երկրի լեռնաշղթաների ուղղութեան։ Մարդկանց մի մեծ հաւաքածու (agrégation) կամ մեծ խումբ, առողջ ոգով եւ տաք սրտով, ստեղծում է մի բարոյական խիղճ, որը եւ կոչւում է ազգութիւն» (*): «Ազգութիւնն այն մեծ համերայն խումբիւնն է, որը հանդիսանում է իբր արդիւնք դէպի արդէն բերուած եւ ապագայում էլ բերուելիք գոհերը տաժած սրբագան զգացմունքներին։ Ունենալ մի բնդհանուր կամք ներկայում, միասին կատարած ունենալ մեծամեծ քաջագործութիւններ, ցանկալ կրկին կատարել նոյնպիսի գործեր, — ահա մի ազգի գոյութեան էական պայմանները»։

Ի միջի այլոց ասենք, որ ազգ եւ ազգութիւն հասկացողութիւնները յաճախ իրար են խառնում, թէեւ կայ մի էական տարբերութիւն այդ

(*) E. Renan - Qu'est-ce qu'une nation, page 29.

երկուսի մէջ: Ազգը մարդկանց խումբն է, որի
յատկութիւնները դեռ յետոյ ենք որոշելու, իսկ
ազգութիւնն այդ խմբի յատկութիւնների ընդհա-
նուր դումարն է: Ազգը առարկայական, նիւթա-
կան երեւոյթ է, — մի մեծ խումբ մարդկանց օր-
դանական կամ միաձուլ ամբողջութիւնն է, իսկ
ազգութիւնը մի արտրակսիոն է, մի աննիւթ
էութիւն, ազգի յատկութիւնը, նրան, մարդկա-
յին այդ խմբին միւս խմբերից կամ միւս ազգե-
րից բաժանող սրակների ընդհանուր դումարն է:
Խօսակցական լեզուի մէջ այդ երկու հասկացո-
ղութիւնները յաճախ իրար ենք խառնում, թէեւ
տարբերութիւնն ակներեւ է: Մեր հետազօտու-
թեան մէջ մենք եւս, հետեւելով ընդունուած սո-
վորութեան, ուշք չենք դարձնելու այդ երկու
բառերի տարբերութեան վրայ, այլ յաճախ դործ
ենք ածելու մէկը միւսի փոխարէն:

Ռընանի որոշումը շատ էլ պարզ չէ: Սակայն
ազգ եւ ազգութիւն հասկացողութիւնների համար
ներկայ մարդկային դիտութիւնը չունի դրանից
աւելի կարճ, կտրուկ ու պարզ բանաձեւեր: Այս-
պէս Գերմանական գիտնական Neumannը, 1888
թուին հրատարակած իր մի աշխատութեան մէջ
— «Volk und Nation», այսպէս է բնորոշում.
«Ազգը շատ կամ քիչ խոշոր մի ազգաբնակութիւն
է, որը՝ շնորհիւ ինֆնատիպ բարձր կուլտուրա-
կան զարգացման, ձեռք է բերել ինֆնատիպ ընդ-
հանուր բնատրութիւն, որն անցնում է սերնդից

սերունդ»^(*) : Նա մերժում է, որ մի ազգի կամ մի ազգութեան էական յատկութիւնները կրօնը, լեզուն, ընդհանուր շահերն են : Նրա կարծիքով՝ ազգի անդամներին միացնող տարրը այն «սուրէկտիվ կամ ներքին անհատական զգացմունքն է», որ նրանց բնազդօրէն կապում է իրար հետ, որ նրանց մի օրդանահան ամբողջութեան հասկացողութիւնն է ներշնչում :

Նոյմանի որոշումն էլ աւելի մութն ու ամպամած է : Ճշմարիտ է, կրկնում ենք մենք, ներկայ դիտութիւնը դեռ այնպիսի պարզ, անժըխտելի բանաձեւ չունի ազգ եւ ազգութիւն հասկացողութիւններէ մասին, բայց եւ այնպէս այս դրոյրներէ տուածից աւելի պարզ կարելի է լինել :

Ազգային հարցի մասին խօսելիս, յաճախ մարդիկ խառնում են այդ հարցը «մարդկային ցեղերի» կամ «րասաների» հետ : Այդ շփոթութիւնը յաճախ տեղի է ունենում մանաւանդ ազգամոլներէ կամ շօվինիստներէ կողմից, որովհետեւ նրանք ցանկանում են անպատճառ «ազգը» ծնեցնել մի արմատից, միեւնոյն նախնիքներից : Նրանք ուզում են անշուշտ ազգութիւնը համարել մի բնոյթին, մի գուտ բնական երեւոյթ եւ ոչ պատմական կամ բնա-պատմական :

(*) Fr. J. Neumann — «Volk und Nations» 5. 132. Պէտք է ասել, որ Նոյմանը իր այդ գրքում մատնանիշ է արել եւ օգտուել է ազգային հարցի մասին եղած ճախընթաց ամբողջ գրականութիւնից :

Մի քիչ յետոյ մենք կը տեսնենք, որ այդ ջանքն ի զուր է, որովհետեւ պատմական երեւոյթներն էլ, դարերի ընթացքում զառնում են նաեւ բիւլոգիական կամ կենսաբանական երեւոյթներ :

Ազգ կոչւում է մարդկանց այն խումբը, որ դարեր շարունակ, սերնդից-սերունդ, ապրելով միեւնոյն բնական ու պատմական միջավայրում, իր կուլտուրային վերաբերող բոլոր հարցերը լուծել է իր համար, ինքնուրոյնաբար. դրանով ստեղծուել է, ժամանակի ընթացքում, երկար համայնակեցութեան շնորհով, ազգային ընդհանուր ողի կամ ներքին, սուբեկտիվ աշխարհ, ազգային ստեղծագործութեան յատուկ ձևեր եւ նոյն իսկ ազգային մի յատուկ ֆիզիքական եւ հոգեբանական տիպ :

Սկզբներում, մարդկային պատմութեան շէմքի վրայ, երբ դեռ բարբարոս ժողովրդներն ապրում էին տոհմական կազմով, ազգ գոյութիւն չունէր, ինչպէս այսօր նա գոյութիւն չունի քիւրդերի կամ եզիաների մէջ : Կային տոհմեր կամ գեներ (կլան), կային ցեղեր կամ տրիբներ (աշիրաքներ), ղեկավարուող իրենց տոհմապետներով ու ցեղապետներով : Այդ տոհմերն ապրում էին ցեղերի մէջ, իսկ ցեղերը շատ տեղեր հասել էին նոյն իսկ մի աւելի բարդ հասարակակազմից ցեղերի դաշնակցութեան : Բազմաթիւ տոհմեր խօսում էին միեւնոյն լեզուի զանազան բարբառ-

ներով. նոյն իսկ մի քանի ցեղեր նոյն լեզուով
էին խօսում, բայց ազգ զեռ չկար. դեռ այդ բո-
լոր տոհմերն ու ցեղերը ասլրում էին ուրոյն
կեանքով, ստեղծագործում էին ամենօրեայ
կեանքում ուրոյն ձեւերով: Դեռ եւս չկար մի
ընդհանուր միջոց, որ այդ մանր ու արիւնակից
խմբակներին միատեղէր, մի ընդհանուր կազա-
պարի միջով անց կացնէր, միաձուլէր, բոլոր
բաժան-բաժան, իրարից բաւական տարբերուող
միութիւններին տաշտէր, յղկէր, նրանց անհուն
բազմազանութիւնները վերածէր որոշ չափի միա-
զանութեան, — կարձ՝ — նրանցից ստեղծէր մի
ընդհանուր միութիւն, մի ազգ:

Այբուրենի զիւտով մարդկութիւնը դուրս է
զալիս բարբարոսական շրջանից եւ, ստեղծելով
զիր, գրականութիւն եւ գրաւոր պատմութիւն,
նա մտնում է քաղաքակրթութեան շրջանը: Դա-
րեւոր համայնակեցութեան, արիւնակից խմբերի
մեծանալու եւ նրանց իրար հետ անվերջ յարաբե-
րութիւնների մէջ մտնելու շնորհով, մարդկային
համայնակեցութեան սահմաններն աւելի եւ աւե-
լի լայնանում են, մարդկային կուտակուած փոր-
ձառութեան կամ զիտութեան չափը եւս աճում
է: Հնարւում են նորանոր արտադրական միջոց-
ներ, աւելի եւ աւելի արդիւնատու արտադրական
ձեւեր: Ստեղծւում են դասակարգեր:

Արեւակցական խմբակների նախկին կառա-
վարական ձեւը նոյնպէս ընդլայնում, մեծանում

է: Ծնունդ է առնում պետութիւնը, որը օր օրի վրայ մեծացնում է իր նեղլիկ սահմանները, իր հովանու տակ է առնում նոր ու նոր արիւնակից խմբեր կամ տոհմեր, քայքայում նրանց, խառնում իր նախկին, արդէն շերտաւորման ենթարկուած խմբերին: Այսպէս՝ աստիճանաբար կլանելով շրջապատի ժողովրդներին, մի փոքրիկ խմբակը — մի պալիսը կամ յունական ու հռոմէական մի քաղաք-պետութիւնը կամաց կամաց դառնում է մի բաւական ընդարձակ պետութիւն: Այդ պետական միութեան ներսում աստիճանաբար ստեղծւում են միատեսակ օրէնքներ, ստեղծագործական միատեսակ ձեւեր, մի ընդհանուր լեզու, տնտեսական քիչ ու շատ նման յարաբերութիւններ, յաճախ միեւնոյն տեսակի մի ընդհանուր կրօն եւայլն:

Այսպէս՝ մի Հոռոմ նախ տիրում է Լացիոմին, Էտրուրիոմին եւ Սաբիոմին. իրար է խառնում նրանցում ապրող բոլոր արիւնակից խմբակներին, աստիճանաբար կրճեւելով-կրճեւելով, վերացնում է էտրուսկներին եւ սաբինացիներին լեզուն, տարածում բոլորի մէջ լատինական լեզուն, որի մէջ անպայման պիտի լինեն եւ խառնուրդներ էտրուսկներին եւ սաբինացիներին լեզուից, որովհետեւ բնութեան մէջ ոչինչ անհետք չի մեռնում: Այդ երեք զաւառների բոլորովին տարբեր ժողովրդների բազմաթիւ արեւակցական տոհմերից Հոռոմի պետական կեանքը կամ մարդկային

ընդհանուր համայնակեցութիւնը, զարերի ընթացքում, կարողացաւ ստեղծել Հոռոմէական ազդը, կամ աւելի ստոյգ է ասել՝ — Իտալական ազդը:

Սա՛ն նպայման զուտ պատմական մի պրոցէսս, մի դործողութիւն է:

Բայց արդեօք այդ պատմական պրոցէսսի տակ չկա՞ն թաղնուած նախորոշ ու յարակից պայմաններ, չկա՞ն նաեւ նոր ծնունդ առնող հետեւանքներ:

Ամենից շուտ ո՞ր տոհմերն են միախառնուում, միաձուլուում եւ մի ազդ կազմում. արդեօք այն տոհմերը, որոնք խկապէս արենակիցներ են, թէ՞ այն տոհմերը, որոնք արենակիցներ չեն: Այդ հարցը երկու պատասխան ունենալ չէ կարող: Ամենից շուտ միաձուլուում են արենակից տոհմերն ու ցեղերը: Դրանք միեւնոյն բնական միջավայրի ծնունդներ են, որ ստեղծել են իրենց համար միեւնոյն հասարակական միջավայրը. մշակել են իրենց համար մի ընդհանուր լեզու իր բարբառներով, միատեսակ սովորութիւններ, միատեսակ սնտեսակարգ (*), միատեսակ կրօն եւ այլն: Այդ բոլոր արիւնակից խմբակներում

(*) Արիւնակից տոհմերի տնտեսական սեւերի այդ ընդհանուր նմանութիւնն է, որ դրդում է Ֆ. Էնգելսին ասել — «բասն կամ ցեղն էլ մի տնտեսական ազգակ է» (տես այդ առթիւ «Der sozialiste Akademiker» — 1895 թ. երես 373):

անպայման գոյութիւն ունի բնագիտական տարրը, կամ կենսաբանական պատճառը: Այդ խմբակները կազմող անհատների լեզուն, ոգին, սովորութիւնները, հաւատալիքները՝ — կարճ՝ — նրանց պսիխիկան կամ ոգին մօտաւորապէս իրար նման են, — ինչո՞ւ. որովհետեւ իրար նման են նրանց Ֆիզիկան, նրանց մարմնակազմի կենսաբանական տարրերը, — նրանց արիւնը, նրանց ջղերը, նրանց ուղեղաբջիջները եւ այլն: Ի՛նչ տարբերութիւններ են դրանք, մենք չգիտենք, որովհետեւ ժամանակակից Ֆիզիոլոգիան դեռ այնքան չէ զարգացել, որ այդքան խորը թափանցէ, այդքա՛ն առաջ տանի իր գիտական վերլուծութիւնը, տարրալուծէ եւ համեմատէ, օրինակ, հայի ու վրացիի, Թուրքի ու Ռուսի արիւնները, գտնի նրանց մէջ նման ու տարբերական բոլոր տարրերը: Իսկ տարբերութիւններ անշուշտ կան տարբեր հասարակական միջավայր ստեղծող երկու տարբեր սոցմերի, երկու տարբեր ցեղերի կամ երկու տարբեր ազգերի Ֆիզիքաների միջեւ: Ձընդունել այդպիսի ապրիորի (կանխահաստատ կամ նախաենթադրելի) տարբերութիւններ՝ անհնարին է, որովհետեւ, հակառակ դէպքում, մեզ համար փիլիսոփայօրէն անհնարին կը լինի բացատրել երկու տարբեր ժողովրդների ունեցած գանազանութիւնները:

Օրինակ ինչո՞ւ այս ինչ ազգն ստեղծել է կոշտ ու կոպիտ մի լեզու, մի արիւնարբու կրօն.

խակ մի ուրիշն ստեղծել է մի քնքոյշ, մի քաղց-
րահնչիւն լեզու, մի մեղմ ու քնքոյշ կրօն, եւ այլն :
Սրանց արմատն անպայման որոնելու է այդ ազ-
գի, այդ ցեղի կամ այդ տոհմի անդամների Ֆի-
զիքական կազմի մէջ, որն իր կարգին, ծնունդ է
չըջապատ բնութեան (*) :

(*) Տարբեր նախադրեցողութիւններով մեծ միւսնայն հետե-
ւանքներին կը հասնենք, եթէ ենթադրենք, որ մարդկու-
թիւնը սերուել է մի արմատից: Իսկապէս ազգութիւնների
ծագման եւ ազգութիւնների բազմազանութեան տեսակետից
ուչ մի նշանակութիւն չունի այն գիտական եւ դեռ վերջ-
նականապէս չլուծուած հարցը, թէ արդեօք մարդկութիւնը
ծնել է կենդանական մի տեսակից (*մոնոգենիզմ*), թէ մի բա-
նի տեսակներից (*պօլիգենիզմ*): Մի քիչ վերելում մեր բե-
րած դատողութիւնները վերաբերում էին *պօլիգենիզմ*ին-
մեծ ենթադրեցիւնք, որ պատրաստի *զէնսեր* կամ տոհմեր
ու ցեղեր եղել են առաջուց, իբր արդիւնք տարբեր կենդա-
նական ծագման: Իսկ այժմ, ենթադրելով որ մարդկութիւ-
նը սերուել է մի արմատից, մեծ գալիս յանգում ենք բա-
ցարձակ նոյն հետեւանքներին:

Մի արմատից սերուած մարդկութիւնը ցրում է,
ի հարկէ չափազանց դանդաղօրէն, երկրագնդի այս ու այն
մասերում, մանրիկ տոհմերով ու ցեղերով, սկզբներում
նոյնիսկ մանրիկ խմբակներով, անասնական արեւախառնու-
թեամբ սպրոզ, — խմբակներով, որոնց բնկերաբանական
գիտութիւնը կոչում է «անիշխանական հօրդաներ» (*hordes*
anarchiques): Այդ խմբակցութիւնները, բնակուելով

Սա էլ անսպասելի ընկալան կամ բիռլոգիական պլանցէս (գործողութիւն) է, որ աւելի առաջ է տեղի ունենում, քան ազգի կազմուելն իբր մի օրգանական միութիւն: Դա նախորոշիչ պայման է:

Բայց, ենթադրենք, որ Հոտմի 3 տրիքներն (ցեղ) իրենց 300 տոհմերով, իբր արխանակիցներ,

տարբեր բնական միջավայրերում եւ չունենալով բնութեան դիմադրելու կարող ոչ մի ոյժ, շատ շուտով, նոյնիսկ հազիւ մի սերունդի կեանքի ընթացքում, փոփոխուում, զանազանաւորում են իրարից: Այդպիսով կրկին ստացում է այն բազմազանութիւնը, որից պէտք է վերելում վերլուծուած մանապարհով, միանան ֆիզիքապէս ու հոգեպէս իրար աւելի մօտ եղող խումբերը, միեւնոյն բնական եւ ժառանգական միջավայրի արդիւնք եղող տոհմերն ու ցեղերը եւ կազմեն — նախ՝ տոհմեր, ցեղեր եւ ապա ազգեր:

Այդ բոլոր միացման ու լուծման երեւոյթներում դեր խաղացողը Չ. Գարուիճի մատնանշած բնական ընտրութեան կամ յարմարեցման օրէնքներն են:

Սակայն նոյնիսկ մարդկութեան այդ մանուկ, ամենադիւրաքեֆ հասակում էլ կատարուող բոլոր փոփոխութիւնները միամտութիւն կը լինէր վերագրել լոկ մի արմատի — սնտեսական ֆակտօրին: Ոչ, յառաջացող փոփոխութիւնները ծնունդ են արտաքին բազմազան միջավայրի եւ արդէն կազմակերպուած մարդկային ներքին աշխարհի: Այդ մարդկային ներքին աշխարհը երկնքից չէ ընկել կազմ ու պատրաստ. նա էլ ծնունդ է իր նախորդների հազարադարեան ա-

միաձուլուեցին: Կը նշանակէ՝ մենք ունենք արդէն մի ազգի միջուկը, նրա մի սկզբնական ձեւը, որովհետեւ այդտեղ կայ մարդկային մի զգալի խումբ, որը սերնդից-սերունդ երկար տարիների ընթացքում իր կուլտուրային վերաբերող բոլոր հարցերը լուծել է ինքնուրոյնաբար: Հոռմէական այդ խմբակի բոլոր անհատներն ունեն ոչ միայն մի ոգեկան նման աշխարհ, այլ եւ անպայման միեւնոյն արիւնը, որովհետեւ սերուած են մի արմատից:

Ի՞նչ է կատարուում այնուհետեւ:

Նոր կազմուած այդ ազգային օրգանական ամբողջութիւնն աւելի զօրեղ է, քան նրա դրացիութեան մէջ եղող եւ դեռ եւս տոհմական կազմով ապրող բոլոր ցեղերը: Եւ նա սկսում է ատիճանաբար կլանել այդ դրացի տոհմերին ու ցեղերին՝ մէկի՛կ- մէկի՛կ: Կլանում, մարսում, միաձուլում է նրանց. դարձնում իր ազգի մի անբաժան մասը: Կուլտուրապէս ստոր այդ տոհմերն ու ցեղերը, ինչպէս կէլտերը, գալլերը, ի-

տնտեսական փակտօրին: Ոչ, յառաջացող փոփոխութիւններն անգուրբիւնը մարդ արարածը բերել է իր հետ աշխարհ, հենց որ երեւացել է իբր մարդ-բանական՝ ընկերաբանութեան անպարէզում: Արտաքին միեւնոյն միջավայրը միատեսակ չէ ազդում տարբեր տոհմերի ու տարբեր ցեղերի վրայ, որոնք ժառանգել են տարբեր որակներ եւ որոնց ոգին ունի իւրայատուկ ներքին ստեղծագործական կարողութիւն:

բէրները, Ազրբաիկան ծովափերի բոլոր ցեղերը եւ այլն, — չկազմելով որ եւ է ազգային օրգանական ամբողջութիւն, շուտով, առանց երկար դիմադրութեան, կուլ են գնում. նրանք ընդունում են Հոտմի բեզուն, կրօնը, սովորութիւնները, օրէնքները, ամբողջ կուլտուրան :

Այդտեղ կատարւում է «քիմիական» դործողութիւն: Հոտմեական ազգն, ընդունելով իր մէջ այդ գրացի ցեղերին, իւրացնելով նրանց, դարձնում է իր մի անբաժան մասը՝ — «արիւն յարենէ իւրմէ, մարմին ի մարմնէ իւրմէ»: Նրանք բոլորը — թէ նոր ձուլուածները, թէ նախկին ազգային օրգանական միութիւնը — կազմում են այնուհետեւ մի անբաժան ամբողջութիւն, մի նոր օրգանական միութիւն, ինչպէս թթուածինից եւ ջրածնից ստացւում է մի նոր բարդ մարմին՝ — ջուրը :

Այդ նոր ստացուած ազգային օրգանական ամբողջութիւնը կրկին կրում է «հոտմեական ազգ» անունը, բայց այլ եւս նա մաթեմատիֆօրէն նախկին հոտմեական ազգը չէ. նա ընդունեց իր մէջ մի նոր տարր, որն անպայման ներմուծեց որոշ փոփոխութիւններ այդ ազգային ամբողջութեան մէջ :

Ներմուծուած փոփոխութիւնները կարող են լինել շա՛տ չնչին, եթէ ներս մտնող տարրն ինքը չնչին է թէ թիւով, թէ որակով: Նրանք կարող են լինել չնչին մի այլ դէպքում էլ. երբ ներմուծ-

ուող տարրը, որքան էլ թիւով շատ, որակով նըման է նախկին ազգային միութեանը:

Այնուհետեւ տարածուած է Հոռոմի պետութիւնը, գրաւում ամբողջ միջերկրականի աւազանը երեք մայր ցամաքների ափերով, իրեն հըպատակեցնում հարիւրներով ազգեր ու ղեղեր: Այդ բոլորը կազմում են Հոռոմի ժողովուրդը եւ ոչ հռոմէական ազգը: Իտալիան, նրա դրացի բաղմաթիւ կղզիներն ու պրովինցները (գաւառ) լցուած են ազգային մի օրգանական ամբողջութիւնով — հոռոմէական ազգութիւնով, իսկ Աքէեան կամ Յունաստանն ունի իր շեշտուած ազգութիւնը՝ — յունական ազգը. Ասիան ունի իր բաղմաթիւ ազգերը. Աֆրիկայի մի մասը նոյնպէս: Հոռոմը լցրել է այդ բոլոր ժողովրդներին իր տոպրակի մէջ ու խառնում է, ուժղին թափահարում: Երեւակայեցէք, որ ամէն մի ազգ հանդիսանում է մի խոշորկէկ կոշտ, մէկը թոյլ, միւսը՝ պինդ, երբորդը կարծր. խառնեցէք այդ հսկայական տոպրակը: Կոշտերն իրար են զարնում. թոյլերը փշրւում են, ձուլւում, կորչում. նրանք այլեւս կոշտեր չեն, այլ փոշի, մանրուք, որը կը ձուլուի շուտով միջավայրում գտնուող ամենախոշոր ու ծանր գանդուածի — հոռոմէական ազգի հետ: Բաւական է մի քիչ խոնաւութիւն, մի քիչ ամալգամա կամ միացնող նիւթ, եւ այդ փշրուած կոշտերն այլ եւս ոչ մի ուրոյն հետք չեն թողնի: Շարունակեցէք խառնել տոպրակը: Պինդ ու

կարծր կոշտերից դուցէ մի քանի սուր-սուր ծայրեր, մի քանի խորթուփորդութիւններ պոկուեն, բայց նրանց ամբողջութիւնը մնում է: Ընդհակառակը՝ որքան դուք արագ ու ուժեղ էք խառնում, նրանք, վայր թափելով իրենց թոյլ մասերը, իրենց խորթուփորդութիւնները, դառնում են աւելի ուժեղ, ընդունում են դնդի ձեւ, կլորանում եւ դիմադրական աւելի մեծ ունակութիւն են ձեռք բերում: Եթէ խառնելու ժամանակը չափազանց կերկարի եւ խառնելու գործողութեան ոյժը խիստ կը գորանայ, անկասկած, կը սկսեն պինդ կոշտերը եւս փչրուել եւ վերջ ի վերջոյ հերթը կը հասնի նաեւ կարծրներին: Սակայն ազդերի հարածանքները երբէք յարատեւ չեն եղել մարդկային պատմութեան մէջ:

Կոշտերը խառնելու գործողութիւնը մի հասարակ Ֆիզիքական պրոցցէսս է: Կոշտերը պիտի փչրուեն, կպչեն այս կամ այն մեծ կոշտին, որ նոր միայն առաջ դայ ձուլման քիմիական գործողութիւնը:

Ազդը նման է քիմիական գործողութիւնից առաջ եկած մարմնին, իսկ պետութեան ժողովուրդը մի Ֆիզիքական խառնուրդ է:

Մեր բերած օրինակից պարզ է, որ ամենից մեծ դիւրութեամբ կլանւում են նման տարրերը: Տարբեր տարրերից էլ նրանք են ամենահեշտ կլանուողները, որոնք ներքին դիմադրական ոյժ չունեն: Իսկ այդ ներքին դիմադրական ոյժը ազ-

դային օրգանական ամբողջութեան զիտակցութիւնն է: Տոհմերն ու ցեղերը կլանելը զլուրին է, քանի զեռ նրանք ազգ չեն կազմել: Իսկ երբ ազգը կազմուեց եւ մանաւանդ երբ ազգային գիտակցութիւնն ամրացաւ, այնուհետեւ մի ժողովրդի կլանելն այլ եւս սկսում է զժուարճնալ: Այդ զժուարտութիւնը երբեք չէ կարելի մաքեմատիֆօրէն հաշուի առնել: Կլանելն անհնարին ասելն էլ չէ կարելի, որովհետեւ շատ ազգեր կըլանուել են, եւ արամարանօրէն ոչ մի հիմք էլ չունենք անհնարին ասելու: Բայց գործնական կեանքը, մարդկային պատմութիւնը մեզ կանդնեցնում են այնպիսի փայլուն փաստերի առջեւ, որ կամայ-ակամայ պիտի խոստովանուենք ոչ թէ «անհնարինութիւնը», այլ «ծայրայեղ զժուարտութիւնը»: Երկու հազար տարի է հրէան ճնշում, հալածւում է. 2000 տարի է նրան ուզում են կըլանել (*): Մօտ 1500 տարի է Մեծ Հայաստանը չկայ իբր քաղաքական միութիւն. այնքան դարեր հայն էլ հալածւում է, նրան էլ աշխատում են կլանել... Բայց այդ ազգերը կան եւ կարծես

(*) Կ. Կաուցկիին իր վերջին աշխատութեան մէջ, (որ լոյս տեսաւ իբր յաւելում «Neue Zeit» շաբաթաթերթի — պատասխան եւ քննադատութիւն ասորիական սոց. դեմոկրատ Օտտօ Բաուէրի յայտնի գրքի) հրեաներին անուանում է «կրօնական համայնք». նա նրանց չէ համարում ազգ, որովհետեւ ազգութեան էական փակտորը համարում է լեզու: Այդ հարցին դեռ մենք կը դառնանք:

ամենեւին թուրանալու նշաններ չեն ցոյց տալիս, ընդհակառակը, նոր ու նոր արթնացման, նոր վերածնութեան արշալոյսն է, որ մենք տեսնում ենք փայլելիս նրանց ազգային հորիզոններէ վըրայ...

Մենք բերինք օրինակ հրէական ու հայկական ազգերը, որովհետեւ մեր կարծիքով, դրանք տանջանքի ու ազգային հալածանքի մարմնացումն են հանդիսանում: Նայեցէք չեխերին, ըսլովակներին, բոլղարներին, ասորիներին, արարներին... Դրանց այլեւս չէ կարելի «կրօնական համայնք» անուանել, դրանք ազգեր են, դարբերով ճնշուած, կլանուելու վտանգին մէջ, բայց բոլորն էլ այսօր վերածնութեան նշաններ են ցոյց տալիս:

Այսպէս ուրեմն՝ ազգութիւնը բնա-պատմական կամ բիոպսիխոլոգիական մի երեւոյթ է: Բղխել է նա մի թէ մի քանի արմատներից, — դա նշանակութիւն չունի, որովհետեւ պատմական երեւոյթները դարերի ընթացքում առաջ են բերում ֆիզիքայի նմանութիւն, վեր են ածում կենսարանական երեւոյթների:

Եթէ մի բոպէ համոզուած մոնոգեմիստ (*)

(**) «Մոնոգեմիստ» ասում են այն անձերին, որոնց կարծիքով մարդկութիւնը ծնունդ է տուել մի արմատից: Դրա հակառակը՝ կան «պոլիգեմիստներ», որոնք կարծում են, որ մարդ-արարածը երկրի վրայ առաջ է եկել մի քանի վայրերում, սերուել է մի քանի արմատներից:

լինենք, աշնուամենայնիւ պիտի բնդուենք ազգային խնդիրը, որովհետեւ մի արմատից սերուած մարդկութիւնը, նման ֆիզիքայով կամ բընակագմով, աճեցողութեան ճակատագրական երեւոյթից զրդուած, դուրս է եկել իր բնազաւառից, լցրել է այս կամ այն դրացի երկիրը, յետոյ մի ուրիշը, յետոյ աւելի հեռուներն է չուել, հաստատուել է այնպիսի նոր ու նոր բնական միջավայրերում, որոնք հիմնապէս տարբեր են եղել իր բնազաւառի միջավայրից: Անտարակոյս՝ զաղթող այդ խմբերն իրենց հետ արդէն բերել են որոշ ժառանգական մարմնակազմ եւ որոշ ոգեկազմ, որոնք մտնում են բնդհարման շրջապատ միջավայրի հետ, որոշ փոփոխութիւններ առաջացնում այդ միջավայրում իրենց կուլտուրայի շնորհով. — օրինակ՝ տներ են շինում եւ ստեղծում իրենց ցանկացած կլիմայական աստիճանը, յարմար իրենց մարմնակազմի. տնկում են պարտէզներ, շինում ճեմեկիներ, ստեղծագործում իրենց ոգեկազմին հաճելի մի փոքրիկ շրջապատ եւ այլն, եւ այլն: Դա մարդկային կուլտուրան է, որ գործում է, մարդուն որոշ չափով ազատում բնութեան բռնութիւնից եւ մասամբ կախման մէջ դնում նրան իր սեփական էութիւնից:

Բայց զա միայն մասամբ: Եւ որքան մարդկային զարգացման սանդուխով ներքեւ իջնենք, այնքան աւելի անկուլտուրական լինելով մարդը, աւելի եւ աւելի անմիջական ենթակայութեան

տակ է դտնւում բնութեան ուժերից: Այդ գաղ-
թած խմբերի կուլտուրան, նրանց ժառանգական
ունակութիւնները եւ ստեղծագործող յատկու-
թիւնները, չգիմանալով բնական միջավայրի հը-
զօր ազդեցութեանը, կամաց կամաց կրճւում,
չքանում են. ստեղծւում է մի այլ ժողովուրդ,
տարբեր բնակազմով, տարբեր ստեղծագործական
ունակութիւնով ու ոգեկազմով, քան այն խում-
բը, որ մնացել է բնազաւատում. մի եւ նոյն
րասան (ցեղը) վեր է ածւում բազմաթիւ ազգե-
րի, որոնց բնակազմը բազմազան է, իրարից
տարբեր: Եւ որքան բնական միջավայրերն իրա-
րից տարբեր լինեն, այնքան աւելի կը տարբեր-
ուեն նրանցում բուն դրած խմբերի, ազգերի ու
ժողովուրդների բնակազմն ու ոգեկազմը:

Կազմուեց ազգը: Ի՞նչ տարրն է տիրում նրա
ներսում. բազմազանութի՞ւն, թէ միօրինակու-
թիւն:

Մարդկային կեանքի զարգացման սկզբնա-
կան բոլոր շրջաններում, թէ վայրենութեան եւ
թէ բարբարոսութեան մէջ, երբ դեռ գոյութիւն
ունէր տոհմական կազմը եւ սկզբնական կոմմու-
նիզմը, — ամէն տեղ՝ հասարակութեան ներսում
թագաւորում էին հաւասարասէր կարգեր: Մար-
դիկ միասին աշխատում, միասին վայելում էին:
Միակ առաւելութիւնն անձնական յատկութիւն-
ներն էին: Ամենից աւելի պատիւ էին վայելում
ձեր, փորձուած, ժամանակի գիտութիւններն ու

աւանդութիւններն իրենց զլխում ունեցող ան-
հատները, կտրիճները, յաղթական ռազմիկները,
ճարպիկ որսորդները եւ այլն: Մարդկանց նիւ-
թական կեանքի մէջ տարբերութիւնը ճիշտ այն-
քան էր, որքան նրանց անհատական յատկութիւն-
ներն էին տարբեր: Իսկ այդ տարբերութիւնները
չատ չէին, այնպէս որ կտրելի էր վստահօրէն
պնդել, թէ հասարակութեան ներսում թագաւո-
րում էր նիւթական հաւասարութիւն:

Նոյն հասարակութեան քաղաքական ու վար-
չական բոլոր հարցերը նոյնպէս պատկանում էին
բոլորին, բոլոր շահահասներին՝ այր թէ կին:
Սակայն ինչ կասկած, որ ամէն խնդրում անց էր
կենում փորձուած անհատների ու ծերերի կար-
ծիքը. փաստօրէն նրանք էին հանդիսանում ամէն
ինչի ղեկավարը:

Այդ հաւասարասէր մարդկային խմբակցու-
թիւնները ղեռ ազգի հասկացողութիւնը չեն ու-
նեցել. նրանք կազմել են լոկ տոհմեր, ցեղեր ու,
ամենաչափը, տոհմերի դաշնակցութիւն: Ազգու-
թեան ծնունդը համապատասխանում է մարդկա-
յին քաղաքակրթութեան աստիճանին: Սակայն
այդ աստիճանում արդէն անտեսական ու հասա-
րակական անհաւասարութիւնը բուն էր դրել
մարդկային մանր ու խոշոր խմբակցութիւնների
ներսում. արդէն առաջ էին եկել հարուստներ ու
աղքատներ. կեղեքողներ ու կեղեքուողներ:

Ուրեմն՝ չկայ եւ չէ եղել որ եւ է ազգ, որի

ներսում բոլոր անհատները սոցիալապէս (ընկերապէս) ու տնտեսապէս հաւասար լինէին: Ընդհակառակը, — ամէն տեղ եւ ամէն ժամանակ՝ ազգի ներսում եղել են անհաւասար անհատներ, հասարակական անհաւասար խուեր, շերտաւորումներ, դասակարգեր:

Ինչ կասկած, որ առաջին խոշոր շերտաւորումը հասարակութեան ներսում առաջ է եկել սեռերի տարբերութիւնից: Կինն իր մարմնակազմով, իր որդեծնութիւնով եւ այլ հանդամանքներով ստիպուած էր անպայման ունենալ այլ ըզրազմունք, քան տղամարդը: Նա, օրինակ, չէր կարող ռազմիկ լինել: Որ աւանդութիւնն ուզում էք վերցրէք կռուող կանանց կամ ամազոնների մասին, բոլորի մէջ էլ կինը ներկայանում է ավուրի, գրեթէ օրիորդ, ազատ զաւակի բեռից: Աշխատանքների տարբերութիւնը զարգացրել է տարբեր բնաւորութիւն ու տարբեր հասարակական դիրք: Կինը դասել է ենթակայ, կեղեքուող:

Առաջ են գալիս ստրկատիրութիւնը, ճորտութիւնը, «ագատ» կամ վարձու բանուորութիւնը: Հասարակութեան ներսում, շնորհիւ աշխատանքի բաժանման՝ երեւում են հասարակական դասերը, իսկ շնորհիւ կեղեքման սկզբունքի՝ — դասակարգերը: Այդ դասերի ու դասակարգերի զբաղմունքների տարբերութիւններն առաջ են բերում նրանց կազմող անհատների թէ մարմնակազմի եւ թէ ոգեկազմի տարբերութիւն: Դա ազ-

զի ներքին շերտաւորումն է, որը՝ որքան էլ միջազգային դոյն ունենայ, այնուամենայնիւ կազմում է ազգի ներսում կատարուած մի երեւոյթ եւ երբեք չէ կարող զերծ լինել ազգի ընդհանուր յատկութիւններէց, նրա ինքնայատուկ որակներէց :

Ազգը կազմող բոլոր դասակարգերէց հանեցէք այդ բոլոր տարբերական, զուտ դասակարգային եւ դասային որակները, տաշեցէք, հարթեցէք նրանց . այնուամենայնիւ տակը կը մնայ շատ բան : Կը մնան յատկութիւններ ու որակներ, որոնք անպայման իրար նման են եւ յատուկ բոլոր դասակարգներին, դասերին ու նոյն իսկ բոլոր անհատներին : Դրանք ազգային որակներ են : Առանց այդ որակները բոլորը կամ նրանց մեծ մասն ունենալու, չէ կարելի կոչուել այդ ազգի անդամ :

Այդ ազգային նմանութեան ազդակներէց ամենաէականը եւ տիրողը անպայման լեզուն է : Եւ «լեզուն» ասելով չպէտք է հասկանալ լոկ լեզուի մեքենական մասը, խօսելու ունակութիւնը, այլ դրա հետ նաեւ լեզուի ոգին — ոճերը, դարձուածները, նրա տրամաբանութիւնը, որ միշտ ինքնատիպ է լինում, եւ դրականութիւնը, որը ժողովրդների անկուլտուրական վիճակում պահպանում է միայն ու միայն լեզուի, աւանդութիւնների շնորհով, իսկ երբ մամուլն ու տպագրութիւնը զարգանում են, նա դառնում է ինքնուրոյն դործօն ազգային կեանքում :

Ազգային նմանութեան ազդակներն են սո-
վորութիւնները, աւանդութիւնները, բնաւորու-
թեան ընդհանուր դժերը, յաճախ ընդհանուր կը-
րօնը (*), ընդհանուր հայրենիքը եւ սէրը դէպի
հայրենիքը թէ սեփականատէր դասակարգերի եւ
թէ սեփականազուրկ աշխատաւորներն մէջ:

Կարլ Կաուցկին իր բոլոր գրութիւններում
(գժբախտաբար բոլորն էլ մանր, ոչ հիմնաւորա-
պէս պարզարանուած մինչեւ վերջը) ազդութեան
համարեա՛ միակ սրտշիչ տարրը գտնում է լեզուն:
Այդ տեսակէտը նոր չէ. դեռ շա՛տ տարիներ ա-
ռաջ նոյն կարծիքն են յայտնել ուրիշ շատ մտա-
ծողներ եւ գրողներ: Մեր կարծիքով դա չափա-
զանց միակողմանի տեսակէտ է: Չէ կարելի մի
ազգի բոլոր գուտ ազգային յատկութիւնները,
նրա ազգային էութիւնը արտայայտող բոլոր ու-
րակները վերացնել կամ բոլորովին նսեմացնել
եւ միակ լեզուն դարձնել ազդութիւնը կազմող

(*) Որքան մի ժողովուրդ կուտորապէս ստոր է, այն-
քան աւելի կրօնը դեր է խաղում նրա կեանքում: Կամ բազ-
մաքիւ «տանկացած» հայեր. դրանք մահմետական հայեր
են, բայց այսօր աւելի «տանիկ» են, քան բուն տանիկնե-
րը: Նոյնը կարելի է ասել աջարների կամ «մահմետական
վրացիների» մասին: Կաթոլիկ խրուատները եւ յունադա-
ւան սերբերը միեւնոյն լեզուն խօսող մի ազգի գաւակներ
են, բայց կրօնների տարբերութիւնը միջնորմի պէս կանգ-
նել եւ բաժանել է նրանց գէթ արտափուստ:

տարրը: Մենք մի քանի տող վերելում արդէն իսկ շատ ընդարձակեցինք «լեզու» ասուած բանի ըմբռնողութիւնը. բայց այդքան ընդլայնելուց յետոյ էլ, անպայման, մնում են մի քանի այլ ազդակներ, որոնք եթէ ոչ այնքան էական, որքան լեզուն, այնուամենայնիւ կազմում են բաւական ցայտուն նշաններ ազդութիւնը որոշելու խընդրում:

Քննենք այդ բոլոր «ազդային արտայայտութիւնները»:

Ինչ կասկած, որ դրանից ամենախոշորը եւ ազդեցիկը լեզուն է:

Լեզուն մարդկային ստեղծագործիչ ոգու արտայայտութիւնն է: Նա պատմական մի երեւոյթ է, այլ բիոլոգիական (կենսաբանական): Ընկերաբանական (սոսիոլոժի) գիտութեան ծանօթ չէ անիսու մարդ: Այդ երկու բառերն իրենց մէջ իսկ ունեն ներքին հակասութիւն, որովհետեւ «մարդ» կոչւում է այն կենդանին, որը խօսում է, իր մտքերն արտայայտում է բառերով:

Ե՞րբ է ծնունդ առել մարդկային լեզուն, արդեօք ո՞ր կենդանական աստիճանի վրայ, — գիտութեան մէջ դեռ վճռուած հարց չէ, բայց հաւանական է, որ եղել է մի նախամարդ կենդանի, որ բարձր է եղել բոլոր չորեքթաթերից (բիւման) եւ ստոր մարդուց (homo-sapiens) եւ այդ նախամարդն ստեղծել է մարդկային լեզուի ըսկզբնական աստիճանները կամ ֆազերը: Այդ նո-

րաստեղծ յատկութիւնը նախամարդուն տուել է
Հսկայական առաւելութիւն միւս կենդանիներէց,
բայց միաժամանակ ստեղծուել է մարդը, որով-
հետեւ լեզու ունեցող, խօսող նախամարդը կամ
անթրոպոպիտեկոսն արդէն մարդ է կոչուած:

Այդպիսի կնճռոտ հարցեր չափազանց շատ
կան ընկերաբանութեան մէջ: Այդպէս են բոլոր
ծագման հարցերը: Օրինակ՝ ի՞նչպէս է մարդը
մտել գոյութեան աստարէզ՝ — անհատաբար, թէ
խմբով: Ենթադրուած է որ խմբով: Արդեօք ե՞րբ
է գտնուել կրակը, մարդկային դործածութեան
անհրաժեշտագոյն այդ միջոցը, — նախամարդն
է գտել նրան, թէ մարդ-բանականը: Նոյն հարցը
կարելի է տալ նաեւ կրօնի ծագման, սեփականու-
թեան գաղափարի առաջացման եւ այլ բազմաթիւ
խնդիրների վերաբերմամբ:

Ինչ որ էլ լինի՝ մի բան կասկածից դուրս է.
ներկայումս չկայ ոչ մի վայրենի ցեղ, որ լեզու
չունենայ:

Մարդկային այն մանրիկ խմբակները, որոնք
առաջին անգամ երեւան են եկել իբր մարդկային
հասարակութիւններ, ունեցել են իրենց յատուկ
լեզուները, որոնք անպայման պիտի ունենային
որոշ նմանութիւններ եւ տարբերութիւններ: Մեծ
էին լինելու մանաւանդ տարբերութիւնները, ո-
րովհետեւ լեզուն էլ արդիւնք է արտաքին հան-
դամանքների եւ մարդ էակի ներքին կամ ոգեկան
աշխարհի. եթէ միջավայրի նմանութիւնները

պիտի դրդէին ստեղծել մի եւ նոյն երեւոյթների համար միատեսակ բառեր, մարդ-էակի ոգեկան աշխարհի անհատական տարբերութիւններն անշուշտ պիտի ստիպէին ստեղծել իրարից տարբեր բառեր ու ոճեր եւ մանաւանդ դրանց տարբեր արտարեութիւններ ու շեշտեր: Եւ դա է, այդ տարբերական, անհատական ստեղծագործական տարբն է լեզուի ստեղծման մէջ, որ իրաւունք է տալիս էրնէստ Բընանին ասելու. «Երկու եզրայր, սրոնք կը ստեղծէին լեզու իրարից մի քառորդ մղոն տարածութեան վրայ, կը ստեղծէին երկու տարբեր լեզու» (*):

Այդ երեւոյթը միայն ծագման ամենասկզբնական շրջանին չէ յատուկ. նա կայ եւ համեմատարար աւելի բարձր, աւելի զարգացած ֆազիսներում (փուլ), ինչպէս, օրինակ, ներկայ վայրենիների ստորին ցեղերի մէջ: Այսպէս՝ դրում է Բաստիանը. «Վայրենիների մէջ ամէն բոլոր կագմում են նոր բարբառներ (դիալեկտներ), որոնք արագօրէն դառնում են բոլորովին տարբեր լեզուներ: Միսսիոնարները նկատել են, որ լեզուն փոփոխում է համարեա՛ սերնդից սերունդ այն տեղերում, որոնց մէջ զաւակները գոնէ մի քանի ամիս մնում են մեկուկ եւ, երբ ծնողները վերադառնում են, զաւակները խօսում են նրանց համար բոլորովին անհասկնալի լեզուով: Իսկ Ա-

(*) E. Renan — «De l'origine du langage».

ւտրալիայում, ուր ընտանիքի որ եւ է անդամի մահից յետոյ, այն բոլոր բառերը, որոնք գտնէ հեռուոր նմանութիւն ունին հանգուցեալի անուան հետ, ենթարկուում են հալածանքի եւ փոխարինուում են ուրիշ բառերով (նոր շինած), լեզուի այդպիսի արագ փոփոխութիւններ աւելի եւս յանախ պէտք է կատարուի (*Երես* 284): «Լեզուի նմանութիւնը մշակուում է ամենապարզ կերպով — մարդկանց մի ամենանեղ խմբակի մէջ: Բայց արդէն դրացի գիւղի բնակիչները, քիչ ժամանակից յետոյ, կարող է պատահել, որ կը սկսեն խօսել մի բոլորովին տարբեր լեզուով, եւ երէ նրանց մէջ քշնամութիւն գոյութիւն ունի, այն ժամանակ նրանք դիտմամբ կ'աշխատեն խոսափել ամէն տեսակ նմանութիւններից իրենց լեզուներում» (**):

Մարդկային հասարակութիւնների զարգացման սկզբնական աստիճաններում այնքան զիւրաթեք, յարաշարժ եւ փոփոխական մի տարր, ինչպէս լեզուն է, աստիճանաբար ամրանում, կայունութիւն է ձեռք բերում, երբ մեծանում են հասարակութիւնները կամ մարդկային ցեղի բեկորները, ինչպէս ասում է Ժ. Ժօրէսը: Մանրիկ հորդանների ներքին հազորդակցութեան միջոցից նա զաննում է մարդկային աւելի եւ աւելի

(**) A. Bastian — «Der Mensch in der Geschichte» Bd I, St. 384.

խոչոր խմբակցութիւնները յարարերութեան հզոր
դէնք եւ իր մէջ է ամփոփում նման միջավայրում
ածող եւ նման ժառանգական ոգեկազմ ունեցող
մարդկանց ստեղծագործական ուժերը: Անհատ-
ներն այդ մարդկային բեկորի մէջ ապրում եւ
ստեղծագործում են, իրենց ներքին եւ արտաքին
աշխարհը բացատրում այդ լեզուով, մի եւ նոյն
բառերով, մի եւ նոյն ոճերով: Դարերի ընթաց-
քում այդ լեզուի մէջ քարանում են մարդկային
այդ բեկորի բոլոր մտաւոր ու ոգեկան առանձ-
նայատկութիւնները, որոնք նման չեն նոյն իսկ
ամենամօտ գրացու մտաւոր եւ ոգեկան հոմանիչ
արտայայտութիւններին: Լեզուի ճկունութիւնը
ցոյց է տալիս այդ մարդկային բեկորի կամ այդ
ազգի մտաւոր, գուցէ և Ֆիզիքական ճկունութիւ-
նը: Նրա սրամիտ ոճերն ու առածները, ջինջ Փը-
րագներն ու արտայայտութիւնները պարզ ապա-
ցոյցներ են այդ լեզուն ստեղծող եւ զործածող
ազգի մտաւոր, գուցէ եւ Ֆիզիքական ճկունու-
թեան, գործնական բնաւորութեան եւ այլն եւ
այլն:

Որքան մի ժողովուրդ կուլտուրապէս ստոր
է, այնքան նրա լեզուն դիւրաշարժ եւ դիւրափո-
փոխ է, որովհետեւ դեռ նա չէ ամրապնդուել ժա-
ռանգականօրէն, դեռ չէ հարստացել եւ որոշ չա-
փով քարացել: Որքան հասարակութիւնը բազ-
մանում եւ կուլտուրապէս առաջ է գնում, այն-
քան աւելի ժառանգաբար կուտակում, հաղոր-

դուռն էն իրար յաջորդող սերնդներին դարեւոր
յառակութիւններ, բռներ, դարձուածներ, առած-
ներ, ասացուածքներ, բանաւոր դրականութիւն
եւ այլն: Որքան դարեր աւելի են զլորում մարդ-
կային այդ բեկորի վրայով, այնքան աւելի ամ-
րասնդուռն, այնքան աւելի միս ու արիւն է դառ-
նում այդ ժողովրդի համար իր լեզուն:

Այդ վերեւի ակնարկից պարզ է, որ որքան
մի ժողովուրդ, մարդկային ցեղի մի բեկոր ստոր
է կուլտուրայէս, այնքան աւելի զիւրաշարժ,
զիւրափոփոխ է նրա լեզուն, — ուրեմն եւ այն-
քան աւելի հեշտ է նրան մոռացնել տալ իր լե-
զուն, իր սճերը, իր արտայայտութիւնները.
այնքան աւելի զիւրին է օտարացնել նրան, ձու-
լել մի այլ, աւելի զօրեղ բեկորի հետ, կլանել
նրան: Ընդհակառակը — որքան աւելի մի ժողո-
վուրդ բարձր է կուլտուրայէս, որքան աւելի նա
ունի ժառանգարար ստեղծագործած բռների, ո-
ճերի, դարձուածքների, բանաւոր եւ զրաւոր
արտադրութիւնների հաւաքածու, այնքան աւե-
լի նրա լեզուն ու դրականութիւնը դարձել են այդ
ազգի համար միս ու արիւն, — նոյնքան աւելի
զժուար է նրան ձուլել մի այլ ազգի մէջ, կլա-
նել նրան:

Դժուար է ասում ենք եւ ոչ անհնար: Դժուար-
ութիւնն այնքան է աճում, որ մի բուռը հայ
ժողովուրդ, սկսած Դ., Ե. դարերից, ահա մօտ
1400 տարի է ստրուկ է մերթ պարսիկներին, մերթ

յոյների, մերթ արարների, սելջուկների, թաթարների, օսմանեան թիւրքերի ու քիւրաերի ձեռին, — եւ այդ բոլոր տիրողները հրով ու սրով, խաթրով ու փաղաքշանքով ջանացել են կլանել, ձուլել իրենց մէջ հայ տարրը, բայց չեն յաջողել ու թերեւս ամենեւին չյաջողեն այսուհետեւ, որովհետեւ մօտ է մարդկային բոլոր ազգերի ու հասարակութիւնների լուսաւոր ազգացան, համամարդկային ազատ դաշնակցութիւնը, մարդարարածի փրկութեան միակ ելքը — համայնական աշխատանքն ու համայնական բաշխումը :

Ուրեմն՝ լեզուն ամենացայտուն տարրերից յատկութիւններից մէկն է, որ բաժանում է մարդկային ցեղի բեկորներին իրարից :

Այժմ մի ակնարկ նետենք այդ բեկորի կամ այդ ազգի ներսը :

Մաքեմաաիֆօրէն մտածելով, անշուշտ կարելի է պնդել, որ միեւնոյն բառը երկու եզրայրների համար անգամ որոշ աննկատելի տարբերութիւններ պիտի ունենայ, նայելով նրանց ուղեկազմի տարբերութիւններին : Օրինակ՝ «սեղան» բառը թէեւ երկուսի մտքի մէջ էլ կապուած է այս ինչ իրի մտապատկերի հետ, բայց մի եզրօր մտապատկերում սեղանը կարող է նուրբ լինել, ճաշակով շինուած, այս ինչ գոյնի, յղկած եւայլն, իսկ միւսի մտապատկերում աւելի կոշտ, մի այլ ձեւով ու գոյնով եւ այլն :

Եթէ տարբերութիւններն անհատից-անհատ,

նոյն իսկ միեւնոյն ընտանեկան ու դասակարգա-
յին միջավայրում սնուած ու ապրող անձերի հա-
մար դոյութիւն ունեն, ինչ կասկած, որ մի գիւ-
ղացու, մի ոսկերչի, մի ուսուցչի, մի բանուորի
եւ մի հարուստ գրամատիրոջ միջեւ աւելի եւս
զգալի կը լինեն այդ տարբերութիւնները: Նոյն
«սեղան» բառը գիւղացու գլխում, ոսկերչի, ու-
սուցչի, բանուորի, գրամատիրոջ ուղեղներում
բաւական զգալի տարբերութիւններով մտապատ-
կերներ պիտի ծնեցնեն:

Աւելի եւս ընդարձակենք: Մի բուրժուայի
եւ մի բանուորի, մի նրբաճաշակ ինտելիգենտի
եւ մի աշխատաւոր գիւղացու մտապատկերնե-
րում եւս նոյն տարբերութիւններն անշուշտ լի-
նելու են, օրինակ, «արգարութիւն», «ճշմար-
տութիւն», «գեղեցկութիւն» եւ այլ բառերի ու
նրանց յարուցած մտապատկերների վերաբեր-
մամբ:

Այսպէս ուրեմն՝ տարբերութիւններ, թէեւ
խիստ նուրբ, կան անհատից անհատ, դասից-
դաս եւ վերջապէս, դասակարգից դասակարգ:
Սակայն այդքան տարբերութիւններ կան, օրի-
նակի համար, բոյսերի եւ կենդանիների տեսակ-
ների մէջ: Այսպէս, ամէն մի շուն՝ անհատօրէն
տարբերուած է միւս շնից, նոյն իսկ մի արդան-
գից ծնուած: Ծների որոշ ցեղի կամ տեսակի ըս-
տորաբաժանումը տարբերուած է, աւելի խոշոր
գծերով, միւս ստորաբաժանումից, ինչպէս մոպ-

սը բուլղոգից կամ դամփոից, բարակից եւ այլն : Բայց այդ բոլորը չեն խանգարում բնագէտներին գտնել ընդհանուր խոշոր նմանութիւններ այդ անվերջ բազմազան անհատների մէջ եւ կնքել նրանց մի տեսակի անունով որ է՝ շուն :

Ճիշտ այդպէս էլ ազգերի ներսում եղած անհատական ու դասակարգային տարբեր ըմբռնումները չեն խանգարում ընկերաբանին ընդնշմարել ու բնդղծել բոլոր այն խոշոր նմանութիւնները, որ կան մարդկային ցեղի մը բեկորի բոլոր անհատների մէջ, ազգի բոլոր անդամների մէջ :

Der Tisch ասելով, գերմանացին հասկանում է գերմանական կուլտուրայի ստեղծած սեղանը, ինչպէս եւ Փրանսիացին հասկանում է la table բառով Փրանսիական կուլտուրայի արդիւնք եղող սեղանը, ուսն էլ իրենը, հայն էլ իր սեփականը եւ այլն : Ոչ մի կասկած չէ կարող լինել, որ մի եւ նոյն ազգի բուրժուայի ու բանուորի «սեղանի» մտապատկերների միջեւ որքան էլ տարբերութիւններ լինեն, այնուամենայնիւ նրանք — այդ տարբերութիւնները, կը լինեն համեմատաբար շատ փոքր, քան մի Փրանսիացի բուրժուայի «սեղանի» մտապատկերի, եւ օրինակ, մի հայ բուրժուայինը :

Ճիշտ այդ պատճառով էլ մենք պնդում ենք, որ դասակարգային բոլոր հնչիւնային, ժարգօնական եւ այլ տարբերութիւնները չեն կարող խանգարել մի լեզուի կոչուել ազգային լեզու,

յատուկ ազգը կազմող բոլոր անդամներին :

Սրանից բղխում է մի գործնական հետեւանք, որ առհասարակ հաճելի չէ բառամուլ ապագազայնականներին կամ կոսմոպոլիտներին : Այդ գործնական հետեւանքը հետեւեալն է. ազգութեան ամէն մի անդամ պարտաւոր է պաշտպանել եւ նախանձախնդիր լինել իր ազգային լեզուի զարգացման համար, կռուել նրան հալածողների դէմ, որովհետեւ ազգային լեզուն է այն միակ բնական ու ամէնից քիչ եռանդ պահանջող ստեղծագործական միջոցը, որով մենք կարող ենք պահպանել ու պաշտպանել մեր անհատական կեանքի ամբողջութիւնը — նիւթական եւ մտաւոր շահերի համազուգարը, որոնց ամբողջութիւնը կազմում է մեր եսը : Դա էլ մոնիզմ է, բայց ոչ մատերիալիստական կամ իդէալիստական, այլ սիմփեքիֆական (հաւաքական) :

Ուրեմն՝ լեզուն ազգի բոլոր գասակարգերի ու բոլոր անհատների նմանութեան տարրն է, նրանց կապող, մարդկային մի օրգանական ամբողջութիւն կազմող յատկութիւնն է :

Անցնենք այժմ միւս սրահներին, որոնք թէեւ լեզուի շփի բնորոշ ու պարզ չեն, բայց ոչ պակաս անհրաժեշտ են :

Մի՞թէ մի իտալացի, որ, օրինակ, ծնուել է Ռուսաստանում եւ իտալերէն չգիտէ, իսկոյն զաղարում է իտալական ազգի զաւակ լինելուց : Ամենեւին : Վրաստանի բազմաթիւ վրացախօս

Հայերը, Բուլղարիայի ու Ռումանիայի թիւրքա-
խօս հայերը, Եղիպտոսի արարախօս հայերը էլ
դեռ հայ են: Ինչ կասկած, որ եթէ մի քանի
տասնեակ սերունդ էլ մնան այդ վիճակում, նը-
րանք էլ պիտի կորչեն իբր հայ, իբր իտալացի,
պիտի ձուլուին տեղական ազգերի մէջ: Բայց առ
այժմ դրանք հայեր են, առ այժմ մեր ենթադ-
րած իտալացին դեռ եւս իտալացի է, որովհետեւ
միայն լեզուն չէ, որ որոշում է ազգութեան գա-
ղափարը. կան նաեւ այլ տարրեր:

Այդ տարրերի մէջ առաջին տեղը բռնում է
մի ազգի գրականութիւնը:

Որքան մի ազգի լեզու զարգացած ու կատա-
րելագործուած է, այնքան աւելի նա մեծ ու
պանծալի գրականութիւն կ'ունենայ^(*):

Ազգային գրականութիւնը ամփոփում է իր
մէջ մի ազգի անդամների ստեղծագործական բո-
լոր կարողութիւնները, նրանց ուրոյն մտածելա-
կերպը, նրանց արամաբանութիւնը, նրանց երե-
ւակայութեան ոյժը, նրանց կրքերն ու յօյզերը:

Գրական գործերն էլ, ինչպէս լեզուն, բազ-
մազան են մի ազգի ներսում: Նոյն ազգին պատ-

(*) Գրականութիւն ասելով մենք չենք ըմբռնում միայն
գեղարուեստական գրականութիւնն, այլ մեր կարծիքով
գրականութեան ոչ նուազ կարեւոր մասն է նաեւ գիտա-
կան, հասարակագիտական, պատմական, քննական եւ այլ
նիւղերը: Գծրախտաբար մեզանում ով գեղարուեստական
որեւէ բան չէ գրել, նա երբեք գրող չէ համարում:

կանոց բոլոր հեղինակների գործերն իրարից տարբեր են: Տարբեր են նաև ազգի մէջ գոյութիւն ունեցող դասակարգերի անդամների արտադրութիւնները: Օրինակ՝ դերմանական սոցիալիստական գրողների գործերն աւելի են իրար նման, քան դերմանական բուրժուա գրողների երկերին: Սակայն այս դէպքում էլ մի բան անկասկածելի է. մի եւ նոյն ազգի բոլոր դասակարգերից առաջացած, բոլոր տեսակի համագումներով գրողների գործերն իրար հետ շատ աւելի գուտ գրական (ոճի, պատկերների, մտածելակերպի եւ այլն) նմանութիւններ ունեն, քան տարբեր ազգերի հոմանիչ դասակարգերի գրողների երկերը: Վերջիններիս մտքերն ու իդէալները, անշուշտ, իրար նման, նոյն իսկ իրար պատճէն կարող են լինել, բայց նրանց լեզուն, նրանց արտայայտութեան ձեւերը, նրանց ոճերը, նոյն իսկ նրանց յոյզերի, կրքերի ու իդէալների օրինակները կամ նրբութիւններն անպայման կը կրեն գուտ ազգային ինքնատիպ կնիք, ազգային առանձնայատուկ բնութագրեր:

Եւ սպանիչ կերպով ձանձրալի կը լինէր, եթէ որ մարդկութեան մէջ գոյութիւն ունեցող բոլոր ազգերի գրականութիւնները լինէին միօրինակ, լոկ բուրժուական ու պրոլետարական ստորաբաժանումներով... Որքան էլ հարուստ ու բազմազան է օրինակ, դերմանական գրականութիւնը, այնուամենայնիւ նա շատ ողորմելի

ու միօրինակ է, համեմատելով համաշխարհային
գրականութեան հետ: Այստեղ բացի անհասա-
կան տարբերութիւնները, կան եւ գուտ ազգային
տարբերութիւններ, որոնք իրենց կարգին՝ կազ-
մում են մի-մի ընդհանուր դումարներ միեւնոյն
ազգին պատկանող անհատ-հեղինակների նմանո-
ղութեան որակների:

Ամէնքին յայտնի է, որ կուլտուրական սան-
դուխի ստորին աստիճաններում ժողովրդները
չունեն գրականութիւն՝ այդ բառի իսկական մըտ-
քով. կայ լոկ բանաւոր կոչուած գրականութիւ-
նը որ սերնդից-սերունդ է հաղորդում բերանից-
բերան, մինչեւ որ այդ ժողովրդի կուլտուրան
բարձրանում է եւ հնարաւոր է դառնում սերընդ-
ների ստեղծագործական այդ ժառանգութեան
չմոռցուած մասերը գրի առնել: Որքան մի ժո-
ղովուրդ կուլտուրապէս բարձրանում է, այնքան
աւելի զարգանում է նրա սեփական գրականու-
թիւնը եւ այնքան աւելի այդ գրականութիւնը
դառնում է ազգութեան բոլոր անդամներին իրար
կապող, իրար հետ շղթայող մի տարր: Աւելի
դիւրին է կլանել մի ժողովուրդ, որ գրականու-
թիւն համարեա չունի, քան մի ազգ, որ տէր է
բաւական զարգացած գրականութեան, որովհե-
տեւ սեփական գրականութիւնը կապում է ազ-
գութեան բոլոր անդամներին, նրանց դարձնում
է մի տեսակ ազգային օրդանական ամբողջու-
թիւն, զարթեցնում է այդ ազգութեանը պատ-

կանելու գիտակցութիւնն ազգին պատկանող ան-
գամներն աւելի եւ աւելի շատ թուի մէջ:

Ազգին պատկանող բոլոր հակազիր շահերի
տէր դասակարգերի անհատները, եթէ գիտակից
են, սիրում են իրենց գրականութիւնը: Այդ
սէրն, ինչ կասկած, հաւատար չէ բոլոր դասա-
կարգերին պատկանող անհատներն սրտում եւ
դէպի բոլոր գրուածքները: Ինչ ասել կ'ուզէ, որ
գիտակից բանուորի համար մի սոցիալիստ գրո-
ղի երկն աւելի սիրելի է, քան իր ազգի անդամ
բուրժուայի մի երկը: Դա դասակարգային շահե-
րի եւ դասակարգային ենթաօրդանական ամբող-
ջութեան արդիւնքն է: Սակայն մի բանուորի հա-
մար աւելի հաճելի է իր ազգին պատկանող բուր-
ժուայի գրութիւնը, քան մի օտար ազգութեան
բուրժուայի երկը, որովհետեւ առաջինի լեզուն,
ոճերը, պատկերներն ու կրքերն իրեն աւելի ըն-
տանի են, քան երկրորդինը, իսկ տեղեկացները
կամ նպատակները երկուսի մէջ էլ բանուորի
համար խոտելի են, որովհետեւ բուրժուական են,
հակաբանուորական, հակաաշխատաւորական:

Այս վերջին գատողութիւններից էլ, ինչպէս
լեզուի վերաբերմամբ, բխում է մի գործնական
հետեւանք: Ազգի իւրաքանչիւր անդամը, ինչ
դասակարգի էլ նա պատկանելիս լինի, պարտա-
ւոր է աշխատել իր մայրենի գրականութեան,
նրա բարգաւաճման համար, պարտաւոր է կուռել
այն բոլոր խոչընդոտների ու արգելքների դէմ,

որ կը հանուեն այդ գրականութեան առջեւ : Ինչ կասկած , որ այս կամ այն դասակարգի պատկանող անհատը կ'աշխատի զարգացնել իր ազգային գրականութեան յատկապէս այն մասը , որն իր սրտին , իր իդէալներին , ու շահերին աւելի մօտ է : Իսկ այդ պաշտպանութիւնն ամէն մարդ պարտաւոր է անել , որովհետեւ մայրենի գրականութիւնն են այն միջոցները , որոնցով կարելի է աւեանդ գործ դնելով , դասակարգային գիտակցութիւնը զարգացնել աշխատաւոր դասակարգերի մէջ եւ նպաստել նրանց դասակարգային կազմակերպութեան , ուրեմն եւ ընդհանուր կուլտուրական զարգացման գործին , որն , իր կարգին , հանդիսանում է իրր համամարդկային շահի տեսակէտ :

Թէ այս թէ նախընթաց գործնական եղբակացութիւնը բղխում է համամարդկային , կամ աւելի ստոյգ է ասել՝ տիեզերական այն օրէնքից , որը կոչւում է ուժերի տնտեսութեան օրէնք : Որքան կարելի է քիչ եռանդ գործ դնել եւ որքան կարելի է շատ արդիւնք ձեռք բերել , — ահա այդ օրէնքի էութիւնը : Դրա հիման վրայ է , որ ամէն մի ոյժ գիմում է զէպի ամենաթոյլ գիմազրութեան կողմը : Ազգային լեզուն եւ գրականութիւնն են այն միջոցները , որոնցով կարելի է ամենամեծ հետեւանքների հասնել կուլտուրական ասպարէզում , մանաւանդ դասակարգային կազմակերպութեան խնդիրներում , նուազագոյն ե-

ուանդ զորժ զնելով: Նոյն հետեւանքներին կա-
րելի է հասնել նաև որ եւ է օտար լեզուով, բայց
դա կը պահանջէ շատ աւելի ջանք, ոյժ, եռանդ:
Իսկ ամէն մի հասարակական կամ ընկերաբանա-
կան խնդիր լուծելիս, երբեք չպէտք է մոռանալ
ուժերի խնայողութեան տիեզերական եւ հրամա-
յական օրէնքը: Այդ օրէնքի հիման վրայ է, որ
ընկերվարականները եւ արմատականները պա-
հանջում են կրթութիւնը տալ մանուկներին մայ-
րենի լեզուով: Օտար լեզուով տրուող կրթութիւ-
նը շատ աւելի զոհեր է պահանջում:

Ազգութեան արտաքին նշաններից մէկն էլ
յաճախ համարում է այդ ազգութեան ամենա-
մեծ թիւ անհատների ընդհանուր հայրենիքը:
Այո՛, ճշմարիտ է, — աշխարհում գոյութիւն ու-
նեցող ազգերի ահագին մեծամասնութիւնը հայ-
րենիք ունեն, որի վրայ ապրել են այդ ազգի նա-
խննթաց սերունդների շարքերը դարեր շարու-
նակ: Երբ Հոնները խուժեցին Եւրոպա, հասան
Օստգոթերի երկիրը, մինչեւ իսկ արեւմտեան Եւ-
րոպա եւ այնտեղ հաստատուեցին, հիմնելով ի-
րենց բարբարոս տիրապետութիւնը, դա սկզբ-
բում դեռ նրանց իրաւունք չէր տալիս ասելու,
որ այդ երկիրներն իրենց հայրենիքներն են: Դը-
րանք լուր սրով տիրուած երկիրներ էին նրանց
համար: Թաթարները, Սելջուկները, Օսմանեան
թուրքերը, երբ Ժ.-ԺԴ. դարերում Թուրանից
խուժեցին Պարսկաստան, Հայաստան, Անատոլ-

լիա եւ Բաղկան, սկզբի սերունդները օրով չէին
կարող ամենեւին կոչել այդ երկիրներն իրենց
Հայրենիքը: Բայց երբ մի քանի սերունդներ այդ
բարբարոս հորդաններն ապրեցին այդ երկրնե-
րում, կպան այդ հողին, նստեցին, դարձան հողի
հետ մտերմօրէն կապուած, երկրագործ. երբ
նրանք այդ երկրի բնական սրայմաններին բաւա-
կան դղարի չափով ենթարկուեցին եւ իրենց Փի-
ղիքական ու ոգեկան կազմը, համաձայն յարմա-
րեցման անխախտ օրէնքի, որոշ փոփոխութիւն-
ները ենթարկուեցին, — այն ժամանակ միայն
նրանք, բնականօրէն իրաւունք եւ նոյն խիստ պար-
տականութիւն ստացան կոչելու այդ երկրներն
իրենց Հայրենիքը:

Երկար դարերի, տասնեակ, հարիւրաւոր ու
հազարաւոր սերնդների անցկացրած կեանքը մի
երկրում ծնեցնում է այդ ժողովուրդի մէջ սէր
դէպի այն երկիրը, ուր ապրում են. սէր դէպի
ծննդավայրը, դէպի «Վաթանը», դէպի Հայրե-
նիքը: Չկայ մի ժողովուրդ, մի ազգ, որ չսիրէ
իր ծննդավայրը, իրեն ապրուստ մատակարա-
րող, իրեն կեանք պարգեւող երկիրը, այն հողն
ու ջուրը, ուր ապրել են իր նախնիքների մի ա-
հագին շարք:

«Բանուորները Հայրենիք չունեն», ասում են
Մարքսը եւ Էնգելսը «Կոմմունիստական կուսակ-
ցութեան Մանիֆէստ»ի մէջ: Նրանք Հայրենիք
չունեն, որովհետեւ այդ Հայրենիքի մէջ սեփա-

կանութիւն չունեն : Հողը եւ միւս արտադրական
բոլոր միջոցները սեփականութիւն են տիրող
գասակարգերի — բուրժուազիայի եւ ազնուա-
կանութեան : Բանուորը սեփականութիւն չունի
իր հայրենիքում, ուրեմն եւ հայրենիք չունի,
ահա այն տրամաբանօրէն իրար չբռնող մտքերը
որոնք հիմք են ծառայում Մարքսին եւ Էնգէլսին :

Սէրը դէպի հայրենիքը, դէպի ծննդավայրը
կապ չունի սեփականութեան գաղափարի հետ :
Ապրելով մի բնակարանի մէջ մի-երկու տարի,
դուք որոշ չափով կապուած էք այդ բնակարանի
հետ եւ ստիպուած լինելով թողնել այն, բաւա-
կան ցաւ էք զգում : Ո՞րքան ուրեմն մեծ կը լինի
այդ կապակցութեան զգացմունքը նոյն իսկ սե-
փականագուրկ գասակարգի մէջ, որի նախնիք-
ները թերեւս սեփականատէր, դարեր շարունակ
ապրել եւ միացել են այդ երկրի հետ, ոռոգել են
նրան իրենց արիւն քրտինքով, սիրել են նրան,
կապուել նրա հետ իրենց սրտի անքակտելի թե-
լերով : Եւ այդ հազարամեայ զգացումները ժա-
ռանդարար կուտակուել, միս ու արիւն են դառել
այդ ազգի բոլոր անդամների համար, սեփակա-
նատէր թէ սեփականագուրկ : Եւ բանուորը, չու-
նենալով ոչ մի սեփականութիւն իր հայրենիքում,
ունի իր սրտում սէր դէպի այդ երկիրը : Նա այն-
տեղից հեռանում է լսկ ծայրայեղ ստիպողակա-
նութեան, մնալու անհնարինութեան դէպքում :
Եւ հեռանալիս էլ նրա սիրտը լիքն է լինում դառ-

նութեամբ... Վկայ այն արցունքները եւ ախ ու վախերը, որոնցով դաղթում է հայը թիւրքահայաստանից, Իտալացին — Ամերիկա գնալիս, Իրլանտացին՝ իր մոռյլ կղզուց...

Ներկայումս հարստութիւններն ստեղծադործող մայրն աշխատանքն է, արտադրութեան ամենահզօր մարդկային ազդակը, որը դառնում է նաեւ արտադրութեան գործիքներ, որոշ ձեւով քարանալու ընտան քարիքներն մէջ: Այդ աշխատանքն է որ կենդանացնում է հայրենիքը, մարդկային ապրուստի համար արժէքներ է ըստեղծում այնտեղ: Եթէ այդ ստեղծադործող աշխատանքի հեղինակը, նրա տէրը — բանուորն այսօր իրաւագուրկ է, սեփականութիւն չունի, դա դեռ չէ նշանակում, որ այդ հայրենիքն իրենը չէ: Նրանից բռնի խլել են այդ հայրենիքը, բայց նա կուում է յետ խլելու համար իսկապէս միայն իրեն պատկանող այդ երկիրը: Նա սեփականութիւն չունի իր սիրած հայրենիքում, բայց կուում է ձեռք բերելու համար այդ սեփականութիւնը, միայն ոչ իբր անհատական տիրապետութեան առարկայ, այլ իբր համայնական սեփականութիւն:

Ոչ, հայրենիքը պատկանում է բանուորին կամ աշխատաւորին, որովհետեւ նա է նրան կենդանացնում իր աշխատանքով. նա սիրում է իր հայրենիքը, նա կապուած է նրա հետ աւելի քան քօրէն, քան սեփականատէր բուրժուան:

Սակայն հայրենիք ունենալն անպայման անհրաժեշտութիւն չէ մի ազգի դոյութեան համար: Առաջուց կարելի է, այո՛, ասել, որ մի ազգ, որը հայրենիք չունի, դատապարտուած է վերջ ի վերջոյ լուծուելու շրջապատ ժողովրդների մէջ, բայց մինչեւ լուծուելը, դեռ երկա՛ր ժամանակ նա կարող է ունենալ իր ազգային օրգանական ամբողջութիւնը, պահել իր ազգային բնոյթը, չունենարով հայրենիք: Այդպէս են հրէաները, ասորիները եւ այլ ժողովրդներ:

Կ. Կառուցիկն չորս հիմնական նշաններ է դրնում ազգութեան համար, որոնցից մէկն «ընդհանուր հայրենիքն է» (*): Եւ որովհետեւ հրէաների վերաբերմամբ իր այդ բնորոշումը պիտանի չէ հանդիսանում, այդ պատճառով նա հրէաներին համարում է «մի կրօնական համայնք» եւ ոչ ազգութիւն: Երեւի նա նոյն բառերը կը գործածէր նաեւ ասորիների վերաբերմամբ: Այն ինչ այդ երկու ժողովրդներն էլ ունեն ազգութիւն կոչուելու հական եւ խոշոր իրաւունքներ. ամէն տեղ նրանք իրենց զգում են մի ազգ, մի օրգանական ամբողջութիւն, իրենց ստեղծագործական յատուկ ձեւերով, իրենց առանձնապատուկ կուլտուրայով եւ ազգային ոգով:

(*) Տե՛ս «Աստրիայի նգնաժամը — Լեզու եւ Ազգ», (ռուսերէն):

Ազգութեան ցայտուն նշաններից են նաև
ընդհանուր սովորութիւնները, ընդհանուր աւան-
դութիւնները, կեանքն ըմբռնելու ինքնատիպ ե-
ղանակը, մասամբ նման յոյսերն ու յոյզերը եւ
այլն: Ինչ կասկած, որ այդ բոլոր հարցերում էլ
ազգութեան ներսում գոյութիւն ունեցող ամէն մի
դասակարգ ունի իրեն յատուկ ներքին բովանդա-
կութիւնը, իր դասակարգին միայն սաղական,
օրինակ, սովորութիւնները, աւանդութիւնները,
կեանքն ըմբռնելու ինքնատիպ եղանակը, յոյսերն
ու յոյզերը: Բայց կասկածից դուրս է նաև այն,
որ արևած ազգի բոլոր դասակարգերն ունեն ա-
ւելի նման յոյսեր ու յոյզեր, սովորութիւններ եւ
աւանդութիւններ, քան երկու տարբեր ազգու-
թիւնների համադրատասխան դասակարգերը: Օ-
րինակ՝ Փրանսիացի ու անգլիացի բանուորների
իդէալն, անկասկած, նոյնն է. սոցիալիզմը, սոց-
իալիստական կարգերը: Դա մի միջազգային աշ-
խատաւորական իդէալ է: Սակայն դրա ըմբռնու-
մը կամ կռնցեպցիան Փրանսիական դոյն ունի մի
տեղում, անգլիական— միւսում, կամ նա՝ այդ
ըմբռնումը զուտ ազգային բնոյթով է: Իսկ այդ
բնոյթը, լինելով ազգային, յատուկ է եւ ազգի
միւս բոլոր դասակարգերին: Օրինակ՝ Փրանսիա-
կան բուրժուան էլ իր պահպանողական իդէալ-
ները, պնտուականն էլ իր յետադիմական իդէալ-
ները նոյն ազգային ձեւով է պատկերացնում, ա-
սենք՝ Փրանսիական փութիոտութեամբ, գործ-

նական ու կրակոտ տոնով եւ այլն: Դեռ այդ ե-
ղանակի ընդհանրութիւնն է: Հապա ս'ըքան շատ
են երկրորդական, այսպէս ասենք, միջդասա-
կարգային ընդհանուր ձգտումները, որոնք յա-
տուկ են ազգի բոլոր անդամներին: Այդպէս են,
օրինակ՝ անհատական երջանկութեան ըմբռնման
բազմաթիւ հարցերը, սիրային, զուարճական,
քնքշութեան եւ այլ էմոցիոնական (յոյզ) խնդիր-
ները: Դրանք բոլորն էլ ազգային բնոյթ են կը-
րում եւ յատուկ են ազգի բոլոր դասակարգերին
այս կամ այն չափով, այս կամ այն գուտ ազգա-
աւստրիական յայտնի սոցիալիստ գրող Օտտօ-
յին ձեւով:

Բոլորովին նոյն տրամաբանութիւնով եւ
նոյն մտածելակերպով պիտի մօտենալ նաեւ ազ-
գային բնաւորութեան եւ բարոյական ընդհանուր
անհատականութեան խնդիրներին:

Ազգային ընդհանուր բնոյթ (բարակտեր)
ընդունում է շատ դրոշների կողմից մի այնպի-
սի խոշոր նշան ազգութեան վերաբերմամբ, որ
Բաուէրը համարում է դա ազգութիւնը բնորոշող
ամենաէական ու հիմնական գիծը, ինչպէս Կ.
Կաուցկին՝ լեզուն:

«Արդեօք ազգը մի եւ նոյն արմատից սեր-
ուած մարդկանց ընդհանրութիւնն է» հարցնում
է Օտտօ Բաուէրը եւ պատասխանում. «Սակայն
իտալացիները սերուած են էտրուսկներից, հռո-
մայեցիներից — գերմաններից, կելտերից, յայնե-

րից եւ սարակինոսներից. այսօրուայ փրանսիացիները սերուած են գալլերից, հռոմայեցիներից, բրիտներից եւ գերմաններից. այսօրուայ գերմանացիները — գերմաններից, կելտերից եւ սլաւոններից: Արդեօք լեզուի ընդհանրութիւնն է, որ մարդկանց միացնում, մի ազգ է դարձնում: Սակայն Անգլիացիները եւ Իրլանդացիները, Դանիացիները եւ Նորվեգիացիները, Սերբերն ու Խրուատները խօսում են միեւնոյն լեզուները, բայց այդ պատճառով միեւնոյն ազգերը չեն կոչւում: Հրէաները չունեն ոչ մի ընդհանուր լեզու, բայց եւ այնպէս մի ազգ են: Արդեօք մի ընդհանրութիւն կազմելու գիտակցութիւնն է, որ ազգին միաւորում է: Ուրեմն այդպիսի դէպքում, Տիրուի գիւղացին չպէտք է ամենեւին գերմանացի կոչուի, որովհետեւ նա երբեք չէ գիտակցում իր պատկանելը մի ընդհանուր միութեան Արեւմտեան Պրուսլայի եւ Պոմէրանիայի, Թիւրինիայի եւ Էլզասի հետ միասին: Եւ յետոյ՝ ի՞նչ է այն բանը, որը գերմանացին գիտակցում է, երբ նա իր գերմանականութիւնն է յիշում: Ի՞նչն է նրան պատկանել տալիս գերմանական ազգին, միացնում նրան միւս գերմանացիներին: Նախ եւ առաջ պէտք է մի ամբողջութեան պատկանելու որ եւ է արտաքին (*օբէկտիւ*) նշան լինի, որ այդ մի ամբողջութեան պատկանելու գիտակցութիւնն առաջանալ կարողանայ»:

«Ազգութեան հարցը կարող է պարզուել մի-

այն ազգային բնաւորութեան գաղափարով» (*):

Ի հարկէ այդ ազգային բնաւորութիւնը մե-
տափիզիֆօրէն տրուած մի անփոփոխ եւ յաւի-
տենական մեծութիւն չէ՝ անսկիզբն ու անվախ-
ճան. նա էլ ծնունդ է տրուած ազգի, երկրի, կլի-
մայի, բոյսերի ու կենդանիների, գետերի ու լը-
ճերի, արեւի ջերմութեան ու թխպերի, — մի
խօսքով՝ — բնական միջավայրի մի կողմից, իսկ
միւս կողմից՝ պատմականօրէն առաջացած հա-
սարակական միջավայրի: Օտտօ Բաուէրը 6-7
երեսի վրայ մանրամասն կանգ է առնում եւ բա-
ցատրում ազգային բնաւորութեան առաջացման
պարագաները:

Մեր վերլուծութեան ենթարկած բոլոր յատ-
կանիչները միախառնուելով, արտադրում են այն
բարոյական ու ֆիզիքական էութիւնը, որ ան-
հրաժեշտ է մի որ եւ է ազգի անդամ լինելու հա-
մար: Որոշ ժամանակաշրջանում տրուած ազգի
անդամների ահազին մեծամասնութիւնը պիտի
ունենայ յիշուած արտաքին նշանների խոշոր մա-
սը:

Որքան մի ժողովուրդ արժանի է «ազային
մի ամբողջութիւն» կոչուելու, այնքան աւելի
ցայտուն կերպով երեւում են այդ բոլոր արտա-
քին նշանները նրա անդամների ամենաշատ թուի

(*) Otto Bauer — «Die Nationali tatenfrage
und die Sozial démokratie», s. 1 - 2, Wien, 1908 p.

մէջ: Որքան մի ժողովուրդ կուլտուրայէս ստոր է, այնքան աւելի նուազում են այդ ընդհանուր ազգային արտայայտութիւնները. կը նշանակէ՝ այնքան նուազ նա արժանի է կազմելու մի ազգային «օրգանական ամբողջութիւն», ինչպէս ասում է Բեբելը. այնքան աւելի դիւրութեամբ կարող է կլանուել այդ ազգը: Այդ մտքի հակառակն էլ անպայման ստոյգ է. որքան մի ազգ աւելի ցայտուն կերպով արտայայտում է այդ արտաքին նշանները, կամ որքան նա աւելի ազգային բնաւորութիւն ունի իբր մի օրգանական ամբողջութիւն, այնքան աւելի դժուար է նրան քայքայել, տարրալուծել եւ կլանել կամ ձուլել մի այլ ազգութեան մէջ: Որքան «ազգային ոգին» գիտակից եւ ամուր է, այնքան զօրեղ է ազգութիւնը, այնքան աւելի դիմացկուն է ազգը:

*
**

Այսպէս ուրեմն՝ վերլուծելով «ազգ» հասկացողութիւնը, մենք եկանք այն եզրակացութեան, որ ազգ կոչուում է մարդկանց այն մեծ խումբը, որը սերնդից-սերունդ՝ դարեր շարունակ ապրելով միեւնոյն բնական ու պատմական միջավայրում, իր կուլտուրային վերաբերող բոլոր հարցերը լուծել է իր համար, ինքնուրոյնաբար: Դժբանքով, ժամանակի ընթացքում, երկար միասնակեցութեան շնորհով, ստեղծուել է ազգային մի

ընդհանուր ողի կամ ներքին, սուբեկտիվ աշխարհ: ազգային ստեղծագործութեան ինքնուրոյն ձեւեր, ազգային յատուկ բնաւորութիւն եւ նոյն իսկ ազգային առանձնայատուկ ֆիզիքական եւ հոգեբանական տիպ:

Այդ որոշումից պարզ է, որ ազգը մի բիօպսիխոլոգիական կամ բնա-պատմական երեւոյթ է, որի գոյութիւնն ուրանալ անկարելի է: Նա կայ, նա գոյութիւն ունի: Ամէն մի անհատ, ամէն մի մարդկային խմբակ, որի անդամները նրման մտածելակերպ եւ նման աշխարհահայեացք ունեն եւ կազմում են մի կուսակցութիւն, պարտաւոր են որոշ դիրք բռնել դէպի այդ գոյութիւն ունեցող ընկերաբանական ու հոգեբանական երեւոյթը: Նրանք պարտաւոր են որոշել իրենց վերաբերմունքը դէպի այդ խոշոր խնդիրը, պարտաւոր են իրենց գործնական ու տնտեսական քաղաքականութեան մէջ պարզ ու յստակ բանաձեւերով ու գործնական որոշումներով լուծել այդ հարցը:

Մենք տեսանք, որ մարդկութեան բարբարոսութեան ու վայրենութեան շրջաններում ազգութիւն գոյութիւն ունենալ չէր կարող. այնտեղ կային լուի տոհմեր ու ցեղեր, իրար արինակից անհատներից բաղկացած մանրիկ խմբակցութիւններ՝ — համայնական սեփականութիւնով, հաւասարասէր իրաւունքով. չկար պետութիւն հասկացողութիւնը, որովհետեւ դեռ եւս դասա-

կարգեր չկային, որոնցից որ եւ է մէկը տիրապե-
տութիւնն է եղել պետութիւնն իր զոյութեան
3-4000 տարիները ընթացքում: Բնական եւ պատ-
մական նման միջավայրում ապրող մարդկային
արիւնակից խմբակները միանում, միաձուլւում,
կազմում են մարդկային աւելի ու աւելի խոշոր
զանգուածներ: Առաջ է գալիս նիւթական անհա-
ւասարութիւն, ծնւում են զասակարգեր, պետու-
թիւն եւ ազգ:

Ազգութիւնը կար հին Արեւելքում, Եգիպ-
տոսում, Յունաստանում ու Հռոմում: Նա միջին
դարերի սկզբներում ծածկուեց գերման ցեղի
տոհմական կազմի սաւանով, բայց վերածնուեց
ժ.Գ.-ժ.Դ. դարերում, առաջ բերելով ազգային
պետութիւններ: Այդ ժամանակներից սկսած
զարգանում է ազգութեան գաղափարը եւ տա-
րածւում վերին կոչուած հասարակական խաւե-
րից դէպի ներքեւ, գէպի ժողովրդական զան-
գուածները, գէմոկրատիական խաւերը:

Այսօր հասարակական բոլոր երեւոյթներն
անպայման կատարւում են ազգի զբիւում, նրա
ներսում, «ազգային միջավայրում»:

Իմամնուէլ Կանտը, քննելով մարդկային ըմ-
բռումներն ու պատկերացումները, գալիս է այն
գերազանցօրէն մետաֆիզիկական եզրակացու-
թեան, որ ժամանակն ու տարածութիւնը փորձ-
նականօրէն յղացած կատեգորիաներ կամ ըմբռ-
նումներ չեն. որ նրանք «ի ծնէ» են տրուած, բը-

նական ու անսկիզբն են, որովհետեւ բոլոր ներքին ու արտաքին երեւոյթները տեղի ունեն ժամանակի ու տարածութեան մէջ. չկայ ոչ մի հրնար երեւակայելու որ եւ է երեւոյթ այդ երկու կատեգորիայից դուրս. դրանք a priori (նախադրական) են:

Հրէայ սիոնիստ տաղանդաւոր դրող Պասմանիկը համեմատում է ազգութիւնը ժամանակի եւ տարածութեան կատեգորիաների հետ: Ինչպէս որ փիլիսոփայական ոչ մի երեւոյթ չէ կարող կատարուել ժամանակից եւ տարածութիւնից դուրս, ճիշտ այդպէս էլ ոչ մի հասարակական երեւոյթ չէ կարող տեղի ունենալ այլ տեղ, քան ազգութեան դրկում: Հասարակական բոլոր երեւոյթների համար ազգութիւնը նոյն նախապայմանն է, ինչ որ փիլիսոփայական երեւոյթների համար ժամանակը եւ տարածութիւնը:

Այդ մտքի հետ մենք լիապէս համաձայն ենք, ի հարկէ մի առարկութիւնով. թէ ժամանակն ու տարածութիւնը եւ թէ ազգութիւնը միանգամ ընդմիջտ տրուած քանակութիւններ չեն, անըսկիզբն ու անվախճան, այլ փորձնական ճանապարհով ձեռք բերուած, հազարաւոր սերունդների կողմից ժառանգաբար իրար հաղորդուած՝ իբր կանխատրամադրութիւններ ու նեարգային եւ ուղեղային համակարգութեան որոշ դրութիւններ են:

Այո՛, այդ մտքով վերցրած՝ ազգութիւնը մի

անհրաժեշտ նախադասումն է բոլոր հասարակա-
կան երեւոյթներին. նրանք բոլորն էլ, առանց
բացառութեան, պիտի տեղի ունենան որ եւէ ազ-
գի գրկում, բացի վայրենական ու բարբարոսա-
կան շրջաններէց, ուր ազգեր չկան, այլ գոյու-
թիւն ունեն լսի ցեղեր :

Առ այժմ մենք մի կողմ ենք թողնում ազգա-
յին կռիւներէ, ազգային հալածանքներէ, իսկա-
կան ազգայնութեան և շովինիզմի կամ ազգայնա-
կանութեան (ազգայնամոլութեան) և իմբերիա-
լիզմի (կայսերականութեան) խնդիրները. այդ
մասին մենք կը խօսենք, երբ կը պարզենք դասա-
կարգերի եւ դասակարգային կռուի էութիւնը :
Իսկ հիմա գիմենք կուսակցութիւններէ բռնած
գիրքերին եւ նրանց գլխաւոր մտածողների կար-
ծիքներին :

Գ Լ ՈՒ Ն Գ.

Ազգամուլներ: Լիբերալ Բուրժուազիան:
Ընկերվարականները — Մարքս եւ Էնգէլս:
Մարքսի կարծիքները յատկապէս:
Քննադատութիւն:

«Թողէք մեռելներին թաղելու իրենց մեռելները»:

Ազգութեան եւ դասակարգերի մասին խօսելիս, մենք միշտ աշխատել եւ աշխատում ենք հաւատարիմ մնալ այդ ասացուածքին: Մեզ համար վաղուց արդէն դադարել է նշանակութիւն ունենալ յետադիմական կամ ադնուական, պահպանողական, կղերական եւ այլ մեռած կամ շատ շուտով մեռնելու դատապարտուած կուսակցութիւնների հայեցակէտերը մեզ զբաղեցնող խնդիրների առիթով: Այժմ մի տարրական ճշմարտութիւն է, որ «Նովոէ Վրեմիա» թերթը եւ իր խմբագիր Սուվորինը եւ կամ Պուրիշկեվիչները, «Իսկական Ռուս Մարդիկ» ու այլ այդպիսի անհատներ եւ կուսակցութիւններ ազգամուլներ, օտարակերներ են, որ նրանց քաղաքականութիւնը տանում է Ռուսաստանը Յուսիմա, դէպի Պորտ-Արտուր, դէպի տիղմ ու կործանում: Այ-

սօր ոչ ոքի համար գաղտնիք չէ, որ նրանց ուղղութիւնը դարձնում է ոստիկանատներում:

Ամենին յայտնի է նոյնպէս, որ «Ազամի եւ Եհովայի հայերէն խօսիլը» կամ «Վիկտորիա Թագուհուն Արշակունեաց զարմէն սերուած ըլլալը», որ ծնունդ է մեր հին վարդապետների ազգային զերագանց եռանդի, եւ կամ Աշըղ-Ջիւանու հռչակաւոր «բանաստեղծութիւնը» — «Փարիզու զարգարուած քառանկիւնուցը իմ հայ պապի փլած խրճիթը լաւ է, ո՛հ լաւ է»... ասում ենք, ամէնքին յայտնի է, որ այդ ամէնը այրած սրտի մխիթարանքներ, ազգամոռութեան, անմիտ շօվինիզմի պտուղներ են:

Թողնենք մեռելներին թաղելու իրենց մեռելները. չգրադուենք այդ ամէնով, որովհետեւ ամէնքին յայտնի են դրանց մտքերի անմտութիւնը: Մենք կանգ կանենք, այսպէս կոչուած՝ ճախակողմեան մտածողների տեսակէտների վրայ:

Դեռ սրանից մօտ մի զար առաջ, գերմանական երիտասարդ լիբերալիզմի տաղանդաւոր ներկայացուցիչներից մէկը, Հայնրիխ Հայնէն, գրում էր.

«Այն գլխաւոր լծակը, որ մինչեւ այժմ փառասէր եւ շահամոլ վեհապետներն այնքան արդիւնաւոր կերպով կարողանում էին շարժման մէջ դնել իրենց անձնական նպատակների համար, յատկապէս ազգութիւնն իր սնապարծութիւնով եւ իր ատելութիւնով դէպի ուրիշները, այժմ մաշ-

ուել եւ փտել է: Օր օրի վրայ չֆանում են մէկը միւսից աւելի յիմարագոյն ազգային նախապաշարումները. բոլոր խիստ տարբերութիւնները ոչնչանում, կորչում են Եւրոպական քաղաքակրթութեան ընդհանրութեան մէջ: *Եւրոպայում այլեւս գոյութիւն չունեն ազգեր, այլ կան միայն կուսակցութիւններ...*: Այժմ կազմում են երկու խոշոր գանգուածներ, որոնք բշխումներ են անում իրար եւ նակատամարտում են իրար հետ նաոերով եւ հայեցակէտերով»: (Italien, 1828 թիւ, գլ. XXV. «Միւնխէնից մինչեւ Ջէնովա»):

Եւ ի՛նչ կասկած՝ — այդ կուսակցութիւնները քաղաքական մեծ միութիւնների կամ խոշոր պետութիւնների մէջ էին, որոնց սահմանների վրայից նրանք իրար ձեռք էին մեկնում, ժրխտելով ազգութիւնները եւ ձգտելով կոսմոպոլիտիզմի, համամարդկային մի եւ միակ ամբողջութեան երեւակայական սկզբունքին: Մի այլ տեղ (նոյն-դէպ-XXX) Հայնէն ազգային զգացմունքն անուանում է կոսպաշտական զգացմունք: Պահենք մտքերս Հայնէի այդ կտորները. նրանք չափազանց նման են Լիբկնէխտի արտայայտութեանը, որ մի քիչ յետոյ պիտի առաջ բերենք:

Դա բարժուական կոսմոպոլիտիզմն էր: Նա ժխտում էր ազգութիւնը, նա քարոզում էր լոկ մարդկութիւն: «Բայց ո՞րն է մեր ժամանակի մեծագոյն խնդիրը: Դա ազատագրումն է (Էման-

սիպասիոնը) : Ազատագրումը ոչ միայն Իրլանդացիների, յոյների, Ֆրանկֆուրտի հրէաների, արեւմտեան Հնդկաստանի նեգրների եւ ուրիշ ննշուած ժողովրդների, այլ ազատագրումն ամբողջ մարդկութեան : (Հայնէ — նոյն շարագրութիւնից) :

Վերցնելով ազգութեան բոլոր արտաքին արտայայտութիւնները, լիբերալ կոսմոպոլիտները քննութեան էին ենթարկում դրանց եւ ապացուցանում, որ դրանք բոլորն էլ կայուն, մշտական յատկանիշներ չեն, այլ յարաշարժ եւ մշտափոփոխ, յեղեղուկ եւ անկայուն : Եւ դրանից նրանք եզրակացնում էին, որ ազգութիւնն ուրեմն դոյութիւն չունի : Նրանց այդ կծու քննադատութիւնն ուղղուած էր ազգամոլներին, շովինիստներին դէմ, որոնք, կպչելով ազգութեան այս կամ այն արտաքին նշանից, այդ նշանը հրատարակում էին ընդածին կամ ընածին, անսկիզբն ու անվախճան, մի տեսակ քարացած ու անփոփոխ երեւոյթ, որ մի ազգին տարբերում էր միւսից : Դրանով նրանք դառնում էին մետաֆիզիքներ ազգային խնդրում : Նրանց կարծիքով ազգերը մարդկութեան կայուն, անփոփոխ եւ մշտատես ձեւերն են, որոնք իրար խառնուել չեն կարող, նրանց կարելի է կոտորել, սովամահ անել, սերհատել եւ արմատախիլ անել իրենց երկրներէ, բայց ձուլել նրանց, կլանել — անկարելի է դրակահնապէս : Նրանց համար ձեւն առանձին

զոյութիւնն ունեցող երեւոյթ էր, ինչպէս է. Կանտի համար: Նրանց մտածելակերպը նման էր հոշակաւոր բնագէտ Կիւլիէի մտածելակերպին, որն ընդունում էր կենդանական տեսակների ուրոյն եւ անվերլուծելի զոյութիւնը. նրանց ինքնուրոյն ստեղծագործութիւնն, ինչպէս ուրուստիւսը է Ս. Գրքում:

Նախընթաց դիւում մեր տուած վերլուծութիւնից եւ բացատրութիւններից պարզ երեւում է, որ մենք այդ երկու ուղղութիւններն էլ համարում ենք սխալ: Մեր կարծիքով, ազգութիւնները մարդկային ցեղի արտայայտութեան ձեւերն են, որոնք որոշ ժամանակաշրջանում ըսկիզբն են առել եւ զարգացել են շնորհիւ աշխարհազրական, երկրաբանական եւ այլ բնական պայմանների եւ պատմական միջավայրի եւ որոնք լինելով յարափոփոխ, կարող են, որոշ պայմանների կուտակման շնորհով, կորչել, կըլանուիլ, խառնուիլ դրացի ազգերի հետ կամ տարրալուծուիլ, քայքայուիլ կամ կորցնել ուրոյն զոյութեան գիտակցութիւնը: Մի խօսքով մեր տեսակէտը էտիլիցիոնական կամ բնաշրջական տեսակէտ է եւ ոչ մետաֆիզիքական:

Բուրժուական այլ կուսակցութիւնների ծրարագրներում մենք կը գտնենք իմպերիալիզմը, տիրապետելու, գրաւելու անյազ ցանկութիւնը: Դրանք իրենց այդ ցանկութիւնն արգարացնում են նրանով, որ իրենց հայրենիքն ու իրենց ազ-

դը համարում են լաւազոյնը, մի տեսակ «ըն-
տրեայն յ'Աստուծոյ»: «Deutschland uber alles»
(Գերմանիան ամենից բարձր), ասում են գերմա-
նական բոլոր բուրժուաները: Եւ նրանք, Բիս-
մարկները, Նոհէնլոէները ու Բիւլաւները բե-
րանով պահանջում են գրաւել նորանոր երկիր-
ներ, քաղաքակրթել նրանց, գերմանական բարձ-
րագոյն կուլտուրան ներմուծել ամեն տեղ...
Ձէ որ դեռ եւս հռչակաւոր փրկիստփայ Հեզելը,
Մարքսի ու Էնգելսի ուսուցիչը պնդում էր, որ
քաղաքակրթութիւնն սկիզբն է առել արեւելքում.
սկսուելով Չինաստանից, նա անցել է Հնդկաս-
տան, յետոյ Պարսկաստան, ապա Փոքր Ասիա,
Ասսիրո-Բաբելոն, Փիւնիկէ, Յունաստան, Հռոմ
եւ վերջապէս Գերմանիա, որտեղից դէպի արեւ-
մուտք յառաջանալու այլ եւս տեղ չը կայ. կա-
պուտակ ովկիանոսը կտրում է քաղաքակրթու-
թեան արեւելքից արեւմուտք չուելու այդ ըն-
թացքի առջեւը: Հեզելն է, մեծն Հեզելը, որ
պնդել է այդ երեւոյթի վրայ, ոտի տակ տալով
պատմական փաստերը, նրանց բոնագրօսիկ բա-
ցատրութիւններ տալով, յետ ու առաջ դասաւո-
րելով: Նրան հարկաւոր էր Գերմանական քաղա-
քակրթութիւնը հրատարակել մարդկային ամե-
նաբարձր քաղաքակրթութիւնը, գիտութեան եւ
կուլտուրայի վերջին խօսքը, Ինչպէս իր փրկի-
ստփայական սխտեմը փրկիստփայութեան դա-
գաթնակէտը: Յարաճուն, մշտագարգաց հրատա-

րակեց Հեղեղը թէ քաղաքակրթութիւնը եւ թէ փիլիսոփայութիւնն ու փիլիսոփայական սխաւէմները, բայց անձնական եւ ազգային եսամոլութիւնը թոյլ չը տուին նրան շարունակելու երեւոյթներէ տրամախօսական զարգացումը, նրանց էվոլիւսիանը: Դա Գերմանական շովինիզմի ամենացայտուն արտայայտութիւնն է:

Գրաւել Շլէզլիդ-Հոլշտայնը, իսկ Աւրստրիայից մի քանի գաւառներ, նուաճել էլզանն ու Լոտարինգիան, Յուկէս միլիոն Լեհերին գերմանացնել. Ասիայում, Աֆրիկայում, Ամերիկայում եւ Աւստրալիայում գաղութներ հիմնել, «Weltpolitik» — համաշխարհային քաղաքականութիւն բանեցնել. մեծ ուղղական բանակներ ու նաւատորմեր ունենալ... եւ այդ ամենը յանուն Գերմանիայի փառքի, նրա քաղաքակրթութեան տարածման: Պատրուակ, գիմակ, արտաքին քող են այդ ամենը. դա խոշոր բուրժուազիայի ձգտումն է շուկայն առ բերելու, իր սպրանքները վիժելու համաշխարհային շուկան, ունենալով սրբան կարելի է շատ վայրերում նըւազագոյն թւով մրցակիցներ, մանաւանդ օտարազգի առեւտրականներէ: Իսկ մայր երկրում թող աշխատաւոր զանգուածները հեծեն ու տընքան հարկերի ճզմող բեռի տակ:

Թէ բուրժուական կոսմոպոլիտիզմը (համաշխարհաքաղաքացիութիւն) եւ թէ շովինիզմը ու նրա անմիջական զաւակ իմպերիալիզմը, հան-

բաժանօթ երեւոյթներ են, որոնց մասին շատ է խօսուած ու խօսուում է կեանքի եւ թէ դրականութեան մէջ. մենք այլեւս երկար չենք զբաղուի նրանցով. վերեւում բերուած մի քանի տողն էլ բաւական է:

Անցնիք այժմ սոցիալիստ մտածողներին: Նրանց տեսակէտներն են մեզ հետաքրքիր, որովհետեւ աշխատաւոր մարդկութեան ղեկավարները նրանք են, որովհետեւ նրանց է պատկանում ապագան թէ գիտութեան, թէ գեղարուեստի եւ թէ ընկերական կեանքի մէջ:

Այս ապարէզում մենք գտնում ենք, մանաւանդ սկզբնական շրջանում, բուրժուական լիբերալիզմից փոխ առնուած մի կոսմոպոլիտիզմ: Չկան ազգեր, այլ կան լոկ դասակարգեր, հակամարտ շահերով, կեղեքող-բուրժուագիւ եւ կեղեքուող-պրոլետարիատ: Եւ հնչում է տաղանդաւոր տնտեսագէտների հրաւիրակոչը. «Պրոլետարներ բոլոր երկրների, միացէք»: Եւ այդ կոչըն ըմբռնում է բառացի, բոլոր պրոլետարները մի ազգ են կազմում, իսկ բուրժուաները մի ազգ: Մարդկութեան եւ նրա ներսում երկու հակայական բաժանում — պրոլետարիատ եւ բուրժուագիւ: Դեռ եւս չկայ Փրանսիական, անգլիական, գերմանական պրոլետարիատ, — դրանք յետոյ են քաղաքացիութեան իրաւունք ստացել. սկզբներում կայ միայն պրոլետարիատ:

Հանգուցեալ Լիբկնէխտը, Մարքսի ու Էն-

գելաի անձնական ընկերն ու աշակերտը, 1892
թուին դնացել էր Մարտէյլ, ուր մի շա՛տ նշանա-
ւոր ճառ արտասանեց, որի վերջին կտորը խիստ
բնորոշ է :

«Մեզ, սոցիալիստներիս համար, չը կայ ազ-
գութեան հարց, մենք մանաչում ենք միայն եր-
կու ազգ. մի կողմից կապիտալիստների, բուր-
ժուադիայի, տիրող դասակարգի ազգը, իսկ
միւս կողմից պրոլետարների, գրկուածների, աշ-
խատաւոր դասակարգի ազգը: Այս երկրորդ ազ-
գին ենք պատկանում մենք բոլորս, Փրանսիայի
եւ Գերմանիայի կոլլէկտիւիստներս: Մենք մի
ազգ ենք կազմում, — բոլոր երկրների բանուոր-
ները մի ազգ են կազմում, հակադիր միւս ազ-
գին, որը նոյնպէս մի է բոլոր երկրներում»:

Ահներեւ է. ազգերը ժխտուած են, նրանք
դոյութիւն չունեն «սոցիալիստների համար»:
Իսկ ազգերի փոխարէն ծերունի Լիբկնէխտը դրել
է դասակարգերը, ինչպէս Հայնէն կուսակցու-
թիւնները: Համայն աշխարհի բանուորները մի
ազգ են, իսկ բուրժուաները մի ազգ: Դա նոյն
կաւմապալիտիզմն է, անմարմին, անձեւ, առանց
ազգութիւնների եւ միջազգայնութեան. մարդկու-
թիւն եւ նրա մէջ երկու բանակ: Լիբկնէխտը նոյն
խոյն չէ ցանկացել մտածել, որ բուրժուազիան
միեւնոյն ազգի, միեւնոյն հայրենիքի մէջ անգամ
չէ կարողանում միանալ, մի բանակ կազմել,
ինչպէս պրոլետարիատը, որովհետեւ կայ ար-

տաղրութեան եւ առեւտրի մէջ մրցում: Այո՛,
բուրժուազիան կարող է մի բոպէ մոռանալ իր
ներքին, անհատական մրցակցութեան շահերը,
երբ բանուոր կամ աշխատաւոր դասակարգերն
սպառնական դիրք ընդունեն, ուղեման որ եւ է
խիստ ու հատու հարուած հասցնել: Դա կոչոււմ
է միատեղման կամ միահաւաքման քաղաքակա-
նութիւն, ինչպէս արին նրանք Գերմանիայում,
Րայխստագի վերջին ընտրութիւններէ ժամա-
նակ. բոլոր բուրժուական կուսակցութիւնները,
նոյն իսկ բոլոր անհատները (կղեր, հոգատէր,
աղնուական, բիւրդեր, պաշտօնեայ) միացան եւ
տապալեցին սոցիալ-դեմոկրատ կուսակցութիւ-
նը. նրա պատգամաւորներէ թիւը կիսով չափ
պակասեց Րայխստագում: Բայց գրանից աւելի եւ
յարատեւ միութիւն չա՛տ աւելի դժուար է կազ-
մել բուրժուազիայից, քան պրոլետարիայից:
Տրեստներ, կապիտալիստական սինդիկատներ,
այո՛, կազմոււմ են, բայց նախ չափազանց մեծ
դժուարութիւնով, երկրորդ՝ միեւնոյն երկրի
կապիտալիստներէ միջեւ, այն էլ միմիայն նման
առեւտուր ունեցողներէց, իսկ, օրինակ, ագ-
րարներէց եւ գործարանատէրերէց մի սինդի-
կատ, զինեղործներէց եւ շաքարագործներէց մի
միութիւն համարեա՛ անհնար է կազմել: Սակայն
երեւակայել, որ զանազան երկրներէ բուրժուազ-
իան զոնէ բարոյական կապերով կը կապուի ու
կը կազմէ մի միջազգային միութիւն, զա անհը-

նար է, որովհետեւ մրցակցութիւնը նրան բաժանում է :

Այն ինչ այդպէս չէ պրոլետարիատը. մրցակցութեան ոչինչ չունի. միութիւնը նրան ոյժ է տալիս եւ անպայման տնտեսական ու բարոյական օգուտներ: Այդ այդպէս լինելով էլ՝ պրոլետարիատը երբեք չէ կարող ունենալ համամարդկային մի ամբողջացած կազմակերպութիւն, առանց ազգային կազմակերպութիւնների :

Բայց այդ մասին զեռ յետոյ, երբ կը խօսենք կոսմոպոլիտիզմի եւ ինտերնացիոնալիզմի մասին: Այժմ զեռ քննենք, թէ ո՞ւր է այդ կոսմոպոլիտիզմի, այդ «երկու ազգի» արմատը :

Որոնումները մեզ անպայման ստիպում են «գիտական» կոչուած սոցիալիզմի հիմնադիրներին գիմել, որոնել նրանց աշխատութիւններում ազգային հարցին վերաբերեալ կարծիքներ եւ քննել, թէ նրանց միաձոյլ ու ամբողջացած սոցիալական սիստեմի մէջ ի՞նչ տեղ է բռնում այդ հարցը :

Հնադոյն եւ քիչ ու շատ ամբողջութիւն կազմող, աշխարհայեացք արտայայտող կտոր հանդիսանում է Մարքս-էնգելսի հրատարակած (1848 թւին) «Կոմմունիստական կուսակցութեան Մանիֆեստ»ի հետեւեալ կտորը.

«Կոմմունիստներին մեղադրում են, որ նրանք ուզում են ոչնչացնել հայրենիքը, ազգութիւնը: Բանւորները հայրենիք չու-

նեն: Նրանցից չէ կարելի խլել այն, ինչ որ շունեն: Պրոլետարիատը, որ նախ եւ առաջ պիտի տիրանայ ֆաղափական իշխանութեան, բարձրանայ *ազգային* դասակարգի բարձրութեան, ինքն իրեն կազմակերպէ իբր ազգ, նա (*պրոլետարիատը*) *զեռու ազգային է*, թէեւ ամենեւին ոչ բուրժուական մտքով:

Արդէն բուրժուազիայի զարգացումով, առեսորի ազատութեան, համաշխարհային շուկայի արդիւնաբերող արտադրութեան ձեւերի միանմանութեան եւ նրանց համապատասխանող գոյութեան պայմանների հետ միասին աւելի ու աւելի կորչում են ազգային առանձնացած վիճակը եւ ժողովրդների մէջ եղած *անտազոնիզմը* (հակառակութիւնները):

Պրոլետարիատի տիրապետութիւնն աւելի եւս կը նպաստէ նրանց չփանալուն»:

Հետեւողորար վերլուծենք առաջ բերած ցիտատը (քաղուածքը):

Ամենից առաջ մտածողի ուշադրութիւնը դրուուում է Հայրենիք եւ Ազգութիւն բառերի իրար կողքի դրուելը. իսկոյն երեւում է, որ հեղինակները նրանց համարում են հոմանիշ: Այն ինչ տարբերութիւնը մեծ է, ու անանցանելի: Սկսած բարձրագոյն կենդանիներից, մարդկային վայրե-

նի հորդաներից, բարբարոս տոհմական համայնք-
ներից մինչև մեր օրւայ ամենաքաղաքակիրթ
ժողովուրդներն ու ազգերը հայրենիք ունեցել են
և ունեն: Այսօր թաթար ազգի հայրենիքը կա-
րող է լինել Մուղանի դաշտավայրը, Կուրի եւ Ե-
րասխի հովիտների ներքին մասերը, իսկ երէկ
նրա, ինչպէս եւ Օսմանեան թիւրքերի հայրենի-
քը Միջին Ասիան էր, Թուրանը, մասամբ Արալ-
եան լճի ափերը: Վայրենի հորդան կարող է ապ-
րել այսօր այս որսատեղում, մի քանի ամիս յե-
տոյ մի այլ որսատեղում: Արեւակից տոհմերն
ու ցեղերը կարող են, այս կամ այն ճնշման տակ,
թողնել իրենց ծննդավայրն ու ապրուստ ճարե-
լու որսատեղը — իրենց հայրենիքը, ինչպէս Հոն-
ները, եւ Արեւմտեան Ասիայից խուժել մինչև
Եւրոպայի սիրտը, հիմնել այնտեղ, նոր հայրե-
նիք ձեռք բերել: Հայրենիքն անպայման այն եր-
կիրն է, ուր ծնունդ է առել մի ժողովուրդ, այլ
երկար դարերի ընթացքում, սերնդից սերունդ
ապրած ու նրանց քրտինքով մշակուած վայրն է
նա: Իսկ ազգը միանդամայն տարբեր բան է, որի
բանաձեւը արդէն մենք տուել ենք եւ աւելորդ ենք
համարում կրկնել:

Ինչպէս արդէն մի անգամ ասել ենք, այդ շը-
փոթութիւնը դոյութիւն ունի եւրոպական գի-
տութեան ու գրականութեան մէջ: Դա միայն
Մարքսին ու Էնգելսին չէ յատուկ: Միայն ԺԹ,
դարավերջին Եւրոպական միտքն սկսեց արմա-

տասպէս իրարից բաժանել այդ երկու գաղափարները :

Դրանից յետոյ դալիս է հետեւեալ միտքը՝
— արեւի լոյսի պէս պարզ ու ըմբռնելի, բայց ոչ ընդունելի :

«Բանւորները հայրենիք չունեն : Նրանցից չէ կարելի խլել այն՝ ինչ որ չունեն» :

Սակայն նորութիւն չէ այդ միտքը : Դրան շատ նման մի կարծիքի մենք հանդիպում ենք Հոռմի փառապանծ պատմութեան էջերում : Գլբախի քեան եղբայրներից մէկը, Տիբերիոսը հարաւային Իտալիայում ճամբորդելուց յետոյ, Հոռմ վերադառնալով, Ծերակոյտին մօտաւորապէս հետեւեալ բառերն ասաց . «Երկնքի թռչունները բուն ունեն, երկրի գաղանները — որջ, իսկ Հրոռմի գիւղացին, որ աշխարհի տէրն է համարւում ոչ մի անկիւն չունի, նոյն իսկ մի քար չունի, որ զլիսատակը գնէ . . . Ի հարկէ այդպիսին չի պաշտպանի իր հայրենիքը» :

Եւ կարծես արտաքուստ բաւականին ստոյգ է երեւում այդ Փրազը : «Բանւորը հայրենիք չունի» . այսինքն այդ հայրենիքի մէջ նա սեփականութիւն չունի, ուրեմն եւ չէ սիրում նա այդ հայրենիքը : Ահա Մարքսի եւ Էնգելսի հանած տրամաբանական եզրակացութիւնը : Նրանք տընտեսական կամ դիալեկտիկական մատերիալիստներ են . նոյն իսկ սէրը դէպի ծննդավայրը, դէպի հարիւրաւոր ու հազարաւոր սերունդներով

Ժառանգաբար հաղորդուած կապակցութեան զգացումը մի երկրի հետ նրանք ուզում են բացատրել ոչ թէ մատերիալիստական փիլիսոփայութեան գիտական ճանապարհով, այլ լոկ շահի տեսակէտով :

Բանւորները սեփականութիւն չունեն իրենց հայրենիքում, ուրեմն շահ չունեն այնտեղ, ուրեմն եւ չեն սիրում : Այդ բոլոր եզրակացութիւնների անմտութիւնը պարզուած է այն ժամանակ, երբ մտածում ենք, որ տասնեակ ու հարիւրաւոր սերունդները ներկայ պրոլետարների եղել են այդ հայրենիքում սեփականատէրեր, ծծել են այդ հայրենի երկրից իրենց սնունդն՝ ինչպէս մանուկը ծծում է կաթն իր մօրից : Այդ հարիւրաւոր սերունդները ձեռք են բերել մի զգացում, — սէր դէպի այդ հայրենիքը, որ բարոյական հաստ ու կուռ շղթայով կապել է նրանց այդ հողի հետ, իրենց ճակատի քրտինով ոռոգւած, իրենց գիտկներով պարարտացած մայր երկրի հետ : Նրանք այդ դարաւոր ժառանգութիւնը հաղորդել են իրենց անմիջական սերունդին, ներկայ պրոլետարիատին, որի մէջ սէրը դէպի իր ծննդավայրը դառել է արդէն մի տեսակ բնազդ, իր ջգերից, իր էութիւնից անբաժան բնական մի երեւոյթ, իդէալիստական մի տարր, որը սակայն, ծնունդ է առել մատերիալիստօրէն, դանդաղ բարեշրջման գիտականօրէն բացատրելի ուղիով :

Այդ դեռ քիչ է : Ժառանգաբար ստացած այդ

զգացումը ներկայումս չէ սառչում, չէ նուազում: Բանուրը միշտ աշխատում, քրտինք է թափում իր հայրենի երկրում: Ճշմարիտ է, նա «դուրը դատում եւ դատարկ է նստում»: Նրա աշխատանքի առատ պտուղները հնձում են հողատէրերն ու դրամատէրերը, իշխաններն ու նախարարները, բարձր հոգեւորականութիւնը եւ բոլոր տեսակի տղրուկները... Բայց դա չէ խանդարում գիտակից պրոլետարին խորապէս զգալու, որ իրենն է այդ երկիրը, իրենն է այդ հայրենիքը, որովհետեւ ստեղծագործող, կենսարար աշխատանքն իրենն է: Եւ այդ ճշմարտութեան խորը գիտակցութիւնն է, որ դրդում է գիտակից բանուորութեանը պահանջ դնել ունենալ սեփականութիւն իր հայրենիքում, միայն համայնավարական սեփականութիւն. բոլոր հողը եւ արտադրութեան բոլոր միջոցները պատկանեն բոլորին. բոլորն էլ աշխատեն, արտադրեն համայնօրէն եւ արդիւնքը բաշխեն իրենց մէջ, համաձայն թափած աշխատութեան քանակի եւ որակի:

Այո՛, բանուորները սեփականութիւն չունեն իրենց հայրենիքում, բայց ուզում են ունենալ. նրանք դրել են այդ պահանջը եւ եռանդով ձրգտում են իրականացնել այն: Սէրը դէպի հայրենիքը դրանով ոչ թէ նուազում, այլ զարգանում է: Միայն սէրը դէպի հայրենիքը եւ ոչ անյագ պահանջը դրաւելու ուրիշների հայրենիքները, լայնացնելու, մեծացնելու իր հայրենիքը. դա

բուրժուազիայի ճգնումն է, դա իմպերիալիզմն է, որ շուկայ է որոնում իր ապրանքների համար :

Այսպէս ուրեմն՝ առաջ բերած ցիտատի առաջին կտորի միտքը պարզ է, ըմբռնելի, բայց ոչ ճշմարիտ : Բանուորները հայրենիք ունեն : Եւ նրանց հայրենասիրութիւնը շատ աւելի անկեղծ, անկաշառ է, քան բուրժուայինը, որովհետեւ իդէալիստական է, առանց սեփական անմիջական շահի :

Վերջապէս բանուորինն է ու գիւղացունը հայրենիքը, որովհետեւ նրանք չեն կարող, բուրժուայի եւ ինտելիգէնտի նման, ապրել ամէն տեղ, ամէն տեսակ պարագաներում . անկարողութիւնը նրանց աւելի պինդ շղթաներով է կապում իրենց երկրի հետ : Աշխատաւորը լեզուներ չը գիտէ, միջոցներ չունի հեռանալու իր ծննդավայրից :

Զուլումների սեւ օրերին՝ միջոց ունեցողները, հարուստները փախչում, այլ՝ աւելի հանգիստ վայրեր են որոնում, իսկ աշխատաւորը, տեղից շարժուելու անկարող, իր կուրծքով է գիմաղրում ամէն տեսակ փորձանքների : Ո՛չ, ո՛չ, նրանն է հայրենիքը, ամենից աւելի պինդ շղթաներով նա կապուած է այդ երկրի հետ :

Եւ երբ կեանքի դաժան պարագաները բռնադատում են նրան բաժնուէլ այդ կենսատու երկրից, դաղթել այլ վայրեր ապրուստ ճարելու, նայեցէք նրա դէմքին . վիշտը ծովացած է, ուլ-

կեանի պէս փոթորկոտ, ալեկոծ է նրա սիրտը. նա անիծում է այն դաժան բաղդը, որն ստիպում է թողնել նրան իր սիրած հայրենիքը, իր սովորած բոլոր շրջապատը: Նա ուրախ չէ որ մեկնում է, բայց նա բռնադատուած է մեկնել:

«Պրոլետարները հայրենիք չունեն»: Յրանսացի յայտնի ընկերվարական հոստոր եւ փելիստփայ ժորէսը առաջ բերելով այդ ֆրագն ասում է. «բայց քաղաքացիներ, դա միայն յոռետես մի սլացք, մի կծու արտայայտութիւն է (boutade), որ մասամբ բացատրում է Մարքսի եւ Էնգելսի այդ բանը գրելու ժամանակաշրջանով, երբ *պրոլետարիայի* ոյժը դեռ իր գարգացման ամենաստոր վիճակի մէջ էր. ամբողջ Եւրոպայում բանուոր դասակարգը գրկուած էր ամենատարրական իրաւունքներից – չունէր իրաւունք բանուորական սինտիկատներ կազմակերպելու գործունէութիւններ կամ միութիւններ ունենալու, զուրկ էր ֆուէրկուրքեան ընդհանուր իրաւունքից. կարծես թէ *պրոլետարիատը* դուրս էր վանուած հասարակական կազմից, մարդկութեան ընդհանուր իրաւունքներից» (*): Եւ այնուհետեւ, ժորէսն էլ իբր Եւրոպացի, ընդունուած ձեւով շփոթելով կամ նոյնացնելով ազգն ու հայրենիքը, *ցոյց է տալիս, թէ ինչպէս նոյն իսկ այդ շրջանում, 1847–48 թը-*

(*) Համեմատիր — ժ. ժորէս «Սոցիալիզմ եւ հայրենիք» հայերէն անտոնի քարգմանութիւնը:

ւերում, բանուոր դասակարգը Եւրոպայի բոլոր երկրներում գործում էր իր ազդուժեան գրկում, յարմարուելով եւ պատմական միջավայրին, իր ազդուժեան ներքին, ինքնատու պարագաներին:

Ռուսական Մարքսիզմի լեդերներէց մէկը – Գէորգի Պլեխանովը, նոյն փրագը առաջ բերելով, պնդում, հաստատում է նրա միտքը եւ վիճաբանութեան մտնելով Ժ. Ժորժսի հետ, ասում է. «Եթէ որ «Մանիֆեստի» հեղինակներն ասէին, թէ բանուորներն ազգութիւն չունեն կամ չեն պատկանում ոչ մի ազգութեան, այն ժամանակ դա կը լինէր ոչ թէ յոռետեսական մի սլացք, մի կծու արտայայտութիւն, այլ մի ծիծաղելի անմտութիւն (Non sens ridicule)(*):

Անցնենք այժմ Մարքս-էնգելսի կարծիքի երկրորդ մասին, որ վերաբերում է ազդուժեան խնդրին:

«Պրոլետարիատը, որ նախ եւ առաջ պիտի տիրէ քաղաքական իշխանութեանը, բարձրանայ ազգային դասակարգի բարձրութեանը, ինքն իրեն

(*) Ֆրանսիական «La Vie Socialiste» ամսագիրը, Ժորժսի եւ Հերվէյի վեցի աւիթով, դիմել էր բոլոր աչքի ընկնող սոցիալիստ գրողներին եւ գործիչներին, որ նրանք յայտնեն իրենց կարծիքը հայրենիքի, ազգութեան եւ հակամիլիտարիզմի մասին: Պլեխանովն էլ տուել էր իր կարծիքը, որ քարգմանուած է աուսերէն. «Հայրենասիրութիւն եւ սոցիալիզմ» (երես 5):

կազմակերպել իբր ազգ, նա դեռ եւս ազգային է, քէեւ ամենեւին ոչ բուրժուական մտքով»:

Կազմակերպուած պրոլետարիատը ձգտում է տիրանալու քաղաքական իշխանութեան, երկրի ղեկավարութեան ղեկն իր ձեռքն առնելու եւ գործնական ու օրէնսդրական ճանապարհով իրականացնելու սոցիալիստական կազմակերպութիւնը: Երբ սոցիալիզմը իրականացաւ, բոլոր ազգը կը դառնայ մի դասակարգ — բոլորն էլ կը լինեն բանուորներ, աշխատողներ: Ուրեմն՝ ձգտելով իրականացնել սոցիալիզմը, բանուոր դասակարգը ձգտում է ինքը դառնալ ամբողջ ազգը: Իսկ մինչեւ որ նա տէր կը դառնայ երկրի իշխանութեան, նա դեռ եւս ազգային է, թէ ոչ բուրժուական մտքով, այսինքն՝ ոչ շօվինիստ, օտարակեր, կլանելու, գրաւելու տենչով բռնուած:

«Պրոլետարիատը դեռ եւս ազգային է»: Մինչեւ ե՞րբ: Ի հարկէ մինչեւ որ ձեռք ձգէ քաղաքական ղեկը, իրականացնէ սոցիալիզմը: Իսկ այնուհետեւ ի՞նչ. կը դադարի՞ արդեօք նա ազգային լինելուց, կը կորցնէ՞ իր ազգութիւնը, կը դառնա՞յ Weltburger կամ համաշխարհաքաղաքացի. ամենայն ինչ, որ ազգային է օտա՞ր կը լինի այնուհետեւ նրա համար: Կարճ՝ կը դառնա՞յ արդեօք մարդկութիւնը մի ազգ մի հօտ եւ մի հովիւ. արդեօք պէտք է ազգութիւնը վերանա՞յ իբր մի անպէտք, վնասակար բան, թէ պէտք է պահել նրան իբր «ein ideales Gut», իբր մի

«իդէալական բարիք», ինչպէս ասում է Պէրնէր-ստօրֆերը: Եթէ պիտի ազդութիւնը վերանայ, էլ ինչո՞ւ պրովետարիատն ինքն իրեն կազմակերպում է իբր ազգ, իսկ եթէ չպէտք է վերանայ, էլ ինչո՞ւ Մարքսն ու Էնգելսն ասում են, որ պրովետարիատը դեռ եւս ազգային է: Այստեղ արդէն մտքերի շփոթութիւն, դո՞նէ կնճռոտութիւն կայ. կարելի է բացատրել եւ այսպէս, եւ այնպէս. եւ յօգուտ ազդութեան պահպանման եւ ընդհակառակը:

Այնուհետեւ սկսում է ցիտատի վերջին կըտորը, որ ցոյց է տալիս հեղինակների մտածելակերպը, բայց որը կանգ է առնում կէս ճանապարհին, չէ դնում մինչեւ մտքի տրամաբանական վախճանը:

«Արդէն Բուրժուազիայի զարգացումով, առեւտրի ազատութեան, համաշխարհային շուկայի արդիւնաբերող արտադրութեան ձեւերի միանմանութեան եւ նրանց համապատասխանող գոյութեան պայմանների հետ միասին՝ աւելի եւ աւելի կորչում են ազգային առանձնացած վիճակն ու ժողովրդների մէջ եղած անտադոնիզմը (ներհակութիւնները): Պրոլետարիատի տիրապետութիւնն աւելի եւս կը նպաստէ նրանց չփանալուն»:

Պարզենք այդ կտորը:

Այստեղ եւս երեւում է Մարքսի վարդապետութեան ծայրագոյն միակողմանիութիւնը: Բուրժու երեւոյթները, հասարակական բոլոր խնդիր-

ները մի միակ արմատ ունեն. արտադրութեան միջոցները. սրանք հասարակական բոլոր երկ-
ւոյթների հիմքն են, իսկ միւս բոլորը՝ իրաւունք,
քաղաքականութիւն, կրօն, բարոյականութիւն,
գրականութիւն եւ այլն, մի խօսքով՝ բոլոր իդէ-
ոլոգիական տարրերը կազմում են վերնաշէնքը,
չափուած ու ձեւուած տնտեսական հիմքերի
վրայ:

Բուրժուազիան զարգանում է արար-աշխար-
հում, առեւտուրի ազատութիւնը նոյնպէս: Ստեղ-
ծւում է օր աւուր ընդլայնուող համաշխարհային
շուկայ: Երկրապնդի բոլոր ծայրերի տնտեսական
կեանքն սկսւում է կազմել մի շաղկապուած հըս-
կայական ամբողջութիւն:

Միացեալ Նահանգների բամպակի բերքի պա-
կասութիւնը, Նիւ-Եորքի մի խոշոր գրամատան
սնանկութիւնը ցնցումներ են առաջ բերում ա-
րար-աշխարհում: Այդ կապակցութիւնը քանի
գնում աճում, սերտանում է: Բացի այդ՝ արդիւ-
նագործող արտադրութիւններ կամ ճարտարար-
ուեստը թափանցում է բոլոր երկրները եւ ար-
տադրութեան ձեւերն սկսում են իրար աւելի եւ
աւելի նմանիլ. միօրինակութիւնը թաղաւորել է
սկսում արտադրական ձեւերի մէջ: Դրա հետ մի-
ասին, անհրաժեշտօրէն հասարակութեան ներ-
սում դասակարգերը դառնում են իրար նման,
այսինքն՝ ամենուրեք առաջ են դալիս բուրժուա-
ներ եւ բանուորներ, որոնց գոյութեան պայման-
ներն էլ, կարծես, միակերպւում են:

Ուրեմն՝ կեանքի տնտեսակազմը կամ, ինչպէս ընդունուած է ասել, Էկոնոմիական ստրուկտուրան գնում է դէպի կենտրոնացում եւ միանումնութիւն:

Այդպէս է քարոզում Մարքսիզմը: Ճշմարիտ է թէ ոչ, դա այլ խնդիր է: Մենք միայն պարզաբանում ենք:

Տնտեսական այդ հիմքերի բաւական արագ ենթադրուած կենտրոնացումը եւ միօրինակութիւնը պարտաւորաբար եւ անհրաժեշտօրէն առաջ են բերում ազդութիւնների առանձնացած վիճակի քայքայում. քանզում են այն շինական պատերը, որ գոյութիւն ունէին ազգերի միջեւ: Այդ ազգերը, բռնադատուած տնտեսական աճող յարաբերութիւններից, սկսում են իրար խառնուել: Տնտեսական ձեւերի նմանութիւնը ծնեցնում է ազգերի նմանութիւն. վերացնում է նրանց մէջ եղած հակառակութիւններն ու ներհակութիւնները: Առեւտրական յարաբերութիւնները միախառնում են ժողովրդներին:

Այդ երեւոյթը, միակերպութեան ու կենտրոնացման այդ ձգտումը նկատուում է այսօր: Իսկ երբ պրոլետարիատն իր ձեռքը կ'առնէ երկրների քաղաքական ու տնտեսական ղեկը, ազգերի առանձնացած վիճակն ու նրանցում թագաւորող անտաքոնիզմը աւելի եւս արագ ընթացքով կը չքանան, կը վերանան աշխարհից:

Այդ է բերուած ցիտատի վերջին կտորի ման-

րամասն բացատրութիւնը :

Ինչպէս արդէն ասացինք, այդ կտորի մէջ եւ առհասարակ այդ ամբողջ ցիտատում մի չվերջաւորուած միտք կայ : Ենթադրենք, որ որոշ չափով համաձայնուեցինք, որ տնտեսական կեանքը կենտրոնանում է, տնտեսական ձեւերը վեր են ածուում միօրինակութեան եւ դրանց ազդեցութեան տակ, ասենք թէ, վերանում են ազդութիւնների փակ վիճակներն ու անտագոնիզմները : Ասենք թէ այդ բոլորն էլ ճշմարտութիւններ են : Վերանում են ազդերի առանձնացած վիճակներն ու անտագոնիզմը. շա՛տ բարի : Իսկ ազգութիւնն ինքը վերանում է արդեօք մի ժամանակ, երբ մարդկային բոլոր մանր ու խոշոր ազդերը միաձուլուեն եւ դառնան մի աղբ, մի հօտ եւ մի հովիւ : Ահա այդ մասին լռում են «Մանիֆեստի» հեղինակները :

Ներկայումս բոլոր ընկերվարական գիտնականներն ընդունում են, որ ազգութիւնների եսական, շովինիստական ձգտումները քանի զնում, հարթուում, վերանում են. որ ժողովուրդները, քանի զնում, աւելի եւ աւելի համերաշխ, եղբայրական կենակցութեան են ձգտում : Բայց այդ բոլորը դեռ չէ նշանակում ազգերի վերացում, նրանց միաձուլում :

Ահա այդ առիթով է, որ ծագում է մտքերի չփոթութիւն : Սոցիալիստներից մի քանիսը, ինչպէս Պլեխանովը, պնդում են որ ազգութիւնը կը

մնայ, կը չքանան վաղ վիճակն ու անտագոնիզմը, կը վերանայ Հայրենիքն իր սահմաններով... Յրանոսցի անիշխանական Հերվէն, ընդհակառակը, պնդում է որ ազգն էլ, հայրենիքն էլ պիտի վերանան, պիտի չքանան: Իր «Antipatriotisme» բրոշիւրի յառաջարանում նա հետեւեալն է գրում. «Հայրենասէր միջագայնականներն ասում են, որ հայրենիքներն այնպէս՝ ինչպէս որ պատմութիւնն է ստեղծել, կազմում են մի-մի բարոյական անձնաւորութիւններ, որոնց գոյութիւնն օգտակար է մարդկութեան համար»:

Այդ կտորից պարզ է, որ «հայրենիք» եւ «սոցզ» նոյնացրած է: Ազգն է մի «բարոյական անձնաւորութիւն», կամ, աւելի ճիշդ է ասել՝ — մի օրդանական միութիւն, իսկ հայրենիքը, եթէ նրան վերցնենք եւրոպական մտքով՝ իբր պետութիւն, կարող է ամենեւին չը լինել մի «բարոյական անձնաւորութիւն»:

Իրար խնոնելով ազգն ու պետութիւնը, նա առաջարկում է իր բանաձեւը. «Ներկայ հայրենիքները խորք-մայրեր են պրոլետարների համար: Բոլոր հայրենիքները գրեթէ իրար արժեն. մանաւանդ այժմ, երբ կապիտալիստական բեժիմը բոլոր երկրներում հետզհետէ միօրինակութեան է վերածում աշխատանքի դասակարգերի տնտեսական, մտանքի եւ քաղաքական կեանքի պայմանները»: (*)

(*) «L'Antipatriotisme» յառաջարան:

Ընդհակառակը, ժօրէսը, դէմ գնալով Մարքս-էնդելսի մտքերին, պնդում է որ սոցիալիզմի հաստատուելով երբեք չեն վերանայ ազգն ու հայրենիքը. կը վերանան ներկայ քաղաքական անմիտ սահմանները, երկիրը կը լինի մարդկութեան հայրենիքը, իսկ մարդկութիւնը, բաժնուած լինելով ազգային միութիւնների, ամէն մի միութիւն կ'ունենայ իր բնական հայրենիքը, իր ապրելու վայրը: «Հայրենիքի ներկայ սահմանները, ասում է Ժ. Ժօրէսը, որ փոխադարձ բռնադատման, տարամերժութեան եւ անվստահութեան ոյժի արտայայտութիւններ են, կը վերանան», ինչպէս եւ յարձակողական, կլանող նացիոնալիզմը, օտարակերութիւնը, բայց չի վերանայ ազգութիւնը դրա հետ միասին եւ ազգի բնական իսկական վայրը, նրա բնակատեղ-հայրենիքը: Պատմական ու շովինիստական հայրենիքը չը պիտի խառնել ժողովրդի բնական բնակավայրի կամ իրական հայրենիքի հետ. դրանք շատ յաճախ իրար ամենեւին չեն համապատասխանում:

Առ այժմ մի կողմ թողնենք միւս սոցիալիստ գրողների ու գործիչների տեսակէտները եւ ջանանք պարզել Մարքսի տեսակէտը, յենուելով նրա միւս գրութիւնների վրայ:

Ոչ մի տեղ «ազգ» եւ «հայրենիք» գաղափարները հիմնական եւ լուրջ քննութեան չեն ենթարկուած Մարքսի շարադրութիւններում. ոչ մի տեղ չը կայ մեր վերելում ակնարկուած մտքի

տրամաբանական վերջաւորութիւնը. չէ պարզը-
ւած, թէ արդեօք Մարքսի կարծիքով պիտի վե-
րանա՞յ ազդութիւնն իբր զարգացման, իբր սոց-
իալիզմի իրականանալուն արգելաօրթ մի վնա-
սակար երեւոյթ, թէ պիտի մնայ իբր «ein ide-
ales Gut», իբր իդէալական բարիք: Սակայն այդ
հարցին մենք կարող ենք դտնել մի կողմնակի
պատասխան, երբ քննենք Մարքսի կարծիքը մանր
ազդութիւններէ եւ նրանց ապագայի վերաբեր-
մամբ:

Այդ առիթով մենք կարող ենք դտնել բաւա-
կան նիւթ Մարքսի եւ Էնգելսի գործերի հաւա-
քածուի մէջ, որ հրատարակուած է Շտուտգար-
տում 1902 թւին, «Gessammelte Schriften von K.
Marx und Fr. Engels» խորագրով: Բայց այդ մեզ
հետաքրքրող հարցի մասին մենք ունենք նաեւ
Մարքսի հնագոյն յօդուածներէց մէկը. «Հրեա-
ների մասին». տպագրուած 1844 թւին, Պարի-
զում, «Deutsche-Franzosischen Jahabuchern»
պարբերական հրատարակութեան մէջ: նոյն հար-
ցի մասին կան որոշ ակնարկներ նաեւ «Դասա-
կարգային կռիւը Ֆրանսիայում 1848-50 թւերին»,
«Յեղափոխութիւն եւ հակայեղափոխութիւն» եւ
ուրիշ զրքոյկներում: Մի քանի տող էլ, վերջա-
պէս, մենք գնում ենք Մարքսի հնագոյն գործերէց
մէկում – «Die heilige Familie» «Սրբազան ըն-
տանիք» կամ «քննական քննադատութեան քննու-

թիւնը» գրքում, որ ուղղուած է «Բրունո-Բաուէ-
րի եւ ընկերները դէմ»: (*)

1847 թւի վերջերում Երեւան եկաւ «Մանի-
ֆէստը», իսկ Ղրանից քիչ յետոյ, 1849 թւին
Մարքսը գրեց իր էպպէս նշանաւոր յօդուածը
սլաւոնական մանր ազգերի մասին – «Der demok-
ratische Panslavismus» – «Դէմոկրատիական հա-
մասլաւոնութիւն» վերնագրով: (**)

Յայտնի ռուս փախստական եւ անիշխանական
վարդապետութեան սիւներից մէկը կազմող յե-
ղափոխական Միխայիլ Բակունինը 1848 թւին հը-
րատարակել էր մի կոչ, ուղղուած աւստրիական
սլաւոնական մանր ազգութիւններին, որոնք կոր-
ցրել էին իրենց ազգային անկախութիւնը: Չե-
խերը, Պալացկու առաջնորդութեամբ, հրաւիրել
էին սլաւոնական համագումար Պրագայում, որին
ներկայ էր Բակունինը: Ի զուր նա այդ կոնգրէում
անիշխանական կծու ճառեր էր արտասանում եւ
բոլոր ժողովականներն ի զուր էին ընդունում
նրա ամէն մի առաջարկը որոտաղին ծափահարու-
թիւններով: Վենգրիան ապստամբուած էր, Վի-

(*) Չունենալով մեր ճեմքի տակ Մարքսի եւ Էնգելսի
երկերի մեծ մասը, մեզ պակասած կտորները մենք քաղում
ենք Մասարիկի, Պասմանիկի, Պոստի գրքերից եւ այլ ազ-
բիրներէ:

(**) Gesammelte Schriften von K. Marx und
Fr. Engels, III Band.

էննայի դեմոկրատիան գլուխ էր բարձրացրել, իսկ սլաւոն (խարվատ) Պան Երաչիչն օգնում էր Վիէննայի կամարիլլային, ընդդէմ Կօշուտ Լայոսի, ընդդէմ դերման դեմոկրատիայի, որովհետեւ այդ շարժումն սպառնում էր ոչնչացնել խարւատների ինքնավար իշխանութիւնը:

Շահերի ու գաղափարների այդ գերազոյն հակասութիւնների խառնուածքում, դերման ազատականներն ու արմատականները երբեք չէին կարող հաշտուել սլաւոն ազգերի ու գործիչների հետ, եթէ նոյն իսկ նրանք լինէին ազատական, արմատական ընկերակրական եւ անիշխանական. ամենայն ինչ որ սլաւոնական էր, ատելի էր դերման ազատամիտ գործիչներին:

Այդ պարագաներում լոյս է տեսնում Բակունինի կոչը, որի մէջ նա սլաւոնական միութիւնն ու դաշնակցութիւնը հիմնաւորելու համար բերում է բազմաթիւ պատճառներ և ապա աւելացնում, որ, «արդարութիւնը, մարդասիրութիւնը, ազատութիւնը եւ այլն նոյնպէս պահանջում են այդ միութիւնը կամ ֆեդերացիան»: Մարքսն անմիջապէս բռնում է այդ «իդէօլօգիական» կամ գաղափարախօսական բառերից:

«Արդարութիւնը», «Մարդասիրութիւնը», «Ազատութիւնը» եւ այլն, կարող են հազար անգամ պահանջել այս կամ այն բանը. եթէ դա անհրնար է, չի իրականանայ եւ չնայելով այդ ամէնին, կը մնայ «դատարկ ֆրագ»: Արդեօք Բակուն-

նինը յանցա՞նք է համարում Ամերիկայի Միացեալ Նահանգների մղած այդ նուանդական պատերազմը, որը քէեւ խիստ հարուած կը հասցնէր «արտադրութեան» ու «մարդասիրութեան» վրայ հաստատուած նրա թէորիային, բայց որը մղուեց բացառապէս յօգուտ քաղաքակրթութեան: Մի՞թէ դժբախտութիւն է, որ խըլեցին Մեքսիկացիներինց հրաշալի Կալիֆօրնիան, որի հետ նրանք չզիտէին քէ ինչ անէին: (*)

Սքանչելի տրամաբանութիւն մի սոցիալիստի կողմից. որովհետեւ մի արդար, մարդասէր, լաւ բան դժուար է իրականացնել, ուրեմն պիտի լըռուել... Այդ մեքստը խիստ ձեռնտու կը լինէր Պլեյէնների եւ Համիտների համար: Իսկ յետոյ... Միացեալ Նահանգները յարձակուել եւ նուաճել են Մեքսիկայի հանրապետութիւնից Կալիֆօրնիան. եւ Մարքսն արդարացնում է այդ յարձակողական պատերազմը, որովհետեւ նա մղուած է յանուն քաղաքակրթութեան. կարծես աշխարհում որեւէ բանակալ մղում է որեւէ պատերազմ, առանց այդպիսի որեւէ բարձր սկզբունքով գիմակաւորելու: Նապոլէոնը գնում էր տիրելու Բէրլինն ու Վիէննան յանուն քաղաքակրթութեան. Ֆոն Բիւլովնը Աֆրիքայի Հերերոներին մորթուտել ու լլկել էր տալիս նոյնպէս յանուն քաղաքակրթութեան: Մի՞թէ «Նոյօէ Վրեման նոյն

(*) Gesammelte Schriften... III Band S. 249.

քաղաքակրթութեան տեսակէտից չէ պահանջում
կոտորել հայերին, հրեաներին, ուսանողներին :

Տրամաբանական այդ «գեղեցիկ» օրինակից
մի երկու երես յետոյ՝ նա գրում է .

«Մենք կրկնում ենք, — բացի լեհերից, ռուս-
ներից եւ, ծայրայեղ դէպքում, Թուրքիայի սլա-
ւոններից՝ ոչ մի սլաւոն ժողովուրդ ապագայ չու-
նի լուկայն հիման վրայ, ու բոլոր մնացած սլա-
ւոնները չունեն պատմական, աշխարհագրական,
քաղաքական եւ *ինդուստրիական* (նարտարար-
ուեստ) պայմաններ անկախութեան եւ կենսունա-
կութեան համար . (երես 251)

*Կրկին երկու երես յետոյ շարունակում է
Մարքսը .*

«Դեռ դրանից աւելին . եթէ որ աստրիական
սլաւոնները կազմէին մի միաձույլ կամ *կոմպակտ*
գանգուած, ինչպէս լեհերը, Մաջարները, Իտա-
լացիները . եթէ որ նրանք միասին կազմել կա-
րողանային 12-20 միլիոն բնակիչ ունեցող մի պե-
տութիւն, այն ժամանակ նրանց յաւակնութիւն-
ները, ինչ էլ որ լինի, կ'ունենային գոնէ լուրջ
նշանակութիւն . . . իսկապէս չափազանց հանելի
կը լինէր Գերմանացիների եւ Մաջարների դրու-
թիւնը, եթէ որ աստրիական սլաւոնները ձեռք
քերէին՝ *այսպէս կոչուած*, իրենց «իրաւունքը» :

Սիլեզիայի եւ Աւստրիայի միջեւ չեխո-մո-
րավեան անկախ պետութիւնը սեպի ձեւով ներս
կը մխուէր, իսկ Աւստրիան եւ Շտիրան, «հարա-

ւային Սլաւոնական Հանրապետութեան» շնորհով,
կը կտրուէին իրենց բնական ելքից, այսինքն Ադ-
րիական եւ Միջերկրական ծովերից, իսկ Արեւել-
եան Գերմանիան նման կը լինէր հացի, կրծոտ-
ուած հացի (երեւի մկան կրծոտած հացի – ո՛վ
սարսափ, ինչ դժբախտութիւն... ԳԽ): Եւ այդ
ամէնը իբր վարձատրութիւն այն բանի, որ գեր-
մանները ջանք գործ դրին ֆազաֆակրթելու յա-
մառ չեխերին եւ սլովէններին եւ ներմուծեցին
նրանց երկրին առեւտուր, ֆարտաբարուեստ, ար-
դիւնատու երկրագործութիւն եւ ուսում» (Եր·253
-54) :

*Գերմանները մի խօսքով քաղաքակրթեցին
չեխերին...: Ի հարկէ չէ կարելի երեւակայել ան-
գամ, որ Մարքսը չգիտէր Բոհէմիայի պատմու-
թիւնը, չը գիտէր Յոհան Հուսի փառաւոր կեան-
քըն ու գործունէութիւնը այն ժամանակաշրջա-
նում, երբ գերմանացիները դեռ հլու հնազանդ
էին կաթոլիկ եկեղեցուն, նրա այլանդակ ու ան-
բարոյականացուցիչ ազդեցութեանը: Պրագայի
հին համալսարանը, Թարոբիաների շարժումները,
այն եռուն-դեռուն կեանքն ու յուզումները, որ
կազմում են Բոհէմիայի փառասպանծ անցեալը —
ինչպէս մոռանալ, ինչպէս ուրանալ եւ ենթադ-
րել, որ այդ ազգն այլեւս անընդունակ է ինքնու-
րոյն զարգացման. որովհետեւ 12-20 միլիօն թիւ
չունի: Ո՛չ, Մարքսն այդ ամէնը լաւ գիտէր, բայց
կանխակալ կարծիքը սեփական կառուցուածքը,*

անտեսական մատերիալիզմը պահանջել էր այդպէս ասել, եթէ ոչ անտեսական հիմունքի եւ Իտէոլոգիական վերնաշէնքի միաձոյլ, պարզ եւ արտաքուստ խիստ տրամաբանական տեսութիւնը կը խախտուէր :

Մանր ազգութիւնների դէմ ուղղուած կծու արտայայտութիւնների դուրս գործոցը կազմում են հետեւեալ բառերը, որոնք աւելի վայել են մի Բիամարքի, մի Բիւլովի, քան «Գիտական» սոցիալիզմի հիմնադրին :

«Վերջապէս՝ որտեղ է «յանցանք», որտեղ է անէծքի արժանի փառափառութիւնը» այն բանում որ Գերմանները եւ Մաջարները, երբ Եւրոպայում խոշոր միապետութիւնները պատմական անհրաժեշտութիւններ» էին, միատեղ դարբնեցին այդ բոլոր մանրիկ, ինքնուկ, անօգնական ազգակներին (Nationchen) մի մեծ պետութեան մէջ եւ այդպիսով նրանց ընդունակ դարձրին մասնակցելու պատմական զարգացման, որից նրանք բոլորովին անմաս կը մնային, եթէ որ թողնուած լինէին իրենց գլխի : Ի հարկէ այդպիսի բաները չեն կատարում առանց բռնի կերպով ոտի տակ տալու մի քանի ազգային քննաշնորհ ծաղիկներ» :

Այդ թունալի արհամարհանքը դէպի մանր ազգերը, այդ «խղճուկ», «անօգնական» անականները Nationchen արհամարհական գոյականի մօտ... Մանր ազգեր... 1-12 միլիոն թւով, բոլորը խղճուկ, բոլորը կլանուելու, ճուլուելու

դատապարտուած : — Վա՛յ, ուրեմն՝ վրացիներին, հայերին, թաթարներին... : Մանր ազգերը, ասում է Մարքսը, առանց Աւստրիայի եւ Հունգարիայի բռնի գրաւման եւ մի խոշոր քաղաքաքական միութիւն կազմելուն, երբեք չէին կարող մասնակից լինել պատմական զարգացման : Այստեղ էլ իր տեսութիւնն, ինչ զնով կ'ուզէ լինի, ապացուցելու կիրքը մոլորեցրել է Մարքսին, նրան ստիպել է մոռանալ պատմութիւնը :

Կարծես 1300ական թուերից ինքնուրոյն ու ազատ, սակայն այսօր կուլտուրայէս խիստ բարձրը կանգնած Զւիցերիան չա՛տ խոշոր պետութիւն է. կարծես նա այսօր, դեռ Մարքսի գրելու ժամանակից 60 տարի անցած՝ 3 միլիոն ազգաբնակչութիւն չունի : Իսկ ինչ ասել Հոլլանդիայի ազգային սքանչելի եւ հերոսութիւններով լի պատմութեան մասին. մի՞թէ Հոլլանդիան 12 միլիոն կամ աւելի բնակիչ ունի : Իսկ հարուստ Բելժիան, Դանիան, Շվեդեան, Նորվեգիան... Սըրանք բոլորն էլ մանր ազգութիւններ են, որոնք, հակառակ Մարքսի մարգարէութեան, ինքնուրոյն կեանք ունեն եւ մասնակից եղան պատմական զարգացման, հասան ամենաբարձր կուլտուրայի, չը նայելով որ Գերմանները կամ Մաջարները միատեղ չզարբնեցին այդ փոքրիկ ազգութիւններին : Ընդհակառակը, Իսպանիան եւ Աւստրիան որքան ուղեցին ձուլել, կլանել Բելճիքային եւ Հոլլանդային, չկարողացան, որովհետեւ վերջին-

ներն ապստամբութեան ազգային դրօշը պարզեցին :

Իսկ նրա անպատկառ հեղնութիւնն «ազգային քնքոյշ ծաղիկների» վերաբերմամբ... դա միանգամայն անվայել է Մարքսի նման մի հանճարեղ գիտնականի :

Այդ մասին նա ամիջապէս կցում է հետեւեալը .

«Իսկ այժմ քաղաքական կենտրոնացումն աւելի անհրաժեշտ է դառել՝ նարտարարութեան, առևտրի հաղորդակցութեան ուղիների հսկայական պրոցեսի շնորհով» :

Այս տողերն արդէն պարզում են ամբողջ զաղտնիքը : Քաղաքական կենտրոնացումն անհրաժեշտ է ճակատագրօրէն , որովհետեւ տնտեսական կեանքը կենտրոնանում է : Այստեղ արդէն ակներեւ է այն խոշոր թիրիմացութիւնը , որի մէջ պտոյտ է դալիս Մարքսը , առանց ըմբռնելու ազգութիւնների հարցը : Նա միանգամայն իրար է խառնում ազգ եւ պետութիւն զաղափարները : Նա չէ ըմբռնում , որ պետութիւնը կարող է մեծանալ , կազմել մի հսկայական ֆեդերատիվ քաղաքական միութիւն , պահպանելով ազգերի միանգամայն ինքնուրոյն զարգացումը , նրանց պետական կիսազերիչխան կեանքը : (*) Այս բոլո-

(*) Այդ մասին մենի Խոսել եմ մեր «Դէպի Ֆեդերացիա» գրքում :

ըը ցոյց են տալիս Մարքսի կոսմոպոլիտիզմը .
զրանք ցոյց են տալիս , որ Մարքսը չէր ըմբռնում
մարդկային ցեղի ճակատագրօրէն ազգային ձե-
ւերով դարգացումը . որ մարդկութիւնն , իբր մի
միաձոյլ ամբողջութիւն , չէ կարող գոյութիւն ու-
նենալ : «Մարդկութիւն» — դա մի վերացական
ըմբռնում է , իսկ ըհալը կամ իրականն ազըն է ,
իւր ներքին շերտաւորումներով կամ դասակարգե-
րով եւ այդ դասակարգերը կազմող անհատներով :

Մանր ազգերը պիտի ձուլուեն մեծերի մէջ .
մեծերն էլ պիտի իրար կլանեն : Կենտրոնանում է
տնտեսութիւնը , ուրեմն՝ թո՛ղ կենտրոնանան ,
միաձուլուեն մանր ազգութիւնները , հրամայում
է Մարքսը : Իրականութեան մէջ այդպէս կատար-
ւել է թէ ոչ , այդ ոչինչ . Մարքսի համար անհը-
րաժեշտ է կենտրոնացումը եւ նա այդ ակնոց-
ներով է նայում ամէն ինչի վրայ :

Ինչպէս ասացինք , չեխերը 1848ին յարեցին
յեզափոխութեան Պայացկու դեկալարութեամբ .
բայց Վինդիչդրեցն իր բանակով Պրագայում լի-
նելով , յաղթեց ժողովրդական ալիքներին եւ ըհ-
աֆսիոնը հաստատեց չեխերի երկրում : Մարքսն ,
իբր բողոքող , յեզափոխական տարր , անշուշտ
պիտի համակրէր այդ կտրիճ , բայց փոքր ազգին :
Սակայն այդպէս չէ . Մարքսը հանդիտանում է
իբր գերմանացի լիբերալ , որ Պան Ելաչիչի , այդ
սլաւոն ըհաֆսիոների յանցանքը փաթաթում է բո-
ւորի վզին : Նրա սեփական տեսութիւնը , նրա

կուռքը կազմող ցենտրալիզմն (կենտրոնացումը) այնքան ուժեղ է եւ հրամայական իր մէջ, որ ըստիպում է նրան նոյն իսկ գիտնականին միանգամայն անվայել մարզարէութիւն անել:

«Քայց ամենից աւելի արգահատանքի արժանի են քաջ չեխերը: Կը յաղթեն նրանք, քէ կը յաղթուեն, միեւնոյնն է. նրանք պիտի ոչնչանան: (*)

Չարագուշակ մարզարէութիւն նախ չեխերի համար, որովհետեւ կարող էին սկզբներում վախենալ, կասկածելով, որ Մարքսի նման մի գիտնականի զղուշութիւնը կարող է իրականանալ: Եւ ապա աւելի եւս չարագուշակ մարզարէութիւն Մարքսի համար, նրա սեփական քէոքիայի (տեսութեան) համար, որովհետեւ ահա արդէն գլորւել, անցել են երկա՛ր ու ձիգ 60 տարիներ եւ այդ չարագուշակ, սեւ մարզարէութիւնը տապալուել, ջարդ ու փշուր է եղել: չեխերը ոչ միայն չեն ունենացել, չեն կորել իբր ազգ, այլ բոլորովին հակառակ երեւոյթ է տեղի ունեցել. նրանք ձեռք են բերել իրենց համար որոշ ազգային եւ կուլտուրական ինքնուրոյն գոյութեան իրաւունքներ Աւստրիայի պետական կազմում, նրանք ստեղծել են ինքնատիպ չեխական կուլտուրա, սեփական բարձր գերականութիւն եւ գեղարուեստ: Մի խօս-

(*) Gesammelte Schriften — III. հատ. Nationale Revolutionen, էրես 109.

քով՝ նրանք չեն ոչնչանում, այլ ծաղկում, փրթ-
թում են իբր աղբ, թէեւ 12 միլիոն թիւ չունեն:

«Յեղափոխութիւնը եւ հակայեղափոխու-
թիւնը Գերմանիայում» յօդուածի մէջ, Մարքսը
հետեւեալ գատաւճիւնն է արձակում չեխերի մա-
սին.

«Չեխ ազգութեան համար մարտնչող պրոֆե-
սոր Պալացկին ինքը միայն ծպտուած գերմանա-
ցի է, որը մինչեւ այժմ էլ չէ կարող կանոնաւո-
րապէս եւ առանց օտար արտասանութեան՝ իօ-
սել չեխերէն: Բայց, ինչպէս յաճախ լինում է,
չեխական մեռնող ազգութիւնը — մեռնող, այո՛,
ինչպէս ցոյց են տալիս վերջին 4 դարերի բոլոր
յայտնի փաստերը, — 1848 քւին արեց վերջին
նիգը, որի անյաջողութիւնը պիտի ապացուցանէ,
որ բռնեմեան կարող է գոյութիւն ունենալ միմի-
այն իբր բաղադրիչ մաս Գերմանիայի, քէ եւ
նոյն իսկ նրա բնակիչները շարունակէին էլի մի
քանի դար իսուել ոչ գերմաներէն, այլ չեխերէն»:

Կրկնում ենք. չէ կարելի ենթադրել, ու
Մարքսն ա՛յդքան թոյլ լինէր ընդհանուր պատ-
մութեան մէջ. դա իր դաւանանքն է, որ կուրա-
ցրել է նրան:

Կ. Կաուցկին, այդ եւ միւս յօդուածներէ տը-
պագրութեան յառաջարանում յատկապէս խօսում
է չեխերի առթիւ եւ խոստովանում է Մարքսի ա-
րած սխալը. նա ընդունում է, որ չեխերն ունեն
կուլտուրական ազգի բոլոր յատկութիւնները: Եւ

ինչպէս չխոստովանէր, երբ կեանքի դասը տուել էր արեւի լոյսի նման պարզ ու փայլուն փաստեր:

Առաջ բերած կտորի մէջ ամենից հետաքրքրական մասը կազմում են հետեւեալ բառերը. «Թէ եւ նոյն իսկ նրա բնակիչները շարունակէին էլի մի քանի դար խօսել ոչ գերմաներէն, այլ չեխերէն»... Պէ՞տք է արդեօք բացատրել այդ պարզ ու մեկնելու անկարօտ խօսքերը. պէ՞տք է ասել, որ դրանք Մարքսի «խորհուրդ խորինն» են, նրա համոզումը, որ չեխերը պիտի վերջի վերջոյ գերմաներէն խօսեն, որ բոլոր մանր ազգերը պիտի կլանուեն, ձուլուեն խոշոր ազգերի մէջ, պիտի կենտրոնանան: Չարդարացա՛ւ այդ զուշակութիւնը չեխերի վերաբերմամբ:

Դաժան է իրականութիւնը. նա յաճախ է փշրել եւ դեռ փշրում է սխալ տեսութիւններն ու հաւատալիքների (դոգմ) սիրուն, արտաքուստ միաձոյլ կառուցուածքները:

Նոյն գրքի մի այլ յօդուածում, «Ungarn-Վէնգրիա» վերնագրով, Մարքսը հետեւեալն է գրում:

«Ֆրանսական պրոլետարիատի առաջին ապստամբութեան հետ միասին աստրիական գերմանները եւ մաջարներն ազատ կը լինեն եւ արիւնալի վրէժ կը լուծեն սլաւոն բարբարոսներից: Ընդհանուր պատերազմը, որ այն ժամանակ տեղի կ'ունենայ, տաշեղի նման ջարդ ու փշուր կ'անէ այդ սլաւոնական միութիւնը եւ կ'ոչնչացնէ այդ

բոլոր մանրիկ, եգազուլի (stierkopfigen) ազգերը, մինչեւ իսկ նրանց անունները: Մօտակայ համաշխարհային պատերազմը կը ստիպէ ոչնչանալ ոչ միայն *բէակցիոն* դասակարգերն ու *բինաստի-*ները (քաղաւորող տուն), այլեւ նա կ'ալէ երկրի երեսից ամբողջ *բէակցիոն* ազգերը»: (*)

«Նզազլուիս ազգեր» — *ահա մի նոր հայհոյանք, ուղղուած մանր ազգութիւնների հասցէին: Այդ հայհոյանքը դալիս է ցոյց տալու, թէ որպիսի թոյն կար Մարքսի սրտում կուտակուած՝ ընդդէմ մանր ազգերի. նա ուզում էր, հողուով սրտով տենչում, որ այդ բոլոր մանր ազգերը ձուլուեն, կլանուեն, որպէսզի իր թէորին (տեսութիւն) արդարանայ եւ ինքը գոչէ. «Պրոլետարներ բոլոր երկրների միացէք»: Այդ Փրազում էլ աչքի է զարնում մի բան. ինչպէս Մարքսը չէր ըմբռնել ազգ եւ ազգային ու միջազգային շարժումները: Նա կոչ է անում պրոլետարներին aller Lander (բոլոր երկրների) եւ ոչ բոլոր ազգերի: Նա խօսում էր մանր ազգութիւնների մասին, արհամարհում, ծաղրում, նրանց ոչնչացումը գուշակում, առանց նոյն իսկ հեռաւոր կերպով ըմբռնելու այդ հըսկայական պրոբլեմը, ազգային ահաւոր խնդիրը: Այդ բոլորն առաջ բերելով, Դ. Պասմանիկը, հրեայ սիոնիստ, բայց շնորհալի դրող, նկատում է. «Չենք խօսում այն մասին, որ այդ բոլոր մար-*

(*) Նոյն, էրես 245 — Ungarn.

գարէութիւնները չիրականացան, բայց մենք կ'ուզենք մատնացոյց լինել Մարքսի իսկապէս հանաբեղ գիւտի վրայ — *բէակցիոն ժողովրդներ* : Իսկ այսօր դուրս է գալիս, որ այդ *բէակցիոն ժողովուրդներն* ունեն մարքսիստ պրոլետարիատ» : (*)

Եւ իսկապէս, ի՞նչ է նշանակում բէակցիոն ժողովուրդ, բէակցիոն ազգ : Եթէ մի ժողովուրդ յետամնաց է, դա դեռ չէ նշանակում, որ նա բէակցիոն է, յետադիմական. նա յետամնաց է, բայց, նրա մէջ անշուշտ կը լինեն որոշ դասակարգեր ու որոշ կուսակցութիւններ, որոնք ձգտելիս կը լինեն առաջդիմութեան : Ճշմարիտ է, օրինակ, Թիւրքիայում մի յառաջդիմական կուսակցութիւն կարող է գնել այնպիսի պահանջներ, որոնք Անգլիայում նշան են պահպանողականների, կամ նոյն իսկ յետադէմների : Սակայն դա չէ խանդարում այդ կուսակցութիւնն անուանել յառաջդիմական՝ ի հարկէ Թիւրքիայի համար : Յառաջդիմական բռուերը պարունակում են իրենց մէջ յարաբերական իմաստ — համաձայն տեղի ու ժամանակի :

Եթէ որեւէ սլաւոնական մանր ազգութիւն չէ մասնակցել 1848-ի յեղափոխութեանն Աւստրիայում, դա երբեք չէ կարող հիմք ծառայել մի գիտ-

(*) Տես. «Ազգային հարցը սոցիալիստ-դեմոկրատների դատաստանի առջեւ» գրքոյկը, էրես 9.

նականի՝ անուանելու այդ ժողովուրդը րէակցիոն ,
յետադէմ : Ի՞նչ կը հրամայէիք սլովակներին ,
օրինակ , ոտով-գլխով կլանուէին այդ յեղափո-
խութիւնով եւ իրենց ազգութեան անդամների
3/4 մասը զնդակի բաժին անել տային , կոտորել
տային , չքանային աշխարհի երեսից իբր ազգ ,
որպէսզի Մարքսը բարեհաճէր կոչել նրանց յա-
ռաջագէմ ժողովուրդ եւ ոչ րէակցիոն : Կ'ուզէի՞ք ,
որ 1905-6 թւերին Մոսկուայում եւ Կովկասում
հրատարակուած սոց . դեմոկրատական անգլի
«գլինուած ապստամբութեան» ժամանակ հայերը
յիմարանային եւ ոտով գլխով խրուէին այդ ա-
պստամբութեան մէջ , մատնելով ջարդի երկիւղին
հայերի առնուազը կէսը . . . Ո՛չ , ես ցանկանում եմ
ազատ Ռուսաստան , ազատ ու երջանիկ Թիւրքիա ,
միայն մի պայմանով , որ ես էլ , իբր հայ ազգ ,
պաշտպանեմ իմ օրդանական ազգային ամբողջու-
թիւնը եւ օգտուեմ այն բոլոր բարիքներից , որ
տալիս է ապակենտրոն իրաւական պետութիւնը .
որ այնուհետեւ ես էլ իմ ազգի ներսում , խաղաղ
ու հանգիստ , կազմակերպեմ դասակարգային կը-
ռիւր յանուն ապագայ հաւասարասէր կարգերի :
Մի անհատ իրաւունք ունի եւ նոյն իսկ պարտա-
ւոր է զո՛հ բերել իր եսն ամբողջութեան բարօրու-
թեան համար , իսկ մի հաւաքական ամբողջու-
թիւն , մի առողջ ազգութիւն ողջակիզել , որպէս-
զի միւս ազգութիւնները լաւ ապրեն , — դա ո՛ճիր
է մարդկութեան դէմ :

Չկան ընկալիչներ ազգեր կամ ժողովրդներ, այլ կան միայն ընկալիչներ անհատներ ու դասակարգեր:

Վերելում բերուած բոլոր փաստերը ցոյց են տալիս, թէ որպիսի թունաւոր ատելութիւն է տաճում Կ. Մարքսը դէպի սլաւոնական մանր ազգերը: Թերեւս գտնուին մարդիկ, որոնք կարծեն թէ Մարքսը դէմ է ոչ բոլոր մանր ազգերին, այլ սլաւոնական մանր ժողովրդներին, համարելով դրանց ընկալիչներ, յետադիմական եւայլն: Բերենք այժմ մի երկու օրինակ էլ այն ատելութեան, որ նա ցոյց է տալիս, օրինակ, դէպի Դանիացիներն ու Սկանդինավիայի բնակիչները:

Մերինգը բերում է Մարքսի հետեւեալ խօսքերը, որոնք վերաբերում են 1860-ական թւերին, երբ Բիսմարքը վերակազմելով երկտասարդ Պրուսիայի բանակները, պատրուակներ էր որոնում Դանիայի ձեռքից խլելու Շլեզվից եւ Հօլշտայն նահանգները, եւ երբ ծնունդով Դանիացի Մուտկէն իր առաջին զինուորական քաջազորութիւնը բանեցնում էր իր սեփական հայրենիքի դէմ, լինելով պրուսական բանակում իբր հրամանատար:

«Սկանդինավիայը կայանում է նրանում, որ այդ երկրի ժողովուրդը ոգեւորում է դաժան, ծովահինական կեղտոտ, հին-հիւսիսային նացիոնալիզմով, այն խոր ծածկամտութեամբ, որն իր վարմունքով, այսինքն՝ կոպտութիւն անելով դէպի կանայք, լինելով մշտապէս հարբած վիճա-

կում եւ ցոյց տալով արինարբու կատաղութիւն ,
որին յաճախ փոխարինում է լալկան սանտիմեն-
տալիզմը . . . Պատերազմը Դանիայի դէմ՝ իսկա-
պէս յեղափոխական պատերազմ է» : (*)

Գերմանիան լաւ է անում , որ ճնշում է Դան-
իային : Դանիացիներն ու Սկանդինաւցիներն առ
հասարակ թթու նացիոնալիստներ են : Գերման-
իան պարտաւոր է կլանել նրանց , եւ լաւ է անում ,
որ նուաճողական պատերազմ է յայտարարել . . .
Այդ ամբողջ քաղուածքն այնպիսի փառահեղ մըտ-
քեր է պարունակում իր մէջ , որ ամէն մի գեր-
մանացի շովինիստ ուրախութեամբ կը ստորագրէ
նրանց տակը :

Քննենք այժմ Մարքսի վերաբերմունքը դէպի
իր սեփական ազգութիւնը , դէպի Հրէաները , թէ-
եւ ըստ պրոֆ . Մասարեկի վկայութեան , Մարքսը
մկրտուած Հրէայի սերունդ է : (**)

Հրէական հարցի մասին Մարքսը գրել է
երեք անգամ . առաջինը 1844-ին «Հրէական
հարցի սոխթով» յօդուածում , — «Deutsche-
Franz. Jahrbucher» թերթում , երկրորդը , «Սըր-
բազան ընտանիք» գրքում (1845ին) ուղղուած Հե-
գելի մի ուրիշ աշակերտի — Բրունօ-Բաուէրի

(*) «Geschichte der deut. Sozialdemokratie» I
B. S 374 I Aufg.

(**) Տես «Մարքսիզմի փիլիսոփայական եւ ընկերաբա-
նական հիմքերը» գիրքը , Երևն , 406 .

դէմ, իսկ երրորդը «Նոր-հռենոսեան թերթում»
1848-49 թուերին :

«Հրէական հարցի առիթով» յօդուածը Մարք-
սի հնադոյն աշխատութիւններից մէկն է, որի մէջ
փայլում է նրա գրելու կտրուկ, յանդուզն եւ ինք-
նատիպ ձևեր: Դրանից դատ՝ նրանում փայլում է
Հեղելի աշակերտն իր «հակադրութիւնների»
պսպղունն բայց կեղծ տրամաբանութիւնով:

Բրունո-Բաուէրը հրէական հարցը համարում
էր ամբողջապէս աստուածաբանական հարց: Նա
պնդում էր, որ պետութիւնը կրօն չը պիտի ու-
նենայ. նա պիտի լինի բացարձակ անկրօն. այն
ժամանակ նրա հպատակների քրիստոնեայ կամ
մովսիսական լինելը նրա համար կը լինի բացար-
ձակ անտարբեր եւ հրէան ու քրիստոնեան կը հա-
ւասարուեն օրէնքի առջեւ:

Մարքսը, քննադատելով Բաուէրին, ասում
է, որ Բաուէրը կուռում է քրիստոնեայ պետու-
թեան, այսինքն՝ առհասարակ, կրօն ունեցող պե-
տութեան դէմ, այն ինչ պէտք է կռուել առհասա-
րակ պետութեան դէմ, որովհետեւ ներկայ պե-
տութիւնը դասակարգային տիրապետութեան եւ
կեղեքման դործիք է: Ճիշդ այսպէս էլ, կռուելով
կրօնի ազատութեան համար, դուք չէք վերացնի
հրէայի եւ քրիստոնեայի կրօնների տարբերու-
թիւնը. պէտք է կռուել իր, այսինքն կրօնի դէմ,
իրը այդպիսին, որպէս զի նա խանդարիչ տարր
չհանդիսանայ հասարակութեան համար:

Մարքսը բոլորովին համակարծիք չէ Բ. Բա-
ուէրի հետ, որ հրէական հարցը կրօնական հարց
է: Այստեղ էլ, իբր միակողմանի տնտեսական մա-
տերիալիստ, Մարքսն առաջ է մղում իր սիրասուն
դաւակը, իր քէոքին: Նա հրէական հարցն ըմ-
բռնում է համարեա՛ թէ անտիսեմիտների, հրէ-
ակերների նման: Հրէական հարցը կարծես նրա
համար էլ, ինչպէս երբեմն զոքսոր Լիւրդէրի հա-
մար Վիէննայում, կապիտալիզմի կամ աւելի
չուտ վախճառունների հարց է:

«Ինչն է հրէութեան աշխարհական հիմունքը,
հարցնում է նա: Գործնական կարիքը-էդօիզմը»:
«Ո՞րն է հրէայի աշխարհական պաշտամունքը:
Սպեկուլացիան (կեղեքումը): Ո՞րն է նրա աշ-
խարհային աստուածը:—Փողը»:

«Ուրեմն, եզրակացնում է նա, ազատուել
սպեկուլացիայից եւ փողից, այսինքն գործնա-
կան, իրական հրէութիւնից՝ կը լինէր ինքնագա-
տագրում մեր ժամանակի համար»:

Դրա համար ի՞նչ պիտի անել: Պէտք է ստեղ-
ծել այնպիսի հասարակական կազմ, ասում է
Մարքսը, որի մէջ հնարաւոր չը լինի ոչ կեղե-
քում, ոչ էլ դրամ (ուրեմն՝ սոցիալիստական
կազմ), եւ այն ժամանակ հրէայի դոյութիւնն ան-
հրնար կը լինի, որովհետեւ այդպիսի կազմում
հրէայի կրօնական դիտակցութիւնն ու համոզում-
ներն օգը կը ցնդին:

Թէ Հրէան, թէ քրիստոնեան, ասում է Մարք-

սը, պատմականօրէն սերուած էակներ են: Սա-
կայն «Հրէաներն ագատագրում են այն չափով,
ինչ չափով որ քրիստոնեաները Հրէանում են»,
այսինքն դառնում են նրանց նման սպեկուլեանտ
(չահագործող) դրամապաշտ եւ էգօիստ: «Յուր-
ժուական հասարակութիւնն իր խօսքերից մշտա-
պէս արտադրում է հրէաներ», այսինքն կեղեքիչ-
ներ, սպեկուլեանտներ ու դրամապաշտներ:

«Ո՞րն է ինքնըստինքեան հրէական կրօնի
հիմքը: Գործնական կարիքը-էգօիզմը»:

«Այդ պատճառով հրէաների միաստուածու-
թիւնը էապէս բազմաթիւ կարիքների բազմաստ-
ուածութիւնն է, որը նոյն իսկ ուրացութիւնը
դարձնում է աստուածային օրէնքի առարկայ:
Բայց գործնական կարիքը, էգօիզմը բուրժուական
հասարակութեան սկզբունքն երեւան է գալիս իր
մաքուր ձեւով՝ իբր սկզբունք, երբ բուրժուական
հասարակութիւնը լիապէս զարգացնում է իր մի-
ջից քաղաքական պետութիւն: Իսկ գործնական
պահանջի եւ էգօիզմի աստուածը դրամն է:

«Դրամն իսրայէլի խանդոտ աստուածն է, որի
առջեւ չի դիմանայ ոչ մի այլ աստուածութիւն:
Դրամն ստորնացնում է մարդու բոլոր աստուած-
ների, դարձնելով նրանց ապրանք»:

Մարքսի կարծիքով՝ հրէան ազգութիւնն չու-
նի: Նրա ազգութիւնը վաճառականի, բնդհանրա-
պէս դրամ ունեցող մարդու ազգութիւնն է: Հրէ-
աների օրէնքը, որ ոտի տակ հող չունի, եւ մա-

նաւանդ թաւմուտը, ոչ այլ ինչ է, եթէ ոչ կրօնական ծաղրանկար ոտի տակ հող չունեցող բարոյականութեան եւ իրաւունքի, զուտ ձեւական ծիսականութիւն որով զլեւտաւորում է իրեն Էգօիզմի աշխարհը: Հրէական թաւմուտականութիւնն ընդհանուր Էգօիզմի ճիզուհիտականութիւնն է: Ճարպիկօրէն զանց առնել օրէնքը՝ ահա այդ աշխարհի կարեւորագոյն վարդապետութիւնը: Հրէութիւնն, իբր կրօն, այլևս չէ կարող զարդանալ, որովհետեւ զործնական պահանջի աշխարհայեացքի կատարելութիւնը անտեսականումը չէ, այլ զործնականում. նրա իմաստութիւնն իսկ զործնական է: Հրէութիւնը չէ կարող ստեղծել նոր աշխարհ, որովհետեւ Էգօիզմի դիտակցութիւնը կրաւորական է ինքնըստինքեան, նա ընդլայնւում է միայն սոցիալիստական յարաբերութիւնների դարդացման հետ միատեղ:

Հրէութիւնն իր դարդացման դազաթնակէտին հասել է բուրժուական հասարակութեան կատարելագործութեան ժամանակ եւ այն էլ միմիայն քրիստոնէական աշխարհում: Քրիստոնէութիւնը մարդու բոլոր ազգային, բնական բարոյական եւ քեորիական յարաբերութիւնները դարձնում է արտաքին: Միայն քրիստոնէութեան ժամանակ բուրժուական հասարակութիւնը կարող է լիապէս բաժնուել պետական կեանքից, ազատուել մարդկային բոլոր կապերից եւ նրանց տեղ դնել Էգօիստական պահանջներ, մարդկային աշխարհը բա-

ժանեւ ատումների, իրար թշնամօրէն հակադիր անհատների :

Քրիստոնէութիւնն առաջացել է մովսիսականութիւնից եւ նորից այժմ ձուլուել է նրա հետ : Սկզբից ի վեր՝ քրիստոնեան քերթետիք հրէա էր . այդ պատճառով էլ հրէան գործնական քրիստոնեայ է . «Եւ գործնական քրիստոնեան նորից դարձաւ հրէա»- ի հարկէ կապիտալիստական սոցիալական կարգերի շնորհով :

«Քրիստոնէութիւնը հրէութեան բարձրագոյն միտքն է, իսկ հրէութիւնը քրիստոնէութեան ստոր ուտիլիտար(օգտասէր) գործադրութիւնն է» :

Քրիստոնէութեան առաքինութեան էգօիզմը, որ ծարաւի է յաւիտենական ողորմութեանը, իր գործնական վերջաւորում ձեւով դառնում է հրէական Ֆիզիքական էգօիզմ . երկնային կարիքը դառնում է երկրային, սուրբկտիվիզմը (ներաշխարհ) դառնում էգօիզմ (եսասիրութիւն) : Հրէայի յամառութիւնը եւ դիմացկունութիւնը բացատրւում է ոչ թէ կրօնով, այլ նրա կրօնի մարդկային հիմքով :

Հրէայի կրօնը գործնական կարիքի իդէալական արտացոլացումն է : Եւ որովհետեւ հրէայի իսկական էութիւնը իրականացել է բուրժուական հասարակութեան մէջ, այդ պատճառով էլ այդ հասարակութիւնը չէ կարող համոզել հրէային, որ նա էպպէս կրօնական էակ չէ :

«Երբ հասարակութեանը կը յաջողուի ոչընչացնել հրէայի գործնական էութիւնը, շահագործութիւնը եւ նրա նախադրեալները, — այն ժամանակ հրէան այլեւս անհնար կը լինի, որովհետեւ հրէութեան սուրեկտիվ հիմքը — գործնական պահանջը, կը մարդկայնանայ, որովհետեւ կը վերանայ ընդհարումը մարդու անհատական — զգայական գոյութեան եւ նրա տեսակի կամ սեռի գոյութեան միջեւ»:

«Հրէայի հասարակական ազատագրումը միաժամանակ եւ հասարակութեան ազատագրումն է Հրէութիւնից:»(*)

Մարքոսն այնպէս է ներկայացնում Հրէութիւնն, ինչպէս Վիէննայի դոքտոր Լիււդերը կամ ինչպէս Կրուչեւանն ու Պուրիշկենիչը Ռուսաստանում. իբր թէ Հրէութեանը յատուկ է կեղեքումն ու շահագործումը այն աստիճանի, որ նրա կրօնի էութիւնն անգամ դործնական էգօիզմ է: Մի՞թէ նոյն դործնական էգօիզմը չէ նաեւ Մահմետի կրօնի, քրիստոնէութեան, բուդդայականութեան եւ, կարելի է վստահօրէն պնդել, բոլոր կրօնների հիմքերը: Կրօնը վերուստ արուած չէ, այլ ծնունդ կեանքի պահանջների, մի տեսակ միջոց դործնականում կեանքի կռիւր մղելու գերբը-

(*) Հրէական հարցին վերաբերեալ վերլուծումը մեմֆ առաջ եմք բերել ըստ պրօֆ. Մատթիկի, տեղ տեղ ուղղակի քարգմանաբար: Տես նրա յիշուած գիրքը, երես 409-415.

նական զօրութիւնների օժանդակութեամբ: Հրէ-
ութիւնը, այն էլ Հրէութեան մի չնչին մասը, կա-
պիտալի ներկայացուցիչները իրենց բնաւորու-
թեան այդ վատ դժերն ստացել են՝ շնորհիւ իրենց
կրած երկհաղարամեայ դեգերումների, տառա-
պանքների, լլկանքների ու հալածանքների:

Վերջապէս դուտ անտիսեմիտական է Մարք-
սի այն դիրքը որ բռնել է նա դէպի հրէաները,
որովհետեւ ամէն տեղ հրէայ ասելով, նա բմբռո-
նում է լոկ շահագործութիւնով պարապող. նրա
համար կարծես դոյութիւն չունի հրէայ բանուոր,
հրէայ արհեստաւոր, որոնք այսօր համաշխար-
հային պրոլետարիատի շարքերում հսկայական
դեր են կատարում եւ համարեա՛ ամէն տեղ առա-
ջին դիրքերում են կանգնած:

Ի հարկէ՛ մենք չենք կասկածում, որ Մարք-
սըն իր համոզումներով անտիսեմիտ էր. նա, իբր
սոցիալիստ, չէր կարող անտիսեմիտ լինել: Սա-
կայն նրա քէոբին — տնտեսական մատերիալիզմը
եւ նրա ցեմտրալիզմն ստիպել են նրան ընկնել նոյն
սխալ, նոյն կեղծ տեսակէտի վրայ, որի վրայ
կանգնած են անտիսեմիտները, ի հարկէ՛ բոլո-
րովին այլ դրդապատճառներից ստիպուած:

Բացի այդ Հեգելեան դպրոցի ամենափայլուն
ներկայացուցիչներից մէկը—Լուդվիգ Ֆոյերբախը,
որի ազդեցութիւնը չափազանց զօրեղ էր Մարքսի
եւ Էնգելսի սկզբնական գործունէութեան, կամ
աւելի ստոյգ է ասել, նրանց զարգացման ու ընդ-

թագճերի կազմակերպութեան վրայ, — Ֆոյեր-
բախն էլ զրազուել է հրէական հարցով եւ տուել
է հրէաների նոյնատեսակ նկարագիր, միայն աստ-
ուածարանական բացատրութիւններով: Մարքսն
իր ուսուցիչի նկարագրական եւ դործնական մա-
սերը վերցրել եւ ապա Հեգելի փայլուն, բայց
տրամաբանօրէն կասկածելի հակադրութիւններով
համեմել ու կազմել է իր յօդուածը «Հրէաների
մասին»:

«Մարքսի բացատրութիւնները փայլուն են,
բայց համոզեցուցիչ չեն, — իրաւացի կերպով
նկատում է պրօֆ. Մասարիկը: Իսկապէս ասած,
նրանք շատ աւելի ֆարպիկ են, քան այդ վայել
էր մի այդպիսի կարեւոր հարցի հայէս լուրջ քնն-
ութեանը»: (*)

Հրէութեան մէջ Մարքսը տեսնում է միմի-
այն կապիտալիզմի, շահագործման խնդիր: Հրէ-
ութեանը կապող միակ տարրը կրօնն է, նրա է-
զոխտ կրօնն իր «սկն ընդ սկանով»: Նա բացար-
ձակ մերժում է հրէութեան մէջ ազգային ուր եւ է
կապ: Ճշմարիտ է, հրէութիւնը կորցրել է իր
մայրենի լեզուն, բայց ինչպէս արդէն ապացու-
ցել ենք, միայն լեզուով չէ սահմանափակում
ազգութիւնը. կան եւ այլ որոշիչ պարագաներ,
որոնց մէջ «ազգային ոգին» առաջնակարգ տեղ

(*) Նոյն գույր — երես 413:

է բռնում. իսկ այդ միատեսակ ազգային ուղին
հարստորէն կայ, զոյութիւն ունի հրէութեան
մէջ. բոլոր հրէաները գիտակցում են, որ իրենք
մի ազգ են, թէ եւ ցրուած ու յարահալած: Հրէ-
ութիւնն ամէն տեղ ունի մի այնպիսի ցայտուն
ազգային բնոյթ, որը չնկատել՝ դիտող մարդու
համար անհնար է: Իսկ նրանց զրեթէ եռհազա-
րամեայ տառապանքներով հիւսուած անցեալը...
Իսկ ներկայ տառապանքների ու արցունքի ծովը,
որի մէջ միւս բոլոր ազգութիւնները թերեւս վա-
ղուց խեղդուած կը լինէին...:

Մարքսը յատկապէս դէմ չէ հրէութեան, այլ,
դէմ լինելով առհասարակ բոլոր մանր ազգու-
թիւններին, նա կողմնակից է հանդիսանում նաեւ
հրէաների ձուլման: Եւ այդ իր կանխակալ տեսա-
կան համոզումը նա համեմում է այնպիսի սրա-
միտ մտքերով, ինչպէս այն՝ որ քրիստոնէու-
թիւնն արտադրում է իր սեփական հրէաները, այ-
սինքն իր շահագործիչները:

Մինչեւ օրս էլ Կ. Կառլցկին, Մարքսի այդ
տաղանդաւոր աշակերտը, հրէութիւնը համարում
է ոչ թէ ազգային մի միութիւն, այլ լոկ կրօնա-
կան համայնք, որի միակ կապը կրօնն է — յու-
դաիզմը. կամ մովսիսականութիւնը: Այն ինչ մը-
կրտուած կամ քրիստոնէութիւնը ընդունած հրէ-
ան բացարձակ ոչնչով չէ տարբերում մովսիսա-
կան հրէայից ազգային բնոյթի տեսակէտից: Այդ
համոզումը Հեգելական դպրոցի՝ Ֆոյերբախի,

Բրունո-Բաուէրի եւ Մարքսի թողած պատմական
ժառանգութիւններէ մէկն է, աւելի շուտ մի նա-
խապաշարում, քան մի համոզում :

*
**

Սլաւոնական, սկանդինաւեան եւ հրէական
ազգութիւններէ մասին Մարքսի գրութիւններէ
բերած կտորները լիապէս բաւական են ցոյց տա-
լու Մարքսի թշնամական տրամադրութիւնը դէպի
մանր ազգերը : Այդ կտորներէ պարզ երեւում է
նրա կարծիքը, նրա երկրպագութեան առարկան
— կենտրոնացումը : Մանր ազգութիւնները դա-
տապարտուած են մեռնելու . նրանք պիտի ձուլ-
ւեն խոշոր ազգութիւններէ մէջ . մարդկութիւնը,
տնտեսական պայմաններէ կենտրոնացման հետ
միասին պիտի կենտրոնանայ աստիճանաբար .
մանր ազգերը, ձուլուելով, պիտի կազմեն աւելի
եւ աւելի խոշոր ազգեր եւ, երեւի, այդ պրոցեսի
տրամաբանական ելքը լինելու է ամբողջ մարդ-
կութեան մի հօտ եւ մի հովիւ դառնալը :

Այսպէս ուրեմն՝ «Մանիֆէստից» մեր բերած
յայտնի կտորի բոլոր մթութիւնները պարզուեցին :
Մարքսը դէմ է հայրենիքի գաղափարին . մանրիկ,
ջոկ-ջոկ հայրենիքներ չը պիտի դոյութիւն ունե-
նան, որովհետեւ նրանք վնասակար են իբր ներ-
կայ բուրժուական պետական միութիւններ . որ-
քան նրանք արագ չքանան, այնքան աւելի կ'արա-

դանայ մասնաւոր սեփականութեան վերացումը, որովհետեւ ներկայի պետութիւնները մասնաւոր սեփականութեան ժանդարմներն են: Այստեղ էլ աշկարայ է Մարքսի սխալը: նրա համար պետութիւնը, պետական տերիտորիան իր սահմաններով, իր սահմանային բերդերով, իր զօրքերով, իր մաքսատներով և ամբողջ վոհմակ պաշտօնեաներով՝ նոյնն է ինչ որ հայրենիքը, ազգ կոչուած մի մեծ մարդկային համախմբման բնակավայրը: Եւ նա դէմ է այդ հայրենիքին, որովհետեւ բանուորն այնտեղ սեփականութիւն չունի: Հայրենիքները (ի հարկէ Մարքսի հասկացած հայրենիքները) հանդիսանում են խոշոր խոչընդոտներ սոցիալիզմի իրականացման: Ուրեմն՝ պիտի տապալին այդ հայրենիքները:

Նա դէմ է եւ ազգութեան դադարիարին: Ազգութիւնը եւս դէմ է տնտեսական կեանքի կենտրոնացմանը: Նա, առհասարակ, ապակենտրոնացրնում է մարդկութիւնը եւ ոչ նպաստում նրա ամբողջութեանը: Ինչ էլ որ լինի, օր աւուր կենդրոնացող տնտեսական յարաբերութիւնները հըրամայօրէն կենտրոնացնում են ազգերին, նրանց միաձուլում, մի ամբողջութիւն կազմում. ստիպում նրանց իրար խառնելու, մի հօտ եւ մի հովիւ կազմելու: Սոցիալիզմի արագ իրականացման տեսակէտից, ուրեմն, անհրաժեշտ է մանր ազգութիւնների ձուլումը կամ, ինչպէս ասում են, ասսիմիլասիոնը: Բանուորութիւնը, ինչ վերաբե-

րում է մանր ազգութիւններին, պիտի, տրամաբանօրէն, լինի ապագային, եթէ ոչ նա չէ կարող ընդունել ուսուցչի տածած քէնն ու արհամարհանքը դէպի մանր ազգերին: Տրամաբանօրէն մըտածելով, պիտի սսենք, որ վերջ ի վերջոյ, խոչոր ազգերի պրոլետարներն էլ պիտի դառնան ապագային, բոլորը պիտի կլանուեն մարդկային ամբողջութեան մէջ:

Այստեղ էլ աշկարայ է Մարքսի սխալը: Նա չէ ըմբռնել ազգային կոչուած խնդիրը: Ազգը եւս նա՛ չիտթել է պետութեան դադափարի հետ: Պետութիւններն, այո՛, կենտրոնանում են եւ, թերեւս, եթէ մարդկային կեանքի զարգացումն այսպէս ընթանայ, շարունակուեն կրկին կենտրոնանալ: Բայց ինչպէս մի այլ տեղ մենք ապացուցել ենք, (*) կենտրոնացման հետ միատեղ, պատմութեան ամբողջ ընթացքում, ընթանում է եւ ապակենտրոնացումը: Այդ կրկնակի շարժումը—կենտրոնացում եւ ապակենտրոնացում, ծառայում է հիմք եւ դրդապատճառ Ֆէդէրացիայի սկզբունքը զաւաճանողներին: Պետութիւնները կարող են կենտրոնանալ, հսկայական չափերի հասնել, համապատասխանելով տնտեսական կեանքի փոխանակութեան կամ շրջանառութեան համաշխարհային բնոյթին. իսկ այդ հսկայական ամբողջութիւն-

(*) Տես «Ղեպի Ֆէդէրացիա» գրքի «կենտրոնացում եւ ապակենտրոնացում» գլուխը:

ների ներսում գաւառներն ու նահանգները, համայնքներն ու շրջանները, իբր ազգային ու երկրային միութիւններ, կ'ապակենտրոնանան, կը լինեն ինքնավար, կը լինեն կիսապերիշխան, իբր գաշնակից մասեր եւ դա խիստ համապատասխան կը լինի տնտեսական մի այլ շարք երեւոյթների բնոյթին — արտագրութեան ապակենտրոնական կամ տեղական բնոյթին :

Ազգերը չեն, որ ենթակայ են կենտրոնացման, այլ պետութիւնները, որոնց ներսում ազգերին սպասում է եղբայրական ֆէդերացիան կամ անհատական — արտահոգային (էքստերիտօրիալ) սկզբունքով եւ կամ ազգ — երկրային խառն կազմով :

Իսկ մեծամեծ պետութիւններին ճակատագրորէն սպասում է կամ ջարդ ու փշուր լինել-մանրանալ եւ կամ պահել իրենց արտաքին ամբողջութիւնը, ներսում բնդունելով ապակենտրոնական ֆէդերատիվ կամ գաշնակցական կազմ :

Գ Լ ՈՒՆ Դ.

Աշակերտների կարծիքները:
Աստիճանական ժխտում ուսուցիչների տեսակետի:
Կուսակցութիւնների տեսակէտները:
— Ինտերնացիոնալը, Ռուսական կուսակցութիւնները: Աւստրիականը եւ Բրուննի վճիռները:

Այդ է ուսուցիչների կարծիքը:

Անցնենք այժմ աշակերտների եւ միւս «ծայրայեղ» մտածողների կարծիքներին: Նախ սկսենք աշակերտներէց:

Այդտեղ մենք կը տեսնենք երկու որոշ հոսանք: Սկզբնական հոսանքն անկեղծօրէն հետեւող է ուսուցիչների թողած տեսակէտների. նա ապագադային է: Այդ հոսանքի ամենափայլուն եւ հետեւողական ներկայացուցիչը հների մէջ հանդուցեալ Լիբկնեխտն էր, որ խորխտաբար հնչեցնում էր իր ձայնը Մարտէլում 1892 թուին. «Մեզ սոցիալիստներին համար գոյութիւն ունի երկու ազգ՝ — բանուորների ազգը եւ բուրժուաների ազգը»: Սա միանգամայն մտքերի շփոթումն է. իրար են խառնուած երկու միանգամայն տարբեր երեւոյթներ — ազգը եւ դասակարգը: Ազգը մի հողեկենսական կամ բնա-պատմական երեւոյթ է, իսկ դա-

ռակարգն այդ բնա-պատմական ամբողջութեան ներսում մի տնտեսական ստորաբաժանում է :

Լիբրկնեխտի նման էին մտածում սկզբներում բոլոր սոցիալ դեմոկրատները, նոյն իսկ Կ. Կաուսկին : Սա իր «Փամանակակից Ազգութիւնը» հնագոյն յօդուածում (ազգութեան հարցի առթիւ հնագոյն) գրեթէ նոյն տեսակէտի վրայ է կանգնած, ինչ որ Լիբրկնեխտը : Ի հարկէ Կաուսկին, իբր գլխնական, չէր կարող, նոյն իսկ իր այդ հնագոյն երկում, իրար խառնել ազգն ու դասակարգը, ինչպէս Լիբրկնեխտը, բայց նրանց վերաբերմունքը դէպի ազգութիւնը նոյնն էր գրեթէ . այսինքն՝ այն, ինչ որ Մարքսն ու Էնգելսն էին մշակել :

Այդ հնագոյն դործում Կաուսկին հանդիսանում է իբր հաւատարիմ աշակերտ Մարքսի եւ Էնգելսի : Ազգութիւնը նրա համար, ի հարկէ այդ շրջանում, հանդիսանում է իբր մի արհեստական կազմութիւն, որ փոխարինել է հին տոհմական կազմին : Նա ծնունդ է առել կապիտալիզմի հետ միասին 14-16դ դարերում : Նա իր էութիւնով բուրժուական հասկացողութիւն է : Քանի դեռ բուրժուազիան չէր դարձել քաղաքական գրութեան տէրը, նա հանդիսանում էր իբր բողոքող տարր, իբր յեղափոխական դասակարգ ընդդէմ ազնուականութեան եւ հոգեւորականութեան . ճիշդ այդ պատճառով էլ նրա դուակը, նրա ծնած «Ազգային դադափարը», այսինքն «ազգի միու-

թեան դադարիարը» հանդիսանում էր յառաջ մը-
ղող, պրոգրէսիվ, նոյն իսկ յեղափոխական մի-
տարր: Բայց երբ բուրժուազիան իր ձեռքն առաւ
քաղաքական ղեկը, յաղթահարեց ազնուականու-
թեան ու հոգեւորականութեանը, սկսեց կամաց-
կամաց կորցնել իր յեղափոխական բնոյթը եւ
դառնալ նախ պահպանողական՝ — ձգտելով պա-
հել իր ձեռքում գրաւած ղերքերը, իսկ յետոյ,
երբ չորրորդ դասակարգն — աշխատաւորութիւնն
սկսեց կազմակերպուել եւ, պետութեան դեմնկ-
րատացման հետ միասին, ազդեցութիւն ձեռք բե-
րել թէ քաղաքական եւ թէ տնտեսական ասպա-
րէզներում, բուրժուազին այդ ժամանակ սկսեց
դիմել դէպի բէակսիոն, դէպի յետադիմութիւն:
Եւ գրաւ հետ միասին, ասում է Կաուցկին, երբ
բուրժուազին քանի դնում աւելի եւ աւելի բէա-
սիոնէր է դառնում, «ազգային գաղափարը դառել
է մի ծիրանի, որով զարդարուած են ամէն տեսակ
շահագործողներ, կարիերիստներ (ղերք որոնող-
ներ)»: Իբր եզրակացութիւն իր այդ ուսումնա-
սիրութեան, Կ. Կաուցկին դալիս է այն եզրակա-
ցութեան, որ մանր ազդութիւնները պիտի ձուլ-
ուեն խոշոր ազդերի մէջ եւ ազգային լեզուները
պիտի փոխարինուեն մի ընդհանուր միջազգային
լեզուով:

Ու այդ բոլորը հանդիսանալու են իբր հետե-
ւանք տնտեսական կեանքի համաշխարհային կեդ-
րոնացման եւ ազգային սահմանափակումների

չքայցման: Այս գուտարին մարֆսիստական տեսակէտից մօտենալով չեխերի շարժմանը, Կառուցկին զատապարտում է նրանց ազգային ինքնուրոյնութիւն ձեռք բերելու ձգտումը, որովհետեւ այդ ձգտումը հակասում է տնտեսական զարգացման ընթացքին: (*)

Լիրկնէխտի եւ Կառուցկու նման էին մտածում եւ միւս սոցիալ-դէմոկրատները համարեա՛ր բոլոր երկրներում: Այդ տեսակէտը մարֆսիստական «հակատալիք»ի անբաժան մասն էր կազմում: Ռուսական սոցիալ-դէմոկրատիան ոչնչով յետ չէր մնում իր եւրոպական ուսուցիչներէց. ընդհակառակը իբր նորագարձ մարդիկ, նրա լիդերները շատ աւելի անհամբերատար ու հալածող էին, քան Եւրոպական աւելի զարգացած գործիչները: Նրանց հանած սոսկալի հալածանքը բունդի, լատիշական, լեհական սոցիալիստ կուսակցութիւնների, Գաշնակցութեան եւ ուրիշ «ազգային սոցիալիստական» կուսակցութիւնների դէմ հասնում էին կատարեալ կրօնական հալածանքների աստիճանին: Ով դաւանում էր ազգային սկզբունք կամ կազմակերպութեան կամ որեւէ այլ տեսակէտից, հրատարակում էր մանր բուրժուա, ընդհանրապէս եւ ենթարկւում կատարեալ աստրակիզմի (նշաւակութեան):

Անողորմ իրականութիւնն իր դառն դասերով

(*) «Մեր ժամանակի ազգութիւնը» (ռուսերէն) երես 39-47.

եկաւ ստիպելու Կ. Կառուցիուն թողնելու ուսուցիչներէ Դոզմայի (հաւատալիքի) միակողմանի ակնոցները :

Եւ խկապէս, քննեցէք Գերմանիայի քաղաքացու տեսակէտից ազգային հարցը: Ի՞նչ նշանակութիւն ունի նրա համար մի այնպիսի խնդիր, որ իր երկրում համարեա՛վ գոյութիւն չունի: Դեռ 40-ական թուականներին, քանի որ գոյութիւն ունէր լոկ Հիւսիսային Գերմանական Միութիւնը, այնտեղ ազգաբնակչութիւնը համարեա ամբողջապէս բաղկացած էր պրուսիացիներից ու ազգակից Գերմաններից. միայն մի չնչին թիւ լեհեր կային, այն էլ դեռ իբր հպատակներ եւ ոչ իբր քաղաքացիներ: Երբ 1871ին, ստորացած ու մասամբ աւերուած Ֆրանսիայի դիմաց բարձրացաւ Բիսմարկեան Գերմանական Դաշնակցութիւնը, այն ժամանակ էլ օտար ազգութիւնների թիւը մնաց չափազանց աննշան: Այսօր հազիւ երեք միլիոնաչափ լեհեր, 1 ուկէս 2 միլիոնաչափ Փրանսիացիներ, հազիւ 400 000 դանիացիներ, մի քիչ սլաւոններ ու հրէաներ կան ամբողջ պետութեան մէջ, այն ինչ այլ 5 միլիոն օտարների դիմաց կանգնած է մօտ 60 միլիոն բուն Գերման ազգութիւնը: Բընական է, որ այդպիսի պայմաններում «ազգային խնդիրը» չէր կարող դրուել այնպիսի ձեւով, ինչպէս նա դրուած է Աւստրիայում, Վէնզրիայում, Ռուսաստանում, Բեղիայում, Թիւրքիայում եւ այլն, ուր տիրողները եւ տիրուածների թուական

յարարեբուծիւնը այնքան էլ ի վնաս տիրուած-
ներէ չէ :

Գերմանիայում թուական այդ տարօրինակ
յարարեբուծիւնը ծնունդ է տալիս այնպիսի շո-
վինիստական մտքերի, որոնք ամենեւին չեն սա-
ղում մի սոցիալիստի: Այսպէս օրինակ, լեհական
բանուորական կուսակցութիւնը Պրուսիայում իր
ծրագրում դրել է նաեւ «ազատել Պրուսիայի լծի
տակ ապրող լեհ ժողովուրդը տնտեսական եւ քա-
ղաքական լծից»: Սակայն այդ նոյն կուսակցու-
թեան մէջ կան եւ անհատներ, որոնք բողոքում
են իրենց կուսակցութեան ծրագրի այդ ազգային
ոգու դէմ եւ ցանկանում են վերածել չին ձեւի
մարքսիստական ոգու: «Սաքսոնական բանուորա-
կան լրագիր»ը Սաքսոնիայի մարքսիստներէ պաշ-
տօնական օրգանը, 1897-ին լեհ բանուորական
կուսակցութեան համագումարի հաշիւները տպե-
լով ակներեւօրէն բռնել էր վերջինների կողմը եւ
խիստ կծու ակնարկներ էր անում «նացիոնալիստ-
ների» հասցէին, չգիտեմ ինչու ամէն մի «նացիո-
նալ» կուսակցութիւն կնքելով «նացիոնալիստական»
հայհոյական տիտղոսով, ինչպէս այսօր անում
են ռուսական եւ մանաւանդ, Կովկասեան տնա-
սուն ս. դեմոկրատները: Այս դեռ բաւական չէ.
Ֆրանկֆուրտի (Օդերի վրայ) ս. դեմոկրատները,
Բրանդենբուրգի դաւառական ժողովում բողոքե-
ցին լեհական պրոպանգանդի դէմ իրենց շրջա-
նում, տեսնելով դրանում գերմանական ս. դե-
մոկրատ կուսակցութեան համար մի զգալի վնաս:

*Այդ առիթից օգտուելով «Սաքսոնական բան-
ւորական լրագիր»ը բաց արեց իր բերանը .*

*«Կը նշանակէ բանն այնքան հեռու է գնացել ,
որ այդ լեհական սոցիալիստների ազգային պրօ-
պագանդն սկսում է խանգարել կուսակցութեան
գերմանացի անդամներին մղելու սոցիալ-դեմոկ-
րատական ֆարգուրին : Մի՞քէ նրանք պիտի
հանդուրժեն այդ բանին գերմանական պետու-
թեան ներսում՝ յանուն միջազգային համերաշ-
խութեան» :*

*Ահա դերմանական սոց . դեմոկրատ լրագրի
ինտերնացիոնալիզմը , նրա միջազգայնութիւնը :
Դա միանդամայն նման է Մարքսի ազգատեաց ու-
ղուն , ի հարկէ երբ հարցը վերաբերում էր մանր
ազգութիւններին : Սակայն յիշուած ուղղափառ
մարքսիստ թերթը գրանով չը բաւականացաւ , նա
մինչեւ իսկ մերժեց լեհերին զիջանիլ սեփական
մամուլ ունենալու տարրական իրաւունքը , որ
նոյն իսկ համիտական պետութիւնը թոյլատրում
էր հայերին եւ այլ ազգերին :*

*«Բերլինում , ասում է այդ քերթը , չկայ ոչ
մի լեհ բանուոր , որ չհասկանայ գերմաներէն :
Էլ ինչի է պէտք լեհական մի քերթ , որը յամե-
նայն դէպս , ոչ մի բանով չէ կարող հաւասարուել
գերմանական կուսակցութեան խոշոր քերթե-
րին» : (*)*

(*) Թէ այդ եւ քէ նախընթաց ֆալուածքը վերցրել
եմ ժիտովսկու «սոցիալիզմը եւ ազգային հարցը» ռուսե-
րէն գրքից , երես 19-20 .

Եթէ մի քիչ ուշադրութեամբ նայենք մեր շուրջը, նման երեւոյթներ շատ կը տեսնենք Ռուսաստանում եւ մանաւանդ Կովկասում :

Ցաւալին այն է, որ այդ ոգին սկզբունքից լոկ մի պատահական խոտորում չէ, որ դորժ է դրել «Սաքսոնական բանուորական թերթ»ը, այլ դա կրկնում է յաճախ, նոյն խել ս. դեմոկրատական աստղերի բերանով: Այսպէս, օրինակ, Ժիալովսկին առաջ է բերում 1897 թուի ապր. 10-ին «Vorwärts» կեդրոնական օրգանում ծերունի Լիբկնեխտի խմբադրութեամբ լոյս տեսած հետեւեալ յօդուածը:

«Գերմանացին միշտ եղել է կոսմոպոլիտ, եւ չինական-ազգային առանձնացման գեղջկական տափակ միտքը կարող է ծնունդ առնել միայն օստ-էլքիական կիսով չափ սլաւոնա-կոգակային, իւնկերական գանգերում: Եւ, ոչմարիտ, գերման ժողովուրդը կարող է պարծենալ իր գաղթականական եւ գաղութային քաղաքականութիւնով... Միայն Աւստրիան, որ իլուել է սլաւոնական եւ ուրիշ կիսավայրենիներից եւ հաղորդակից է արւած գերմանական կուլտուրային, ոչնչով յետ չէ մնում, կամ յետ չէր մնայ, եթէ որ գերման ժողովուրդն իր սեփական երկրում չկորցնէր իր տիրապետութիւնը եւ, շնորհիւ դժբախտ հանգամանքների մի ամբողջ շղթայի, չընկնէր իշխանների տիրապետութեան տակ, որոնք իրենց ուշադրութիւնը դարձրին լոկ շահամոլական, նեղ

—*դինաստիական* (քաղաւորող տան) նպատակների վրայ. այդ իշխաններից ոչ մէկն ընդունակ չէր ըմբռնելու գերման ժողովրդի ազգային եւ միաժամանակ միջազգային արշաւանքը (Zug), իր ազգային գաղութային քաղաքականութիւնով գերման ժողովուրդն Աւստրիայում ստեղծեց մի ոյժ, որը եթէ մայր-երկրից կամ *մեարոպոլից* նախածրբագրուած ու խելացի օժանդակութիւն ստանար, արդէն տիրած կը լինէր ամբողջ Բալկանեան քերակղզուն եւ Կ. Պոլսին, տիեզերական տիրապետութեան այդ բանալիին: Բայց գերմանական քաղաւորներից, այսպէս կոչուած, պետական անձերից եւ ոչ մէկը գաղափար չունէր այդ ազգային-միջազգային քաղաքականութեան մասին»:

Մարքսի ոգին է հնչում այդ տողերում: «Սըլաւոնական-կողակային կիսավայրենի դանդեր»․ ղնալ տիրել մինչեւ Բալկանները, նոյն իսկ Կ. Պոլսը․ համաշխարհային տիրապետութեան այդ բանալին առնել ձեռքը, ձուլել, կլանել, կենդրոնացնել․․․ Պատուելու, կլանելու ախորժակ, մի հրէջաւոր ձգտում մեծանալու, կենդրոնանալու — յանուն սրբազնասուրբ դոգմայի (հաւատալիք), տնտեսական կամ դիալեկտիքական մատերիալիզմի:

Սակայն վերադառնանք կեանքի տուած դասերին Կ. Կառլցկուն, կամ սլատուածքներին, որ բացուեցին ուղղափառ մարքսիզմի մէջ՝ այդ խնդրում:

Կ. Կառուցիկին, իբր հրապարակագիր-մտածող, ստիպուած եղաւ մտնել աւստրիական եւ վէնգերիական ներքին քաղաքականութեան հարցերի քննութեան մէջ: Իսկ ազգային հարցերն այնպիսի միաձուլ ազգային պետութիւններում, ինչպիսին Ֆրանսիան, Գերմանիան կամ Իտալիան են, չեն կարող դառնալ լուրջ եւ բազմակողմանի ուսումնասիրութեան եւ փորձի առարկայ: Հասարակական հարցերն ուսումնասիրութեան են դըրուում, երբ նրանք սուր պահանջ են դառնում ամբողջ կեանքի համար, դոնէ նրա զգալի մի մասի, մի աչքի ընկնող փոքրամասնութեան համար: Այդ հարցերն ուսումնասիրուելու են իրենց միջավայրում, այնտեղ, ուր նրանք ծնուել ու զարգանալու զգալի հող են գտել: Ազգային հարցի համար էլ այդպիսի հայրենիքներն են Անգլիան (Իրլանդիան), Բելգիան (բելժ եւ վալլոն ժողովրդներ) մանաւանդ Աւստրիան, Ռուսիան եւ Թիւրքիան իրենց բազմերանգ ազգութիւններով: Վերջին երեքից միայն Աւստրիայումն են ազգային հարցերն ու յարաբերութիւնները հասունացել — չընորհիւ պարլամենտական կամ ներկայացուցչական իրաւապետական կարգերի ազատութեան, իսկ միւսներում դեռ մինչեւ վերջին տարիները, — ամէն ինչ գետնի տակն էր:

Ուսումնասիրելով Աւստրիայի ազգերի յարաբերութիւնները, Կ. Կառուցիկին դրեց իր երկու նըշանաւոր յօդուածները — «Աւստրիայի ճգնաժա-

մը» վերնագրով — մէկը «Աւստրիայի ճգնաժամը եւ Պետական իրաւունքը», միւսը «Աւստրայի ճգնաժամը—Լեզու եւ Ազգ»։ Այդ յօդուածներում Կառլցիկին այլ եւս չէ հանդիսանում իբր մոլեռանդ մարգարէ, որ գուշակում է մանր ազգութիւնների աստիճիլասիոնը կամ խառնումը, ձուլումը խոչոր ազգութիւնների մէջ։ Ընդհակառակը, նա ցոյց է տալիս, որ կեանքի մէջ կան այլ, հակադիր միտումներ։

«Աւստրիայի եւ Թիրքիայի տնտեսական զարգացումն, ասում է նա, — չէ նպաստում այն բանին, որ ազգութիւնները համախմբուեն եւ նրանց մէջ հալուեն միւս մանր ազգերը եւ, այդպիսով, ստեղծուի մի ազգ՝ որոշապէս գծուած նահանգով. բնդիակառակը՝ նա (այդ տնտեսական զարգացումը) աւելի եւս նպաստում է ազգերի աւելի եւ աւելի իրար խառնուելուն եւ այդպիսով նոր մանրիկ ազգեր ստեղծելու (ստորագծումը մերն է — Խ.) :

Այդ խոստովանութիւնը դեռ քիչ է. դա ցոյց է տալիս, որ Կառլցիկին դիտելու անպայման շընորհք ունի, որ նրա ուղեղն այնքան էլ չէ զըտնրում մարքսիզմի հաստատելիքի (դոգմ) շղթաների ծանրութեան տակ։ Կառլցիկին, իբր անկեղծ գիտնական, որ ճշմարտութիւն է որոնում, հետեւեալ սողերն է գրում նոյն յօդուածում։

«Առաջ ես սպասում էի, որ դասակարգային կռուի զօրանալը իրար կը մօտեցնէ զանազան ազ-

գերի բուրժուազիաների, բայց մինչեւ այժմ բոլորովին հակառակը տեղի ունեցաւ (ստորագծումը մերն է: — Խ.), ընդհանուր առմամբ մեմֆասեմֆ, որ բուրժուական աշխարհն աւելի բաժանուում է»:

Թէ այդ յօդուածում Կ. Կառուցիկն ինչպիսի երևույթ է համարում ազգութիւնը եւ ինչպիսի արտաքին նշաններ դնում նրա համար, — մենք արդէն տեսել ենք այս աշխատութեան նախընթաց գլուխներէց մէկում:

Այդ նոյն յօդուածներում նա միանգամայն համամտութիւն է ցոյց տալիս Աւստրիայի Սոց. Դեմոկրատիայի 1897 թուին Բրուննի համաժողովում ընդունուած ազգերի Փեդերացիայի ծրագրին եւ, ինչպէս մենք մի այլ տեղ (*) ցոյց ենք տուել, նա ազգային սկզբունքն ու տերրիտորիական կամ երկրային սկզբունքն իրար հետ փորձում է հաշտեցնել, ոչնչացնելով «պատմական հայրենիքի» սնամէջ, յաճախ շովինիստական ու վընասակար ըմբռնումը եւ նրա տեղ դնելով ազգի (մանաւանդ լեզուի) իրական, ներկայ տարածման սահմաններն իրր ազգային-կուլտուրական ինքնավարութեան եւ Փեդերացիայի հիմք:

Այդ յօդուածներում է որ նա, միանգամայն ժխտելով իր նախկին տեսակէտները, ազգային

(*) «Դեպի Ֆեդերացիա» — մայի «Ֆեդերացիա» գլուխը:

յառաջդիմութիւնը, ազգերի իրաւահաւասարութիւնը համարում է *Conditio sine qua non*— պայման՝ առանց որի ոչինչ չէ կարելի անել առողջ՝ դասակարգային ու սոցիալիստական ահաւոր մարտադաշտում :

«Ազգի ինքնուրոյնութիւնը (անկախութիւնը) հանդիսանում է իբր բնական անհրաժեշտ նախապայման ամէն տեսակ ժամանակակից դասակարգային կռուի : Ժողովուրդը պիտի ազատ լինի ամէն կողմից, եւ միայն այդ ժամանակ պրոլետարիատը հնար կ'ունենայ դուրս գալու իր ընկերական հակառակորդի դէմ լիապէս զինուած : Պրոլետարիատն իր բնական եւ ամենակողմանի զարգացման համար նոյնքան կարիք ունի իր ազգի անկախութեան, որքան եւ ընդհանուր ընտրողական իրաւունքի, ժողովների եւ մամուլի ազատութեան : Պրոլետարական միջազգայնութիւնն նշանակում է ոչ թէ ազգութեան ուրացում այլ ազգերի ազատութիւն եւ իրաւահաւասարութիւն» : (*)

Այսքան պարզ եւ ակներեւ արտայայտութիւնը դեռ բաւական չհամարելով, Կառուցկին 1905 թուին հրատարակեց իր յօդուածը «Ազգութիւնների հարցը Ռուսաստանում» վերնագրով : Այդ տեղ նա պնդում է նախնական մարքսիզմի համար

(*) Կ. Կառուցկի — «Ազգութիւնների կռիւր եւ պետական իրաւունքն Աւստրիայում» (ռուսերէն) — Երես 26

կատարեալ հերետիկոսական մի միտք. որքան մի հասարակութիւն դեմոկրատիանում է, այնքան նա աւելի ազգային է դառնում, որովհետեւ որքան աւելի թուով անհատներ ինքնագիտակցութեան են դալիս, այնքան աւելի նրանք ըմբռնում են իրենց ազգութիւնը: Թէ դեմոկրատիզմը (ոսմկալարութիւնը) եւ թէ ազգային ոգու տարրացումը կապուած են կապիտալիզմի (դրամատիւրութեան) զարգացման հետ: Նա պնդում է, որ «ագգուքեան բոլոր մասերի սերտ միացումը յառաջդիմում է, իբր լաւագոյն միջոց ազգային բոլոր ուժերն ամբողջապէս զարգացնելու համար»:

Ազգային ձգտումները համարելով արտաքին, առարկայական անհրաժեշտութիւն եւ յառաջդիմական երեւոյթ՝ կաուցկին պնդում է որ ս. դեմոկրատիան «պարտաւոր է պաշտպանել այն ազգութիւնների պետական միացման եւ անկախութեան ձգտումը, որոնց մէջ նա ապրում եւ գործում է: Այդ մտքով նա (ս. դեմոկրատիան) պիտի լինի, հետեւաբար, նոյնչափ ազգային, որչափ եւ դեմոկրատիական»: (*)

Այդ յօդուածում էլ կաուցկին ձգտում է միաւորել երկրային ինքնավարութիւնն ազգային ինքնավարութիւնների հետ եւ այդպիսի ազգ-երկրային ինքնավարութեանը հակադրել զուտ երկրա-

(*) «Ազգութիւնների հարցը Ռուսաստանում», հրատարակութիւն «Յառաջ»ի:

յին կամ շրջանական ինքնավարութիւնը, որը հանդիսանում է բուրժուազիի պահանջ մանր ազդութիւններէ զրկում, որովհետեւ երկրային կամ շրջանային ինքնավարութիւնը տալիս է մի շարք առաւելութիւններ տիրող ազդութեան բուրժուազիին :

Վերջապէս չեմ կարող այստեղ առաջ չը բերել Կաուցիու նամակն, ուղղուած Եւրոպայի հայ ուսանողական միութեան, որն ուզում էր թիւրքահայ դատի մասին մի ժողովածու հրատարակել սուլթան Համիտի օրով :

«Ես բոլոր հոգով համակրում եմ հայկական գործին, ասել էր յարգելի Ղրտնականը. եւ հայկական գործ կամ դատ ասելով՝ ես ըմբռնում եմ ոչ միայն հայերին պաշտպանելը քիւրքական եւ քրտական գազանութիւններից, այլ եւ նրանց ազգային անկախութեան վերականգնումը» :

Կաուցիու հայեցակէտն ազդութեան խնդրի մասին, սկսելով դուռ մարքսիստականից, հասաւ մինչեւ մանր ազդութիւններէ անկախութեան, նըրանց ինքնուրոյն եւ ինքնիշխան զարգացման եւ ֆեդերատիվ սկզբունքներով իրար միանալու, մի պետական խոշոր ամբողջութիւն կազմելու տեսակէտին :

Վերջապէս 1908 թուին Կաուցիին գրեց մի ընդարձակ յօդուած Neue Zeit շաբաթաթերթում, որով նա պարզարանում է իր վերջնական տեսակէտը եւ քննադատութեան ենթարկում Օտտո Բա-

ուէրի մեր յիշատակած նոյն թուին լոյս տեսած
զերքը, որ կազմում է մի խոշոր զիտական ար-
ժանիքով գործ, համարեա միակը համաշխար-
հային սոցիալիստական գրականութեան մէջ :
Այդտեղ նա աւելի եւս ամրապնդում է իր վերջին
տեսակէտներն ազգային հարցին մասին :

Կաուցկու մէջ կատարուած բարեշրջումին
այդ խնդրի սուրժով անմասը չմնաց Լիբկնեխտը,
որի կարծիքը, արտայայտուած Մարտէյլում 1892
թուին, մենք արդէն առաջ բերինք նախընթաց
գլխում : Նա ճանաչում էր լոկ երկու ազգ՝ պրո-
լետարներ եւ բուրժուաներ : Իսկ 7 տարի անցած,
Համբուրկի համաժողովում, ուր հաւաքուել էին
գերմանական ս. դեմոկրատիայի բոլոր մտաւոր
տարրերը, այդ բոլորի որոտագին ծափահարու-
թիւնների ու բրաւօների տակ, նա հանդիսաւոր
կերպով հետեւեալ միտքն արտայայտեց .

«Լեհերի անկախութիւնն ձեռք բերելու ճգն-
տումը մենք համարում ենք նոյնքան արդարացի,
որքան եւ ուրիշ որեւէ ազգի նոյնանման ճգտու-
մը» :

Ուրեմն՝ երկու ազգ չկայ աշխարհում, այլ
բազմաթիւ ազգեր, որոնցից շատերն անկախ են,
շատերն էլ տիրուած, ճնշուած : Վերջիններից որն
էլ որ ձգտի անկախութեան, սոց. դեմոկրատիան
պիտի համարէ դա մի արդարացի ձգտում եւ, հե-
տեւաբար, իր համակրանքը պիտի լինի նրա կող-
մը :

Թէ ինչո՞ւ Լիբերալները եւ նրա խմբադրած Vorwärts-ը դէմ էին Բանկ-Օտտոմանի դէպքերին եւ առհասարակ թշնամական տրամադրութիւն էին ցոյց տալիս դէպի թիւրքահայ շարժումը, դրա արմատը որոնելու է այլ տեղ: Լիբերալներն իբրեւ Մարքսի մտերիմը եւ նրա ժամանակակիցը, տեսել է Ռուսիայի դերը 1848-ին Կոչուտի ապստամբութեան պահուն, տեսել է նրա Էնտրիգները Բոլշարական գործերում. զգացել էր կողակային միահեծանութեան ժանդարմական դերը Գերմանիայի եւ, առհասարակ, ամբողջ Եւրոպայի վերաբերմամբ: Այդ պատճառով էլ Լիբերալները թիւրքիայում, հայերի կողմից արած ամէն մի բողոք համարում էր «Ռուսական բուրլին շրջանառութեան մէջ», ինչպէս նա գրել էր 1896 թուին Բանկ-Օտտոմանի դէպքի առիթով:

Սակայն Vorwärts-ի գիմաց կանգնած էր Neue Zeit-ը որ միշտ հանդիսանում էր պաշտպան թիւրքական լծի տակ հեծող բոլոր մանր ազգութիւնների, մանաւանդ հայերի: Նա տպում էր թէ հայ գրողների յօդուածները թիւրքահայ դատի մասին եւ թէ իր գլխաւոր սիւնը կազմող (ի հարկէ այն ժամանակը) Էդուարդ Բերնշտայնի յօդուածները, որոնք մերկացնում էին թիւրք կառավարութեան այլանդակութիւնները:

Լիբերալներից յետոյ, բնականաբար մեզ պիտի հետաքրքրէր Բերելի կարծիքը: Այստեղ մենք աւելի քիչ կանգ կ'առնենք: Հայրենիքի պաշտպա-

նութեան խնդրի առիթով նրան նոյն իսկ շովինիզմի մէջ մեղադրեցին, որովհետեւ նա էլ, Ժօրէսի նման, դէմ լինելով ամէն տեսակ իմպերիալիստական (տիրապետող) քաղաքականութեան, յայտարարեց գերմանական Ռայխստագում, որ եթէ թշնամին յարձակուի Գերմանիայի վրայ, սօց. դեմոկրատներն, իբր հաւատարիմ զաւակներ հայրենիքի, զէնքը ձեռքերնին դուրս կը դան թըշնամիների դէմ եւ ցոյց կը տան, թէ ով է աւելի մոլեռանդ պաշտպան հայրենիքի: «Ապրել եւ քողնել ուրիշներին էլ ապրելու», ահա մեծ ըսկզբունքը: Չգրաւել ոչ ոքի երկիրը, չբռնադատել ոչ ոքի ազգութիւնը, բայց խրոխտաբար չթոյլատրել նաեւ ոչ ոքի իր ազգութիւնը ոտնահարելու, իր երկրին տիրանալու. կռուել հալածուող ազգի եւ հայրենիքի համար:

«Ամէն մի ազգ, ասաց Բեբելը 1905 թուին, որ ունի իր սեփական լեզուն, իր սեփական բարձր, իր սեփական քաղաքականութիւնը եւ իր պատմութիւնը, իրաւունք ունի ինքնուրոյնաբար զարգանալու՝ իբր մի օրգանական ամբողջութիւն»:

Իսկ մենք արդէն դիտենք, որ ազգ կոչուում է մարդկանց այն մեծ խմբակցութիւնը, որ ունի Բեբելի յիշած այդ բոլոր պարագաները-ե՛ւ սեփական լեզու, ե՛ւ սեփական բարձր ու ազգային բնաւորութիւն:

Դեռ 1897-ին, Vorwärts-ի N 54-ի մէջ մարտի 5-ին նոյն Բեբելը գրում էր.

«Եթէ մենք տեսնում ենք, որ ժողովրդները կառավարում են հակառակ իրենց կամքի, մեր պարտքն է կանգնել նրանց կողմը, որոնք ցանկութիւն են արտայայտում ազատուելու օտար լրծից»:

Այո՛, մի անգամ արդէն մի ազգ, մի ժողովուրդ գիտակցում է իր լծի ծանրութիւնը եւ ցանկանում է ազգային ազատագրութիւն, — ամէն մի անկեղծ գործչի, ամէն մի սոցիալիստի տարրական պարտքն է կանգնել մարտնչողին պաշտպան, օգնել նրան ազատագրելու:

Մի ուրիշ անգամ Բեքելը յայտնել է հետեւեալ կարծիքը, որ համարեա՛ թառացի նմանութիւն է բերում կառուցկու վերջին շրջանի կարծիքին.

«Քանի որ ազգը ննչուած է, դասակարգային հակասութիւնները եւ դասակարգային կոխը չեն կարող լիապէս պարզ արտայայտութիւն ստանալ»:

Վերջապէս 1907 թուի Շտուտգարտի միջազգային սոցիալիստական կոնգրէսում «ազգային»ի եւ «միջազգային»ի իրար հետ ունեցած յարաբերութիւնը պարզելու պարագմունքները զեռ չըսկած, Բեքելը մի յօդուած գրեց «Schwabische Tagwacht» թերթի 1907 թ, օգոստոսի 17-ի համարում, որը Ն. Հայդարովի վկայութեամբ, ծառայեց իբր ձայնաչափ (կամերտոն) կոնգրէի ամբողջ զրադմունքներին՝ այդ հարցի վերաբեր-

մամբ: Յօդուածի վերնագիրն է «Sind national und international gegensätze»? («Հակադի՞ր են արդեօք ազգայինն ու միջազգայինը»)

«Բոլոր կուլտուրական երկրների բանուոր դասակարգի խնդիրը միաժամանակ ազգային եւ միջազգային է, — ասում է Բերելն այդ յօդուածում: Սեփական ազգի, մայրենի երկրի ասելի նեղ սահմաններում մարտնչելով կեանքի մէջ իրագործելու համար այն միջոցները եւ հիմնարկութիւնները, որոնք բանուորներին հնարաւորութիւն են տալիս բարելաւելու իրենց կենսական վիճակը, բարարելու իրենց ասելի բարձր կուլտուրական կարիքները եւ, վերջապէս, ձեռք բերելու բոլորի համար իրաւական եւ սոցիալական հաւասարութիւն, — նրանք պարտական են աշխատել եւ իրականացնել նաեւ միջազգային ասպարէզում նոյն ձգտումները, որովհետեւ միայն այդ ուղիով կարելի է ապահովել բարելաւումների հաստատումն իր սեփական հայրենիքում: Այսպիսով ազգայինը եւ միջազգայինն ամենեւին իրար ջնջող հասկացողութիւններ եւ ձգտումներ չեն. ընդհակառակը, — նրանք իրար լրացնում են: Ինչպէս որ իր սեփական ժողովրդի սահմաններում բոլոր ցեղակիցների իսկական բարեկեցութիւնը կախուած է նրանից, թէ արդեօք ամէն մի անհատ լաւ է ապրում, այնպէս էլ ազգերի մեծ ընտանիքում մի ժողովրդի բարիքը կախուած է միւս բոլորի բարիքից»: (*)

(*) Տես «Սերպ»ի երկրորդ ժողովածուն — էրես 242-43

Երկու բացատրութիւն տալ այդ բառերին անկարելի է : Սա առողջ ազգայնութիւնն ու միջազգայնութիւնն է : Չկայ նրանում ոչ լիբերալիզմի, ոչ էլ Մարքսի անմարմին աշխարհաքաղաքագիութիւնը :

1905 թուին Լիւտիւ քաղաքում տեղի ունեցաւ հանքային բանուորների միջազգային կոնգրէ, որի նիստերից մէկում Գերմանական բաշխատաղի անդամ սոց. դեմոկրատ Հիւէն ի միջի այլոց հետեւեալն ասաց .

«Մեզանից ամէն մէկը պարծեալում է իր հայրենիքով, մեզանից ոչ ոք չէ հրաժարոււմ իր հայրենիքից, միայն մենք չենք ուզում գոռոզաբար նսնել մեր զէնքերը, այլ ձգտում ենք ազգերի բազմազան հնչիւններից ստեղծել մի ներդաշնակ միջազգային համերաշխ եղանակ» :

Հողային հարցի վերաբերմամբ իր խոր սուամնասիրութիւններով ամէնքին յայտնի երկտասարդ սոցիալիստ գիտնական էդուարդ Դաւիդը, մեզ հետաքրքրող հարցի մասին հետեւեալ միանգամայն թարմ տեսակէտն է յայտնում «Neue Gesellschaft» ամսագրի 1903 կամ 1904 թրււի համարներից մէկում :

«Միայն նա, ով այն կարծիքի է, որ ազգային կազմակերպութիւնները ոչ այլ ինչ են եթէ ոչ հնացած հիմնարկութիւններ, որոնց նոյն իսկ գոյութիւնը ոչնչով չէ արդարանում, — միայն այդպիսի մարդը կարող է անտարբեր կերպով վերա-

բերուիլ զէպի ազգային զգացմունքի անկումը : Այո՛, նա կ'ողջունէ այդ անկումը, իբր կրկին մի այլ մօտեցում զէպի իր *Իդէալը*, զէպի մարդկութեան միագան ու միապաղաղ գանգուածը : Ինչ վերաբերում է *սոց. դեմոկրատիային*՝ չը նայելով նրա խաղաղ ֆազաֆացիութեան *Իդէալներ*ի ամբողջ լայնարձակութեանը, չէ կանգնած այդ տեսակէտի վրայ . դրան իբր ապացոյց ծառայում են նրա եռանդուն բողոքներն ընդդէմ խոշոր ժողովրդիների ամէն մի ննշումի մանր ազգերի վերաբերմամբ :

Ճնշուած ազգերն, ուր էլ որ մարտնչեն իրենց ֆազաֆական ինֆնուրոյնութիւնը ձեռք բերելու համար, — լինի Լեհաստանում, Ֆինլանդիայում, Հայաստանում, Հարարային Աֆրիկայում կամ Ֆիլիպեան կղզիներում, *սոց. դեմոկրատիայի* համակրութիւնը միշտ եղել է եւ կը մնայ մարտընչողների կողմը» :

«Առանձին ազգութիւնների անհատական ինֆնատիպ կեանքը մեզ հանդիսանում է նոյնքան ոչաննշան որքան մենք չէինք ցանկանայ տեսնել ջնջուած անհատականութիւնը եւ *սուրեկտիւ* (ներաշխարհային) առանձնայատկութիւններն ամէն մի առանձին մարդու : Այո՛, մենք այն կարծիքի ենք, որ ինչպէս *սոցիալիզմի* նպատակը հանդիսանում է ամէն մի առանձին մարդու անհատական կեանքի ազատումը *կապիտալիստական* կազմի անբարոյականցնող ազդեցութիւնից ու ննշումից,

այնպէս էլ նա (*սոցիալիզմը*) կոչուած է ցոյց տալու ազգութիւններին իսկական ազատութեան եւ մեծութեան ուղին» :

Անկեղծ ու մաքուր է հնչում երիտասարդ դիտնական սոցիալիստի ձայնը: Նա բանուորական կամ աւելի շուտ, աշխատաւորական ազգայնութեան եւ միջազգայնութեան քաղցր մեղեդին է: Այլեւս չկայ Մարքսի թոյնը դէպի մանր ազդերը, նրա քէնը դէպի 12 միլիոնից պակաս ժողովրդները: Չկայ նոյնպէս Կառուցիչ ցանկութիւնը — ինչ կ'ուզէ լինի, փրկել ուսուցիչներէ վարդապետութեան դէժ արտաքին կեղեւը, ամէն կերպ ջանք դործ դնել, մի կերպ, բռնազբօսիկ բացատրութիւններով, նոր համոզումները սողացնել հին, մեռնելու դատապարտուած միակողմանի տեսութեանը: Սոցիալիստի համակրութիւնը ճշնշուած ազգերի կողմն է: Ազգութիւնների Եսը, նրանց ինքնատիպութիւնը սոցիալիստի համար նոյնքան թանկ է, որքան եւ անհատների ինքնուրոյնութիւնն ու ինքնատիպ զարգացումը: Ամէն մի ազգ, — լինի նա 400 միլիոն, թէ կէս միլիոն, — պիտի ունենայ իր ուրոյն զարգացումը, որպէսզի համամարդկային քաղաքակրթութիւնը բազկացած լինի բազմազան տարրերից: Եթէ բոլոր ազգութիւնները ձուլուէին մի ազգութեան մէջ, բոլորը դառնային մի հօտ եւ մի հովիւ, ունենային մի լեզու, մի գրականութիւն, մի միապաշաղ կուլտուրա, — զգուելի կը լինէր աշխար-

հը. ձանձրոյթից կը մեռնէին մարդիկ այդ միօրինակ սպանիչ միջավայրում :

Վաղո՛ւց արուած համեմատութիւն է, որ մարդկութիւնը մի հսկայական փունջի է նման, որը եթէ բազկացած լինէր նման գոյն ու հոտ ունեցող ծաղիկներէց, թէեւ բոլորն էլ հրաշալի տեսակից, — ձանձրալի կը լինէր : Իսկ եթէ այդ հըսկայական փնջի ամէն մի ծաղիկն ունենար իր սեփական ինքնատիպ գոյնն ու հոտը, փունջը կը լինէր էապէս զմայլելի, հարուստ ու դրաւիչ : Ձանձրութիւնը հեռու կը լինէր նրանից հոտ քաշողից :

Դեռ մի կողմ թողնենք ձանձրոյթը. այդ միօրինակութիւնը բոլորովին կ'ըսպանէր առաջ դընայու, շարժուելու ձգտումը : Դրան յար եւ նման է իմացականութեան փրլիսոփայական խնդիրը, որի առիթով Գիւլյօն ասում է. «Դրե՛ք լիակատար միութիւն կամ իրար լիապէս նման դարձրե՛ք իմացականութիւնները, եւ դրանով դուք կ'ոչընչացնե՛ք հենց իմացականութիւնը : Ձեռեցե՛ք բոլոր մտքերը միեւնոյն ձեւով, տուե՛ք բոլոր մարդկանց միեւնոյն հաւատալիքները, միեւնոյն կրօնը, միեւնոյն մետաֆիզիքը (բնագանցութիւն), մի թելի վրայ շարեցե՛ք մարդկային մտածութիւնները, եւ այն ժամանակ դուք քայլած կը լինե՛ք ուղղակի յառաջդիմութեան էական ձգտման դէմ», այսինքն այիտի սպանե՛ք առաջդիմութիւնն իսկ...

Անհրաժեշտ եւ բարերար է բազմազգութիւնը մարդկութեան մէջ. բազմազանութիւն անհատից անհատ, ազգից ազգ, մայր ցամաքից մայր ցամաք: Դա կը լինի մարդկութեան, այդ վերացական ամբողջութեան հսկայական հարստութեան ազրիւրը:

Ուշագրաւ երեւոյթ է, որ էդ. Դաւիդն իր համակրելի կարծիքներն ասում է, առանց հող տանելու հաւատալիքի հիմքի՝ տնտեսական կեանքի կենտրոնացման մասին: Նրա կարծիքով այդ կենտրոնացումը ոչ միայն դեռ չէ կատարուել հողային հարցում, այլ եւ այնտեղ նա միանգամայն անհնար է: Վերջապէս՝ ճշմարտութիւն որոնողի համար ոչ մի նշանակութիւն չունի, թէ ինչ է ասում հաւատալիքը, ասենք նոյն իսկ Քէօրիմ. նա հետեւում է կեանքի ու փորձի տուած ճշմարտութիւններին:

Այդպիսի քաղուածներով մենք կարող էինք դարձարել հարիւրաւոր երեսներ եւս, բայց առաջ բերածն էլ բաւական է ցոյց տալու համար, որ հին հաւատալիքը խախտուել, փլել է, այլեւս չկայ Եւրոպական սոցիալիստների եւ նոյն իսկ ս. դեմոկրատների համար:

Սակայն մինչեւ այժմ մեր առաջ բերած կարծիքները ցոյց էին տալիս, որ աշակերտները համաձայն չեն ուսուցիչների տրամադրութիւնների, կարծիքների ու վերաբերմունքի հետ դէպի մանր ազգերը ու առհասարակ դէպի ազգային խնդիրը:

Բայց թէ ազգութեան տնտեսական ծագումը, օրինակ, Կառուցկին մասամբ այժմ էլ ընդունում է: Մեր կարծիքով՝ այդ ծագումը Բէալիստական է, բացատրելի ու ըմբռնելի գրական զիտութեան տեսակէտից, բայց ամէնեւին ոչ տնտեսական ազգակից միայն սերուած: Բէալիստական է ոչ այն տեսակէտով, որ նա արգիւնքն է լոկ տնտեսական ազգակներէ, ամենեւին, այլ այն տեսակէտով, որ ազգութեան ծագման մէջ չկայ ոչինչ անբացատրելի, «ի սկզբանէ անտի», գերբնական ու անվախճան: Ազգութիւնը մարդկային ցեղի գոյութեան ձեւն է, որ յարափոփոխ ու յարաշարժ է:

Մարքսիստներից նոյնիսկ նրանք, որոնք այնպէս խելացիօրէն են ըմբռնում պրոլետարական նացիոնալիզմը, յաճախ ազգութեան ծագումը եւ ազգային շարժումները բացատրում են տնտեսական գրգռապատճառներով կամ Մարքսիստական քէարիայով: Սակայն աստիճանաբար սկսում են ձեռնամուխ լինել եւ այդ «արմատներին», ցնցել ուսուցիչի կառուցած միաձոյլ շէնքը. փորձել նրա տեսական արժէքը: Այսպիսի փորձ անողներից մէկն է աւստրիական ս. դեմոկրատ եւ հրապարակախօս մտածող Էնդէլբերգ Պէրներստեօրֆէրը: «Socialistische Monathsefte» ամսագրում գետեզած իր մի լուրջ ուսումնասիրութեան մէջ, նա հետեւեալ բացատրութիւնն է տալիս.

«Ազգութիւնն իր զարգացման բարձրագոյն անով մի իտէալական բարիք է: Ազգութիւնն իր զարգացման բարձրագոյն շրջանում, նշանակում

է մարդկային *կուլտուրան* իր ինքնատիպ, չափազանց ինքնուրոյն եւ միայն մի անգամ հանդիպող անհատական արտայայտութիւնով: Նա նշանակում է մարդկութեան հարստացում նրա *կուլտուրական* զարգացման արտայայտութեան մի առանձնայատուկ ձեւով:

*Սոցիալիստներ*ի նպատակն է՝ տալ *սրբութարիատ*ին հնարաւորութիւն օգտուելու այդ *կուլտուրայի* բարիքներից: Մենք ոգեւորուած ենք ցանկութիւնով աշխատելու ոչ միայն նրա համար որ մարդիկ մարդավարի ապրեն, սնունդ առնեն, հագնուեն, եւ այլն, այլ այն նպատակով, որ բանուորներն օգտուեն հազարաւոր տարիներով կուտակուած *կուլտուրայով*, ու նրանք դառնան մարդ այդ բառի լուսագոյն մտքով, որ նրանք իրենք ընդունակ լինեն շարժել եւ ստեղծել *կուլտուրա*: Սակայն ամէն մի *կուլտուրա* ազգային սեփականութիւն է: Նա իր բովանդակութիւնը ձեռք է բերում ժողովրդի առանձնայատկութիւններից եւ իր զարգացման բարձրագոյն ձեւերում եւ պէտք է ասել՝ նա մանաւանդ դրանցում, — կրում է անպայման ազգային բնույթ... Այսպիսով *սոցիալիզմ*ն ու ազգային գաղափարն ամենեւին հակադիր չեն, այլ ընդհակառակը՝ իրար փոխադարձաբար լրացնում են: Ազգային գաղափարը իտեղդելու ամէն մի փորձ, յաջողելու դէպքում, կը բերէ իր ետեւից մարդկային ցեղին ոգեկան հարստութեան նուագում... *Սոցիալիզմ*ը ձգտում

է կազմակերպել մարդկուրիւնը եւ ոչ նրան բա-
ժանել *ստումների* :

Ամբողջ մարդկութեան *օրդանիզմի* մէջ բջիջ-
ների դերը կատարում են ոչ թէ անհատներն այլ
ազգերը : Որպէսզի *օրդանիզմ*ն առողջ լինի , պէտք
է առողջ լինեն վանդակիկները կամ բջիջները» :

*Ուսուցիչի մատերիալիզմը միանգամայն մի
կողմ թողնելով , նա հետեւեալ բացատրութիւնն
է տալիս .*

«Ազգութիւնները չեն կարող բացատրուել
այնպէս , ինչպէս , օրինակ , մեր կեանքի *սոցիա-
լիստական* կազմը — տնտեսական պատճառներով .
նրանք մարդկութեան արտայայտութեան ձեւերն
են , որոնց հիմքերը մենք պիտի որոնենք որոշ
ցեղական խառնուրդներում . աշխարհագրական եւ
կլիմայական պայմաններում եւ համապատմական
հանգամանքներում» :

*Այս բացատրութիւնը տնտեսական մատերիա-
լիզմի տուած պարզամիտ բացատրութիւնը չէ :
Նա ի նկատի է ունեցել ցեղերի խառնուածքները ,
կամ կուտակուած ժառանգական յատկութիւննե-
րը , որ կազմում են ազգութեան զարգացման ներ-
աշխարհային (սուրբկտիվ) տարրը . ե՛լ կլիման
ե՛լ աշխարհազրութիւնը , ե՛լ պատմական բազմա-
զան ու բազմապիսի հանգամանքները :*

*Բերուած վկայութիւններն արդէն բաւական
են ապացուցանելու , որ «աշակերտները» դուրս
են եկել ուսուցիչներին դժած միակողմանի թէո-*

րիայից եւ ընկել են ճշմարիտ զիտական ուղին : Այլեւս աւելորդ է առաջ բերել Վանդէրվէլզի, Օտտօ Բաուէրի, Դաշինկսկու, Ազլէրի, Խտալահան սոցիալիստներին, Փօրէսի եւ ուրիշներու կարծիքները, որոնք կամ մօտենում են Կառուցկու կամ Պերներստեօրֆերի տեսակէտին :

Անցնենք այժմ կուսակցութիւնների եւ կազմակերպութիւնների տեսակէտներին :

Կուսակցութիւնների եւ կազմակերպութիւնների մէջ ամենից առաջ մեր աչքին պիտի ընկնէր այն հակասութիւնը, որ գոյութիւն ունէր Կ. Մարքսի եւ ինտերնացիոնալի տեսակէտների միջեւ : Դեռ եւս 1868 թուին կուսակցութեան կենտրոնական օրդան Vorbote ամսագիրը գրում էր .

«Միջագային բանուորական շարժումն ամէն տեղ ունի իբր իր նախապայման՝ ազգային ազատ եւ ամբողջական զարգացումը» : — «Մինչեւ անգամ ամենամանրիկ ազգութեան համար պէտք է ապահովել ընդ միշտ նրա ազատ եւ ինքնուրոյն գոյութիւնը» :

Մարքսի եւ այս տեսակէտների մէջ հակադրութիւնն ակներեւ է : Մարքսը համարում է մանր ազգութիւնները մեռնելու դատապարտուած երեւոյթներ, իսկ նոր ինտերնացիոնալը պարտականութիւն է դնում նոյն իսկ ամենամանր ազգերի համար ընդ միշտ ապահովել ազատ եւ ինքնուրոյն զարգացում : Ինչո՞ւ : Որովհետեւ ինտերնացիոնալը համոզուած է, որ ոչ մի բանուորական կամ

դասակարգային շարժում չէ կարող տեղի ունենալ առողջ կերպով, առանց ազգի ազատ եւ ամբողջական զարգացման: Ինտերնացիոնալը, ինչպէս եւ յետոյ կաուցիկին, ազգի բազմակողմանի զարգացումն ու ինքնուրոյնութիւնը դնում են իրր նախապայման առողջ ու խկական դասակարգային կռուի:

Եւ ինչպէս, ի՞նչ դասակարգային կռիւ կարող է տեղի ունենալ այնտեղ, ուր, օրինակ, բռնակալութիւնը հալածում է մի տիրուած ազգի լեզուն, դպրոցը, թատրոնը, մամուլը եւ գրականութիւնը... Այդ բոլոր հիմնարկութիւնները յատուկ չեն այս կամ այն դասակարգին. նրանք սեփական են բոլոր դասակարգերին այս կամ այն չափով: Ազգի գրկում գոյութիւն ունեցող բոլոր դասակարգերն էլ շահագրգռուած են նրանց պաշտպանութեան խնդրով: Բայց բռնութիւնը կայ եւ բոլոր դասակարգերն էլ, ունենալով հանդերձ տնտեսական հակադիր շահեր, բռնութեան գոյութեան ամբողջ ընթացքում բողոքում, ապստամբում եւ արին են թափում իրենց բռնարարուած ազգային իրաւունքների պաշտպանութեան համար: Օ՛ր, ոչ մի աւագան մարդկանց այնպէս չէ միաւորում, այնպէս չէ մտերմացնում իրար հետ, որքան տանջանքի ու արեան աւազանը: Հարցրէք միասին բանտերում տառապողներին. հարցրէք կռուի դաշտում կողք կողքի կռուած ընկերներին, եւ նրանք ձեզ

կ'ասեն, որ նոյն իսկ երկու իրար բոլորովին հա-
կառակ տիպարներ հոգեկից եղբայր են դառնում
միատեղ քաչած տառապանքների, տանջանքակ-
ցութեան պատճառով :

Աղբութեան բոլոր դասակարգերը, յաճախ
բոլոր խելահաս ու գէնքի ընդունակ անհատները
միանում, ընդհանուր թշնամուն գիմազրում են
մէկ, երկու տարի, թերեւ տասնեակ տարիներ :
Ու այնուհետեւ եկ ու այդ աղբի բանուորութիւ-
նից պահանջիր, որ զգայ իր դասակարգային ու-
րոյն գոյութիւնը, զգայ, ու իր եւ իր հետ երէկ
միասին արիւն թափող, գոնէ միատեղ կռուող ու
բողոքող բուրժուայի շահերն զէմ են, իրար հա-
կադիր : Նա այդ երբեք չէ կարող զիտակցել,
մինչեւ որ չվերջանայ բոլոր դասակարգերի միա-
համուռ կռիւն ընդդէմ օտար լծի, այսինքն՝ մին-
չեւ որ նախապայմանը չիրականանայ, — ազգա-
յին հարցը վերջնականապէս չլուծուի, ազգը
չստանայ ինքնուրոյն զարգացման ազատ իրա-
ւունք :

Դրանով պիտի բացատրել լեհական պրոլե-
տարիատի կազմակերպութեան համեմատական
թուլութիւնը եւ նրա անդամների ոչ միայն խիստ
ազգային, այլեւ թթու շովինիստական ոգի ու-
նենալը : Դրանով պիտի բացատրել, որ Կովկա-
սում, մանաւանդ հայերի մէջ, երկա՛ր ժամանակ
դասակարգային, զուտ սոցիալիստական կռիւր
դանդաղում է, թէեւ ի հարկէ կայ նաեւ իսկական

պրոլետարիատի, գործարանական բանուորու-
թեան չափազանց աննշան ու թոյլ գոյութիւնը :
Վերջապէս գրանով պէտք է բացատրել, որ թիւր-
քիայում, զոնէ իրապէս գոյութիւն ունեցած ար-
հեստուորական ու զիւղացիական բանուորու-
թեան չափով, գոյութիւն չունեցաւ մինչեւ օրս
բանուորական կազմակերպութիւն կամ որեւէ
դասակարգային գործունէութիւն : Նախ պէտք է
հաստատել իրաւապետութիւն, վերացնել ազգա-
յին հալածանքը տիրողներէ կողմից ուղղուած դէ-
պի տիրուածները, վերացնել ջարդերի հաւանա-
կանութիւնը և այնուհետև միայն որեւէ հնար ու-
նենալ կազմակերպուելու իբր զուտ դասակարգա-
յին կռիւ, համաձայն երկրում գոյութիւն ունե-
ցող տնտեսական ու դասակարգային զարգացման
աստիճանի :

«Բանուորական հարցը, հենց այն պատճա-
ռով, որ գտնուում է ամբողջ աշխարհի տնտեսա-
կան յարաբերութիւնների հետ սերտ կապակցու-
թեան մէջ, չէ կարող լինել տեղական կամ ազգա-
յին հարց, այլ պիտի լինի միջազգային» : — «Ու-
րովհետեւ նոյնիսկ ամենահզօր մի պետութիւն չէ
կարող իր սեփական միջոցներով վերաստեղծել
սոցիալական յարաբերութիւնները, դնել նրանց
իբր հիմք բանուորական ոյժը, փոխանակ դրամի
իշխանութեան • այդ պատճառով էլ չէ կարող լի-
նել ազգային սոցիալիզմ, այլ կայ միայն միջազ-
գային սոցիալիզմ, որի հիմնական սկզբունքն, ի

հարկէ, պարունակում է իր մէջ ազգերի եղբայրութիւն եւ խաղաղութիւն» : (*)

Ինտերնացիոնալի դերմանական շեղումով խօսող ժողովրդներէ կենտրոնական այդ օրգանն իր երկրորդ համարում հետեւեալն է աւելացնում այդ «ազգերի եղբայրութեան ու խաղաղութեան» վրայ .

«Ամէն մի ազգ պէտք է իր տանը մաքրէ իր օջախը, այսինքն ամէնից առաջ վնաս իր ազգային խնդիրը, որը կայանում է ներսում քաղաքական ազատութիւնից եւ ազգային ինքնուրոյնութիւնից դրսում» : (**)

Բայց ինչո՞վ ապահովել ազգերի համերաշխ եղբայրութիւնը : Միայն ու միայն վերջնականապէս լուծելով ազգային խնդիրը հետեւեալ ոգով .

«Որպէսզի ամբողջութեան (մարդկութեան) շարժումը չդանդաղի եւ կանգ չառնէ, այլ ընդհակառակը գտնուի գրգռիչ եւ ուժեղացնող մրրցակցութեան ազդեցութեան տակ, անհրաժեշտ է որ այդ ամբողջութեան ամէն մի անդամը (առանձին ժողովուրդը) լի լինի եռանդով և առողջութիւնով : Եւ որովհետեւ այդ անդամը լուրջ մարմնաւոր էակ չէ, այլ եւ ոգեկան-բարոյական այդ պատնառով նա հնար պիտի ունենայ պաշտպանելու իր պատիւը եւ արժանապատուութիւնը, իր

(*) Der Vorbote, 1866/7. N 1, Genf.

(**) Նոյն — 1866 թ. N2, էրես 170.

նշանակութիւնն ու ազդեցութիւնը»(N2) : «Ժողովրդների գաղնակցութիւնն է հաւասար իրաւատէր անդամների միութիւնը, մի *Ֆեդերացիա* հաւասարապէս ազատ խմբակցութիւնների : Ոչ մի ազգ չպիտի ունենայ ուրիշ ոչ մի առանձնաշնորհ, բացի նրանից, որ նա ձեռք բերած կը լինի իր գիտութեան եւ գործունէութեան, իր մտաւոր եւ նիւթական աշխատանքի շնորհով համաշխարհային *կուլտուրայի* ստեղծագործութեան ասպարէզում» : (*)

Նոյն յօդուածի շարունակութեան մէջ ասուած է. «Ամէն մի ազգութիւն, ինչպէս օրգանական բազադրիչ մաս մարդկութեան մեծ ընտանիքի, իր բնաւորութեան, իր ընդունակութիւնների եւ իր երկրի բնական արտադրութիւնների համեմատ, պարտաւոր է իր համապատասխան բաժինը ներմուծել ընդհանուր *կուլտուրայի* մէջ» : Եւ «Բանուորների Միջազգային Միութեան» նպատակն էլ հենց նրանումն է կայանում, որ «*լինի միջնորդ* ժողովրդների ոգեկան, բարոյական եւ մարմնաւոր կարիքների եւ նրանց ներգաղնակութեան մէջ դնէ» : (**)

(*) Նոյն տեղ 1688 «Zur Erklärung unserer Aufgabe» *յօդուածում.*

(**) Թէ այս եւ թէ միւս բոլոր *ցիտատները* Vorboteից առաջ են բերել Զումբարդը, Ժիսլովսկին, Պասմանիկը, Պոսսէն եւ ուրիշները :

Հետաքրքրական է, որ Ինտերնացիոնալի դեկլարանները լրացես ըմբռնում էին, որ կոսմոպոլիտիզմն արդենք է լիբերալ – բուրժուազիայի, որն «իր կոսմոպոլիտական դիպլոմը ձեռք է բերում համաշխարհային շուկայում» (1866թ.–N2), իսկ շովինիստական նացիոնալիզմը նրանք համարում էին մեռնող դասակարգերի — հողեւորականութեան և ագնուական ընկերութեան ծնունդ:

1871 թուին նոյն Vorbote գրում էր. «Մենք կ'օգնենք միմիայն այն ազգային սգտումներին, որոնց նպատակն է բոլորի լիակատար ազատութիւնը, ինֆնորյնութիւնը և իրաւահաւասարութիւնը, որպէսզի հնարաւոր լինի ամէն մի ժողովրդի մտցնել, իբր մարդկութեան իրաւահաւասար օրգանական անդամ, ընդհանուր ազատ Ֆեդերացիայի մէջ»:

Մեզ, յատկապէս հայերիս համար մի շատ հերթական ու կարեւոր հարցի է պատասխանում ինտերնացիոնալի գերմաներէն խօսող ժողովրդների կենտրոնական կոմիտէն իր մի ղեկուցարում որ ներկայացրել էր 1869 թուին Այգենախում կայացած ս. դեմոկրատիական համագումարին և որը տպուած է Vorbote-ի նոյն թուի N.7-ում: Այդ ղեկուցարում կենտրոնական կոմիտէն շօշափում է այն հարցը, թէ արդեօք իր իրաւասութիւնները սահմանափակուած են մի պետութեան սահմաններով, թէ ոչ. և վճռում է. «Որեւէ ազգութեան կենտրոնական վարչութեան

գործունեութեան շրջանը չէ սահմանափակում որեւէ պետութեան շրջանով, այլ եւ տարածում է միւս պետութիւնների վրայ, համաձայն տըրւած լեզուի գործածութեան» : Բանուորական գերմանական ընդհանուր միութիւնը Նիւ-Եորկում եւ Սան-Փրանցիսկոյի բաժանմունքն, ասում է Ժիւրօյսկին, ենթարկում էին ժընեւի կենտրոնական կոմիտէին :

Այդ հարցը մեզ, հայերիս համար յատկապէս կարեւոր է, որովհետեւ կարծես ընկնում են, պատմութեան բաժին դառնում ասիական բռնապետութիւնները թէ Պարսկաստանում եւ թէ Թիւրքիայում : Սկսուած սահմանադրական շարժումները, որքան էլ ըհակախոնը զլուխ բարձրացրնէ, չեն կարող այլեւս խեղդուել : Նրանք, դանազան ելեւէջներով, առաջ կը գնան եւ մօտ ապագայում իրաւակարգն այնքան կը հաստատուի այդ երկրներում, որ մամուլի եւ ժողովների գէթ մասնակի, որոշ չափի ազատութիւն գոյութիւն կ'ունենայ : Իհարկէ մենք ամենեւին այն լրագրական կարծիքին չենք, որ Թիւրքիան համիդական ըեժիմից իսկոյն կ'անցնի կանոնաւոր պարլամենտարիզմի ու իրաւապետութեան : Երբեք : Հասարակական հարցերն այդպէս միակողմանիօրէն չեն զարգանում : Նրանց զարգացման մէջ անպայման գոյութիւն ունի խիստ ու համաչափ ներդաշնակութիւն : Անհնար է ենթադրել Թիւրքիայում կանոնաւոր իրաւապետութիւն տնտեսական, կուլ-

տուրական այգիքան ստոր վիճակում: Անհնար է
երեւակայել զուտ Եւրոպական վարչութիւն՝ ա-
ռանց երկաթուղիների ցանցի, առանց տնտեսա-
կան որոշ բարդաւաճման, առանց քիւրտերի,
չերքեզների եւ այլ վաչկատուն ցեղերի նստակե-
ցութեան եւն եւն: Երբ այժմ կարգում եմ կոմ-
կասեան ու պոլսական թերթերի սրտարուխ ճըլ-
ւըլոցներն ու լաւատեսական զոռանցանքները,
թուում է թէ դրանք ցնորքներ են, վայրկեանական
բուռն ոգեւորութեան արդիւնք: (գրուած է 1908
թուի աշնանը): Սակայն կրկնում ենք. ինչ որ էլ
լինի, այլեւս Համիտական կարմիր օրերն անհը-
նարին են. որոշ նուագագոյն չափի իրաւունքներ
կը մնան, եւ մեզ, Կովկասահայերիս համար, իրր
աւելի շատ պատրաստի մտաւոր տարրեր ունեցող
հայ-ազգային հատուածի համար, բացւում է բա-
ւական ազատ հնարաւորութիւն սկսելու հապէս
նոր տեսակի դասակարգային զործունէութիւն
թիւրքահայաստանում, մինչեւ այժմ եղածը, չը-
նայելով ամէն տեսակ քաջընթ բացատրութիւն-
ներին, համարելով զուտ ազատագրական նախ-
նական աշխատանք: Պետութիւնների սահմանները
չպէտք է արգիլեն միեւնոյն ազգութեան զանա-
զան բաժիններին ունենալու միանման ազգային
եւ դասակարգային աշխատանքներ եւ զործելու
միահամուռ ուժով, ինչպէս գրել է Ինտերնացիո-
նալը դեռ վաթսուոնական թուերին:

Վերագառնանք մեր խնդրին:

Ինտերնացիոնալի այդ առողջ ազգայնութեան և միջազգայնութեան ոգին անցաւ ժամանակակից շատ գործողների ու դրողների: Հերցէն, Լաւրով, Միխայելովսկի ուսսական գործիչները բոլորն էլ, դեռ չհաշուելով Բակունինն ու Կրապոտկինը տողորուած էին այդ համողումներով: Եւ Ռուսական ազատամարտի այդ ռահվիրաներն իրենց տեսակէտները ներշնչեցին ուսսական սկզբնական կազմակերպութիւններին — «Չէորնիյ պերեկել», «Բանուորների հիւսիսային միութիւն», «Ժողովըրդական կամք» եւայլն: Այդ զեղեցիկ աւանդութիւնները եւ փիլիսոփայական խոր վարդապետութեան անմիջական ժառանգը հանդիսացաւ ներկայումս Ռուսիայում գործող «Սոց. Յեղափոխական» կուսակցութիւնը, որի ծրագրում գտնում ենք հետեւեալ պահանջը.

Հնար եղածին չափ շատ գործադրութիւն Փեղերատիւ յարաբերութիւնների առանձին ազգութիւնների միջեւ. նաեւ չեյ նրանց անպայման իրաւունքն ինքնորոշման»:

Իհարկէ այդ «հնար եղածի չափ շատ»ը մի քիչ կասկածելի արտայայտութիւն է: Ո՞վ է որոշելու այդ «հնարաւորութեան չափը» կամ «հնարաւորութիւնը»: Կուսակցութեան ղեկավարն^o ըր, տիրող ազգութեան անդամն^o ըր, թէ բոլոր ազգերի ներկայացուցիչները հաւասար ճայնի իրաւունքով, իբր ազգային միութիւններ, բոլորն էլ ի-

բար հաւատար, չնայելով թուի եւ իրաւունքների
իրական չափին:

Այնպիսի բարդ եւ հետեւանքներով բազմա-
զան խնդիրներ, ինչպէս ազգային հարցն է կամ
ազգութիւնների փոխադարձ յարաբերութիւնների
փափուկ խնդիրն է, չպէտք է ծրագրում խառնուի
«հնար եղածին չափ», «որքան կարելի է շատ»
«եթէ հնարաւոր է» եւ այլ այսպիսի անորոշ ու
կասկածելի բառերով ու ոճերով: Ռուսական
«Մեծ եւ միակ սոցիալիստական սոց. դեմոկրա-
տական բանուորական կուսակցութիւն»ն էլ, իր
քէոքեքութիւնների բերանով յաճախ ասել է, որ «եթէ
գիտակից բանուարութիւնը կ'ուզէ ինքնավարու-
թիւն, կը տրուի ինքնավարութիւն, եթէ նա կ'ու-
զէ նոյն իսկ բաժանուել Ռուսիայից, կարող է բա-
ժանուել», միայն թէ դա լինի պահանջը գիտակից
բանուորութեան»: Իսկ թէ ո՞վ է տալու բանուոր-
ներին այդ «գիտակցութեան» վկայականը...
Ի՞նչ կասկած, որ նոյն կուսակցութեան շեփերը-
Պլեխանովները, Լենինները եւ ուրիշները, որոնք
մանր ազգութիւնների պրոլետարիատին երբեք
չեն տայ այդպիսի «հասունութեան վկայական»,
որովհետեւ «պրոլետարիատի մարտնչող բանակի
ուժը կը ջլատուի» . եթէ «ինքնավարութեան ու
ֆեդերացիայի ու այլ այդպիսի բարձրական ըմ-
բռնումների» խնդիրներ մէջ բերուին: Չէ՞ որ
մեծ ուսուցիչը (Մարքսը) դուշակել է մանր ազ-
գերի չքայումը, նրանց ձուլումը մեծերի մէջ.

նրա մանրիկ աշակերտներն այժմ եւեթ դործա-
դրել են ջանում այդ սկզբունքը կեանքի մէջ, նոյն
խակ իրենց կազմակերպութեան գրկում :

Իրենց այդ ծրագրի ազգային – միջազգային
առողջ պահանջը սոցիալիստ– յեղափոխականներն
արդարացնում կամ հիմնաւորում են այսպէս .

«Մարդուն մենք ջանում ենք ազատել պատ-
մականօրէն դասաւորուած բոլոր նեղ սահմանա-
փակումներից : Մենք ձգտում ենք ամէն մարդա-
վայել բան դարձնել մատչելի բոլոր մարդկանց ,
ոչնչացնել բոլոր միջնորմները . . . Բայց կոյր
չենք : Մենք գիտենք , որ դէպի այդ *խղճալը* լոկ
մի ֆանապարհ կայ . աշխատել պատմականօրէն
տրուած ազգային օրգանիզմների շրջանում , օգ-
տուելով *կուլտուրական* զարգացման հզօր գեւ-
եմը—մայրենի լեզուով , յարմարուելով տրուած
դրութեանը , ազգութեան զարգացման մակերե-
րեւոյթին , յենուելով նրա լուսագոյն կողմե-
րի եւ գծերի վրայ , կենտրոնացնելով իր մարտը
վատ կողմերի եւ գծերի դէմ : Այդ պատճառով
ազգային վերածնութիւնը , ազգային ոգու բարձ-
րացումն բոլորովին թշնամական երեւոյթ չէ մեզ
(*սոց . յեղ .*) համար , այլ ընդհակառակը , չափա-
զանց նպաստաւոր հանգամանք է» : (*)

*Ազգային խնդրի այդ բարեյաջող լուծումը եւ
սոցիալիզմի ու ինտերնացիոնալիզմի իրար լրա-*

(*) H. B. N 10 :

ցընող երեւոյթներ լինելը գրդել են Ռուսիայում
գործող մի շարք կուսակցութիւնների ընդունել
նոյնատեսակ ծրագրային պահանջ: Այդպիսի կու-
սակցութիւններից են Լեհական Սոցիալիստական
կուսակցութիւնը (P. P. S.) Լատիշական սոցիա-
լիստների, Ռւսիայի նոյնների, Հայերի եւ վրացի-
ների մէջ գործող սոցիալիստական կուսակցու-
թիւնները: (*)

Այդ բոլոր կուսակցութիւնների համար ազ-
գային կուլտուրան ծառայում է իբր լաւագոյն
գործիք սոցիալիզմին արագ հասնելու, իսկ ազ-
գութիւնների փոխադարձ յարաբերութիւնների
հարցի լուծումը ծառայում է լսկ միջոց՝ արա-
դացնելու եւ դտելու դասակարգային մարտը:

Ազգային հարցի վերաբերմամբ որոշ միջակ
դիրք է բռնում Ռուսաստանում գործող մի այլ
կուսակցութիւն, հրէական «Բունդ»ը, ուղղափառ
մարքսիստական այդ կազմակերպութիւնը, որ
յանդգնել է ազգային ինդրում շեղուել ուսուցչի
տեսակէտից: Բունդի քէտրէտիքներից մէկը —
Մէդէմ, հրատարակել է մի բրոշիւր, որը ծառա-
յում է հիմնաւորելու Բունդի ծրագրի մի կէտը —
ազգային խնդիրը, որով միայն եւեթ Բունդը ջոկ-
ւում է ուսական ս. դեմոկրատիայից:

(*) Ով հետաքրքրում է այդ խնդրով, բող դիմէ մեր
«Ռւսի ֆեդ.» գրքի «Աստոնովիա եւ ֆեդերացիա» գլուխ-
նիքին:

Պ. Մէդէմը որոշում է ազգն այսպէս. «ընդհանուր գումարն այն անհատների, որոնք պատկանում են տրուած պատմա—կուլտուրական խմբին»: Իսկ ազգային խնդիրն, ասում է հեղինակը, կարելի կը լինէր լիապէս լուծել տերրիտորիալ կամ շրջանային ինքնավարութիւններով, եթէ որ ամէն մի վայր կամ տերրիտորիա լիապէս համապատասխանէր ազգի տարածման շրջանին: Բայց որովհետեւ այդ համապատասխանութիւնը չկայ, այդ պատճառով էլ «Բունդ»ն ընդունել է ազգա—կուլտուրական ինքնավարութեան սկզբունքը: Իսկ ի՞նչ է դա:

«Ազգակուլտուրական ինքնավարութիւնը ոչ այլ ինչ է, եթէ ոչ ազգային ինքնավարութիւն (Ստորագծումները հեղինակինն են:): Այդ դէպքում ազգն ինքնավար է միայն այն հարցերում, որոնց մէջ երեւան է զայլիս ազգային կեանքն, ինչպէս այդպիսին, այսինքն՝ կուլտուրական հարցերում: Դրանով է սահմանափակում նրա էրաւասութիւնը: Միւս բոլոր գործերի եւ Ֆունկցիաների համար «ազգային միութիւնը», կարծես բոլորովին գոյութիւնից դադարում է»: (*)

Իսկ ի՞նչ է կուլտուրա: Մի՞թէ միայն զըսորոցը, եկեղեցին, թատրոնն ու թանգարանը: Ո՛չ, կուլտուրայի անբաժան մասն է եւ օրէնսդրութիւնը:

(*) Մէդէմ — «Ազգային հարցը եւ սոց. դեմոկրատիա», Երես 54

նը, ե՛ւ դատարանը, ե՛ւ ոստիկանութիւնը, ե՛ւ տուրքերը, եւ այլն եւ այլն: Բունդի պահանջը լոկ մտաւոր զարգացման վերաբերող հարցերն է շոշափում, իսկ իրաւական, գինուորական եւ այլ բազմաթիւ հարցեր մնում են բաց. այն ինչ դրանք պակաս կուլտուրական խնդիրներն են: Եթէ այդ դպրոցական եւ այլ մտաւոր զարգացման հարցերը լուծուին, դեռ եւս դասակարգային կռուի ուղին բացարձակ հարթուած չի լինի, քանի դեռ կը մնան միւս կուլտուրական-օրէնսդրական, դատական, ինքնավարական եւ այլ խնդիրները բուրժուական նացիոնալիզմի կամ իմպերիալիզմի ճանկերում: Դասակարգային կռուի միանգամայն առաջ զարգացման համար անհրաժեշտ է թողնել այդ բոլոր խնդիրներն ազդ-երկրային ինքնավար միութիւնների լիակատար լուծմանը, այդ ինքնավար միութիւններին կապել իրար դաշնակցային կապերով, որ այլեւս ոչ մի ազգային խնդիր չծագի, եւ ազգութեան բոլոր բնական առաւելութիւնները դործադրել յօգուտ դասակարգային կռուի, յօգուտ սոցիալիստական կարգերի արագ իրականացման, յօգուտ մարդկութեան բարօրութեան:

Ազգային հարցի այդպիսի լուծում պահանջող եւ Ռուսաստանում գործող բոլոր սոցիալիստական կուսակցութիւնների դիմաց կանգնած է Ռ. Ս. Գ. Բ. կուսակցութիւնը, որը երբե՛ք չի ուզում իր ծրագրի «ազգերի ինքնորոշում» ոչինչ չարտա-

յայտող կէտը մշակել եւ տեղը որեւէ խելքը դըլ-
խին, ըմբռնելի ու պարզ պահանջ դնել: Կարծես
նա վախենում է ուսուցչի թողած ժառանգութիւ-
նից մի մազաչափ հեռանալ: Նրա ծրագիրը մնա-
ցել է գերմանական ս. դեմոկրատիայի հնաւանդ
ծրագիրը: Սակայն ինչ որ սազում է Գերմանի-
ային, չէ սազում Ռուսիային: Այնտեղ գերմա-
նական միապագաղ ազգաբնակչութիւնը եւ այ-
լազդները միանգամայն չնչին թիւն ամենեւին չեն
ստիպել տեղական գործիչներին մշակելու իրենց
ծրագրում ազգային հարցը: Իսկ Ռուսիայում Վե-
լիկորոս ժողովրդի գլխաց կանգնած են Բէլօրոս-
ները, Մալօրոսները, Լեհերը, Փինները, Լատիշ-
ները, Հրէաները, Հայերը, Վրացիները, Թա-
թարները, Թիւրքերը, — մի խօսքով՝ — 112 ազ-
գութիւններ, որոնց թիւը բուն ուս ժողովրդից,
նոյն իսկ միատեղ հաշուած Վելիկորոսն ու Բէլօ-
րոսը, — համարեա՛ւ ոչնչով յետ չի մնում: Այս-
տեղ անպայման անհրաժեշտ էր ուսուցիչները կը-
տակած հնարանք ծրագիրը ենթարկել հիմնական
վերամշակման բոլոր կէտերում, նամանաւանդ
ազգային դժուարին խնդրին վերաբերող կէտերը:
Վաղուց դա պէտք է հրամայական պահանջ եղած
եւ բաւարարուած լինէր, մանաւանդ որ ինքնա-
կալական բեժիմը յաճախ ազգերի այդ բազմազա-
նութիւնից օգտուել եւ իրար դէմ հանել նրանց,
որպէսզի իր տիրապետութիւնն անխախտ մնայ:
Եւ դեռ այսօր նոյն այդ «բաժանիր որ տիրես»-ի

Հռոմէական սկզբունքը զանազան մութ ուժեր մեծ
յաջողութիւնով դործ են դնում ռուսական հակա-
յական պետութեան մէջ: Իսկ Ռուսաստանի Սոց-
դեմոկրատիան, գլուխը քարշ, առանց այդ ամէնը
նկատելու, ինքնաբաւական սրտով, առաջ է քշում
իր հնացած տակտիքն ու ծրագիրը:

Այն ինչ աշխարհն առաջ է դնում, եւ այն էլ
հակայական քայլերով: Բացի այն, որ վերեւում
մեր առաջ բերած բազմաթիւ սոցիալիստ ու
մարքսիստ գիտնականներն իրենց տեսակէտները
վերամշակեցին ազգային խնդրի վերաբերմամբ,—
բացի այդ՝ ասում ենք, աստրիական սոցիալ-
դեմոկրատիան, իբր մի մեծ ու բազմաժողովուրդ
երկրում դործող մարքսիստական կուսակցութիւն,
ստիպուած եղաւ վերամշակել իր ծրագրի ազգա-
յին մասը եւ ընդունել 1897 թուին Բրուննի հա-
մագումարում մշակուած ծրագիրը:

Որովհետեւ այդ ընդունուած վճիռը շատ մեծ
նշանակութիւն ունի, իբր մարքսիստական հին
ծրագիրներից բեկման, զատման կէտ, այդ պատ-
ճառով մենք լիապէս առաջ ենք բերում, չնայե-
լով նրա երկարութեանը: (*)

«Աչքի առաջ ունենալով, որ ազգային կռիւ-

(*) Բրուննի համագումարի ազգային խնդրին վերա-
բերեալ բոլոր վիճարանութիւններն ու այս վիճակները հայե-
րէն տպագրուած են: (Տես «Յառաջի» գրադարանը):

ներ Աւստրիայում իսանգարում են քաղաքական յառաջդիմութեանը եւ գոսացնում ժողովրդների *կուլտուրական* զարգացումը, որ այդ կոիւնտրը, նախ եւ առաջ ծնունդ են մեր հասարակական կազմի անկատարութեան, վերջապէս մանաւանդ, աչքի առաջ ունենալով, որ ազգային կռուի շարունակելը հանդիսանում է իբր՝ լուսագոյն միջոց, որի օգնութեամբ հրամայող դասակարգերն ապահովում են իրենց տիրապետութիւնը եւ իսանգարում են իսկական ժողովրդական շահերի արտայայտման,

Համագումարը յայտարարում է․

որ ազգային հարցի եւ լեզուների հարցի վերջնական լուծումն Աւստրիայում, իրաւահաւասարութեան եւ բարեմտութեան ոգով, նախ եւ առաջ *կուլտուրական* մի անհրաժեշտութիւն է, այդ պատճառով էլ նա հանդիսանում է *պրոլետարիատի* ամենամանհրաժեշտ կարիքներից մէկը :

Այդպիսի լուծումը հնարաւոր է միայն իսկական *դեմոկրատիական* հասարակութեան մէջ, որը կառուցուած կը լինի ընդհանուր, ուղղակի եւ հասար ընտրական սկզբունքի վրայ, մի հասարակութեան, որի մէջ ոչնչացած կը լինեն բոլոր *ֆեոդալական* արտօնութիւնները կամ *պրիվիլեյիաները*՝ թէ համակայսերական եւ թէ առանձին երկիրների, որովհետեւ միայն այդպիսի հասարակարգերում բանուոր դասակարգը, որ հանդիսանում է հասարակութեան եւ պետութեան իսկական

յենարանը, կարող կը լինի արտայայտել եւ իրագործել իր պահանջները :

Աւստրիայի ժողովրդների ազգային առանձնայատկութիւնների պահպանումը եւ զարգացումը հնարաւոր է միայն լիակատար իրաւահաստատութեան եւ հալածանքի լիակատար բացակայութեան դէպքում : Այդ պատճառով՝ ամէնից առաջ պէտք է վերացուի պետական *բիւրօկրատիա* կան կենտրոնացման *սխաւածք*, ինչպէս առանձին երկրների աւատատիրական արտօնութիւնները :

Այդ եւ միմիայն այդ պայմաններով Աւստրիայում կարող կը լինի հաստատուիլ ազգային կարգ ու կանոն, ազգային կռիւների փոխարէն, յատկապէս հետեւեալ հիմքերի վրայ :

1) Աւստրիան պէտք է վերափոխուի եւ դարձրուի ազգութիւնների *զեմոկրատիա* կան միութիւն կամ դաշնակցութիւն ներկայացնող մի պետութիւն :

2) Փոխանակ քազի պատմական երկրների, պէտք է կազմուեն ազգօրէն սահմանադրուած ինքնավար վարչական միութիւններ, որոնցից ամէն մէկում օրէնսդրութիւնը եւ վարչութիւնը գտնուեն ազգային *պարլամենտի* ձեռքում, որն ընտրուած լինի ընդհանուր, ուղղակի եւ հաւասար խուէով :

3) Միեւնոյն ազգութեան ինքնավար շրջանները կազմում են միասին մի ազգային դաշնակցութիւն, որն իր ազգային գործերը վնասում է լիապէս ինքնավար կերպով :

4) Ազգային փոփրամասնութիւնների իրաւունքներն ապահովում են համապետական *սարլամենտի* հրատարակած յատուկ օրէնքով :

5) Մենք ամենեւին չենք ընդունում ազգային արտօնութիւններ, այդ պատճառով մերժում ենք պետական լեզուի պահանջը. որքան որ անհրաժեշտ է յարաբերութիւնների համար մի ընդհանուր լեզու, այդ կ'որոշէ համապետական *սարլամենտը* :

Համագումարն իբր միջազգային *սոցիալ-դեմոկրատիայի օրգան* Աւստրիայում, համոզուած է, որ այդ սկզբունքների հիման վրայ հնարաւոր կը լինի ազգերի համաձայնութիւնը :

Համագումարը հանդիսաւորապէս յայտնում է .

Ժողովրդները կարող են հասնել իրենց *կուլտուրայի* յառաջդիմութեանը միայն միահամուռ եւ սերտ համերաշխութեան շնորհով, ոչ թէ իրար հետ մանր մունր կռիւներ մղելով .

որ մանաւանդ բոլոր ազգութիւնների բանուորները պէտք է թէ առանձին ազգերի եւ թէ ամբողջ պետութեան շահերի տեսակէտից, պինդ պահպանեն միջազգային ռազմական միութիւնը եւ միահամուռ ջանքերով մղեն իրենց քաղաքական եւ արհեստակցական կռիւր» :

Բրուննի Համադումարի այս որոշումը կայացաւ Միացեալ Գործադիր Կոմիտէի ներկայացրած մի նախագծի հիման վրայ : Կոմիտէի կող-

մից իբր զեկուցանող հանդիսացաւ Ձեւիդերը : Նա իր ներկայացրած նախագիծը հիմնաւորեց մի երկար ճառով, որի մէջ, ի միջի այլոց, ուրուագրուեց, թէ ինչպէս 1848 թուերին մշակուեց սոց. դեմոկրատիայի եթէ ոչ ապագային, զոնէ խիստ անտարբեր տեսակէտը զէսլի ազգային խնդիրները . թէ ինչպէս շատ սոց. դեմոկրատներ զէմ էին ազգային հարցին, համարելով զա բուրժուազիայի ծնունդ եւ թէ ինչպէս, նոյն իսկ ամէնից աւելի լաւ տրամադրուածները կողմնակից էին թողնելու ազգային խնդիրը իրերի բնական ընթացքին :

«Սակայն մենք գիտեմք, ասում է Ձեւիդերը, որ հակառակ բոլոր ուտոպիաների, մեզ վիճակւած է միասին ապրել Աւստրիայում եւ ամենեւին աւելորդ չէ մեզ համար մի ելք գտնել ներկայ վիճակից նրա համար, որ մի կողմից հեռացնենք Աւստրիայի տնտեսական լիակատար անկումը եւ հնարաւոր դարձնենք ժողովրդների խաղաղ կենակցութիւնը, որն անհրաժեշտ է բարձրացնելու համար բանուոր դասակարգի տնտեսական եւ քաղաքական դրութիւնը : Յատկապէս պրոլետարիատի շահերն են կողմում այն զբոսապատճառը, որն ստիպում է մեզ ձեռնարկել ազգային խնդրի լուծմանը, եւ Աւստրիական ս. դեմոկրատիայի կողմից յանցանք կը լինէր, եթէ նա չզբաղուէր այդ հարցով այն բռնութեամբ, երբ նա արդէն լիապէս հասունացել է» :

Եւ այնուհետեւ Ձեռիդերն սկսում է բացառել իրենց առաջարկած նախադիժը, ցոյց տալ, որ ազգային հարցը լուծել կարելի է լոկ իսկական դեմոկրատիական ճանապարհով. տալով ամէն ազդի ինքնուրոյն զարգացման իրաւունք:

«Ազգային հարցը պէտք է դիտուի ոչ իբր իշխանութեան հարց, այլ իբր կուլտուրայի խընդիր»:

«Միացեալ մասնաժողովի բանաձեւը պահանջում է խնամք տանել ազգային առանձնայատկութիւնների զարգացման վրայ ամէն ազգի համար: Այդ բառերով մենք հասկանում ենք ամէն մի ազգի կուլտուրական առանձնայատկութիւնների զարգացումը: Բայց ազգային կուլտուրական զարգացման մէջ մենք շահագրգռուած ենք գոնէ ոչ պակաս, քան բուրժուազիան. մենք շահագրգռուած ենք գրականութիւնը, գեղարուեստը, դպրոցները, բանաստեղծութիւնը եւ գիտութիւնը խրախուսելու մէջ:

Գերմանական բանուորը շահագրգռուած է գլխաւորապէս գերմանական գրականութիւնով, որի ստեղծագործութիւնները նա աւելի լաւ է հասկանում եւ աւելի սերտօրէն է զգում, քան միւս ժողովրդների գրական արտադրութիւնները: Եթէ ամէն մի ազգ առանձնապէս կ'ունենայ ապահով իրաւունք զարգացնելու իր ազգային առանձնայատկութիւնները, դրանից կ'օգտուեն բոլոր ազգերը միասին: Այդ պահանջը մեր շահն է,

ինչպէս եւ գուտ նիւթական պահանջները : Լիա-
կատար *դեմոկրատիացում* մեմֆ ըմբռնում եմֆ ոչ
այն մտքով, որ ամէն մի ազգային ինֆնավար
շրջան կ'ունենայ իր սեփական օրէնսդրական օր-
գանը մանրիկ ձեւով, այլ միայն այն մտքով, որ
Ազգն իրաւունք կը ստանայ ընտրելու իր պաշ-
տօնեաներին ու դատաւորներին» :

*Այս ընդհանուր ոգով Ձեւիդերը ցոյց է տա-
լիս փայլուն պաշտպանութիւն իր ներկայացրած
նախագծի : Նրանից յետոյ խօսում են Նեմեցը
(չեխ), Պրեհսուդերը (գերմ.), Դոքտոր Ազլերը,
Վրեննայի պատգամաւոր եւ «Arbeiter Zeitung»-ի
խմբագիրը, որ բոլորի ծափահարութիւնները
տակ, իր ճառում հետեւեալ բառերն է ասում .*

«Մեմֆ ցանկանում եմֆ մի կոյտ դարձած գը-
րաւուած գաւառները դարձնել ինֆնուրոյն օրգա-
նիզմներ» :

*Այնուհետեւ խօսում են Դաշինսկին, Գանկե-
վիչը, Կրեչտանը, Գերինինը, Պերներստեորֆերը,
Կրէյչին, Դոքտոր Էլլենբոգենը, Կեւլերը, Վի-
նեարսկին եւ ուրիշները, բոլորն էլ աւատրիական
միջազգային սոցիալ դեմոկրատիայի մէջ յայտնի
ուժեր, մասամբ տեսական, մասամբ գործնական
կողմից :*

*Աւատրիական սոցիալ դեմոկրատիայի այդ
վճիռը ծառայեց իբր օրինակ համաշխարհային
սոցիալ դեմոկրատիայի համար, եւ, ինչպէս ար-
դէն ասացինք, Շտուտգարտի համագումարում*

բոլոր ազգային խնդրի շուրջը պատող հարցերին ընդհանուր ուղղութիւն տուողը եղաւ Բեքելը, որի կարծիքը միանգամայն համապատասխանում է Բրուննի համազումարի մշակած ծրագրին :

Մրանից 4-5 տարի առաջ Իտալական սոցիալիստներն էլ միաձայն որոշեցին, որ իրենք ազգային խնդրի վերաբերմամբ նոյն տեսակէտն ունեն, ինչ որ Աւստրիական ս. դեմոկրատիան : Ֆրանսիական սոցիալիստներն այդ հարցի վերաբերմամբ ունեցել են շատ կծու եւ թունաւոր վիճարանութիւններ : Հերվէն միանգամայն ժխտում էր ազգի եւ հայրենիքի նշանակութիւնը սոցիալիստի համար, իսկ Ժօրէսն, իրեն յատուկ պերճախօսութիւնով, ջախջախեց նրան եւ ապացուցեց, որ բանուորի շահի տեսակէտից իսկ անհրաժեշտ են Այդն ու հայրենիքը : Նրա տեսակէտը մեզ ծանօթ է, մենք կանգ չենք առնի այլեւրս :

Սակայն պէտք է ասել, որ Իտալական, Գերմանական, Ֆրանսիական ու, մասամբ, Անգլիական սոցիալիստները համար ազգային հարցը լոկ տեսական նշանակութիւն ունի, այն էլ միայն պարզելու համար միլիտարիզմի եւ հակամիլիտարիզմի խնդիրը, պատերազմի դէպքում զինուորների բռնելիք զիրքի հարցը, եթէ ոչ դորժնականապէս այդ խնդիրը նրանց երկրներում դրուած չէ, այդ պատճառով էլ նրանք նրանով դրադուելու շատ էլ կարիք չունեն :

Գ Լ ՈՒ Ն Ե.

Ազգն իբր մարդկութեան արտայայտութեան
ձևերից մէկը:

Արտայայտութեան միւս ձևերը:

Անգիտակից եւ գիտակից խմբակցութիւններ:

Կառուցիւ նորագոյն արտայայտութիւնները:

Ազգութեան սկզբունքի ոյժը:

Կեղեքման դասակարգային ձևը:

Ազգովին կեղեքուիլը: Օրինակներ:

Նախընթաց գլուխներում մեր կատարած ուսումնասիրութիւնը մեզ հասցրեց այն եզրակացութեան, որ «մարդկութիւնը» մի վերացական հասկացողութիւն է, չկայ «մարդկութիւն» կոչւած մի օրգանական ամբողջութիւն, այլ կան մարդ-անհատներ: Սակայն երկրազնդի վրայ մարդ-արարածի ծնունդ առնելուց ի վեր մարդկանց ամբողջութիւնը կամ մարդկութիւնն ապրելու արտայայտուել է զանազան ձևերով:

Իր ծննդեան սկզբնական շրջանում եւեթ, մարդ կոչուած գաղանը, միւս բազմաթիւ գաղաների ուժեղ շարքերում՝ պիտի ներկայանար մի թոյլ եւ հալածուած էակ, որի համար անհնար էր լինելու ապրել անհատաբար, առանձնակի. նա

ստիպուած էր ապրել մանրիկ խմբերով, որովհետեւ, 1) նա թոյլ էր, պէտք ունէր պաշտպանուելու միւս, աւելի ուժեղ գազաններից. իսկ դա անհատաբար անհնար էր, 2) նա ստիպուած էր խմբակներով ապրել, որպէսզի ապրուստ ճարելը հնարաւոր լինէր. յատկապէս նրանց խմբակները պիտի մանր լինէին, որովհետեւ այն վայրեր (որսատեղերը), ուր նրանք պիտի ապրուստ ճարէին, չէին կարող սնունդ մատակարարել աւելի մեծ խմբերի. 3) վերջապէս նրանք պիտի մանրիկ խմբակներով ապրէին, որովհետեւ ընտանեկան կամ սեռական կապակցութիւնը նրանց միատեղում, արենակիցների մի փոքրիկ խումբ էր կազմում:

Այսպիսով մարդ արարածն իջել է դոյուրթանն ասպարէզ խմբական կամ հասարակական կեանքով եւ ոչ անհատաբար: Այդ է, որ Արիստոտէլին եւ ուրիշներին դրդել է ասելու, թէ «մարդը հասարակական կենդանի է»:

Ուրեմն՝ մարդկութեան արտայայտութեան առաջին ձեւը եղել է խմբակը, կամ ինչպէս Քրտանսիացի սոցիոլոգ Շարլ Լետուրնօն նրանց կոչում է, անիշխանական հորդան:

Սակայն այսպիսի մանրիկ, անիշխանական, թափառական խմբակներով չէ վերջանում սկզբնական մարդկութեան արտայայտութիւնը: Նրա դոյութեան կռիւն ստիպում է նման տարրերին համախմբուել, կենակցել, իրարից մօտ ապրել:

երկարամեայ , նոյնիսկ տասնեակ ու հազարաւոր
զարերի կենսացութիւնը ծնեցնում է որոշ ժա-
ռանգական յատկութիւններ , որոնք զառնում են
բնագոյներ : Առաջ է դալիս քիչ ու շատ մեծ խրմ-
բակների Փիղիքական ու ողեկան աշխարհների
նմանութիւն , սակայն առանց այդ նմանութեան
պարզ ու որոշ զիտացութեան : Ծնունդ են առ-
նում արենակից տոհմեր , տոհմերից առաջանում
են ցեղեր ու ցեղերի զիտակից դաշնացութիւն-
ներ ,— բարբարոս մարդկութեան քաղաքական
դարգացման ամենարարձր ձեւը , ինչպէս պնդում
է ամերիկացի զիտնական Լ . Մորզանը :

Աճում ու տարածւում է մարդ-արարածը
երկրի վրայ : Միեւնոյն արմատներից , միեւ-
նոյն մանրիկ խմբակներից սերուածները , որոնք
նոյն ծագումն ունեն , կամ երկար զարերի ըն-
թացքում ապրել են միեւնոյն բնական ու հասա-
րակական միջավայրում եւ ստացել են միատե-
սակ մարմնակազմ . միատեսակ արիւն , ինչպէս ա-
սում է Գորինօն , ստեղծում են միատեսակ րասս
(ցեղ) :

Այսպիսով հորդան , տոհմը , ցեղը , րասսան
հանդիտանում են մարդկութեան արտայայտու-
թեան ձեւերը : Նրանց բոլորի անդամներին իրար
կապողը բնագոյն է , անձնապաշտպանութեան ինս-
տիկտը մի կողմից եւ կուտակուած ժառանգակա-
նութեան կամ Փիղիքական ու բարոյական նմա-
նութեան տարրը միւս կողմից :

«Փամանակակից գիտութեան մէջ — ասում է Գ. Պլեխանովը, չկայ բասա եւ ազգ իմաստների նիշդ որոշում: Միապէս կարելի է ասել եւ լիտովցիների բասա, ե՛ւ լիտովցիների ազգ»:

Բայց բասայի (ցեղ) ողեկան, մտաւոր եւ բարոյական նմանութիւններից անհրաժեշտօրէն բխում են յաճախ միատեսակ ու միանման միջոցներ գոյութեան կռուի ասպարէզում: Բասայի ներսում մենք յաճախ, շատ յաճախ նկատում ենք տնտեսական եւ հասարակական երեւոյթների անպայման նմանութիւն: Եւ ասա այդ է, որ բտիպել է Յր. Էնգելսին ասելու. «Րասան ինքն էլ տնտեսական ազգակ է»:

Մարդկային կեանքին, սակայն երբեք չէ վիճակուած քարացած մի գրութիւն: Այդ կեանքը շարժուն է, արեկոծ, փոթորկոտ: Գոյութեան կրօնը ստիպել է մարդկային ցեղի բոլոր այդ արտայայտութեան ձեւերին իրար խառնուել, կազմել նոր խմբակցութիւններ, նոր տարրեր, նորանոր ձեւեր:

Սկզբնական արտայայտութեան ձեւերը — հորդա, տոհմ, ցեղ, բասա — բոլորն էլ, ասացինք, գոյութեան կռուի հրամայական պահանջից կազմուած երեւոյթներ են, որոնց յարատեւումը դարերի ընթացքում նրանց վեր է ածում կենսաբանական երեւոյթների: Այդ բոլորի մէջ աւելի շուտ բնագղն է դեր խաղում եւ ոչ սեփական գոյութեան գիտակցութիւնը:

Միեւնոյն րաւայի, կամ մի քանի րաւաների (ցեղ) մասնակի կամ ամբողջական կտորների խառնուրդներից առաջ են դալիս ազգերը, կրկին շնորհիւ պատմական երկարդարեայ միասնակեցութեան :

Ազգերի ծագման համար բացարձակ միեւնոյն է, թէ արդեօք մարդկութիւնը ծնունդ է առել երկրազնդի վրայ մի տեղ, մի արմատից (մոնոգենիստ) թէ մի քանի տեղ, մի քանի արմատից (պոլիգենիստ) : Եթէ ընդունենք պոլիգենիզմի ենթադրութիւնը, ազգերի ու ցեղերի ծագման բացատրութիւնը աւելի դիւրանում է : Կան բազմատեսակ, տարբեր նախնիքներից սերւած ցեղեր, որոնցից կազմուել են տարբեր ազգեր : Այդ ազգերը կարող են իրար խառնուել ծայրայեղ դժուարութիւնով, թերեւս նրանց իրար խառնուելն անհնար լինի, որովհետեւ նրանցում կայ կենսաբանական մի տարր. մի սկզբնական էլէմենտ, որն ի ծնէ է, անվերլուծելի : Բայց դուցէ եւ դա վերլուծելի է հանդամանքների դարեւոր կրծող ազդեցութեան տակ... Ինչ էլ որ լինի, պոլիգենիստական ծագում ընդունելով մարդու համար, մենք խիստ դիւրացրած կը լինենք ազգերի ծագումը, բայց չա՛տ աւելի դժուարացրած նրանց պատմական յարաչարժ, դիմամիջական բընոյթի բացատրութիւնը :

Սակայն որքան էլ պոլիգենիստ լինենք, մեզ կրկին կը մնայ միեւնոյն րաւայի, գլխաւորապէս

Հնդեւրոպական ցեղի ներսում առաջացած ազգերի բազմազանութիւնը բացատրելու դժուարութիւնը: Կը նշանակէ ազգութեան բացատրութեան վերաբերմամբ մարդկութեան մի արմատ եւ բազմարմատ ծագման հարցը համարեա՛ անտարբեր է:

Ենթադրենք, որ ամբողջ մարդկութիւնը սերւել է մի գոյգից, մի Ադամ-Եւայից: Աճել, բազմացել եւ լցրել է երկիրը, «որպէս աւազ առ ափն ծովու»: Այսպէս ենթադրելով անգամ, մենք չենք կարող ամենեւին երազել, որ այդ մարդկութիւնը կը մնայ միապաղաղ, միատեսակ մի զանգուած: Ինչպէս արդէն երկրորդ գլխում բացատրեցինք, աշխարհագրական, երկրաբանական ու կլիմայական պայմաններն անշուշտ կը մտցնեն զանազանակերպութիւն այդ միապաղաղ կամ հոմոժէն զանգուածի մէջ. անշուշտ կ'առաջանան նոյն մարդկութեան մէջ զանազան խմբեր, տարբեր մարմնակազմով եւ տարբեր ընաւորութիւնով: Սկզբնական վայրենի ու բարբարոս մարդկութիւնը, զուրկ կռւտուրական միջոցներից, զուրկ բնութեանը տիրելու բոլոր հնարներից, որոնց գումարը կոչւում է գիտութիւն, — աւելի արագ եւ անմիջական ազդեցութեան տակ էր տարբերային բնական ուժերի. նա աւելի արագ եւ աւելի դիւրութիւնով էր փոփոխւում, նոր բարդութիւններ եւ նոր, միւսներից, հներից ու դրացիներից տարբեր խմբակցութիւններ էր առաջ բերում:

Միակ դիմադիր տարրը նախնիքներից ստացած ժառանգութիւնն էր, որը չէր դիմանում բնութեան կրճող ազդեցութեանը եւ մաշուելով, ստեղծում էր մարդկանց արդէն իսկ մի տարրեր խումբ: Այժմ էլ ժառանգական տարրը կայ, բայց նրա հետ միատեղ կայ նաեւ կուլտուրան, կայ գիտութիւնը, որը մարդուն հանել է բնութեան տարերային ուժի անմիջական ազդեցութիւնից եւ դրել է որոշ կախման մէջ մարդու սեփական կամքից, միայն ոչ բոլորովին: Այդ է պատճառը, որ ներկայումս անգլիացին դեռ 4-5 սերունդ, աշխարհի երեսին որտեղ էլ որ ապրում է, մնում է անգլիացի, այն ինչ բարբարոս ու վայրենի ցեղերի անդամները մի քանի տարում մոռանում են իրենց անցեալը, սովորութիւնները եւ շատ դիւրութիւնով ձուլւում միւս գրացի տոհմերի ու ցեղերի մէջ:

Օտտո-Բաուէրն իր գրքի երրորդ գլուխը նուիրել է այդ խնդրին եւ վերնադրել «Naturgemeinschaft und Kulturgemeinschaft»-«բնական հասարակութիւն եւ կուլտուրական հասարակութիւն (եր. 19-23):

Երբ մենք աչքի առաջ ենք ունենում երկրագրնդի վրայ տիրող բնական բազմազանութիւնը եւ մտածում այդ բնութեան ամենազօր ազդեցութեան մասին իր գրկում ապրող բոլոր գործարանաւոր էակները վրայ, այն ժամանակ մեզ համար ծիծաղելի է դառնում ուղղափառ մարքսիզմի

նախկին ենթադրութիւնը, թէ ազգերը, տնտեսա-
կան, գործօնի ազդեցութեան տակ հալուում են ի-
րար մէջ, միաձուլուում եւ աստիճանաբար աւելի
կեղրոնանալով, կազմում են մեծ ու մեծ ազգեր.
Թէ այդ շարժումը գնում է դէպի ընդհանուր
կենդրոնացում, դէպի ազգերի միաձուլում — մի
ամբողջ մարդկութեան ստեղծում՝ իբր մի ազգ,
«մի հօտ եւ մի հովիւ»: Սրբեցէք երկրազնդի ե-
րեսից բազմազանութիւնը, եթէ կարող էք, ո-
չընչացրէք ժամանակն ու տարածութիւնը, եւ այն
ժամանակ ամբողջ մարդկութիւնը կը դառնայ մի
ճանճրալի, մի տաղակալի հոմոթեմ կամ միապա-
ղաղ ամբողջութիւն, աղքատ իր նոյնիսկ հան-
ճարեզ զարգացման մէջ: Այո՛, մարդկային աճող
կուլտուրան, գիտութիւնը, արագացող ու կատա-
րելագործուող հազորակցական միջոցները որոշ
չափով մարդուն ազատում են բնութեան բռնու-
թիւնից եւ դնում կախման մէջ մարդուց, բայց
այդ ազատութիւնը երբեք չէ կարող լինել բա-
ցարձակ, — նա լուի մասնակի է, յարաբերական:

Բարեբախտաբար ամենաուղղափառ մարք-
սիստը, գերմանական մարքսիզմի ներկայ քուրմը,
Կ. Կառլցկին թողնում է ուսուցիչների դոգմը եւ,
կամացուկ, անզգալիօրէն, ոչ Բերնշտայնի նման
սազերին գրգռող անդիպովմատ եղանակով, ներ-
մուծում է խոշոր, շա՛տ խոշոր սրբագրութիւն
Մարքս-էնգելսի տնտեսական, կամ, ասենք Պլե-
խանովի սիրած բառը, — դիալեկտիկական մա-

տերիալիզմի մէջ: Մարքսը եւ Էնգելսն ընդունում էին ներգործական տարրը միայն տնտեսական — արտադրական միջոցները, «վերջին հաշուով տեխնիկան» եւ բնութիւնը, իսկ Կառուցկին, իր վերջին աշխատութիւններից մէկում գրում է.

«Նայելով երկրի բնութեանը, նայելով նրա դրացիների հութեանը, գիւղացիական տնտեսութիւնը, միեւնոյն տեխնիկայով, կարող է դառնալ հիմք շատ տարբեր հասարակական ձեւերի: Հասարակական այդ տարբեր ձեւերը կազմում են այնուհետեւ, բնականների հետ միասին, յետագայ հիմքերը որոնք իրենց վրայ բուսած յետագայ զարգացմանը տալիս են ինքնատիպ ձեւ» (*):

Այսպէս ուրեմն՝ գիւղացիական տնտեսութիւնը, միեւնոյն արտադրական միջոցներով, կարող է ծառայել իբր հիմք զանազան տեսակ հասարակակազմերի, նայելով թէ ինչ բնական պայմաններում է գործում, եւ նայելով թէ ինչպիսի դրացիներով է շրջապատուած: Ուրեմն՝ բացի տեխնիկայից ու բնական միջավայրից, հասարակակազմի զարգացման վրայ ազդում են դրացիները — դրացի ցեղերը, դրացի ժողովուրդները, ազգերն ու պետութիւնները: Ուրեմն՝ ցեղերի կամ ազգերի փոխադարձ ազդեցութիւնը եւս ծառայում է իբր մարդկային հասարակութիւն-

(*) «Բարոյագիտութիւնը եւ պատմութեան մատերիալիստական բնութեամբ» գերմ. բնագիր. եր. 115:

Ներքև զարգացման վրայ ազդող մի գործօն, ինչպէս տեխնիկան, ինչպէս բնական միջավայրը: Իսկ ի՞նչ են այդ «Nachbarn»-ը այդ դրացիները, եթէ ոչ մարդկային ցեղեր ու ազգեր:

Եթէ դեռ այդտեղ ազգային տարրի ազդեցութիւնը պարզ չէ, ահա ձեզ նոյն աշխատութիւնից մի այլ, աւելի պարզ կտոր:

«Հասարակական նոր դրութիւնը կախուած չէ բարոյական իդէալի որպիսութիւնից, այլ տրուած նիւթական պայմաններից, տեխնիկայից, բնական միջավայրից, տրուած հասարակութեան կամ գոյութիւն ունեցող հասարակութեան դրացիների յատկութիւնից»:(*)

Ուրեմն՝ բացի դրացիներէ ազդեցութիւնից, բաց-աշխարհայ կայ նաեւ նոյն «Հասարակութեան նախնիքների յատկութիւնը», այսինքն նոյն Հասարակութեան ստացած ժառանգական որակը — ազգութիւնը, որովհետեւ ազգութիւնը, ինչպէս մենք արդէն տեսել ենք, կուտակուած ժառանգութիւնն է մարդկային որոշ խմբի մէջ, պատմա-կենսաբանական դանդուածի էութիւնը:

Պատմութեան մատերիալիստական հասկացողութեան մէջ մտած այդ պատուածքն է, հիմնական այդ ուղղումն է, որ ազգային խնդրի վրայ խիստ ուղղափառ ակնոցներով քսան տարի

(*) Նոյն, էր. 139.— «Գրացիների որպիսութիւնից եւ տրուած հասարակութեան նախնիքների յատկութիւնից»:

առաջ նայող Կ. Կաուցկուն ստիպեց հիմնականապէս փոխել իր տեսակէտները եւ ընդունել ազգութիւնն իբր ոչ բուրժուական, այլ կենսաբանական եւ պատմական մի երեւոյթ, նոյնիսկ նախապայման, անհրաժեշտ պայման առողջ դասակարգային զարգացման ու դասակարգային կռուի:

Վերեւում ասացինք, որ պատմութիւնը զուտ մատերիալիստօրէն ըմբռնող մարքսիստների համար ազգութիւնը ծնունդ է ժԴ-ԺՁ դարերի կամ բուրժուազիայի: Այդ տեսակէտը յարատեւում է այժմ էլ, միայն թէ ազդ բառի վրայ կայցնում են «ժամանակակից» ածականը: Դա միայն մի ձեւական հասկացողութիւն է, որի մէջ էական մի թիւրիմացութիւն է թաղնուած: Ազգութիւնը առաջ է եկել մարդկային քաղաքականութեան ըսկզբնական աստիճաններում, երբ կազմակերպւել են քիչ ու շատ յարասեւ պետութիւններ, որոնք խիստ նպաստել են մանր-մունր տոհմերին ու ցեղերին միաձուլուելու, միախառնուելու եւ կազմելու սկզբնական ազգային միութիւններ:

«...Պետական իշխանութեան ընդհանրութիւնն,— ասում է Ելլինեկը, ամենահզօր կերպով օգնել է ազգերի կազմութեանը» (*):

Ու այդ ազգերի կազմութիւնը միայն այն ժամանակ արժանի է «ազգ» անուան, երբ, բացի արտաքին, օրեկտիվ պայմանից, կրում է իր մէջ

(*) «Փամսնակակից պետութեան իրաւունքը» — եր. 74

նաեւ ներքին կամ սուրեկտիվ տարր—մի օրդա-
նական ամբողջութիւն, մի կենսարանական ու
պատմական հանրութիւն կազմելու զիտակցու-
թիւններ: Իսկ լուի արտաքին, կամ օրեկտիվ միու-
թիւններ, շատ վաղուց, նոյն իսկ վայրենի ու
բարբարոս մարդկութեան մէջ եղել են: Գիտակ-
ցութիւնը, այո՛, եկել է ուշ, աւելի բարձր կուլ-
տուրայի հետ միասին, ոչ կապիտալիզմի շրջա-
նում, ինչպէս պնդում են մարքսիստները, այլ
քաղաքականութեան սանդուխքի սկզբնական աս-
տիճաններում:

«Օրեկտիվ, ծաղման ընդհանրութեան վրայ
հիմնուած մարդկային գանազան խմբերի միու-
թիւններ, բասային կամ ցեղային միութիւններ,
արդէն երեւան են գալիս պատմութեան արշա-
լույսին, եւ նոյնիսկ շա՛տ աւելի վաղ: Ազգութեան
սուրեկտիվ (ներքին) միութիւն, ընդհակառակը,
իր ընդթով արդիւնք է աւելի բարձր կուլտուրա-
յի եւ թէեւ սաղմային դրութեան մէջ շա՛տ հնուց
ի վեր եղել է, բայց իր ամբողջ ուժով երեւան
է եկել նորագոյն ժամանակներում»: (*)

Գիտնականի այս թափանցող եւ բազմակող-
մանի ու անկաշառ վերաբերումը պակասում է
առհասարակ դոգմատիքներին բոլոր հարցերում,
մասնաւորապէս ազգային խնդրում:

(*) -Ելլիմեկ,— Նոյն-եր. 75

Ազգութիւնն, այո՛, սաղմային վիճակում
կար չին Արեւելքում. «Ազգ Հայոց», «Ազգ պար-
սից, Պարթեւաց» եւայլն, կային, բայց, ինչ ա-
սել կ'ուզէ որ այդ ազգութեան զիտակցութիւնը
տարրացած, տարածուած չէր ժողովրդական լայն
խաւերում: Ստրկատիրական հասարակակազմի
մէջ միայն տիրողները, վարիչները, ստրկատէ-
րերն ունէին իրենց սեփական ազգութեան զի-
տակցութիւնը, իսկ ստրուկների հսկայական հօ-
տը, իսկ պլեբէյական թշուառ զանդուածները չէ-
ին կարող ունենալ այդ զիտակցութիւնը. նրանք
հօտեր էին, որոնց անզիտակից ամբողջութիւնը
ենթակայ էր հովիւների զիտակից վարչութեա-
նը:

Միջին դարերում ճորտութիւնը նոյն անզի-
տակից վիճակումն էր ազգութեան վերաբերմամբ
եւ լոկ հոգեւորականութիւնն ու ազնուականու-
թիւնն էր, որ պիտի ունենար այդ զիտակցու-
թիւնը, սակայն նրանք էլ, իրենց դասակարգային
ու դասային շահերից դրդուած, թագաւորող տը-
ների բաժանումներն աւելի սրտերին մօտ էին ըն-
դունում, քան ազգայինը, որի դոյութիւնը թողել
էին իրերի բնական ընթացքին:

ԺԱ. եւ ԺԲ դարերից ծնունդ է առել մի դա-
սակարգ՝ բուրգերում, միջնադարեան այդ պա-
րբասպապատ մեծ զիւղերում, որ յետոյ դառնում
են քաղաքներ, — դրանցում ապրող բնակիչները,
որ ապագայում կոչուելու են բիւրգէրներ կամ

բուրժուաներ, — ահա դրանք, զանգաղօրէն,
աստիճանաբար, սկսում են զիտակցութեան դալ
հոգեւորականութեան եւ ազնուականութեան մի
մասի հետ միասին: Այդ երրորդ դասակարգի
զարգացման հետ միասին առաջանում են «ազգա-
յին պետութիւններ», «ազգային ազնուականու-
թիւն եւ բիւրօկրատիա», իսկ Լիւթերի սկսած
բէֆորմացիան ծնունդ է տալիս արեւմտեան հո-
գեւորականութեան ու եկեղեցու ազգայնացման:

Ահա այդ երեւոյթների շնորհով՝ ազգութիւ-
նը, որ առաջ լուր տիրող դասակարգերի սեփակա-
նութիւնն էր, աստիճանաբար սկսում է աւելի եւ
աւելի լայն հասարակական խաւերի բաժին դառ-
նալ: Ուրիշ խօսքով՝ որքան հասարակութիւնը
դեմոկրատիանում էր, այնքան ազգութիւնը
զարթնում, աւելի մեծ թիւով անհատների բա-
ժին էր դառնում:

Գալիս է Ֆրանսիական մեծ յեղափոխութիւ-
նը: Բուրժուազիին հրատարակում է իր սկզբունք-
ները. «Ազատութիւն, Եղբայրութիւն եւ Հաւա-
սարութիւն»: Դեմոկրատիզմը լայն չափերով ըս-
կսում է դործադրուել: Մարդիկ իրար հաւասար
են յայտարարում թէ օրէնքի առջեւ, թէ ըստ
ծագման: Հնադարեան ստրկութեան եւ միջնա-
դարեան ճորտութեան տիրապետական դռեհիկ
ձեւերը պաշտօնապէս ջնջւում են եւ սկսւում է
չահագործման ամենանուրբ ձեւը, վարձու աշխա-
տանքը, որը կարող էր միայն «իրաւապէս հա-

ւասար» անհատները մէջ տեղը ունենալ: ԺԹ դարի կէսերին վրայ են հասնում հանրաքուէն, պարտադիր ուսումը, երկաթուղիներն ու շոգենաւներն իրենց հսկայական արագ հաղորդակցութիւնով: Հասարակութեան բոլոր խաւերն ըսկսում են մասնակցել պետական ու հասարակական բոլոր երեւոյթներին: Ժողովրդական զանգուածները դիտակցութեան են գալիս: Ու այդ դիտակցութիւնը վերարտադրում է բոլոր ազգութիւններին, առանց բացառութեան: Նա թարմացնում, իսկական ազգային պետութիւն է դարձնում խոշոր ազգերի գոյութիւն ունեցող պետութիւնները, ինքնադիտակցութիւն զարթնեցնելով տիրող ազգի մէջ:

Նա վերարտադրում է բաժան բաժան, լծի տակ հեծող խոշոր ազգերին, նրանց պետութեան վերածում: Նա զարթեցնում է բոլոր մանրիկ ժողովրդներին, որոնք խարխափում էին անդիտակից գոյութեան խորշերում եւ որոնք, հաւանօրէն, գատապարտուած էին կլանուելու:

ԺԹ դարը մանր ու խոշոր ազգութիւնների վերածնութեան դարն է, որովհետեւ այդ դարում դեմոկրատիզմն իրականացաւ, զանգուածները ժողովրդական լայն խաւերն առաջին անգամ եկան սեփական գոյութեան եւ իրաւունքների դիտակցութեան:

«Ազգային ինքնադիտակցութիւնն անխզելիօրէն միաձուլուած է աշխատաւոր զանգուածների

դասակարգային դիտակցութեան հետ», ասում է
աւստրիացի սոցիոլոգ Գուստավ Կլոպֆերը: (*)

Նապոլէոնի ժամանակ Յլանդրիայի ազնուա-
կանութիւնը բոլորովին Փրանսիացել էր, այն ինչ
գիւղացիութիւնն ու բանուորութիւնը մնացել էին
գերմանական ոգով ու խօսում էին նրանց մի դա-
ւառարարաւով: Պրուսական լեհաստանում ազ-
նուականութիւնն ու հոգեւորականութիւնը պրու-
սացել, բիսմարկեան կրծող բեթիմից այլասեր-
ուել, անբարոյականացել էր. նոյնիսկ նրա ար-
մատական ազնուականներն, ինչպէս Պոսադովըս-
կիները ու Պոտրելսկիները, ջանք էին գործ դնում
երեւալու դատրին պրուսացիներ. նրանք հասան
նոյնիսկ պրուսական նախարարի ատիճանին,
նախարարական աթոռի տիրացան: Բայց հաղոր-
դակցութեան արագութիւնը, դպրոցները, գրա-
կանութիւնը, աշխատաւորական կազմակերպու-
թիւնները կամաց-կամաց ժիժ դարի կէսերում
բաց արին աշխատաւորութեան աչքը. մի կողմից
նրան տուին դասակարգային ինքնագիտակցու-
թիւն, իսկ միւս կողմից՝ վերարտադրեցին նրանց
մէջ քնած ազգային զգացումը:

«Երբ Բիսմարկն ինքն իրեն խաբում էր, ա-
սում է մի լեհական բանուորական լրագիր, որ
ինքն ճգմել էր լեհական կուլտուրան. երբ նա ա-

(*) Գուստավ Կլոպֆեր — «Ազգայնութիւնը եւ միջազգայնու-
թիւր ժիժ դարում» — Երես 39

սում էր, որ «լեհ ժողովուրդը գոհ է պրուսական կառավարութիւնից», — նա աչքաքող էր անում *աշխատաւոր դասակարգերը*: Բիւմարգի եւ իր նմանների համար ամբողջ Լեհաստանը մարմնացած էր ազնուականութեան մէջ: Եւ երբ պրուսական *սխտեմ*ին յաջողութեց անբարոյականացնել եւ քուլացնել ազնուականութիւնն ու հոգեւորականութիւնը՝ պաշտօններ ու տիտղոսներ բաժանելու նանապարհով, բոլոր համագերմանական հայրենասէրներն ասում էին, որ «Պրուսիան գերմանացըրել է լեհերին»: Սակայն մինչ այդ, նոր ոյժը կարողացաւ անել. ոտի կանգնեց Լեհաստանի աշխատաւոր զանգուածը, որ երկար դարեր ստրկութեան մէջ էր դեգերում: Նրա համար ազգային քիւնն ամէն տեսակ ազգային ստրկացման՝ չէ կարլի կոտրել ոսկու կոյտերով: Այդ պատճառով բանուոր ժողովուրդը գերմանացնելու ձգտումը զգացմունքը դատարկ *Ֆրագ* չէ, նրա դիմադրուպիտի ծնեցնէ երկարատեւ եւ ծանր կռիւ»: (*)

Նոյն երեսոյթը նկատուում է բուսիներէ մէջ, որոնց ազնուականութիւնը ԺԶ, ԺԷ եւ ԺԸ դարերում մասամբ անցել էր լեհերի, մասամբ ուսաների կողմը, իսկ ժողովուրդը, — զիւղացին ու բանուորութիւնը մնացել էին բուսին: Նոյնը նկատուում է եւ սլովէներէ մէջ, որոնց զիւղացիները մշտական ապստամբութեան մէջ են եղել իրենց

(*) Գումպլովիչ — Գոյն, երես 40

զերմանացած ազնուականների դէմ Ը դարից ըսկսած մինչեւ ԺԹ դարը: Աւելորդ է ասել, որ Իրլանդիայում էլ կրկնուել է նոյն պատմութիւնը: Եւ մըթէ մասամբ նոյնը չէր մեղանում ու վրացիների մէջ. նրանց ազնուականութիւնը եւ մեր խոչոր բուրժուազին չէի՞ն, որ ամենից առաջ սկսեցին «մայրենի գոեհիկ լեզուն» թողնել, ուսերէն խօսել, ուսական «bon ton» ընդունել, նոյնիսկ ազգանուններն ու անունները սուսացնել, եւ աշխատաւոր զանդուածն ու նրա իդէոլոգները չէի՞ն, որ եկան այդ թեթեւամիտ հոսանքի առաջն առնելու...

Այո՛, ԺԹ դարի կէսերում ազգային դեմոկրատիական շարժումը, որ անհրաժեշտ նախապայման է ամէն տեսակ դասակարգային-սոցիալիստական շարժման, — աստիճանաբար զօրացաւ ու հասաւ գործնական իրականացման դեռ այն ժամանակ, երբ դիտնականները չէին կարողացել մինչեւ իսկ, ինչպէս հարկն է, բնորոշել նրան:

«Նախ քան նրան որոշելը, — գրում էր հրահալուոր հերոս Կոշուտ Լայոսի որդին — Անդրէ Կօշուտը, — նոր սկզբունքը (ագգային), դեռ երէկ միայն ծնուած, արդէն ցնցում է արար-աշխարհը: Նոր գողման այնպէս պինդ տիրել է գիտակցութիւնները, որ անպայման անհրաժեշտ է հաշուի առնել նրան: Նա շարժում է քաղաւորներին եւ ժողովրդներին, եւ հաւանօրէն՝ նրանցից

շատերը, որ վանում են նրան, նախագգում են, որ աշխարհը նրան է պատկանում»: (*)

Եւ այսպէս՝ — դեմոկրատիզմի ու դասակարգային գիտակցութեան հետ միասին զարթնում ու վերստեղծում է ազգային գիտակցութիւնը: Դեռ այդ քիչ է. մենք կ'ստենք, որ ամէն մի դասակարգային շարժում ազգային է: Պրոլետարիատը՝ հանրապէս՝ գոյութիւն չունի. նա մի սոցիալոգիական վերացական գաղափար է, մի արքատրագսիոն: Իրապէս, կեանքի մէջ գոյութիւն ունի Փրանսիական պրոլետարիատ, գերմանական, ռուսական, հայկական եւ այլն: Եւ ամէն ազգութեան պրոլետարիատ իւրատեսակ է բմբռնում իր դասակարգային շարժումը, իր շահերը, իր ճշգտումները, նոյն իսկ իր սոցիալիզմը: Ուրիշ կերպ լինել էլ չէր կարող. այդ ազգութիւնների թէ ներքին եւ թէ արտաքին պայմանները (օրեկտիվ եւ սուրեկտիվ) իրարից զգալիօրէն տարբեր են, ուրեմն եւ նրանցում թաւալուող դասակարգային բոլոր շարժումները պիտի լինեն տարբեր իրարից այն չափով, ինչ չափով որ պայմանների ընդհանուր գումարն է տարբեր: Նոյն իսկ սոցիալիզմի վարդապետութիւնը զանազան ազգութիւնների գրկում ենթարկւում է տարբեր բացատրութիւնների եւ տարբեր մեկնաբանութիւններ:

(*) André Cochute. - «Des Nationalités», - «Revue Des Deux Mondes», 1866 ք, էր. 690

րի : Թէ սոցիալիստական շարժման արագութիւնը (տեւպը) եւ թէ տափտիքական տարբերութիւններ զանազան ազգութիւնների պրոլետարիական կազմակերպութիւններում աչքի են ընկնում արեւել լոյսի նման :

Պրոֆեսոր Զոմբարտը (*) շատ յաջող նըկատում է , որ սոցիալիզմի բնոյթը տարբեր է զանազան ազգերի մէջ : Մինչեւ անգամ դասակարգային եւ տնտեսական ամենաակններեւ ու պարզ շահեր չեն կարողանում ոչնչացնել իրենց ազգային բնոյթը . նրանք , լինելով զուտ դասակարգային ու տնտեսական շահեր , ամէն մի ազգի գրկում արտայայտում են յատուկ ազգային ձեւով :

Նոյն խոստովանութիւնը մենք գտնում ենք նաեւ չեխ պրոֆեսոր Մասարիկի մօտ : (**) Ռուս անարշիստները—Բակունին , Կրոպոտկին եւայլն , յաճախ բաժանում են սոցիալիստական շարժումը երկու տեսակի — բոմանական եւ գերմանական . մէկը կատաղի յեղափոխական բնոյթով ու արագութիւնով , իսկ միւսն աւելի սառը եւ Էւօլիւսիոնիստական (բարեշրջական) գոյնով : Կրոպոտկինի կարծիքով , սլաւոնական ազգերի պրոլետար-

(*) «Հասարակական շարժումը ժԹ դարում» գրքի «Ազգային առանձնատկութիւններ» գլուխը :

(**) Տես Մասարիկի «Մարքսիզմի փիլիսոփայական եւ ընկերավարական հիմնումը» գրքի երես 395-396 .

իստի համակրութիւնն աւելի Ֆրանսիական ազգային սոցիալիզմի կողմն է, որովհետեւ նա աւելի յեղափոխական է :

Եթէ ուշադրութեամբ քննենք զանազան ազգութիւնների սոցիալիստական շարժումները, մեր աչքին կ'ընկնի հետեւեալ երեւոյթը. որքան մի ազգի մէջ պրոլետարիատն ու նրա ղեկավարներն անզարգացած են, որքան սոցիալիստական շարժումը նոր է, այնքան աւելի ստրկօրէն են փոխ առնուած կուսակցութիւնների ծրագիրները, նոյնքան աւելի կապկօրէն են ընդօրինակուած դասակարգային կռուի նշանաբանները, մեթոդները, տախտիքը եւայլն : Իսկ որքան պրոլետարիատն ու նրա իդէոլոգներն աւելի զարգացած, աւելի փորձուած ու ինքնուրոյն են, այնքան աւելի դասակարգային շարժումը դառնում է ինքնատիպ, ընդունում տեղական կամ ազգային բնոյթ եւ դասակարգային կուսակցութիւնը վեր է ածուած ազգային դասակարգային կուսակցութեան : — Ուրեմն՝ որքան որ գիտակցութիւնը, կրթութիւնը, գիտութիւնն աճում ու տարածւում են ժողովրդի աւելի եւ աւելի լայն խաւերի մէջ, այնքան աւելի բողբոջում, փթթում է ազգութիւնը, այնքան աւելի նա նոր ոյժ է ստանում :

«Այն չափով, ինչ չափով որ կը վերանայ մարդու կեդեֆումը մի ուրիշ մարդու ձեռքով, — ասուած է Մանիֆէստում, — կը վերանայ եւ մի ազգի կեդեֆումը միւս ազգին : Երբ կ'ոչնչանայ

ազգի ներսում դասակարգերի հակասութիւնը, այն ժամանակ կ'ոչնչանայ եւ ազգերի միջեւ եղած քշնամութիւնը» :

Ինչ կտակած, որ «ազգերի միջեւ եղած քշնամութիւնը» «կը վերանայ, երբ կը վերանայ դասակարգի հակասութիւնն ազգի ներսում», այսինքն՝ երբ կը վերանան դասակարգերը, երբ կը կազմակերպուի մի ազադատակարգային հասարակութիւն, երբ կ'իրականանայ սոցիալիզմը — բոլոր մարդիկ կ'աշխատեն եւ բոլորն էլ կը վայելեն իրենց աշխատանքի պտուղը: Այո՛, այդ ժամանակ կը վերանան դասակարգերը եւ ազգերի միջեւ եղած թշնամութիւնը, բայց չեն վերանայ ազգերը: Նրանք կը լինեն, միայն թէ նրանց միջեւ թշնամութիւն ու ներհակութիւն այլեւս գոյութիւն չի ունենայ:

Աւելորդ չենք համարում այստեղ առաջ բերել Ժ. Ժօրէսի զեղեցիկ մտքերն այդ առիթով, արտասանուած Հերվէի ազադգային զաղափարների դէմ — մի մեծ միախնգում: Հոետորը նախ ենթադրում է, որ կոմունիզմն իրականացել է, տարածուել ամբողջ մարդկութեան վրայ եւ ամէն տեղ սրբել, ոչնչացրել է ցեղերի ու դասակարգերի հակամարտութիւնները, «վերջապէս, ենթադրում է հոետորը, — երկրագնդի օրերի պայծառութեան եւ գիշերների մթնութեան մէջ շուտ գալուց ի վեր առաջին անգամ լինելով՝ գոյութիւն ունեն ոչ եւս իրար ջախջախող մարդկութեան բե-

կորներ, այլ միայն մի մարդկութիւն՝ գիտակից, կազմակերպուած, եղբայրական, ինքն իր տէրը եւ բնութեան տէրը դառնալ ձգտող»։ *Ու հարց է տալիս ժօրէսը*։

«Մարդկային այս իրականացած իդէալի մէջ, այս հաստատուած ու կազմակերպուած մարդկային ամբողջութեան մէջ մի՞թէ հայրենիքները պիտի անհետանան։ Օ՛, այո՛, հայրենիքները անհետանում են իբր անվստահութեան, տարամերժութեան, փոխադարձ ճնշման ոյժ, բայց յարատեւում են երկու կերպ. նախ՝ ինչպէս ինքնատիպ հաննաբների կուտակում. — վաղուան *կոմունիստ* մարդկութիւնը գարմանալի ազգատ կը լինէր, եթէ նա լինէր միօրինակ։ Բայց նա այդպէս չի լինի. նա կը ժառանգէ ազգային հաննաբների բազմազանութիւնը, ի հարկէ, ներդաշնակելով նրանց։ Ինչպէս որ անհատներն իրենց ինքնատիպ յատկութիւններով եւ իրենց այլազանութիւնով չը պիտի լուծուեն *սոցիալիստական* հասարակարգում, այլ ընդհակառակը, այն ժամանակ էլ պիտի ձգտեն ամրապնդելու իրենց բնութիւնների ինքնատիպութիւնը — միայն իրար հետ աւելի ներդաշնակելով, նոյնպէս եւ այն պատմական անհատականութիւնները, որոնք կոչուում են հայրենիք. Անգլիական հայրենիք, Գերմանական, Ֆրանսիական, Իտալական, Ռուսական հայրենիքներ, վաղն էլ Չինական հայրենիք, երբ դեղին մարդկութիւնն ազատուի սպի-

տակների բռնակալ խնամակալութիւնից... (բու-
ռըն ծափահարութիւններ). բոլոր այս հայրենի-
ները, պատմութեան կերտած իրենց բարոյական
անհատականութիւններով, իրենց լեզուով, գրա-
կանութիւնով, կեանքն ըմբռնելու իրենց յա-
տուկ եղանակով, իրենց աւանդութիւններով,
յոյսերի յատուկ ձեւով, իրենց կրֆերի, ոգու,
հաննարի առանձնայատուկ դարձուածներով, —
բոլոր այս անհատականութիւնները պիտի կազմեն
կոմունիստական մեծ մարդկութիւնը, որը չպէտք
է լինի միօրինակ, մի անապատ, որի մէջ մարդ-
կային միլիոնաւոր հիւլէները, չորացած, անբեր-
րի, բախտի բերմունքով տարութերուէին հող-
մերի ուղղութեան համեմատ. բնդհակառակը՝ —
նա պիտի լինի մի մեծ միութիւն, *երկրագնդի նը-
ման խորտուբորտ*, բայց նրա նման լուսաւոր տա-
րածութիւնով շրջապատուած, ուր պիտի նառա-
գայքէ եղբայրական մարդկութեան մի եւ ան-
բաժան գաղափարը»:

*Այո՛, չեն լինի հայրենիքներն իբր պետու-
թիւններ — իրենց սահմաններով, բերդերով,
սահմանապահ զնդերով ու թնդանօթներով, բայց
կը լինեն ազգերն իրենց բնակութեան իսկական
վայրերով, որոնք միակ գիտականօրէն ճանաչ-
ւելու հայրենիքներն են, — ազգերը, որոնք ճա-
կատազրական անհրաժեշտ հետեւանքներն են
երկրի վրայ տիրող սոցիալիզմի բնական բազ-
մազանութեան:*

Այն մտածողները, որոնք մարդկային պատմութիւնը համարում են միայն ու միայն դասակարգերի հակամարտութիւնից հիւսուած մի երեւոյթ, որոնք չեն նշմարում ազգերի հակամարտութեան ոչ նուազ ազդեցիկ առանցքը նոյն պատմութեան մէջ, — այդ մարդիկ կարծում են, թէ մարդկութիւնը բաղկացած է լոկ դասակարգերից եւ այդ դասակարգերի ու մի քանի թագաւորողների շահերի պաշտպանութեան համար ստեղծուած պետութիւններից :

Նրանց կարծիքով՝ մարդկութիւնը, բացի այդ երկու բաղադրիչ տարրերից, այլ եւ ոչ մի տարր չունի, չունի ոչ մի ուրիշ արտայայտութեան ձև : Իսկ այդ երկուսն էլ անպայման պիտի չքանան, երբ միանգամ կը վերանայ մարդը մարդուն կեղեքելու սկզբունքը : Իրականացաւ սոցիալիզմը, չկայ այլեւս կեղեքման ըմբոսումը, չկան դասակարգեր, ուրեմն, կը մնայ մի եւ միակ մարդկութիւն, կազմուած միապաղաղ աշխատող անհատներից : Դա բնական հետեւանք է տնտեսական մատերիալիզմի նեղ միակողմանիութեան :

Սակայն մենք գիտենք, որ մարդկութիւնն ունի տնտեսական եւ քաղաքական շերտաւորումներ . կան պետութիւններ ու դասակարգեր . Բայց կան եւ ազգեր, որոնք արտայայտիչ չեն տնտեսական միտումների, որոնք ամփոփում են մի խումբ մարդկանց զարեքով կուտակուած Ֆիզիքական, մարմնակազմական եւ դադափարային

ժառանգականութեան արդիւնքները, մարդկանց բոլոր անհատների, դասերի ու դասակարգերի նմանաբանական տարրերը: Երբ վերանում է կեղեքումը մի դասակարգի ձեռքով կատարուող, բնականօրէն կը վերանան նաեւ այդ երկու կեղեքող եւ կեղեքուող խմբերի տարբերութիւնները նիւթական բոլոր հարցերում. կեղեքում է մի անհատ միւսին, մի դասակարգ միւսին, թէ մի ազգ միւսին, այդ միեւնոյնն է: Բայց խմբակցութիւնների գոյութեան իրաւունքը լոկ նիւթական շահերի մակարդակը չէ, այլ կան եւ այլ տեսակի — բարոյական ու մտաւոր կամ իդէոլոգիական շահեր, այն ժամանակ կեղեքման սկզբունքի վերացուելը երբեք չէ կարող առաջ բերել այդ վերջին տեսակի հիմքերի վրայ ամբողջաժ մարդկային բաժանումների ոչնչացում:

Վերջապէս ո՞վ է ասում, որ կեղեքումն աշխարհիս վրայ կատարւում է միայն մի ձեւով — դասակարգային արտայայտութիւնով: Ամենեւին ոչ. միայն մի դասակարգ չէ, որ կեղեքում է մի այլ դասակարգի: Բացի դրանից կայ եւ մի այլ տեսակի, կարելի է ասել՝ աւելի վատթար կեղեքում, քան մի դասակարգի կեղեքելը միւսին: Կայ ազգային կեղեքում, — երբ մի ազգ՝ — տիրողը — կեղեքում է մի ուրիշ ազգի, — տիրուածին: Որքան դարեր դերմաններն Աւստրիայում կեղեքել են չեխերին եւ ուրիշ սլաւոնական ցեղերին. մալարները կեղեքել են սերբերին, խարւատներն

րին ու միւս մանր սլաւոնական եւ այլ ցեղերին·
իսկ դերման ու մաջար միասին ինչպիսի անսիրտ
կեղեքման են ենթարկել հրէաներին, — մարդ-
կութեան այդ պարիաներին: Իսպանիայում դա-
ւեր շարունակ նախ մաւրները կեղեքում էին իս-
պանական ժողովուրդներին ու հրէաներին, իսկ
յետոյ արդէն իսպանացիներն սկսեցին կեղեքել
թէ մաւրներին եւ թէ նոյն հրէաներին: Եւ պիտի
նկատել, որ վերջիններիս կեղեքումը ու հալա-
ծանքը շա՛տ աւելի խիստ ու բարբարոս էր, քան
արաբներինը. ո՞ւմ ծանօթ չեն ինկիլզացիան (հա-
ւատաքննութիւնը) ու նիզուիտները, մարդկային
հրէշաւոր տանջանքի այդ սոսկալի արտայայտու-
թիւնները: Մինչեւ օրս մենք տեսնում ենք թէ
Ռուսիայում եւ թէ Աւստրիայում լեհերին կեղեք-
ւած իբր ազգային ամբողջութիւն ուսնների եւ
դերմանների ձեռքով. այն ինչ միաժամանակ
մենք նկատում ենք, որ լեհերն էլ, իրենց կարգին
կեղեքում են իրենց երկրում բնակութիւն հաստա-
տած բազմաթիւ հրէաներին: Այդպիսի օրինակ-
ներ բազմաթիւ են եղել թէ պատմութեան ընթաց-
քում եւ թէ այսօր, մեր աչքի առջեւ:

Սակայն ո՞վ է այդտեղ կեղեքողը. մի ազգի
ամբողջութիւնն է կեղեքում միւս ազգի ամբող-
ջութեանը: Երբեք: Տիրողը, կեղեքիչը հանդի-
սանում է միշտ տիրող ազգի, ուժեղ ժողովրդի
մէջ մի շերտ — բուրժուազիան, ազնուականու-
թիւնն ու քիւրոկրատիան: Այդ հասարակական

խաւերը, կեղեքելով, ըստ ընդունուած կարգերի, իրենց ազգի ներսում գտնուող բանուոր, զիւզացի եւ այլ աշխատաւոր տարրերին, միաժամանակ կեղեքում են նաեւ հպատակ, տիրուած ազգերի ամբողջութիւնը, — թէ բուրժուազիային, թէ հողատէրերին եւ թէ, մանաւանդ, աշխատաւորութեանը: Այդ կեղեքումը կատարւում է այս կամ այն արտօնեալ վիճակով, այս կամ այն առաւելեալ գրութիւնով կամ պրիվելեգիայով:

Վերցնենք մի քանի օրինակներ:

Երկա՛ր տարիներ է Աւստրիայում Գերմաններին եւ չեխերին մէջ ազգային կատաղի կռիւ է: Երկու կողմից էլ պարմանքի արժանի եռանդով մարդիկ կուում են, օրինակ, այն բանի համար, թէ մի սափրիչի խանութի ցուցանակը պիտի դրուի չեխերէ՞ն թէ գերմաներէն. կամ բանակում զինուորաց անունը կարգալիս, չեխ զինուորը պիտի «hier» («այստեղ» գերմաներէն) պատասխանէ, թէ՞ պիտի «zde» ասէ («այստեղ» չեխերէն): Թւում է, թէ այնպիսի անմեղ բաներ են այս բոլորը, որ ջանալ նրանց տալ տնտեսական բացատրութիւն — անկարելի է: Բայց ոչ. Մարքսիստներն այս ազգային շահերի ընդհարման մէջ էլ տեսնում են Մարքսի ասած «Das in's ideelle eingesetzte Materielle» — «իդէականի մէջ նստած նիւթականը»: Նրանք ազգային եւ կուլտուրական այդ կռիւը բացատրում են գերմանական եւ չեխական երկու բուրժուական բանակների շահերի

մրցումով: Որքան շատ չեխերէն խօսող լինի, ա-
սում են նրանք, այնքան աւելի մեծ կը լինի չեխ
բուրժուազիայի յաճախորդների թիւը եւ ընդհա-
կառակը: Ազգութիւններէ կռիւր գերմաններէ ու
չեխերէ միջեւ ոչ այլ ինչ է, եթէ ոչ շուկան ընդ-
լայնելու կռիւ երկու կողմից էլ: Այսպիսով, հա-
մաձայն հին մարքսիստական տեսակէտի, ազգա-
յին տարրն ամէն տեղ եւ ամէն ժամանակ հալւում
է մատերիալիստական կամ տնտեսական տարրի
մէջ, չտալով ոչ մի անվերլուծելի, ոչ մի անմար-
սելի բան:

Այդպէ՞ս է արդեօք իրականութեան մէջ: Ոչ,
պատասխանում է ժիտլովսկին: (*)

Մի բոլորէ ենթադրենք, որ երկու ազգութիւն-
ներ չկան. չեն կուում գերման եւ չեխ ազգերը,
այլ դրանք մի ազգ են եւ նրանց ներսում մրցում
են իրար հետ երկու խումբ բուրժուաներ: Դա,
անշուշտ, կը լինէր դասակարգային կռիւ բուր-
ժուազիայի ներսում: Սակայն քաղաքատնտեսու-
թեան մէջ բացարձակ ճշմարտութիւն է, որ ներ-
դասակարգային կռիւն ընդունում է հասարակ
մրցման բնոյթ, անհատական արտայայտութիւն:
Ամէն մի արտադրող, իր տանը նստած, մտածում
է միայն մի բան. ինչպէ՞ս լայնացնէ եւ աւելի շա-
հաւէտ դարձնէ իր սեփական գործը: Տնտեսական

(*) «Սերպի» երկրորդ ժողովածուն — «տնտեսական
մասերիալիզմը եւ ազգային կարգը» — յօդ. եր. 65.

կեանքի մէջ ամենեւին գոյութիւն չունի «կանգ-
նած վիճակ»․ կապիտալը կամ աճում, զարգա-
նում է, կամ նուազում, քայքայւում․ եթէ նրա
բացարձակ չափը տասնեակ տարիներ նոյնն է
մնում, դա նշանակում է, որ նա յետադիմում է,
որովհետեւ չորս կողմում միւսներն աճում են ու
ընդարձակում իրենց գործերը․ իսկ աւելի խոշոր
ձեռնարկութիւնն անպայման աւելի արդիւնք է
տալիս եւ կարող է մանրին այսօր կամ վաղը կը-
լանել, յաղթահարել մրցման մէջ։ Ուրեմն՝ նոյն
գրամադրուիսը համեմատաբար մանրանալով, ա-
ւելի երկիւղի մէջ է, կլանուելու, չքանալու, կո-
տրը ընկնելու երկիւղի մէջ։ Այդ երկիւղը հրա-
մայօրէն ստիպում է բոլոր կապիտալիստներին
մտածել մեծացնելու մասին իրենց կապիտալնե-
րը, իրենց ձեռնարկութիւնները։ Եւ որովհետեւ
ներկայ կապիտալիստական կարգերում ոչ ոք չէ
կարող որոշել շուկայի պահանջին չափն, այդ
պատճառով ամէն մի արտադրող աշխատում է
արտադրել որքան կարելի է շատ, լարել իր ուժե-
րը՝ ստեղծելու համար բարիքներ ու արժէքներ
հասարակութեան համար, — ապրանք, ծախելու
նպատակով։ Ամէն մի արտադրող, չը գիտենալով
ոչ համաշխարհային շուկայի պահանջը, ոչ էլ
այն՝ թէ որքան են արտադրում ուրիշները, ջանք
է գործ դնում մեծացնելու իր արտադրութիւնը։
Սա է որ կոչւում է արտադրական անիշխանու-
թիւն, որը ծնունդ է տալիս գերարտադրութեան

(surproduction) եւ կրիզիսները կամ ճգնաժամները :

Տնտեսական կեանքի կապիտալիստական կազմի այս անխուսափելի դիժը դարձնում է բուրժուա դասակարգի ամէն մի անդամին մահացու հակառակորդ միւս բոլորին՝ ի հարկէ լոկ արտադրութեան, վաճառման, զուտ արդիւնք ստանալու գործում : Իսկ երբ հարցը վերաբերում է քաղաքական ու հասարակական պահանջներին, անպայման նրանք միասին են շարժւում, միասին են գործում ամէն տեղ, իբր միատեսակ շահերի տէր անհատների հաւաքածու կամ իբր մի դասակարգ, ընդդէմ միւս բոլոր հակադիր շահերունցող դասակարգերի, դասերի, խմբակցութիւնների եւ անհատների :

Բուրժուազիայի դասակարգային այդ բնոյթը պարզելուց յետոյ, անցնենք մեր ենթադրութեանը : Ասենք թէ չեխ եւ գերման չկայ, եւ մըրցում են միեւնոյն ազգի բուրժուաները : Ի հարկէ կայ ներկայում կատարի մըրցում կապիտալիստական զանազան խմբակցութիւնների միջեւ՝ — նոյն դասակարգի ներսում խոչոր կապիտալիստները մըրցում են միջակները ու մանրերը դէմ, միջակները խոչորները ու մանրերը, իսկ վերջիններս էլ միջակները ու խոչորները դէմ : Սակայն ենթադրենք, որ բոլորն էլ խոչոր կապիտալիստներ են եւ մըրցում են իրար դէմ : Այստեղ արդէն դառնում է զուտ ներդասակարգային մըրցում, որ

անպայման ստանում է զուտ անհատական բնույթ : Այդ մրցումը երբեք, ոչ մի դեպքում չէ կարող վերածուել զատակարգային նոյն խնդրանքի դասային մրցման . նա չէ կարող խոչոր բուրժուազիային, օրինակ՝ խոչոր ֆաբրիկաներին, բաժնեկերկու դասի կամ ստեղծել նրանցում երկու ազգային խմբեր : Դասակարգի ներսում, ասում է Ժիտլովսկին, նրանք կարող են կատաղօրէն իրար օձիքից կպչել եւ իրար բերնից պատառ խլել, բայց այդպիսի կոխը երբեք չէ կարող դուրս գալ տրնտեսական ձեւերից եւ զուտ տնտեսական միջոցներից : Այդ մրցող բուրժուաներից ոչ մէկը երազել անգամ չէ կարող, որ ինքը մի կերպ իրաւական առաւելութիւն ձեռք բերէ միւսներից կամ իրենց մի մասը կազմակերպուին եւ ձեռք բերեն որոշ իրաւունքներ, որոնցից միւսները զուրկ լինեն, կարող չլինեն նոյնը ձեռք բերելու : Ինչ կասկած, որ այդ խոչոր դործարանատէրերի մի մասը կարող է տրէստ կազմել, զանազան խորամանկութիւններ անել . դաւեր ու ականներ նիւթել հակառակորդների դէմ, սակայն երբեք որեւէ իրաւական առաւելութիւն չէ կարող լինել այս ու այն անհատի կամ խմբակցութեան համար . նրանք բոլորն էլ հաւասար են օրէնքի առջեւ :

Բայց այժմ ենթադրենք, թէ մեր վերացրած ազգային տարրը նորից ներս է մտնում : Ի՞նչ կը լինի այն ժամանակ : Չեիս խոչոր բուրժուազիան կը կազմակերպուի առանձնապէս, գերմանական

էլ իր համար, եւ այդ երկու ազգային խմբակ-
ցութիւնները կը ջանան անսպասան իրենց կողմը
գրաւել իրենց ազգութեան բոլոր անհատներին,
ձեռք բերել այս կամ այն բացառիկ, արտօնեալ
գրութիւնն իրենց ազգի համար եւայլն: Օրինակ՝
մի Տիմոշկին Պետական Դումայում կ'առաջարկէ
սահմանափակել Կովկասեան ասելի ազգերի իրա-
ւունքը հողեր զնելու, գործարաններ բանալու,
նաւթահողերը պետութիւնից կապալով վերցնե-
լու... և այդ բոլորը տալ «խկական ռուսներին»,
որովհետեւ նրանք են իրենց արիւնով ներկել
Կովկասի լեռներն ու դաշտերը, որովհետեւ նը-
րանք են միակ իսկական հայրենասէրները, հայ-
րենիքի համար զոհուողները: — Ակներեւ է որ
այստեղ, տնտեսական խնդիրները վրայ աւելցաւ
մի նոր տարր, — ազգայինը, որը գալիս է խըս-
տացնելու եւ մի քիչ տարբեր դոյն տալու տեղի
ունեցող տնտեսական կռուին: Ի հարկէ կարելի
է պնդել, որ այստեղ ազգայինը լոկ դիմակ է,
քողարկելու համար զուտ տնտեսականը կամ դա-
սակարգայինը: Ինչ կասկած, որ այս կամ այն
անհատների կողմից կարող է նա ծառայել իբր
բացարձակ դիմակ, իսկ ուրիշների կողմից նա
դիմակ չէ, այլ ամենասակեղծ ու մաքուր համո-
զում, — ազգային զգացմունքի արտայայտու-
թիւն, որը այս գէպքում խիստ համապատաս-
խան է մրցողների զուտ տնտեսական շահերի:

Այժմ վերցնենք մի այլ գէպք, երբ տնտեսա-

կան շահերն ու ազգայինը, նախընթացի նման, չեն համապատասխանում, այլ կամ հակասում են կամ, լուազոյն դէպքում, անտարբեր են մրցողներին համար:

Ասենք թէ մի ազգութեան մանր բուրժուազիան մրցում է միւս ազգութեան խոշոր բուրժուազիայի դէմ, կամ մի ազգի գիւղացիութիւնը մրցում է միւս ազգի «շլեախտայի», բարոնների, աղնուականութեան կամ խոշոր կալուածատէրերի դէմ: Մրցող մանր բուրժուազիան կամ գիւղացիութիւնը խոտնում են իրար տնտեսական եւ ազգային շահերը. նրանք պահանջում են, օրինակ՝ գերման բարոնութեան վերացում, լեհական շլեախտայի ոչնչացում եւ այլն: Նրանց պահանջներին մէջ չեղաւում է ազգային տարրը, բայց ամէն մի մարքսիստ ձեզ կ'ասէ որ այդ ազգային տարրը դիմակ է, ծածկելու համար մանր բուրժուազիայի դասակարգային շահերը. ի՞նչ չեիս, ի՞նչ լեհ, կամ գերման. այստեղ մրցում են լուի մանր ու խոշոր բուրժուաներ, — զուտ դասակարգային մի երեւոյթ, որը նետել է իր ուսերին ազգային իդէալական թիկնոցը. — «Das in's ideelle eingeseetzte Materielle», կրկին Մարքսի խօսքերը — ի՞նչ գէականի մէջ նստած նիւթականն է դա:

Այժմ աւելի խորը թափանցենք այդ շարժման մէջ, չմնանք մակերեւոյթի վրայ, ինչպէս մարքսիստներն են անում, ի հարկէ իրենց դաւանած վարդապետութեան միակողմանի եւ հեշտ բնոյթի համեմատ:

Ի՞նչ է ուզում ճնշուած ազգերի մանր բուր-
ժուազիւան կամ ասենք, զիւղացիութիւնը: Մե՞թէ
նա պահանջում է այնպիսի օրէնքներ, որոնք այ-
լեւս բացարձակ անհնար դարձնէին խոշոր բուր-
ժուազիւայի կամ հողատիրութեան երեւան դալը:
Ո՛չ: Եթէ այդպէս լինէր, դա կը լինէր զուտ դա-
սակարդային տնտեսական պահանջ, թէ եւ բա-
ցարձակ անմիտ, որովհետեւ քանի կայ կապիտա-
լիստական կամ ներկայի մասնաւոր սեփականա-
տիրական հասարակակազմը, այդպիսի պահանջ-
ները կը մնան միշտ անիրագործելի, մեռած տառ,
— մեռած ու մեռնելու դատապարտուած դասա-
կարգերի անմիտ ու անիրականանալի պահանջ-
ներ: Բայց այդ չէ ասում կեղեքուած հասարա-
կութեան, լծի տակ եղող ազգի մանր բուրժուազ-
իւան ու զիւղացիութիւնը: Նրանք չեն պահանջ-
ում առհասարակ հողատիրութեան ու խոշոր կա-
պիտալիզմի վերացում, այլ միայն վերացում,
օրինակ, դերման խոշոր կապիտալիստների ու
բարոնների, եւ նրանց փոխարինումն, օրինակ՝
չեիւ խոշոր կապիտալիստներով ու հողատէրերով:
Աշկարայ է, որ այստեղ ազգային տարր կայ. մի
ազգային միութիւն ձգտում է իր կողմը զրա-
ւել այս կամ այն տնտեսական շահերը: Ազգային
սկզբունքն է, որ մրցման է դուրս եկել տնտեսա-
կան հողի վրայ: Այդ կռուի միջից հանեցէք բոլոր
տնտեսական շահերը, անպայման տակին կը մնայ
մի անվերլուծելի տարր մարքսիստների համար
— ազգային տարրը:

Բերենք մի երրորդ օրինակ: Մարտչյուսն իտալացի բանուորները մրցում են տեղական զբաղմունքի ֆրանսիացի բանուորների դեմ. կամ ժընեուսն նույն իտալացի բանուորութիւնը մրցում է զուլիցերացի բանուորների դեմ. իսկ Միացեալ-Նահանգներում հայ բանուորները մրցում են տեղացի բանուորների դեմ: Մենք չենք առաջ բերում չինացիների մրցումը եանկիների դեմ, կամ ֆելլաիների մրցումն իտալացիների եւ յոյների դեմ, որովհետեւ այստեղ օրավարձի չափերի տարբերութիւնը, կուլտուրական խոչոր տարբերութիւնից առաջացած, կարող են չփոթել տընտեսական պատմաշխարհայեաց ունեցողներին: Մենք վերցնում ենք իրար քիչ ու շատ հաւասար կուլտուրայի գաւակները, ինչպէս իտալացի եւ ֆրանսիացի բանուորների: Յաճախ, շատ յաճախ ֆրանսիացի եւ զուլիցերացի բանուորութիւնը բողոքում է եկեղոր իտալական բանուորութեան դեմ, որ իրենց ձեռից խլում է զործը, ուրեմն մի կտոր հացը: Վերլուծենք այդ երեւոյթը: — Թէ ֆրանսիայում եւ թէ Զուլիցերիայում կայ բանուորների մի անագին պահեստի բանակ. անգործ, գործազուրկ բանուորներ: Ոչ մի ֆրանսիացի բանուորի մտքովն անդամ չէ անցնում դնալ բողոքել, թէ ինչո՞ւ այդ բանուորական պահեստի բանակի անդամները խլում են իրենց, գործի կանգնած բանուորների աշխատանքները: Դա մի բնական երեւոյթ է, որ տեղի ունի բոլոր ազգութիւնների

ներսում, բոլոր երկրները պրոլետարները մէջ : Ազգային մի մակարդակի վրայ կանգնած ազգային միութիւններն իրար դէմ մրցում են, բայց այդ մրցման մէջ միայն մի տարր գոյութիւն ունի, — դուռ տնտեսական տարրը :

Իսկ երբ Փրանսիացի կամ գուեցերացի բանւորութիւնն ըմբոստանում է ընդդէմ իտալացի բանւորների, այստեղ արդէն բացի դուռ տնտեսականը, ներս է սողոսկում եւ ազգային տարրը :

Ոչ, տնտեսական ազգակի մէջ երբեք չէ հաւում ազգային տարրը. նա անվերլուծելի է, որովհետեւ արտայայտութիւն է մարդկային գոյութեան տարրեր ձեւերի : Մարդկութիւնը բազմապիսի է երկու կարգ վանդակներից — ըստ երկարութեան, որ կազմում ազգերը, եւ ըստ լայնութեան, որ կազմում են դասակարգերը : Տնտեսական շահերն արտայայտութիւն են ըստ լայնութեան ընկած վանդակների կամ դասակարգերի, իսկ ազգային շահերն արդիւնք են ըստ երկարութեան տարածուող վանդակների :

Տիրող ազգութիւնների կեղեքող դասակարգերը շահագործում են ե՛ւ իրենց ազգի աշխատւորութիւնը, ե՛ւ հպատակ ազգերն ամբողջապէս : Ի հարկէ հպատակ ազգերից այս մէկը կարող է աւելի ենթակայ լինել կեղեքման, քան այն միւսը կամ միեւնոյն ազգի ներսում այս ինչ դասակարգը կարող է շատ աւելի կեղեքուած լինել, քան այն ինչ դասակարգը :

Ինքնակալական ու բռնապետական բեժիմների օրով տիրող ազգի կեղեքումն առնում է աւելի բարբարոս եւ շատ աւելի լիտի կերպարանք տիրուած ազգերի վերաբերմամբ, քան, օրինակ, սահմանադրական երկրներում: Այս վերջիններում էլ այդ շահագործութիւնը յաճախ կախուած է լինում այն բանից, թէ ինչ սգով են կազմուած պետական հիմնական օրէնքները կամ ինչ աստիճանի կուլտուրական բարձրութիւն ունեն երկրի բոլոր ժողովրդները եւայլն:

Այժմ մեզ մնում է քննել մի հարց եւս: Ի՞նչ դիրք պիտի բռնէ աշխատաւորութիւնն այս տնտեսական ու ազգային շահերի ալեկոծ ծովում, կամ ի՞նչ են բարժուական եւ աշխատաւորական մարտնչական (ազգայնութիւն) ու ինտերմարտնչական (միջազգայնութիւն): Թողնելով աշխատաւորութեան տնտեսական շահերի խնդիրը մի այլ աշխատութեան մէջ վերլուծելու, մենք կը քննենք աշխատաւորութեան յարաբերութիւնը զէպի ազգային հարցը: Նախընթաց երեսներում յաճախ մենք յայտնել ենք մեր տեսակէտն այդ առիթով, բայց դա եղել է կցկտուր, չամբողջապաճ ձեւով:

Գ Լ ՈՒ Խ Զ.

Աշխատատրական եւ բուրժուական տեսակետները
միջազգայնութեան եւ ազգայնութեանց վրայ:

Երբ մենք քննում ենք երկու կամ աւելի ազգերի յարաբերութիւնները, այնպիսի ազգերի, որոնց մէջ կան տիրուող եւ տիրող ազգեր, — մի խումբ մարդկանց՝ ենթակայ մի այլ խմբի, չըպէտք է մոռանանք, որ բացի այդ ազգային դանազանաւորումը, այդ ժողովրդների ներսում իսկ գոյութիւն ունի մի այլ շերտաւորում եւս, — դասակարգերը: Տիրող, կեղեքող ազգի մէջ եւս ինչպէս եւ կեղեքուողների կամ ենթակայ ազգերի մէջ, գոյութիւն ունեն դասակարգեր — կեղեքողներ եւ կեղեքուողներ: Ազգութիւնների հալածման գործում այդ դասակարգերից ո՞րն է, որ օգտւում է ամենից աւելի եւ ո՞րն է, որ վնասո՞ւմ է ամենից առաւել: Պատում են բուրժուազին, հողատէրերը, հողեւորականները եւ պաշտօնէութիւնն իրենց հետ ունենալով մտաւորականութեան սողուն մասը կամ, ինչպէս պրոֆեսոր Զոմբարտն է նրանց անուանում, — բուրժուականմաները (բուրժուազոիդները):

Տուժում են ամենից առաւել պրոլետարիատն
ու աշխատաւոր դիւղացիութիւնը թէ տիրող եւ
թէ տիրուած, հալածուած ազգերի մէջ:

Տիրող, կեղեքող ազգի բուրժուազիան —
մանաւանդ խոշոր կապիտալիստներն, անսպասան
օգուտ ունեն ազգային առաւելեալ դրութիւնը,
ազգային քէնն ու հալածանքը պահպանելուց: Դը-
րանով բուրժուազիան ձեռք է բերում որոշ ար-
տօնութիւններ թէ գործարաններ բանալու, թէ
մենաշնորհներ ու առաւելեալ այլ տեսակի պայ-
մաններ իր համար ստեղծելու տեսակէտից: Վեր-
ջապէս՝ իր սեփական ազգի պետական իշխանու-
թեան տակ որքան աւելի երկրներ ու ազգեր զըտ-
նուեն, այնքան աւելի նրա շուկան լայն կը լինի:
Նա պիտի պահանջէ, որ բոլոր հպատակ ազգերը
խօսեն տիրող ազգի, իր սեփական ազգի լեզուով.
Նա պէտք է կողմնակից լինի դպրոցներէ ու դը-
րականութեան հալածման փոքր, հպատակ ազգե-
րի վերաբերմամբ. կարճ՝ նա պիտի լինի կողմնա-
կից կլանելու, ասսիմիլիցիայի, կ'ուզէ կուտու-
րական ճանապարհով, կ'ուզէ դա լինի «հրով ու
սրով»: Նրա կապիտալիստական շահն այդ է պա-
հանջում:

Ազնուականութիւնը, պաշտօնէութեան եւ
մտաւորականութեան մի մասը նոյնպէս ձգտում
են իրենց ազգի պետութեան կենտրոնացած ամ-
բողջութիւնը պահպանելու, թոյլ չտալու ոչ մի
օրէնսդրական եւ նոյնիսկ վարչական լայն ապա-

կենտրոնացում: Նրանք էլ կլանման, ազգային
հարածանքի, մի հօտ եւ մի հովիւ դարձնելու ե-
ռանդուն կողմնակիցներ են, որովհետեւ նրանց
չաճն այլ է պահանջում: Նրանք ստանում են
չազ-չազ պաշտօններ, նրանք տեղաւորում են ի-
րենց մօտաւոր ու հեռաւոր ազգականներին ու
բարեկամներին: Նրանց մէջ յաճախ, չա՛տ յաճախ
լինում են ախպրութիւնները, որոնք իրենց մայրենի
նահանգներում անկարող լինելով մրցման դիմա-
նալ իբր անընդունակ, բթամիտ, դուրջ եւ իբր
անբարոյական անհատներ, գալիս են տիրուած
նահանգների, տիրուած հպատակ ազգերի մէջ
բախտ որոնելու: Եւ դոնում են այդ բախտը. դա
շովիհիզմն է, բուրժուական ու բիւրօկրատիական
նացիոնալիզմը: Նրանցից բարձրները հանդիսա-
նում են որոշ օտարակեր քաղաքականութեան մը-
դիչ ու զեկազար, իսկ հսկայական մեծամասնու-
թիւնը — լոկ դորժիքներ, բարձրերի ցանկութիւ-
նը լաւ ըմբռնած հաւատարիմ ծառաներ, որոնք
ուզում են՝ բարձրերի կամքը կատարել, որ առաջ
դնան պաշտօնի մէջ, նիւթապէս բարդաւաճին:
Մի պրիստաւ կամ նահիէ միւտիւրի, մի ողորմե-
լի անընդունակ մարդ, յանկարծ տեսնում ես, ա-
ռաջ դնաց. եղաւ գաւառապետ, միւքասերիֆ,
նահանգապետ, վալի... ինչո՞ւ. որովհետեւ հը-
պատակ ազգերի «ազգային յեղափոխական» շար-
ժումները լաւ է զսպել, նոյնիսկ յաճախ չեղած
տեղից ստեղծել է հրէական, լեհական, հայկա-

կան, բողոքական, ալբանական կամ վրացական «ապոստամբութիւն», գաղտնի ժողով, կոմիտէ, որպէսզի հաճելի երեւայ վերելում նստածներին, որպէսզի առաջ գնայ իր պաշտօնում: Նա գլխից որ աղնիւ ճանապարհով չէ կարողանալու բարձրանալ, որովհետեւ անընդունակ է. եթէ ընդունակ լինէր, մայրենի նահանգներէջ չէր դուրս գալ գործ սրտնելու ծայրագուտներում: Մնում է նրա համար մի կարճ ուղի. ստել, զրպարտել, հալածել, ձգտիլ կեանքի մէջ, նոյնիսկ չեղած տեղում, դտնել աշն, ինչ որ հաճելի է վերիններին: Այդպիսի պաշտօնէութեան ամբողջ լեզուներ կային Գոլիցինեան րէժիմի օրով կողկասում եւ առհասարակ Ռուսիայում Պլեյէյեան րէժիմի ժամանակ, իսկ Թիւրքիայում Համիտի օրով ու այսօր էլ... Նրանց թիւն այսօր էլ նուազ չէ Ռուսիայի եւ գեռ Թիւրքիայի բոլոր անկիւններում:

Ապակենտրոնացումը, տիրուած ազգերի ինքնավար վարչական սխտեմը նրանց համար ձեռնտու չէ, որովհետեւ ոստիկանութիւն, դատարան, պաշտօնէութեան խոշոր մեծամասնութիւնը — բացի մի քանի կարեւոր եւ համապետական նշանակութիւն ունեցող պաշտօններէջ, — կախուած կը լինի տեղական ժողովրդների ընտրութիւնից՝ թէ տեղական լաշն ինքնավարութեան եւ թէ մանաւանդ, աւտոնոմիայի ու ֆեդերացիայի ժամանակ: Տեղական ինքնավարութեան մէջ անդամ

պաշտօնէութեան որոշ մասն ընտրովի է եւ ոչ նը-
շանակովի: Եւ որքան լայն ու արժատական լինի
տեղական ինքնավարութիւնը, որքան նա մօտե-
նայ անդլիական self - government-ին, այնքան
աւելի պաշտօնէութիւնն ընտրովի կը լինի: Իսկ
ուր կայ ընտրական սկզբունք, այնտեղ բնակա-
նօրէն, ընտրում են, փոքրից սկսած մինչեւ ամե-
նաբարձր պաշտօններէ համար, տեղացիներ —
այնպիսի մարդիկ, որոնք ամենից աւելի լաւ գի-
տեն, ծանօթ են տեղական բոլոր դործերին ու
դործիչներին: Վարչական այդ ապակենտրոնա-
կան լայն սիստեմը վնաս է պաշտօնէութեանը
(բիւրակրատ) ու ազնուականութեանը, եւ նրանք
դէմ են թէ այդ սիստեմին եւ թէ ամենից աւելի
եռանդով այդ սիստեմը պահանջող տիրուած ազ-
գութիւններին: Չէ՞ որ վարչական եւ օրէնսդրա-
կան ապակենտրոնացում պահանջողներէ զլիսաւոր
հիմքերից մէկն էլ ազգերի բազմազանութիւնն
է: (*)

(*) Եթէ մենք ասում ենք, որ վարչական եւ օրէնսդր-
ական ապակենտրոնացման զլիսաւոր հիմքերից մէկն էլ ազ-
գերի բազմազանութիւնն է, ի հարկէ դա չէ նշանակում, որ
ուրիշ հիմքեր չկան. մանաւանդ դա չէ նշանակում, որ եթէ
մի ընդարձակ պետութեան մէջ ապրի լոկ մի ազգ, այդ
պետութեան վարչութեան եւ օրէնսդրութեան մէջ քաղա-
ւորելու է անշուշտ *ցենտրալիզմ*: Միեւնոյն ազգի այս ու
այն գաւառում ու նահանգում ապրող մասերի շահերը — քէ
նիւթական, քէ մտաւոր, բարոյական ու գեղասիրական, —
պահանջում են կրկին ապակենտրոնացում:

Բուրժուազիայի, ազնուականութեան, պաշտօնէութեան եւ մտաւորականութեան շահերի պահանջած այդ ազգային հալածանքի արդիւնքները լինում են հալածուողների մէջ դիմադրութիւն, գաղտնի կազմակերպութիւններ յեղափոխական, երբեմն նոյնիսկ սեպարատիստական (անջատական) ձգտումներով: Սկսում է հալածանք վերելից, դիմադրութիւն ներքեւից: Տիրւած ազգերի աշխատաւորութիւնը որ ամէնից աւելի զաժանօրէն է զգում տիրողների մբռակի հարուածները, յաճախ ստիպուած է լինում միանալու իր սոցիալական հակառակորդների — իր ազգի բուրժուազիայի հետ, մի բոպէ մտանալով իր դասակարգային աշխատաւորական ձգտումները, որպէսզի կռիւ մղէ տիրողների շովինիստական, կլանող, հալածող քաղաքականութեան դէմ: Տուժում է հալածուող ազգի աշխատաւորութիւնը. նա տուժում է կրկնական, — թէ իբր կեղեքուող — զուտ աշխատաւորութիւն եւ թէ իբր հալածուող ազգի անդամ:

Եւ այս վերջին կեղեքումն ու հալածանքը նա երբեմն աւելի ցաւազարօրէն է զգում, քան ամբողջ քաղաքակիրթ աշխարհում այսօր ընդհանուր դարձած բուրժուական կեղեքումը: Նա իրան զգում է կրկնակի բեռի տակ եւ աւելի է ատում այն բեռը, որ իր նման միւս աշխատաւորները չունեն, այլ ունի ինքը եւ իր նման մի քանի ուրիշ զժրախտ ազգերի աշխատաւորներ:

Տիրող ազգն սկսում է հալածանքը, տիրուածները զիմազրում են: Լինում են զոհեր. բանտերը լցւում են, աքսորավայրերը հեծում այդ «այլազգիները» ոտերի տակ. կախազանները ջցւում են, դնդակահարումները յաճախանում... Երկու կողմից տրուող զոհերն աւելի եւս կատաղյընում են կռուող կողմերին: Ներս է մտնում արուած զոհերի վրէժը լուծելու կատաղի ծարաւը: Երկու կողմերի մէջ անդունդն օր օրի վրայ աւելի եւ աւելի լայնանում է:

Իսկ ո՞վ է կռիւ մղում հալածուող ազգերի դէմ: Մենք տեսանք, որ հալածուողները կողմից կռւում են համարեա՛ր բոլոր դատակարգերը, ամբողջ ազգը, թէեւ կռուի բոլոր Փիղիքական ծանրութիւնը համարեա՛ր ամբողջապէս ընկնում է կրկին տիրուած ազգի աշխատաւոր մեծամասնութեան վրայ, թէ՛ իրը իր կաշու վրայ ազգային հալածանքի մտրակն աւելի յաւալիօրէն զգացողի եւ թէ՛ իրը աւելի կռուող, Փիղիքական ոյժի, գուցէ նաեւ իրը շատ աւելի կանոնաւոր սեփական կազմակերպութիւն ունեցողի: Խոշոր բուրժուազիան կամ ամենեւին չէ խտնուում կամ նպաստում է այդ կռուին դրամով եւ երբեմն էլ բարոյական խրախուսանքով: Քիչ է պատահում, որ նա հանդիսանայ իբր Փիղիքական-մարտական ոյժ: Իսկ մանր բուրժուազիան, որ զգում է ազգային հալածանքի եւ նիւթական, ե՛ւ բարոյական դառնութիւնը, հանդիսանում է անպայման, իբր սրբ-

տանց մասնակից ու ներշնչող այդ կռուի :

Տիրող ազգերի կողմից ներշնչողներ հանդիսանում են վերելում յիշուած կեղեքող խաւերը — բուրժուազիան, ազնուականութիւնը, պաշտօնէութեան եւ մտաւորականութեան մի մասը : Իսկ ո՞վ է տանում իր ուսերի վրայ կռուի հսկայական բեռը, մանաւանդ երբ յարաբերութիւնները սրւում, յաճախ բացարձակ ապստամբութեան ձևեր են առնում : Ի՞նչ կասկած, որ այդ տնաւեր ներքին կռուի ամբողջ զառնութիւնն ընկնում է տիրող ազգի աշխատաւորութեան վրայ : Նա է որ լցնում է հպատակ ազգերի ապստամբութիւնները զսպող բանակների շարքերը . նա է, որ տալիս է հպատակ ազգի հողին հանող ոստիկանութեան հասարակ անդամներին ահարեկիչների, դաշոյնի ու գնդակի համար նիւթ ծառայող թշուառ ստորին պաշտօնեաներին, որոնք ամենեւին չըմբռնելով կատարուող գէպերի ներքին իմաստն, ըստիպուած են գնալ առաջ, գնդակի ու դաշոյնի, ռումբի ու սրի բերան, որովհետեւ զինուոր են, ոստիկանական ստորին ծառայող, պարտաւոր են հնազանդուել . . .

Այսպիսով՝ տիրող ազգի աշխատաւորութիւնն էլ կեղեքման կրկնակի բեռի է ենթակայ . նա կեղեքւում է նախ իրր աշխատաւոր՝ իր սեփական ազգային բուրժուազիայից, եւ երկրորդ՝ իրր ձնչման գործիք նոյն բուրժուազիայի շահերը պաշտպանող պետութեան ձեռքում :

Գրութիւնը կատարեալ ողբերգական է, մանաւանդ եթէ աշխատաւորը գիտակից է, ընդունակ է ըմբռնելու կենսական երեւոյթներէ աստաները: Նրան կեղեքում են գործարաններում, նոսնկեղեքում են մայր երկիրը մշակելիս, իսկ միեւնոյն ժամանակ նրան քաշում են պատերազմի արտաքին թշնամու դէմ — որվհետեւ տիրոջ, իրեն կեղեքող դասակարգերի շահն այդ է պահանջում: Վերջապէս նրան քշում են «ներքին թշնամիներէ» դէմ — ճնշուած ազգերի պրովետարիատի դէմ, յաճախ, այո՛, իր սեփական ազգի աշխատաւորութեան ըմբոստացած մասի, իր հետ միասին երէկ գործարանում հաւասարապէս քրտինք թափող ընկերոջ դէմ: Ու նա ստիպուած է գնալ, գնդակահարել, սպանել իր նման աշխատաւորին, իր նման կեղեքողին, իր հօրը, իր եղբորը, գսպել այն շարժումը, որն անպայման իր սեփական օգուտն էլ է պաշտպանում: Ահա ողբերգութիւնը:

Ակներեւ է այդ բոլորից, որ տիրող, կեղեքող դասակարգերի հայրենասիրութիւնը, նրանց նացիոնալիզմը տիրապետող, ճնշող, հալածող է այլազգներին, հպատակներին: Բուրժուական նացիոնալիզմը յարձակողական կամ ակրեսիւ է: Նա չէ ձանաչում ուրիշ աւելի բարձր, կամ գոնէ իրեն հաւասար մի որեւէ այլ ազգութիւն: «Deutschland uber alles» — «Գերմանիան ամէնից բարձր» ասում է գերման բուրժուան: Այդ նոյնն են ասում ու մտածում բոլոր տիրող ազգերի բուր-

ծուաները. թերեւս նոյնն են մտածում իրենց սրտի խորքում նաեւ տիրուած, հալածուած ազգերի բուրժուաներն էլ, բայց չեն համարձակում արտայայտել...

Բուրժուազիան տիրող ազգի զրկում ե՛ւ կեղեքում է իր ազգի աշխատաւորութեանը, ե՛ւ յանուն հայրենիքի ու ազգի, քշում է այդ աշխատաւորութեանը դէպի ներքին ու արտաքին կռիւ, դէպի սսլանդանոց, ի հարկէ, կրկին իր (բուրժուայի) սեփական շահերը պաշտպանելու համար:

Ուրեմն՝ տիրող ազգի աշխատաւորութեան անմիջական պարտականութիւնն է իր բոլոր ուժով դիմադրել այդ ազգային հալածանքներին, բուրժուազիայի դիմակաւորուած ձգտումներին թէ ներքին եւ թէ արտաքին թշնամիների վերաբերմամբ: Նրա անմիջական պարտականութիւնն է ուժեղ կազմակերպութիւն ստեղծել եւ ամէն անգամ կատաղի հարուած տալ բուրժուազիայի թէ դասակարգային եւ թէ ազգային կեղեքման կրկնակի սկզբունքներին: Դրանով նա փրկած կը լինի իրեն, այսինքն տիրող ազգի աշխատաւորութեանը եւ թէ տիրուած ժողովրդների աշխատաւորութեանը, որովհետեւ վերջ կը դնէ ազգային հալածանքին եւ այդպիսով կ'ազատէ հալածուած ազգի աշխատաւորութեանը սեփական ազգային բուրժուազիայի հետ միասին գործելուց, միասին — իրը մի ազգային օրգանական ամբողջութիւն՝

կազմակերպուելուց : Հալածուած ազգի աշխատա-
ւորութիւնը, ազատուելով ազգային հալածանքի
ու ազգային ինքնապաշտպանութեան մղձաւան-
ջից, կազմակերպուեմ է գուտ դասակարգա-
յին կռուի համար, ուժեղացնում է ամբողջ երկ-
րի աշխատաւորական սոցիալիստական շարժու-
մը, դիւրացնելով տիրող ազգի աշխատաւորու-
թեան — միջազգային աշխատաւորութեան ազա-
տագրման գործը :

Այո՛, աշխատաւորութեան շահը հրամայօրէն
պահանջում է ոչնչացնել ազգային հալածանքը,
ազգային կռիւներն ու ներհակութիւնները : Մի-
այն վերացնել ոչ թէ ջնջելով հակառակորդի ազ-
գութիւնը, ինչպէս այդ պահանջում է բուրժուազ-
իան կամ բուրժուական նացիոնալիզմը, այլ ո-
չնչացնել հալածանքը, վերացնելով հալածանքն
իսկ, ջնջելով ազգային կռիւը եւ տեղը դնելով ազ-
գերի համերաշխութիւն եւ ինքնապարտութիւն :

Այսպիսով՝ բուրժուական նացիոնալիզմին
դէմ է դուրս գալիս աշխատաւորական նացիոնա-
լիզմը, որի սկզբունքն է ազգերի համերաշխու-
թիւն, ազգերի եղբայրական կենակցութիւն, ինք-
նապարտութիւն եւ դաշնակցութիւն : Նա պահան-
ջում է վերացնել ազգային հարցը, տալով ամէն
մի ազգի լայն ազգային ազատ իրաւունքներ . չը
ջանալ կլանել նոյն իսկ ամենաչնչին ազգային
միութիւններն, այլ թողնել նրանց ինքնուրոյ-
նաբար զարգանալու, աշխատելով բոլոր ազգե-

րի ներսում կազմակերպել աշխատանքներին
ընդդէմ կեղեքումի եւ կռուի մղել յանուն սոցիա-
լիզմի :

Աշխատանքական ազգայնութեան եւ միջազ-
գայնութեան հիմնական սկզբունքն է «leben und
beben lassen» — «ապրել եւ թողնել ապրելու»
բոլոր ազգերին իբր ազգ, մտածելով լոկ դասա-
կարգային կռուի մասին :

— Վ Ե Ր Զ —

Գ Ի Ն՝ 5 Լ. Ոսկի

Կեդրոնատեղի

HAMASKAÏNE BOOKSHOP
10, Hussein Beyhoum street
Beirut -- Lebanon

ՀԱՄԱԶԳԱՅԻՆԻ

ՎԱՀԷ ՍԷԹԵԱՆ ՏՊԱՐԱՆ

| | |
|----------|----------|
| Տպաքանակ | 2000 |
| Պատուէր | 416 |
| Պրակ | 17·5 |
| Աւարտում | 6-2-1974 |



ՀԱՄԱԶԳԱՅԻՆԻ ՎԱՀԷ ՍԷԹԵԱՆ ՏՊԱՐԱՆ

Printed in Lebanon

by Hamaskaïne W. Sethian Press

(...) Վերլուծելով «ազգ» հասկացողութիւնը, մենք եկանք այն եզրակացութեան, որ ազգ կոչում է մարդկանց այն մեծ խումբը, որ սերնդից-սերունդ՝ դարեր շարունակ ապրելով միեւնոյն բնական եւ պատմական միջավայրում, իր կուլտուրային վերաբերող բոլոր հարցերը լուծել է իր համար ինքնուրոյնաբար: Դրանով ժամանակի ընթացքում, երկար միասնակեցութեան շնորհով, ստեղծուել է ազգային մէկ ընդհանուր ոգի կամ ներքին, սուբեկտիվ աշխարհ, ազգային ստեղծագործութեան ինքնուրոյն ձեւեր, ազգային յատուկ բնատրութիւն եւ նոյնիսկ ազգային առանձնայատուկ ֆիզիքական եւ հոգեբանական տիպ:

